



2/7







T

IO

37 38

7

44

43

42

41

C

40
NIS HA:
IATICI
PARS. 39

38
Anno 39

37
36



Illustri Domino

JACOBO SKYTTE,

Baroni Duderhovæ, Domino

Stromsruini, &c.

PRINCEPS omnium scriptorum Romanorum, illustris Domine, cujus nomen urbi aeterna, & toti terrarum orbi fatale fuit, quod tot insequuti Imperatores amplexi, & tot populis metuendum, in publicum jam prodit. Qui ea tantum scripto commendavit, quæ gessit, & ea gessit quorum memoria extingui non debebat, & alterius, quam ejus qui gessit, ingenio non poterat conservari. In utroque autem supra ceteros admirandus fuit, dum quantam majestatem gerendis, tantam simplicitatem scribendis rebus suis commodavit. Illa opus cum tot immanes ferocesque gentes debellaret, hac, quia res ipsa pro se satis loquebatur. Nec enim argumento à verbis, sed his ab illo splendorem conciliavit. Quanta tamen puritas,

et quam stupenda simplicitas dictionis ? ut dubites meliusne gesserit sua , quam scripserit , maximus Imperator. Multum autem interesse existimamus scribere , qua ipse patreveris , quam ea mandare memoria posteritatis , qua accepta tantum ex aliorum fama rerum fide destituuntur. Causa autem non una , Illustris Domine , cur nobilissimo nomini tuo hoc opus iuverimus inscriptum. Nam et magnus tuus in nos , quamvis non merentes et typographiam nostram affectus , quem quotidie magis magisque exploramus. Nos certe in talibus veterum auctorum scriptis excudendis nihil prater animum bene de Republ. literaria merendi volumus aestimari ; et quanta fieri potest diligentia in id precipue incumbimus , ut magnos auctores et injuria temporum et ignorantia sciolorum quorundam admodum depravatos , à mendis vindicari curemus. Sed et ardor tuus atque amor singularis in hac studia bonarum literarum hujus qualiscunque officii necessitatem nobis imponit. Probasti illum habitis tot praeclaris orationibus coram Magno Rege vestro , et in celeberrimis Academiis Europa. Atque hoc prolixè expertus , sub cujus institutione profecisti , vir incomparabilis GERARDUS JOANNES VOSSIUS. Proximè profectò sequeris summi parentis tui virtutes , de quibus SUECIA

omnis

omnis & tot Reges Principesque apud quos legationibus est defunctus, possunt testari. Sed nec illud silentio involvendum, quod hunc ipsum Casarem publice, magno juvenutis concursu in Academia Dorpatensi, cujus primus Rector eras, fueris interpretatus, idque eâ atate, qua tantum bonæ mentis rudimenta aliis solet suppeditare. Proinde Caesar hic tibi debebatur, quem, ut eo quo offerimus animo amplecti velis, unicè rogamus. Vale, Illustris Domine, & nos quemadmodum cœpisti, amare perge.

Generoso nomini tuo

devoti

B. & A. ELZEVIRII.

S E R I E S O P E R I S .

Romani Imperii , Galliz Veteris , & Hispaniz typi,
æneis tabulis expressi.

Pons,quem supra Rhenum,primum Menapiis contra
Sicambros, deinde in finibus Trevirorum fecit.

Avarici urbis Biturigum muri , machinz , quibus
obsessa , vallum , plutei , cervi.

Alexia oppidum Mandubiorum : tum machinz , &
fossa , quibus obsessum.

Uxellodunum , cum machinis quibus obsessum , ac
defensum.

Massiliz moenia & turres : machinz item quibus
oppugnatum.

C. Julii Cæsaris , de bello à se in Gallia gesto libri
septem.

Belli à Cæsare in Gallia gesti Continuatio: seu, Com-
mentariorum De bello Gallico , liber octavus ,
scriptore Hirtio.

C. Julii Cæsaris De bello à se contra Pompeium &
ipsius legatos gesto , libri tres.

De bellis , Alexandrino , Africano & Hispaniensi,
libri singulares : quos Hirtio quidam , alii Oppio
tribuunt. forte duos Hirtius , unum Oppius scri-
pserit : aut contra.

Librorum Cæsaris , qui non exstant , Fragmenta,
multo quam ante auctiora.

Nomenclator Geographicus.

Index copiosissimus.

PRO BIBLIOPEGO.

*Observe Librorum compactor, quod ha Tabula aenea, velut Hispania, Gallia, Germania, intra * & ** inserantur.*

CERTISSIMA VERÆ VIRTUTIS
EFFIGIES,
D. JULIUS CÆSAR
DICTATOR.



Imperium, binis fuerat solenne quod olim
Consulibus, Cæsar Julius obtinuit.
Sed breve jus regni, sola trieteride gestum,
Perculit armata factio sæva toga.

CHRI-

CHRISTOPHORO

PLANTINO S. P.

Habes Caesaris Commentarium duplicem, mi Plantine, de Gallico & Civili bello: cumque ita aptum & ornatum, ut, me arbitro, velim ceteros scriptores. Qua enim à viris eruditis varie & sparsim annotata fuerunt, sive ab ingenio, sive à libris; ea dilectu quodam adhibito pleraque in contextum ipsum admisimus, quadam sprevimus ut mala aut incerta. idque ea aequitate & modestia, ut sperem, hanc operam equis, modestisque, gratam esse posse; apud ipsos contentiosos extra culpam. Qua enim finis alioqui tot Observationum, tot Notarum? quousque paginas omnes obsidebunt varia & vana saepe lectiones? quousque Criticorum agmina limen librorum & post-limen? Excutiuntur profecto scriptores ipsi è manibus, dum avida juvenus ad hæc diverticula abit, & *παιεζα* ista curat velut *ἑξα*. Quam multi jam, qui libros tantum legunt ut emendent? ut illos meliores faciant, non ut sese? Itaque toti in oculis aut syllabis aliquot examinandis sunt: & segetem illam uberem rerum sententiarumque subter habent, paleis modo lectis. Quid ergo? tu negas, inquiunt, utilem hanc Criticam? Non nego. imo necessariam fuisse confiteor, elegantiore hac

doctrina renascente. Sed renascente, nunc cum adulta firmaque ea sit, cur togam hanc ei invidemus puram, ut sic dixerim, & virilem? cur lectionem fluctuare ultra patimur, & agitari ambitiosis istis correctorum ventis? At enim loci etiam plures corrupti. Esto. relinque tamen aliquid lectorum industriae & judicio: quos malo equidem quadam non penitus intellegere, quam ad singula trepidos harere. Dies nonnulla ex istis deteget: & quis scit, si ex antro aliquo liber? tu tantum tempera: & vide, ne quod studium antea fuit, morbus nunc sit. Ego quidem exemplum in hoc scriptore praibō: in quo quæ à variis correctoribus (in primis, Hotomanno, Faërno, Fulvio, clarissimis viris) observata sunt, ea cum cura legimus & selegimus, & ad formam eam faciemque dedimus, qua censemur fuisse olim. Non tamen ut omnia germana & vera prorsus sint, (scio id non posse, & multis locis Fulii Celsi vibices etiam agnosco & flagella) sed ut proxima germanis & veris. Tu quidem, optime & accuratissime Plantine, judicii nostri hoc specimen habe in Principe Romani Imperii & sermonis. quod si placere iis intellegam, quibus me velim & mea: nihil recuso quin idem, sed accuratius, à me expectes in cetera Historicorum classe. Vale.

TYPOGR. LECTORI S.

QUOD Avo Parentique p. m. nostris in voto semper fuit, ut Commentarios Cæsaris quam emendatissimos haberemus; quodque eo usque effecerunt, ut nullæ correctiores editiones hætenus prodierint, quam quas illi ex viri docti, cujus præcessit epistola, recensione ediderunt; id ipsum jam tandem feliciter perfectum, nobiscum benevole Lector gaude. Ita eosce Commentarios jam emaculatos vulgamus, ut qui deinceps, sine insignis aliqujus codicis auxilio, in iis quid ab ingenio aut à judicio immutare volet, cum aut anxie gnarulum, aut sanè divinum esse oporteat. Quid multa? Viri illius beneficio perpolitum hunc textum debemus, à quo Cæsariana scripta recensita non solum libentes gloriamur, sed & gloriaretur ipse Cæsar. Nomen ejus adscribere non permittit ipsius generositas. qui tamen hanc cum prioribus editionem contulerit, facile non nisi illustrem manum agnosceret. Adde quod idem Nomenclatorem Geographicum ita refinxerit, ut quin solus id præstare potuerit, nemo ex ingenue literatis ignoraturus sit. Fragmentorum autem quam vides luculentam accessionem, ea quidem non ab eodem est: ab erudito nihilo minus & diligenti viro concinnatam illico animadvertes. Breviaria librorum omisimus, item ad oram notas, tum alia omnia, quæ ignavorum desidii famulantia, pulcræ faciem, ut scabies, dehonestant. Vale.



JOANNES JUCUNDUS

VERONENSIS.

Libro quarto.

Pontem, eadem forma & ratione, bis fecit Caesar supra Rhenum flumen latissimum, rapidissimum, & altissimum. Primum Menapiis contra Sicambros. Deinde paululum supra eum locum in sinibus Trevirorum, ex quo transitus erat ad Utios Caesaris amicos.

A Tigna bina sesquipedalia paulum ab imo praecuta, dimensa ad altitudinem fluminis, &c.

B Trabes bipedales immissa super utraque tigna, quae binis utrinque fibulis ab extrema parte distinebantur.

C Fibula qua disclusa distinent bipedales trabes.

D Ubi fibula disclusa in contrariam partem reuinciuntur.

E Materia directa, quae injecta supra bipedales trabes totum opus contexebat.


S Sublica obliqua ad inferiorem partem fluminis adacta, quae pro ariete subjecta, & cum omni opere conjuncta, vim fluminis exciperent.

G Fistuca, quae adigebantur tigna in flumine.

Hac utraque insuper bipedalibus trabibus immis-
su. Hunc locum sic corrigendum puto. Hac utraque
insuper, bipedales trabes immissa. hac ratione, ut in-
super sit prapositio, & hac utraque sit accusandi casus.
Quod si duriusculum hoc quisquam existimarit, sciat
Casarem ipsum simili usum constructione in secundo de
bello civili in expugnatione Massilia, his verbis: Hanc
insuper contignationem, quantum tectum plutei, ac
vinearum passum est, laterculo astruxerunt. Sciat &
Vitruvium in quinto, ubi agit de portibus & structu-
ris in aqua faciendis, similem fecisse constructionem:
Tunc proclinatio ea impleatur arena, & exaquetur

cum margine & pianitia pulvini, deinde insuper eam ex-
 aquationem, pila quam magna constituta fuerit, ibi
 struatur. Quare si sic, ut puto, perseverat corruptus
 librariorum vitio locus, neque sensus constabit, neque
 constructio, nisi implexa & litigiosa grammaticis. Sed
 ut utraque consent, sensus scilicet, & constructio, tam
 ingeniosis, quam grammaticis, & operi verba sunt confor-
 mia, & opus verbis, animadvertendum est, quod post-
 quam Caesar descripsit modum figendi & adigendi tigna in
 fundo fluminis, ex qua adactione magnam stabilitatem
 & firmitatem assecuta sunt, vertit se ad bipedales trabes,
 qua transversam totius pontis latitudinem perficiebant.
 & qua ratione possint, & quo modo sustinerentur, docet
 dicens: Quod super hac utraque, id est, super bina tigna
 qua & in parte superiori, & ea qua in parte inferiori po-
 sita erant, bipedales trabes immissa quantum eorum ti-
 gnorum junctura distabat, binis utrinque fibulis, ab ex-
 trema parte distinebantur. Quibus disclusis & in contra-
 riam partem revinctis, &c. In hanc eandem sententiam
 mecum venire videtur Leo Baptista Albertus, vir & in-
 genio & literis clarus, in suo de architectura, cui ejusdem
 Casariani pontis descriptionem repetenti, non aliter vi-
 sum fuit potuisse sibi ipsi satisfacere, nisi his verbis: Hu-
 jusmodi autem immissa trabes binis utrinque fibulis ab
 extrema parte distinebantur. Quibus disclusis, &c. Quid
 autem sit fibula, & quomodo discludatur & revinciatur,
 non omnibus pervia est notitia, quamvis ejus sit quoti-
 dianus usus. Utuntur autem ea viri ac mulieres ad ca-
 pita cingulorum, quibus circum se fluentes contineant ve-
 stes, trajecto per anulum altero cinguli capite, fibulaque
 revincto, ut quanto plus trahitur, tanto fortius firme-
 tur. Ejusmodi autem sunt & sella, multis Italia urbibus
 communes, qua clausa servantur, & ad sedendi usum;
 cum discluduntur, & in contrariam partem revinciuntur,
 eo fortius compressa firmantur. Hoc etiam ita esse ex Vi-
 truvio clarissime apparet in decimo, his verbis: Tigna
 tria ad onerum magnitudinem ratione expediuntur, & à
 capite

capite à fibula conjuncta, & in imo devaricata eriguntur. Et infra: Sin autem majoribus oneribus erunt machina comparanda, amplioribus tignorum longitudinibus, & crassitudinibus erit utendum, & eadem ratione in summo fibulationibus, in imo fucularum versationibus expediundum. Et libro primo, ubi de mœnibus disserit: Crassitudinem autem muri ita faciendam censeo, ut armati homines supra obviam venientes alius alium sine impeditioe praterire possint, dum in crassitudine perpetua taiea oleagina ustulata quam creberrima instruantur, uti utraque muri frontes inter se (quemadmodum fibulis) his taleis colligata, aeternam habeant firmitatem. Hujusmodi autem fibulis, quibus tunc, & in colligandis muris, & in munitionum vallibus utebantur, hodie quoque & nos utimur transversis in latum longuriis fibulatis dispositis, ut ictibus glandium non uno loco tantum, sed tota valli mole resistamus, juvantibus fibulis continenter in contrariam partem revinctis. Ex dictis satis constare poterit, & sensus & constructio verborum Caesaris, & pontis forma secundum figuram à nobis traditam.



JOANNES JUCUNDUS

VERONENSIS.

Libro septimo.

Avaricum urbs Biturigum munitissima, quæ propè ex omnibus partibus flumine & palude circumdata, unum tantum & perangustum habebat aditum. quod Avaricum à Casare turribus & aggeribus excitatis ita obsessum est, ut ipso potiretur.

A *Avarici urbis Biturigum muri, quorum forma fere communis erat in Gallia, qui & ita describuntur à Casare, ut à mediocri quoque ingenio intelligi possit. nos duntaxat texturam trabium effinximus, fracturis dimissis, ut ea intellecta, quæ præcipua in hoc opere videntur, reliqua ex Caesaris lectione percipiantur.*

B *Turres due, quæ satis ad angustiam loci, & aggeris, visæ fuere.*

C *Vallum.*

D *Plutei.*

E *Cervi.*

JOANNES JUCUNDUS


VERONENSIS.

Libro eodem.

Alexia oppidum Mandubiorum in summo colle positum edito loco, quod nisi obsidione expugnari non posse videbatur. Hujus collis radices subleuebantur duobus fluminibus, duabus ex partibus. Cætera ex descriptione Caesaris, & ex opposita figura patent.

A S

A Tur-



- A Turres conjuncta aggeri, & vallo, quae inter se distabant pedes LXXX.
- B Plutei qui tegebant intervallum, quod erat inter pinnae.
- C Pinna, quae interstructa erant inter pluteos.
- D Cervi grandes positi inter pinnae aggeris ad commissuras pluteorum, & aggeris ipsius, in quibus erant suspensi plutei, sub quibus tecti milites ascensum hostium, & conatum omnem repellebant.
- E Vallum cum lorica. lorica enim ex cratibus vel stercis apponebatur vallo & aggeri, ne facile harpagonibus vel alius instrumentis demoliri posset ab hostibus.
- F Fossa pedum quindecim lata & profunda, in qua, per campestria loca & demissa, aqua ex flumine derivabatur.
- G Fossa alia, item pedum quindecim lata & profunda, sicca & sine aquis.
- H Stipites ex truncis arborum, non admodum firmis ramis, praecutis cacuminibus, in perpetuam fossam demissi, & ab infimo revincti ne revelli possent, ab ramis eminebant; quo qui intraverant, se ipsi acutissimis vallis induebant. hos cippos appellabant.
- I Stipites teretes feminis crassitudine, ab summo praecuti & prausti, demissique in scrobibus oblique in quincuncem dispositis. hos, ex similitudine floris, liliū appellabant.
- K Talea pedem longa, ferreis hamis infixae, in terramque infossa mediocribus spatiis intermissis, omnibus locis differebantur. hos hamos stimulos appellabant.
- L Fossa pedum xx lata & profunda, directis ad perpendicularum lateribus, è qua reliqua munitiones distabant pedes quadringentos.
- M Alexia oppidum, superius descriptum.



JOANNES JUCUNDUS

VERONENSIS.

Libro octavo.

- A *Uxellodunum oppidum egregie loci natura munitum, in finibus Cadurcorum inter Celtas, non longe à provincia Romanorum.*
- B *Fons, quem Caesar cuniculis actis, & venis ejus intercisis, avertit.*
- C *Cupa, sevo, pice, scandulisque completa & ardentis, ad comburenda Casariana opera ab oppidanis demissa.*
- D *Vallum.*
- E *Plutei.*
- F *Flumen quod infimam vallem dividebat, & pene totum montem cingebat, atque ita in eis radicibus ejus ferebatur, ut nullam in partem depressis fossis derivari posset.*
- G *Turris decem tabulatorum, qua fontis fastigium superabat; ex qua cum tela tormentis jacerentur, ab aquatione oppidanos prohibebat.*



JOANNES JUCUNDUS

VERONENSIS

Libro secundo de Bello Civili.

Massilia descriptio, qua ex tribus fere oppidi partibus mari alluitur.

A *Massilia mœnia & turres.*

B *Turris ex opere lateritio tabulatorum sex, ab legionariis extructa contra Massiliensium eruptiones.*

C *Storia ex funibus anchorariis contexta, præpendentes contra hostium tela atque tormenta, quibus tecti milites turrim construebant.*

D *Summa contabulatio, laterculis, & luto, & centonibus tecta, ne quid ignis hostium nocere posset.*

E *Musculus ab ipso Casare descriptus, à turri lateritia usque ad mœnia productus, ad suffodiendum & diji-ciendum hostium turrem & murum.*

F *Mare.*

G *Vallum.*

H *Plutei.*

I *Cervi.*

K *Pinna.*

NOME

NOMINA URBIUM QUARUNDAM
ET LOCORUM HISPANIÆ,

Hispanicis vocabulis exposita.

A Nas fl. <i>Guadiana</i> .	Hiberus fl. <i>Hibero</i> .
Astures, <i>Asturia</i> .	Hispalis, <i>Sibillia</i> .
Batica, <i>El reyno de Granada</i> .	Ilerda, <i>Lerida</i> .
Batis fl. <i>Guadalchibir</i> .	Malaca, <i>Malaca</i> .
Baleares, <i>major, & minor</i> .	Numantia, <i>Sora</i> .
Barcinon, <i>Barcelona</i> .	Nerium promontorium.
Cæsarea augusta, <i>Saragoça</i> .	<i>S. Maria de finibus terra</i> .
Castilon, <i>Castiglia</i> .	Oscenses, <i>Oscæ</i> .
Calpe, <i>Gibraltar</i> .	Olisippo, <i>Lisbona</i> .
Cinga fl. <i>Ringa</i> .	Ophiussa, <i>Frumentera</i> .
Cartheia, <i>Tariffa</i> .	Pompeiopolis, <i>Pampaluna en Navarra</i> .
Corduba, <i>Cordoua</i> .	Rhoda, <i>Rosès</i> .
Carpetani montes, <i>I monti de Segovia</i> .	Saguntum, <i>Morviedro</i> .
Calleci, <i>Gallecia</i> .	Sicoris fl. <i>El Segrò</i> .
Derthosa, <i>Tortosa</i> .	Setabum, <i>Sativa</i> .
Durias fl. <i>El Duero</i> .	Sacrum promontorium,
Emporia, <i>Empurias</i> .	<i>Capo S. Vincentio</i> .
Ebusus, <i>Eviza</i> .	Tarraco, <i>Aragon</i> .
Girunda, <i>Girona</i> .	Tagus fl. <i>El Tago</i> .
	Turdetani, <i>Andalusia</i> .
	Valentia, <i>Valenza</i> .



C. JULII CÆSARIS
COMMENTARIORUM
DE BELLO GALLICO

LIBER I.

GALLIA est omnis divisa in partes tres. quarum unam incolunt Belgæ, aliam Aquitani, tertiam qui ipsorum lingua Celtæ, nostra Galli appellantur. Hi omnes lingua, institutis, legibus inter se differunt. Gallos ab Aquitanis Garumna flumen, à Belgis Matrona, & Sequana dividit. Horum omnium fortissimi sunt Belgæ: propterea quod à cultu atque humanitate provinciæ longissime absunt, minimeque ad eos mercatores sæpe commeant, atque ea, quæ ad effeminandos animos pertinent, important. proximi sunt Germanis, qui trans Rhenum incolunt, quibuscum continenter bellum gerunt. qua de causa Helvetii quoque reliquos Gallos virtute præcedunt; quod fere quotidianis præliis cum Germanis contendunt, quum aut suis finibus eos prohibent, aut ipsi in eorum finibus bellum gerunt. Eorum una pars, quam Gallos obtinere dictum est, initium capit à flumine Rhodano: continetur Garumna flumine, Oceano, finibus Belgarum; attingit etiam à Sequanis & Helvetiis flumen Rhenum: vergit ad Septentriones. Belgæ ab extremis Galliæ finibus oriuntur: pertinent ad inferiorem partem fluminis Rhemi:


ni: spectant in Septentriones, & orientem solem. Aquitania à Garumna flumine ad Pyrenæos montes, & eam partem Oceani, quæ ad Hispaniam pertinet, spectat inter occasum Solis & Septentriones. Apud Helvetios longe nobilissimus & ditissimus fuit Orgetorix. Is M. Messala & M. Pisone Coss. regni cupiditate inductus, conjurationem nobilitatis fecit; & civitati persuasit, ut de finibus suis cum omnibus copiis exirent. perfacile esse, quum virtute omnibus præstarent, totius Galliæ imperio potiri. id quod facilius eis persuasit, quod undique loci natura Helvetii continentur; una ex parte, flumine Rheno latissimo atque altissimo, qui agrum Helvetium à Germanis dividit; altera ex parte, monte Jura altissimo; quæ est inter Sequanos & Helvetios; tertia, lacu Lemano, & flumine Rhodano, qui provinciam nostram ab Helvetiis dividit. his rebus fiebat, ut & minus late vagarentur, & minus facile finitimis bellum inferre possent. qua de causa homines bellandi cupidi magno dolore afficiebantur. pro multitudine autem hominum, & pro gloria belli atque fortitudinis, angustos se fines habere arbitrabantur: qui in longitudine millia passuum CCXL, in latitudinem CLXXX patebant. His rebus adducti, & auctoritate Orgetorigis permoti, constituerunt ea, quæ ad proficiscendum pertinerent, comparare, jumentorum, & carrorum quammaximum numerum coëmere, sementes quammaximas facere, ut in itinere copia frumenti suppeteret, cum proximis civitatibus pacem & amicitiam confirmare. ad eas res conficiendas biennium sibi satis esse duxerunt; in tertium annum profectionem lege confirmant. ad eas res conficiendas Orgetorix deligitur. is sibi legationem ad civitates suscepit. in eo itinere persuadet Castico Catamantaledis filio, Sequano, cujus pater regnum in Sequanis multos annos obtinuerat, & à S. P. Q. R. amicus appellatus erat, ut regnum in civitate sua occuparet.

cuparet, quod pater ante habuerat: itemque Dumnorigi Æduo, fratri Divitiaci, qui eo tempore principatum in civitate sua obtinebat, ac maxime plebi acceptus erat, ut idem conaretur, persuadet: eique filiam suam in matrimonium dat. perfacile factu esse illis probat, conata perficere; propterea quod ipse suæ civitatis imperium obtenturus esset. non esse dubium, quin totius Galliæ plurimum Helvetiï possent. se suis copiis, suoque exercitu, illis regna conciliaturum, confirmat. Hac oratione adducti, inter se fidem & jusjurandum dant, &, regno occupato, per tres potentissimos ac firmissimos populos, totius Galliæ sese potiri posse sperant. Ea res, ut est Helvetiis per indicium enunciata, moribus suis Orgetorigem ex vinculis causam dicere coëgerunt. damnatum pœnam sequi oportebat, ut igni cremaretur. die constituta causæ dictionis, Orgetorix ad iudicium omnem suam familiam, ad hominum millia decem, undique coëgit; & omnes clientes, obæratosq; suos, quorum magnum numerum habebat, eodem conduxit: per eos, ne causam diceret, se eripuit. Quum civitas, ob eam rem incitata, armis jus suum exsequi conaretur, multitudinemque hominum ex agris magistratus cogerent; Orgetorix mortuus est: neque abest suspicio, ut Helvetiï arbitrantur, quin ipse sibi mortem consciverit. Post ejus mortem nihilo minus Helvetiï id, quod constituerant, facere conantur, ut è finibus suis exeant. ubi jam se ad eam rem paratos esse arbitrati sunt, opida sua omnia, numero ad duodecim, vicos ad quadringentos, reliqua privata ædificia incendunt. frumentum omne, præter quod secum portaturi erant, comburant, ut, domum reditionis spe sublata, paratiores ad omnia pericula subeunda essent: trium mensium molita cibaria sibi quemque domo afferre jubent. persuadent Rauracis, & Tulingis, & Latobrigis finitimis, uti eodem usi consilio, opidis suis vicisque

cisque exuisti, una cum iis proficiscantur: Boiosque, qui trans Rhenum incoluerant, & in agrum Noricum transferant, Noricamque oppugnant, receptos ad se socios sibi adsciscunt. Erant omnino itinera duo, quibus itineribus domo exire possent: unum per Sequanos, angustum, & difficile, inter montem Juram, & flumen Rhodanum, quo vix singuli carri ducerentur; mons autem altissimus impendebat, ut facile perpauci prohibere possent: alterum per provinciam nostram, multo facilius, atque expeditius; propterea quod Helvetiorum inter fines, & Allobrogum, qui nuper pacati erant, Rhodanus fluit, isque nonnullis locis vado transitur. extremum opidum Allobrogum est, proximumque Helvetiorum finibus Geneva ex eo oppido pons ad Helvetios pertinet. Allobrogibus sese vel persuasuros, quod nondum bono animo in populum R. viderentur, existimabant, vel vi coacturos, ut per suos fines eos ire paterentur. Omnibus rebus ad profectionem comparatis, diem dicunt, qua die ad ripam Rhodani omnes conveniant. is dies erat a. d. v. kal. Apr. L. Pisonem, A. Gabinio, Coss. Cæsari quum id nuntiatum esset, eos per provinciam nostram iter facere conari, maturat ab urbe proficisci, & quammaximis itineribus potest, in Galliam ulteriorem contendit, & ad Genevam pervenit. provinciæ toti quammaximum militum numerum imperat. erat omnino in Gallia ulteriore legio una. pontem, qui erat ad Genevam, jubet rescindi. Ubi de ejus adventu Helvetii certiores facti sunt, legatos ad eum mittunt nobilissimos civitatis; cujus legationis Numeius & Verodectius principem locum obtinebant; qui dicerent, sibi esse in animo, sine ullo maleficio iter per provinciam facere, propterea quod aliud iter haberent nullum: rogare, ut ejus voluntate id sibi facere liceat. Cæsar, quod memoria tenebat, L. Cassium Consulem occisum, exercitumque ejus ab Helvetiis pulsum & sub

sub jugum missum, concedendum non putabat. neque homines inimico animo, data facultate per provinciam itineris faciundi, temperaturos ab injuria & maleficio existimabat. tamen, ut spatium intercedere posset, dum milites, quos imperaverat, convenirent, legatis respondit, diem se ad deliberandum sumpturum; si quid vellent, a. d. Idus Apr. reverterentur. Interea ea legione, quam secum habebat, militibusque, qui ex provincia convenerant, à lacu Lemano, quem flumen Rhodanum influit, ad montem Juram, qui fines Sequanorum ab Helvetiis dividit, millia passuum decem novem, murum, in altitudinem pedum sexdecim, fossamque perducit. eo opere perfecto, præsidia disponit, castella communit; quo facilius, si se invito transire conarentur, prohiberi possent. Ubi ea dies, quam constituerat cum legatis, venit, & legati ad eum reverterunt; negat se more & exemplo populi Rom. posse iter ulli per provinciam dare. &, si vim facere conentur, prohibiturum ostendit. Helvetii ea spe dejecti, navibus junctis, ratibusque compluribus factis alii; alii, vadis Rhodani, qua minima altitudo fluminis erat; nonnunquam interdiu, sæpius noctu, si perumpere possent, conati, operis munitione, & militum concursu & telis repulsi, hoc conatu destiterunt. Relinquebatur una per Sequanos via, qua, Sequanis invitis, propter angustias ire non poterant. iis quum sua sponte persuadere non possent, legatos ad Dumnorixgem Ædum mittunt, ut eo deprecatore à Sequanis hoc impetrarent. Dumnorix gratia & largitione apud Sequanos plurimum poterat, & Helvetiis erat amicus, quod ex ea civitate Orgetorigis filiam in matrimonium duxerat; & cupiditate regni adductus novis rebus studebat, & quamplurimas civitates suo sibi beneficio habere obstrictas volebat. itaque rem suscipit; & à Sequanis impetrat, ut per fines suos Helvetios ire patiantur; obsidesque uti inter sese

dent,



dent, perficit : Sequani, ne itinere Helvetios prohibeant ; Helvetii, ut sine maleficio & injuria transcant. Cæsari nunciatur, Helvetiis esse in animo per agrum Sequanorum & Æduorum iter in Santonum fines facere, qui non longe à Tolosatium finibus ab sunt. quæ civitas est in provincia. id si fieret, intelligebat magno cum provinciæ periculo futurum, ut homines bellicosos, populi R. inimicos, locis patentibus maximeque frumentariis finitimos haberet. ob eas causas ei munitioni, quam fecerat, T. Labienum legatum præfecit. ipse in Italiam magnis itineribus contendit : duasque ibi legiones conscribit ; & tres, quæ circum Aquileiam hiemabant, ex hibernis educit ; & , qua proximum iter in ulteriorem Galliam per Alpes erat, cum his quinque legionibus ire contendit. ibi Centrones, & Garoceli, & Catuiges, locis superioribus occupatis, itinere exercitum prohibere conantur. compluribus his præliis pulsus, ab Ocelo, quod est citerioris provinciæ extremum, in fines Vocontiorum ulterioris provinciæ die septimo pervenit : inde in Allobrogum fines, ab Allobrogibus in Segusianos exercitum ducit. hi sunt extra provinciam trans Rhodanum primi. Helvetii jam per angustias & fines Sequanorum suas copias transduxerant, & in Æduorum fines pervenerant, eorumque agros populabantur. Ædui quum se suaque ab his defendere non possent, legatos ad Cæsarem mittunt rogatum auxilium. ita se omni tempore de populo R. meritos esse, ut, pene in conspectu exercitus nostri, agri vastari, liberi eorum in servitutem abduci, opida expugnari non debuerint. Eodem tempore, quo Ædui, Ambarri quoque necessarii & consanguinei Æduorum, Cæsarem certiores faciunt, sese, depopulatis agris, non facile ab opidis vim hostium prohibere. item Allobroges, qui trans Rhodanum vicos possessionesque habebant, fuga se ad Cæsarem recipiunt, & demonstrant sibi, præter agri solum,

solum, nihil esse reliqui. Quibus rebus adductus Cæsar non expectandum sibi statuit, dum omnibus fortunis sociorum consumptis, in Santones Helvetii pervenirent. Flumen est Arar, quod per fines Æduorum & Sequanorum in Rhodanum influit, incredibili lenitate, ita ut oculis, in utram partem fluat, judicari non possit. id Helvetii ratibus ac lincibus junctis transibant. Ubi per exploratores Cæsar certior factus est, tres jam copiarum partes Helvetios id flumen traduxisse, quartam vero partem citra flumen Ararim reliquam esse; de tertia vigilia cum legionibus tribus à castris profectus ad eam partem pervenit, quæ nondum flumen transierat. eos impeditos, & inopinantes aggressus, magnam partem eorum concidit: reliqui sese fugæ mandarunt, atque in proximas silvas abdiderunt. is pagus appellabatur Tigurinus. nam omnis civitas Helvetia in quatuor pagos divisa est. hic pagus unus, quum domo exisset, patrum nostrorum memoria L. Cassium Consulem interfecerat, & ejus exercitum sub jugum miserat. ita, sive casu, sive consilio deorum immortalium, quæ pars civitatis Helvetiæ insignem calamitatem pop. R. intulerat, ea princeps pœnas persolvit. qua in re Cæsar non solum publicas, sed etiam privatas injurias ultus est, quod ejus soceri L. Pisonis avum, L. Pisonem Legatum, Tigurini eodem prælio, quo Cassium, interfecerant. Hoc prælio facto, reliquas copias Helvetiorum ut consequi posset, pontem in Arare faciendum curat, atque ita exercitum transducit. Helvetii, repentino ejus adventu commoti, quum id, quod ipsi diebus xx ægerrime confecerant, ut flumen transirent, illum uno die fecisse intelligerent, legatos ad eum mittunt: cujus legationis Divico Princeps fuit, qui bello Cassiano dux Helvetiorum fuerat. is ita cum Cæsare egit: si pacem populus R. cum Helvetiis faceret, in eam partem ituros, atque ibi futuros Helvetios, ubi Cæsar constituisset, atque esse

esse voluisset. sin bello persequi perseveraret; remi-
nisceretur & veteris incommodi populi R. & pri-
stinæ virtutis Helvetiorum. quod improvise unum
pagum adortus esset, quum ii, qui flumen transis-
sent, suis auxilium ferre non possent; ne, ob eam
rem, aut suæ magnopere virtuti tribueret, aut ipsos
despiceret. se ita à patribus majoribusque suis didi-
cisse, ut magis virtute, quam dolo, contenderent,
aut insidiis niterentur. quare, ne committeret, ut
is locus, ubi constitissent, ex calamitate pop. R.
& internecione exercitus nomen caperet, ac me-
moriæ proderet. His Cæsar ita respondit: Eo sibi
minus dubitationis dari, quod eas res, quas legati
Helvetii commemorassent, memoria teneret: atque
eo gravius ferre, quo minus merito pop. R. acci-
disset. qui si alicujus injuriæ sibi conscius fuisset,
non fuisse difficile cavere. sed eo deceptum, quod
neque commissum à se intelligeret, quare timeret:
neque sine causâ timendum putaret. quod si vete-
ris contumeliæ oblivisci vellet; num etiam recen-
tium injuriarum, quod, eo invito, iter per provin-
ciam per vim tentassent, quod Æduos, quod Am-
barros, quod Allobroges vexassent, memoriæ de-
ponere posset? quod sua victoria tam insolenter
gloriarentur, quodque tam diu se impune tulisse
injurias admirarentur, eodem pertinere. Consue-
sse enim deos immortales, quo gravius homines ex
commutatione rerum doleant, quos pro scelere
eorum ulcisci velint, his secundiores interdum
res, & diuturniorem impunitatem concedere.
Quum ea ita sint, tamen si obsides ab iis sibi den-
tur, uti ea, quæ polliceantur, facturos intelligat;
& si Æduis de injuriis, quas ipsis sociisque eorum
intulerint; item si Allobrogibus, satisfaciant; sese
cum iis pacem esse facturum. Divico respondit:
Ita Helvetios à majoribus suis institutos esse, uti
obsides accipere, non dare, consueverint: ejus rei
pop.

pop. R. esse testem. Hoc responso dato, discessit. Postero die castra ex eo loco movent. idem Caesar facit; equitatumque omnem, ad numerum quatuor millium, quem ex omni provincia, & Æduis, atque eorum sociis coactum habebat, præmittit; qui videant, quas in partes hostes iter faciant. qui cupidius novissimum agmen insecuti, alieno loco cum equitatu Helvetiorum prælium committunt; & pauci de nostris cadunt. quo prælio sublatis Helvetiis, quod quingentis equitibus tantam multitudinem equitum propulerant, audacius subsistere, nonnunquam ex novissimo agmine prælio nostros laceßere coeperunt. Caesar suos à prælio continebat; ac satis habebat in præsentia hostem rapinis, pabulationibus, populationibusque prohibere. Ita dies circiter quindecim iter fecerunt, uti inter novissimum hostium agmen, & nostrum primum, non amplius quinis aut senis millibus interesset. Interim quotidie Caesar Æduos frumentum, quod essent publice polliciti, flagitare. nam propter frigora, quod Gallia sub Septemtrionibus, ut ante dictum est, posita est, non modo frumenta in agris matura non erant, sed ne pabuli quidem satis magna copia suppetebat. eo autem frumento, quod flumine Arare navibus subvexerat, propterea minus uti poterat, quod iter ab Arare Helvetii averterant; à quibus discedere nolebat. Diem ex die ducere Ædúi, conferri, comportari, adesse dicere. Ubi se diutius duci intellexit, & diem instare, quo die frumentum militibus metiri oporteret; convocatis eorum principibus, quorum magnam copiam in castris habebat, in his Divitiaco, & Lisco, qui summo magistratu præerat, (quem Vergobretum appellant Ædúi, qui creatur annuus, & vitæ necisque in suos habet potestatem) graviter eos accusat; quod, quum neque emi, neque ex agris sumi posset, tam necessario tempore, tam propinquis hostibus, ab iis non sublevetur; præ-

fertim quum magna ex parte eorum precibus adductus bellum suscepit : multo etiam gravius, quod sit destitutus, queritur. Tum demum Liscus oratione Cæsaris adductus, quod antea tacuerat, proponit : esse nonnullos, quorum auctoritas apud plebem plurimum valeat : qui privati plus possint, quam ipsi magistratus : hos seditiosa atque improba oratione multitudinem deterrere, ne frumentum conferant ; quod præstare dicant, si jam principatum Galliæ obtinere non possint, Gallorum, quam Romanorum, imperia perferre : neque dubitare debeant, quin, si Helvetios superaverint Romani, una cum reliqua Gallia Æduis libertatem sint erepturi. ab iisdem nostra consilia, quæque in castris gerantur, hostibus enuntiari : hos à se coërceri non posse. quin etiam, quod necessario rem Cæsari enuntiarit, intelligere sese, quanto id cum periculo fecerit ; & ob eam causam, quam diu potuerit, tacuisse. Cæsar hac oratione Lisci Dumnorigem Divitiaci fratrem designari sentiebat : sed, quod pluribus præsentibus eas res jactari nolebat, celeriter concilium dimittit ; Liscum retinet. quærit ex solo ea, quæ in conventu dixerat. dicit liberius, atque audacius. eadem secreto ab aliis reperit esse vera. ipsum esse Dumnorigem : summa audacia, magna apud plebem propter liberalitatem gratia, cupidum rerum novarum, complures annos portoria, reliquaque omnia Æduorum vectigalia parvo pretio redempta habere : propterea quod illo licente, contra liceri audeat nemo. his rebus & suam rem familiarem auxisse, & facultates ad largiendum magnas comparasse : magnum numerum equitatus suo sumptu semper alere, & circum se habere. neque solum domi, sed etiam apud finitimas civitates largiter posse. atque hujus potentiae causa, matrem in Biturigibus, homini illic nobilissimo ac potentissimo collocasse : ipsum ex

Hel-

Helvetiis uxorem habere: sororem ex matre & propinquas suas nuptum in alias civitates collocasse. favere & cupere Helvetiis, propter eam affinitatem: odisse etiam suo nomine Cæsarem, & Romanos; quod eorum adventu potentia ejus diminuta, & Divitiacus frater in antiquum locum gratiæ atque honoris sit restitutus. si quid accidat Romanis, summam in spem regni per Helvetios obtinendi venire: imperio populi R. non modo de regno, sed etiam de ea, quam habeat, gratia desperare. Reperiebat etiam Cæsar inquirendo, quod prælium equestre adversum paucis ante diebus esset factum; initium ejus fugæ à Dumnorige, atque ejus equitibus factum esse: (nam equitatu, quem auxilio Cæsari Ædui miserant, Dumnorix præerat) eorumque fuga reliquum esse equitatum perterritum. Quibus rebus cognitis, quum ad has suspiciones certissimæ res accederent: quod per fines Sequanorum Helvetios traduxisset: quod obsides inter eos dandos curasset: quod ea omnia non modo injussu suo & civitatis, sed etiam inscientibus ipsis fecisset: quod à magistratu Æduorum accusaretur: satis esse causæ arbitrabatur, quare in eum aut ipse animadverteret, aut civitatem animadvertere juberet. His omnibus unum repugnabat, quod Divitiaci fratris summum in populum R. studium, summam in se voluntatem, egregiam fidem, justitiam, temperantiam cognoverat. nam, ne ejus supplicio Divitiaci animum offenderet, verebatur. itaque, prius quam quidquam conaretur, Divitiacum ad se vocari jubet, &, quotidianis interpretibus remotis, per C. Valerium Procillum, principem Galliæ provinciæ, familiarem suum, cui summam rerum omnium fidem habebat, cum eo colloquitur: simul commonefacit, quæ ipso præsentem in concilio Gallorum de Dumnorige sint dicta, quæ separatim quisque de eo apud se dixerit. petit, atque hortatur, ut sine ejus offensione animi, vel

ipse de eo, causa cognita, statuat, vel civitatem statuere jubeat. Divitiacus multis cum lacrimis Cæsarem complexus obsecrare cœpit, ne quid gravius in fratrem statueret: scire se illa esse vera: nec quenquam ex eo plus, quam se, doloris capere: propterea quod, quum ipse gratia plurimum domi, atque in reliqua Gallia, ille minimum propter adolescentiam posset, per se crevisset. quibus opibus ac nervis, non solum ad minuendam gratiam, sed pene ad perniciem suam uteretur: sese tamen & amore fraterno, & existimatione vulgi commoveri. quod si quid ei à Cæsare gravius accidisset, cum ipse cum locum amicitiae apud eum teneret, neminem existimaturum non sua voluntate factum; qua ex re futurum, uti totius Galliae animi à se averterentur. Hæc quum pluribus verbis flens à Cæsare peteret, Cæsar ejus dexteram prehendit. consolatus rogat finem orandi faciat: tanti ejus apud se gratiam esse ostendit, uti & Reip. injuriam, & suum dolorem ejus voluntati ac precibus condonet. Dumnorigem ad se vocat, fratrem adhibet: quæ in eo reprehendat, ostendit; quæ ipse intelligat, quæ civitas queratur, proponit: monet, ut in reliquum tempus omnes suspiciones vitet. præterita se Divitiaco fratri condonare dicit. Dumnorigi custodes ponit: ut, quæ agat, quibuscum loquatur, scire posset. Eodem die ab exploratoribus certior factus hostes sub montem consedissee, millia passuum ab ipsius castris octo; qualis esset natura montis, & qualis in circuitu adscensus, qui cognoscerent, misit. renunciatum est, facilem esse. de tertia vigilia T. Labienum legatum pro Pratore cum duabus legionibus, & iisdem duobus, qui iter cognoverant, summum jugum montis adscendere jubet: quid sui consilii sit, ostendit. ipse de quarta vigilia eodem itinere, quo hostes ierant, ad eos contendit; equitatumque omnem ante mittit. P. Confidius, qui rei militaris peritissimus habetur

habebatur, & in exercitu L. Syllæ, & postea in M. Crassi fuerat, cum exploratoribus præmittitur. prima luce, quum summus mons à T. Labieno teneretur, ipse ab hostium castris non longius mille & quingentis passibus abesset; neque, ut postea ex captivis comperit, aut ipsius adventus, aut Labieni cognitus esset; Considius, equo admissus, ad eum accurrit: dicit, montem, quem à Labieno occupari voverit, ab hostibus teneri: id se à Gallicis armis atque insignibus cognovisse. Cæsar suas copias in proximum collem subducit; aciem instruit. Labienus, ut erat ei præceptum à Cæsare, ne prælium committeret, nisi ipsius copiæ prope hostium castra visæ essent, ut undique uno tempore in hostes impetus fieret; monte occupato, nostros exspectabat, prælioque abstinebat. Multo denique die per exploratores cognovit, & montem à suis teneri, & hostes castra movisse, & Considium timore perterritum, quod non vidisset, pro viso sibi renuntiasse. eo die, quo consuevit intervallo, hostes sequitur, & millia passuum tria ab eorum castris castra ponit. Postridie ejus diei, quod omnino biduum supererat, quum exercitu frumentum metiri oporteret, & quod à Bibracte opido Æduorum longe maximo ac copiosissimo non amplius millibus passuum XVIII aberat, rei frumentariæ prospiciendum existimavit; & iter ab Helvetiis avertit, ac Bibracte ire contendit. ea res per fugitivos L. Æmilii, Decurionis equitum Gallorum, hostibus nuntiatur. Helvetii, seu quod timore perterritos Romanos discedere existimarent, eo magis, quod pridie, superioribus locis occupatis, prælium non commisissent, sive quod re frumentaria intercludi posse confiderent, commutato consilio atque itinere converso, nostros à novissimo agmine insequi ac laceßere cœperunt. Postquam id animadvertit, copias suas Cæsar in proximum collem subducit; equitatumque, qui sustineret hostium

impetum, misit. ipse interim in colle medio triplicem aciem instruxit legionum quatuor veteranarum, ita, uti supra se in summo jugo duas legiones, quas in Gallia citeriore proxime conscripserat, & omnia auxilia, collocaret, ac totum montem hominibus compleret. interea sarcinas in unum locum conferri, & cum ab iis, qui in superiore acie constiterant, muniri jussit. Helvetii, cum omnibus suis carris secuti, impedimenta in unum locum contulerunt. ipsi confertissima acie, rejecto nostro equitatu, phalange facta, sub primam nostram aciem successerunt. Cæsar, primum suo, deinde omnium [è conspectu] remotis equis, ut, æquato periculo, spem fugæ tolleret, cohortatus suos, prælium commisit. milites, è loco superiore pilis missis, facile hostium phalangem perfregerunt. ea disjecta, gladiis districtis, in eos impetum fecerunt. Gallis magno ad pugnam erat impedimento, quod, pluribus eorum scutis uno ictu pilorum transfixis & colligatis, quum ferrum se inflexisset, neque evellere, neque, sinistra impedita, satis commode pugnare poterant; multi ut, diu jactato brachio, præoptarent scutum manu emittere, & nudo corpore pugnare. tandem, vulneribus defessi, & pedem referre, &, quod mons suberat circiter ∞ passuum, eo se recipere cœperunt. capto monte, & succedentibus nostris, Boii, & Tulingi, qui hominum millibus circiter xv agmen hostium clauderant, & novissimis præsidio erant, ex itinere nostros latere aperto aggressi, circumvenire, & id conspicati Helvetii, qui in montem sese receperant, rursus instare, & prælium redintegrare cœperunt. Romani conversa signa tripartito intulerunt: prima, ac secunda acies, ut victis, ac submotis, resisteret; tertia, ut venientes exciperet. ita, ancipiti prælio, diu atque acriter pugnatum est. Diutius quum nostrorum impetum sustinere non possent; alteri se, ut cœperant, in montem receperunt, alteri

alteri ad impedimenta & carros suos se contulerunt: nam hoc toto prælio, quum ab hora septima, ad vesperam, pugnatum sit, aversum hostem videre nemo potuit. ad multam noctem etiam ad impedimenta pugnatum est: propterea quod pro vallo carros objecerant, & è loco superiore in nostros venientes tela conjiciebant, & nonnulli inter carros, rotasque, mataras ac tragulas subjiciebant, nostrosque vulnerabant. Diu quum esset pugnatum, impedimentis castrisque nostri potiti sunt. ibi Orgetorigis filia, atque unus è filiis captus est. ex eo prælio circiter millia hominum cxxx superfuerunt: eaque tota nocte continenter ierunt: nullam partem noctis itinere intermisso, in fines Lingonum die xv pervernerunt, quum & propter vulnera militum, & propter sepulturam occisorum, nostri triduum morati, eos sequi non potuissent. Cæsar ad Lingones litteras, nunciosque misit, ne eos frumento, neve alia re, juvarent: qui si juvissent, se eodem loco illos, quo Helvetios, habiturum. ipse, triduo intermisso, cum omnibus copiis eos sequi cœpit. Helvetii, omnium rerum inopia adducti, legatos de deditioe ad eum miserunt. qui quum eum in itinere convenissent, seque ad pedes projecissent; suppliciterque locuti, flentes pacem petissent; atque eos in eo loco, quo tum essent, suum adventum expectare jussisset; paruerunt. eo postquam Cæsar pervenit, obsides, arma, servos, qui ad eos perfugissent, poposcit. dum ea conquiruntur, & conferuntur, nocte intermissa circiter hominum millia vi ejus pagi, qui Verbigenus appellatur, sive timore perterriti, ne, armis traditis, supplicio afficerentur, sive spe salutis induci, quod, in tanta multitudine dediticiorum, suam fugam aut occultari, aut omnino ignorari posse existimarent; prima noctis vigilia, ex castris Helvetiorum egressi, ad Rhenum finesque Germanorum, contenderunt. quod ubi Cæsar rescivit, quorum per fines ierant,

his, uti conquirerent, & reducerent, si sibi purgati esse vellent, imperavit: reductos in hostium numero habuit. reliquos omnes, obsidibus, armis, perfugis traditis, in deditionem accepit. Helvetios, Tulingos, Latobrigos in fines suos, unde erant profecti, reverti iussit; &, quod omnibus frugibus amissis, domi nihil erat, quo famem tolerarent, Allobrogibus imperavit, ut his frumenti copiam facerent: ipsos opida vicosque quos incenderant restituere iussit. id ea maxime ratione fecit, quod noluit eum locum, unde Helvetii discesserant, vacare; ne propter bonitatem agrorum, Germani, qui trans Rhenum incolunt, è suis finibus in Helvetiorum fines transirent, & finitimi Galliae provinciae, Allobrogibusque essent. Boios, petentibus Aëduis, quod egregia virtute erant, ut in finibus suis collocarent, concessit. quibus illi agros dederunt; quosque postea in parem juris libertatisque conditionem, atque ipsi erant, receperunt. In castris Helvetiorum tabulae repertae sunt literis Graecis confectae, & ad Caesarem perlatae; quibus in tabulis nominatim ratio confecta erat, qui numerus domo exisset eorum, qui arma ferre possent, & item separatim pueri, senes, mulieresque. quarum omnium rerum summa erat capitum Helvetiorum millia CC LXIII. Tulingorum millia XXXVI. Latobrigorum XV. Rauracorum XXI. Boiorum XXXI. ex his, qui arma ferre possent, ad millia XCII. Summa omnium fuerant ad millia CCC LXVIII. Eorum, qui domum redierunt, censu habito, ut Caesar imperaverat, repertus est numerus millium C & X. Bello Helvetiorum confecto, totius fere Galliae legati, principes civitatum, ad Caesarem gratulatum convenerunt: intelligere sese, tametsi, pro veteribus Helvetiorum injuriis, populus R. ab iis poenas bello repetisset, tamen eam rem non minus ex usu terrae Galliae, quam populi R. accidisse: propterea quod eo consilio, florentissimis rebus, domos

mos suas Helvetii reliquissent, ut toti Galliarum bellum inferrent, imperioque potirentur, locumque domicilio ex magna copia deligerent, quem ex omni Gallia opportunissimum, ac fructuosissimum judicassent, reliquasque civitates stipendiarias haberent. petierunt, uti sibi concilium totius Galliarum in diem certam indicere, idque Caesaris voluntate facere, liceret: sese habere quasdam res, quas è communi consensu ab eo petere vellent. Ea re permissa, diem concilio constituerunt, & jurejurando, ne quis enuntiaret, nisi, quibus communi consilio mandatum esset, inter se sanxerunt. Eo concilio dimisso, iidem principes civitatum, qui ante [fuerant,] ad Caesarem reverterunt: petieruntque, uti sibi secreto de sua omniumque salute cum eo agere liceret. ea re impetrata, sese omnes fientes Caesari ad pedes projecerunt: non minus se id contendere, & laborare, ne ea, quae dixissent, enuntiarentur, quam, uti ea, quae vellent, impetrarent: propterea quod, si enuntiatum esset, summum in cruciatum se venturos viderent. Locutus est pro his Divitiacus Aeduus: Galliarum totius factiones esse duas: harum alterius principatum tenere Aeduos, alterius Arvernos. Hi quum tantopere de potentatu inter se multos annos contenderent, factum esse, uti ab Arvernibus, Sequanisque Germani mercede accerferentur. horum primo circiter millia xv Rhenum transisse: posteaquam agros & cultum, & copias Gallorum homines feri ac barbari adamassent, transductos plures: nunc esse in Gallia ad c & xx millium numerum: cum his Aeduos, eorumque clientes semel, atque iterum armis contendisse. magnam calamitatem pulsos accepisse, omnem nobilitatem, omnem Senatum, omnem equitatum amisisse. quibus praeliis calamitatibusque fractos, qui & sua virtute, & populi R. hospitio atque amicitia plurimum ante in Gallia potuissent, coactos esse Sequanibus obsides dare nobilissimos civitatis, &

jurejurando civitatem obstringere, sese neque obsides repetituros, neque auxilium à populo R. imploratorios, neque recusatorios, quo minus perpetuo sub illorum ditione atque imperio essent. unum se esse, ex omni civitate Æduorum, qui adduci non potuerit, ut juraret, aut suos liberos obsides daret. ob eam rem se ex civitate profugisse, & Romam ad Senatum venisse, auxilium postulat; quod solus neque jurejurando, neque obsidibus teneretur. sed pejus victoribus Sequanis, quam Æduis victis, accidisse, propterea quod Ariovistus rex Germanorum in eorum finibus confedisset, tertiamque partem agri Sequani, qui esset optimus totius Galliae, occupavisset, & nunc de altera parte tertia Sequanos decedere juberet; propterea quod, paucis mensibus ante, Harudum milia hominum xxiv ad eum venissent; quibus locus ac sedes pararentur. futurum esse paucis annis, uti omnes à Galliae finibus pellerentur, atque omnes Germani Rhenum transirent: neque enim conferendum esse Gallicum cum Germanorum agro, neque hanc consuetudinem victus cum illa comparandam. Ariovistum autem, ut semel Gallorum copias praelio vicerit, quod praelium factum sit Amagetobriae, superbe, & crudeliter imperare, obsides nobilissimi cujusque liberos poscere, & in eos omnia exempla cruciatus edere, si qua res non ad nutum, aut ad voluntatem ejus facta sit. hominem esse barbarum, iracundum, temerarium: non posse ejus imperia diutius sustineri: nisi quid in Caesare populoque R. sit auxilii, omnibus Gallis idem esse faciendum, quod Helvetii fecerunt, ut domo emigrent; aliud domicilium, alias sedes, remotas à Germanis, petant; fortunamque, quaecunque accadat, experiantur. hæc si enuntiata Ariovisto sint, non dubitare, quin de omnibus obsidibus, qui apud eum sint, gravissimum supplicium sumat: Caesarem vel auctoritate sua atque exercitus, vel recenti victoria, vel nomine
populi

populi R. detertere posse, ne major multitudo Germanorum Rhenum transducatur, Galliamque omnem ab Ariovisti injuria posse defendere. Hac oratione à Divitiaco habita, omnes, qui aderant, magno fletu auxilium à Cæsare petere cœperunt. animadvertit Cæsar, unos ex omnibus Sequanos nihil earum rerum facere, quas ceteri facerent, sed tristes, capite demisso, terram intueri. ejus rei quæ causa esset, miratus, ex ipsis quæsiuit. nihil Sequani respondere, sed in eadem tristitia taciti permanere. quum ab iis sapius quæreretur, neque ullam omnino vocem exprimere posset; idem Divitiacus Æduus respondit; hoc esse miseriorem, graviolemque fortunam Sequanorum, quam reliquorum, quod soli nec in occulto quidem queri, nec auxilium implorare, auderent; absentisque Ariovisti crudelitatem, velut si coram adesset, horrerent: propterea quod reliquis tamen fugæ facultas daretur; Sequanis vero, qui intra fines suos Ariovistum recepissent, quorum opida omnia in potestate ejus essent, omnes cruciatus essent perferendi. His rebus cognitis, Cæsar Gallorum animos verbis confirmavit: pollicitusque est sibi eam rem curæ futuram: magnam se habere spem, & beneficio suo, & auctoritate adductum Ariovistum, finem injuriis facturum. Hac oratione habita, concilium dimisit. & secundum ea multæ res eum hortabantur, quare sibi eam rem cogitandam & suscipiendam putaret: imprimis, quod Æduos, fratres consanguineosque sæpe numero ab senatu appellatos, in servitute atque in ditione videbat Germanorum teneri; eorumque obsides esse apud Ariovistum ac Sequanos intelligebat: quod in tanto imperio populi Romani turpissimum sibi & Reipubl. esse arbitrabatur. paullatim autem Germanos consuescere Rhenum transire, & in Galliam magnam eorum multitudinem venire, populo Romano periculosum videbat: neque sibi

homines feros ac barbaros temperaturos existimabat, quin, quum omnem Galliam occupassent, ut ante Cimbri Teutonique fecissent, in provinciam exirent, atque inde in Italiam contenderent: præsertim quum Sequanos à provincia nostra Rhodanus divideret. quibus rebus quam maturime occurrendum putabat. ipse autem Ariovistus tantos sibi spiritus, tantam arrogantiam sumpserat, ut ferendus non videretur. Quamobrem placuit ei ut ad Ariovistum legatos mitteret, qui ab eo postularent ut aliquem locum medium utriusque colloquio deligeret: velle sese de Rep. & summis utriusque rebus cum eo agere. Ei legationi Ariovistus respondit: Si quid ipsi à Cæsare opus esset, sese ad eum venturum fuisse: si quid ille se velit, illum ad se venire oportere. præterea se neq; sine exercitu in eas partes Galliarum venire audere, quas Cæsar possideret, neque exercitum sine magno comœatu atque emolumento in unum locum contrahere posse: sibi autem mirum videri, quid in sua Gallia, quam bello vicisset, aut Cæsari, aut omnino populo R. negotii esset. His responsis ad Cæsarem relatis, iterum ad eum Cæsar legatos cum his mandatis mittit: Quoniam tanto suo populique R. beneficio affectus, quum in consulatu suo rex, atque amicus à senatu appellatus esset; hanc sibi populoque R. gratiam referret, ut in colloquium venire invitatus gravaretur, neque de communi re dicendum sibi & cognoscendum putaret? hæc esse, quæ ab eo postularet: primum, ne quam multitudinem hominum amplius trans Rhenum in Galliam transduceret: deinde obsides, quos haberet ab Æduis, redderet: Sequanisque permetteret, ut, quos illi haberent, voluntate ejus reddere illis liceret; neve Æduos injuria læcesserent: neve his sociisve eorum bellum inferret: si id fecisset, sibi populoque R. perpetuam gratiam atque amicitiam cum eo futuram: si non impetraret, quoniam M. Messala, M. Pisone Coss. Senatus censuisset,

fuiſſet, uti, quicumque Galliam provinciam obtineret, quod commodo Reip. facere poſſet, Æduos ceterosque amicos populi R. defenderet, ſe Æduorum injurias non neglecturum. Ad hæc Arioviſtus reſpondit: Jus eſſe belli, ut, qui viciffent, iis, quos viciffent, quemadmodum vellent, imperarent: iudem populum R. victis non ad alterius præſcriptum, ſed ad ſuum arbitrium imperare conſueſſe. ſi ipſe populo R. non præſcriberet quemadmodum ſuo jure uteretur, non oportere ſe à populo R. in ſuo jure impediri. Æduos ſibi, quoniam belli fortunam tentaffent, & armis congreſſi, ac ſuperati eſſent, ſtipendarios eſſe factos. magnam Cæſarem injuriam facere, qui ſuo adventu veſtigialia ſibi deteriora faceret. Æduis ſe obſides redditurum non eſſe; neque iis, neque eorum ſociis injuria bellum illaturum, ſi in eo manerent, quod conveniſſet, ſtipendiumque quotannis penderent: ſi id non feciſſent, longe ab his fraternum nomen populi R. abſuturum. quod ſibi Cæſar denuntiaret, ſe Æduorum injurias non neglecturum; neminem ſecum ſine ſua pernicie contendiſſe. quum vellet, congregederetur: intellecturum, quid invicti Germani, exercitatiffimi in armis, qui intra annos x iv teſtum non ſubiſſent, virtute poſſent. Hæc eodem tempore Cæſari mandata referebantur; & legati ab Æduis & Trevinis veniebant. Ædui, queſtum, quod Harudes, qui nuper in Galliam tranſportati eſſent, fines eorum popularentur. ſeſe ne obſidibus quidem datis pacem Arioviſti redimere potuiſſe. Treviri autem, pagos centum Suevorum ad ripam Rheni conſediſſe; qui Rhenum tranſire conarentur: iis præeſſe Naſuam & Cimmerium fratres. Quibus rebus Cæſar vehementer commotus, maturandum ſibi exiſtimavit, ne ſi nova manus Suevorum cum veteribus copiis Arioviſti ſeſe conjunxiſſet, minus facile reſiſti poſſet. itaque, re frumentaria, quam-celerrime potuit, com-

parata, magnis itineribus ad Ariovistum contendit. quum tridui viam processisset, nunciatum est ei, Ariovistum cum suis omnibus copiis ad occupandum Vesontionem, quod est opidum maximum Sequanorum, contendere, triduique viam à suis finibus processisse. id ne accideret, magnopere præcavendum sibi Cæsar existimabat. namque omnium rerum, quæ ad bellum usui erant, summa erat in eo opido facultas: idque natura loci sic muniebatur, ut magnam ad ducendum bellum daret facultatem: propterea quod flumen Adduasdubis, ut circino circumductum, pene totum opidum cingit: reliquum spatium, quod non est amplius pedum DC, qua flumen intermittit, mons continet magna altitudine, ita ut radices ejus montis ex utraque parte ripæ fluminis contingant. hunc murus circumdatus arcem efficit, & cum opido conjungit. huc Cæsar magnis diurnis nocturnisque itineribus contendit; occupatoque opido, ibi præsidium collocat. Dum paucos dies ad Vesontionem, rei frumentariæ, commeatusque causâ, moratur, ex percunctatione nostrorum vocibusque Gallorum, ac mercatorum, qui ingenti magnitudine corporum Germanos, incredibili virtute, atque exercitatione in armis esse prædicabant, sæpenumero sese cum iis congressos ne vultum quidem, atque aciem oculorum ferre potuisse; tantus subito timor omnem exercitum occupavit, ut non mediocriter omnium mentes animosque perturbaret. hic primum ortus est à tribunis militum, ac præfectis, reliquisque, qui, ex urbe, amicitia causâ, Cæsarem secuti, magnum periculum miserabantur, quod non magnum in re militari usum habebant: quorum alius, alia causâ illata, quam sibi ad proficiscendum necessariam esse duceret, petebat, ut ejus voluntate discedere liceret, nonnulli, pudore adducti, ut timoris suspicionem vitarent, remanebant. hi neque vultum
fin-

fingere , neque interdum lacrimas tenere poterant :
 abditi in tabernaculis aut suum fatum querebantur ,
 aut cum familiaribus suis commune periculum mi-
 serabantur. vulgo totis castris testamenta obsigna-
 bantur. horum vocibus ac timore paulatim etiam
 ii , qui magnum in castris usum habebant , milites ,
 centurionesque , quique equitatu præerant , per-
 turbabantur. qui se ex his minus timidos existima-
 ri volebant, non se hostem vereri , sed angustias iti-
 neris , & magnitudinem silvarum , quæ inter eos
 atque Ariovistum intercederent , aut rem frumen-
 tariam, ut satis commode supportari posset , timere
 dicebant. nonnulli etiam Cæsari renuntiabant, cum
 castra moveri , ac signa ferri jussisset , non fore dicto
 audientes milites , neque propter timorem signa la-
 turos. Hæc quum animadvertisset Cæsar , convo-
 cato concilio , omniumque ordinum ad id concil-
 lium adhibitis centurionibus , vehementer eos in-
 cusavit : primum , quod aut quam in partem , aut
 quo consilio ducerentur , sibi quærendum aut cogi-
 randum putarent. Ariovistum, se consule, cupidis-
 sime populi R. amicitiam appetisse. cur hunc tam
 temere quisquam ab officio discessurum judicaret ?
 sibi quidem persuaderi, cognitis suis postulatis, atque
 æquitate conditionum perspecta , eum neque suam,
 neque populi R. gratiam repudiaturum. quod si fu-
 rore atque amentia impulsus bellum intulisset, quid
 tandem vererentur ? aut cur de sua virtute , aut de
 ipsius diligentia desperarent ? factum ejus hostis pe-
 riculum patrum nostrorum memoria, quum, Cim-
 bris & Teutonis à C. Mario pulsus , non minorem
 laudem exercitus , quam ipse imperator , meritis
 videbatur. factum etiam nuper in Italia , servili tu-
 multu; quos tamen aliquis usus ac disciplina, quam
 à nobis accepissent , sublevaret. ex quo judicari pos-
 set, quantum haberet in se boni constantia : pro-
 pterea quod , quos aliquandiu inermes sine caussa
 timuis-

rimuissent, hos postea armatos, ac victores superassent: denique hos esse Germanos, quibuscum læpenumero Helvetii congressi non solum in suis, sed etiam in illorum finibus plerumque superassent, qui tamen pares esse nostro exercitui non potuerint. si quos adversum prælium, & fuga Gallorum commoveret, hos, si quærerent, reperire posse diuturnitate belli defatigatis Gallis, Ariovistum, quum multos menses castris ac paludibus se continuisset, neque sui potestatem fecisset, desperantes jam de pugna, & dispersos subito adortum, magis ratione ac consilio, quam virtute, vicisse. cui rationi contra homines barbaros atque imperitos locus fuisset; hac ne ipsum quidem sperare nostros exercitus capi posse. qui suum timorem in rei frumentariæ simulationem, angustiasque itinerum conferrent, facere arroganter; quum aut de officio Imperatoris desperare, aut ei præscribere viderentur. hæc sibi esse curæ; frumentum Sequanos, Leucos, Lingones subministrare: jamque esse in agris frumenta matuta: de itinere ipsos brevi tempore judicaturos. quod non fore dicto audientes, neque signa laturi dicantur, nihil se ea re commoveri: scire enim, quibuscumque exercitus dicto audiens non fuerit; aut, male re gesta, fortunam defuisse; aut, aliquo facinore comperto, avaritiam esse convictam: suam innocentiam perpetua vita, felicitatem Helvetiorum bello esse perspectam. itaque se, quod in longiorem diem collaturus esset, repræsentaturum, & proxima nocte de quarta vigilia castra moturum, ut quamprimum intelligere posset, utrum apud eos pudor atque officium, an timor, plus valeret. quod si præterea nemo sequatur, tamen se cum sola decima legione iturum, de qua non dubitaret, sibi que eam Prætoriam cohortem futuram. Huic legioni Cæsar & indulserat præcipue, & propter virtutem confidebat maxime. Hac oratione habita, mirum in

modum conversæ sunt omnium mentes, summaque alacritas & cupiditas belli gerendi innata est: princepsque decima legio per tribunos mil. ei gratias egit, quod de se optimum iudicium fecisset, seque esse ad bellum gerendum paratissimam confirmavit; inde reliquæ legiones per tribunos mil. & primorum ordinum centuriones egerunt, uti Cæsari satisfacerent: se neque umquam dubitasse, neque timuisse, neque de summa belli suum iudicium, sed Imperatoris esse, existimavisse. Eorum satisfactione accepta, & itinere exquisito per Divitiacum, quod ex aliis Gallis ei maximam fidem habebat, ut milium amplius quadraginta circuitu locis apertis exercitum duceret, de quarta vigilia, uti dixerat, profectus est. Septimo die, quum iter non intermitteret, ab exploratoribus certior factus est Ariovisti copias à nostris millibus passuum *iv* & *xx* abesse. Cognito Cæsaris adventu Ariovistus legatos ad eum mittit: quod antea de colloquio postulasset, id per se fieri licere, quoniam propius accessisset, seque id sine periculo facere posse existimaret. Non respuit conditionem Cæsar: jamque eum ad sanitatem reverti arbitrabatur, quum id, quod antea petenti denegasset, ultro polliceretur: magnamque in spem veniebat, pro suis tantis, populi que R. in eum beneficiis, cognitis suis postulatis, fore, uti pertinacia desisteret. dies colloquio dictus est ex eo die quintus. Interim, quum sæpe ultro citroque legati inter eos mitterentur, Ariovistus postulavit, ne quem peditem ad colloquium Cæsar adduceret: vereri se, ne per insidias ab eo circumveniretur: uterque cum equitatu veniret: alia ratione se non esse venturum. Cæsar, quod nec colloquium, interposita causa, tolli volebat, neque salutem suam Gallorum equitatu committere audebat; commodissimum esse statuit, omnibus equis Gallis equitibus detractis, legionarios eo milites legionis decimæ, cui quammaxime confidebat, im-

imponere; ut præsidium quam amicissimum, si quid opus factum esset, haberet. quod quum fieret, non irridicule quidam ex militibus decimæ legionis dixit; Plus, quam pollicitus esset, Cæsarem facere: pollicitum in cohortis prætoris loco decimam legionem habiturum, ad equum rescribere. Planities erat magna, & in ea tumulus terreus satis grandis. hic locus æquo fere spatio ab castris utrisque aberat. eo, ut erat dictum, ad colloquium venerunt. Legionem Cæsar, quam equis devexerat, passibus cc ab eo tumulo constituit: item equites Ariovisti pari intervallo constiterunt. Ariovistus, ut ex equis colloquerentur, & præter se, denos, ut ad colloquium adducerent, postulavit. ubi eo ventum est, Cæsar initio orationis sua Senatusque in eum beneficia commemoravit; quod rex appellatus esset à Senatu, quod amicus, quod munera amplissima missa; quam rem & paucis contigisse, & à Romanis pro maximis hominum officiis consuevisse tribui docebat: illum, quum neque aditum, neque causam postulandi justam haberet, beneficio ac liberalitate sua ac Senatus, ea præmia consecutum. docebat etiam, quam veteres, quamque justæ causæ necessitudinis ipsis cum Æduis intercederent: quæ Senatusconsulta, quoties, quamque honorifica in eos facta essent: ut omni tempore totius Galliæ principatum Ædui tenuissent, prius etiam, quam nostram amicitiam appetissent. populi R. hanc esse consuetudinem, ut socios, atque amicos non modo sui nihil deperdere, sed gratia, dignitate, honore auctos velit esse. quod vero ad amicitiam populi R. attulissent, id iis eripi, quis pati posset? postulavit deinde eadem, quæ legatis in mandatis dederat, ne aut Æduis, aut eorum sociis bellum inferret; obsides redderet: si nullam partem Germanorum domum remittere posset; at ne quos amplius Rhenum transire pateretur. Ariovistus ad postulata Cæsaris pauca respondit; de suis vir-

virtutibus multa prædicavit ; transisse Rhenum sese non sua sponte, sed rogatum, & accersitum à Gallis; non sine magna spe, magnisque præmiis, domum propinquosque reliquisse : sedes habere in Gallia ab ipsis concessas : obsides ipsorum voluntate datos : stipendium capere jure belli, quod victores victis imponere consueverint. non sese Gallis, sed Gallos sibi bellum intulisse : omnes Galliæ civitates ad se oppugnandum venisse : ac contra se castra habuisse : eas omnes copias uno abs se prælio fusas ac superatas esse. si iterum experiri velint, paratum se decertare. sin pace uti malint, iniquum esse de stipendio recusare ; quod sua voluntate ad id tempus pependerit. amicitiam populi R. sibi ornamento, & præsidio, non detrimento, esse oportere : idque se ea spe petisse, si per populum R. stipendium remittatur, & dediticii subtrahantur ; non minus libenter sese recusaturum populi R. amicitiam, quam appetierit. quod multitudinem Germanorum in Galliam transducatur, id se sui muniendi, non Galliæ impugnandæ, causâ facere ; ejus rei testimonium esse, quod, nisi rogatus, non venerit, & quod bellum non intulerit, sed defenderit. se prius in Galliam venisse, quam populum R. nunquam ante hoc tempus exercitum populi R. Galliæ provinciæ fines egressum. quid sibi vellet ? cur in suas possessiones veniret ? provinciam suam esse hanc Galliam, sicuti illam nostram. ut sibi concedi non oporteret, si in nostros fines impetum faceret ; sic iterum, nos esse iniquos, quod in suo jure se interpellaremus. quod ex SC. Æduos appellatos amicos diceret ; non se tam barbarum, neque tam imperitum esse rerum, ut non sciret, neque bello Allobrogum proximo, Æduos Romanis auxilium tulisse ; neque ipsos in his contentionibus, quas Ædui secum, & cum Sequanis habuissent, auxilio populi R. usos esse. debere se suspicari, simulata Cæsarem amicitia, quod exercitum in Gallia habeat, sui

op-

opprimendi caussa habere. quod nisi decedat, aut exercitum deducat ex his regionibus; sese illum non pro amico, sed pro hoste habiturum: quod si eum interfecerit, multis sese nobilibus, principibusque populi Romani gratum esse facturum. id se ab ipsis per eorum nuncios compertum habere; quorum omnium gratiam atque amicitiam ejus morte redimere posset. quod si discessisset, ac liberam sibi possessionem Galliarum tradidisset, magno se illum præmio remuneraturum, & quæcunque bella geri vellet, sine ullo ejus labore & periculo confecturum. multa à Cæsare in eam sententiam dicta sunt, quare negotio desistere non posset, & neque suam, neque populi Romani consuetudinem pati, ut optime meritos socios desereret; neque se judicare Galliam potius esse Ariovisti, quam populi Romani. Bello superatos esse Arvernos & Rutenos à Q. Fabio Maximo, quibus populus Romanus ignovisset, neque in provinciam redegisset, neque stipendium imposuisset. quod si antiquissimum quodque tempus spectari oporteret, populi Romani justissimum esse in Gallia imperium. si judicium Senatus servari oporteret, liberam debere esse Galliam, quam bello victam suis legibus uti voluisset. Dum hæc in colloquio geruntur, Cæsari nunciatum est, equites Ariovisti propius tumultum accedere, & nostros adequitare; lapides telaque in nostros conjicere. Cæsar loquendi finem fecit; seque ad suos recepit; suisque iimperavit, ne quod omnino telum in hostes rejicerent. nam, etsi sine ullo periculo legionis delectæ cum equitatu prælium fore videbat: tamen committendum non putabat, ut, pulsus hostibus, dici posset, eos à se per fidem in colloquio circumventos. Posteaquam in vulgus militum elatum est, qua arrogantia in colloquio Ariovistus usus, omni Gallia Romanis interdixisset; impetumque in nostros ejus equites fecissent; eaque res colloquium diremisset: multo major alacritas studium-

diuinque pugnandi majus exercitui injectum est. Bido post Ariovistus legatos ad Cæsarem mittit, velle se de his rebus, quæ inter eos agi cœptæ, neque perfectæ essent, agere cum eo: uti aut iterum colloquio diem constitueret; aut, si id minus vellet, ex suis legatis aliquem ad se mitteret. Colloquendi Cæsari causâ visâ non est, & eo magis, quod pridie ejus diei Germani retineri non potuerant, quin in nostros tela conjicerent. legatum ex suis sese magno cum periculo ad eum missurum, & hominibus feris objecturum existimabat. commodissimum visum est, C. Valerium Procillum C. Valerii Caburi filium, summa virtute & humanitate adolescentem, (cujus pater à C. Valerio Flacco civitate donatus erat) & propter fidem, & propter linguæ Gallicæ scientiam, qua multa jam Ariovistus, longinqua consuetudine, utebatur, &, quod in eo peccandi Germanis causâ non esset, ad eum mittere, & M. Mettium, qui hospitio Ariovisti usus erat. his mandavit, ut, quæ diceret Ariovistus, cognoscerent, & ad se referrent. quos quum apud se in castris Ariovistus conspexisset, exercitu suo præsentem, clamavit: Quid ad se venirent? an speculandi causâ? conantes dicere prohibuit, & in catenas conjecit. Eodem die castra promovit, & millibus passuum VI à Cæsaris castris sub monte confedit. postridie ejus diei præter castra Cæsaris suas copias transduxit, & millibus passuum II ultra eum castra fecit; eo consilio, uti frumento, comœtatuque, qui ex Sequanis & Æduis supportaretur, Cæsarem intercluderet. ex eo die dies continuos V Cæsar pro castris suas copias produxit, & aciem instructam habuit; ut, si vellet Ariovistus prælio contendere, ei potestas non deesset. Ariovistus his omnibus diebus exercitum castris continuit. equestri prælio quotidie contendit. Genus hoc erat pugnæ, quo se Germani exercuerant. Equitum millia erant VI, totidem numero pedi-

pedites velocissimi, ac fortissimi; quos ex omni copia singuli singulos, suæ salutis causâ delegerant. cum his in præliis versabantur: ad hos se equites recipiebant: hi, si quid erat durius, concurrebant: si qui, graviore vulnere accepto, equo deciderant, circumfistebant: si quo erat longius prodeundum, aut celerius recipiendum, tanta erat horum exercitatione celeritas, ut jubis equorum sublevati cursum adæquarent. Ubi eum castris sese tenere Cæsar intellexit, ne diutius comineatu prohiberetur, ultra eum locum, quo in loco Germani confederant, circiter passus D C ab his castris idoneum locum delegit; acieque triplici instructa, ad eum locum venit. primam, & secundam aciem in armis esse, tertiam castra munire iussit. hic locus ab hoste circiter passus sexcentos, uti dictum est, aberat. eo circiter hominum numerum XVI millia expedita cum omni equitatu Ariovistus misit; quæ copię nostros perterrerent, & munitione prohiberent. nihilo secius Cæsar, ut ante constituerat, duas acies hostem propulsare, tertiam opus perficere iussit. munitis castris, duas ibi legiones reliquit, & partem auxiliorum: quatuor reliquas in castra majora reduxit. proximo die, instituto suo Cæsar ex castris utrisque copias suas eduxit: paullulumque à majoribus progressus aciem instruxit; hostibusque pugnandi potestatem fecit. ubi ne tum quidem eos prodire intellexit, circiter meridiem exercitum in castra reduxit. tum demum Ariovistus partem suarum copiarum, quæ castra minora oppugnaret, misit. acriter utrimque, usque ad vesperum, pugnatum est. Solis occasu suas copias Ariovistus, multis & illatis, & acceptis vulneribus, in castra reduxit. Quum ex captivis quæreret Cæsar, quamobrem Ariovistus prælio non decertaret, hanc reperiebat causam: Quod apud Germanos ea consuetudo esset, ut matresfamilias eorum sortibus & vaticinationibus declararent, utrum præ-

prælium committi ex usu esset, nec ne: eas ita dicere, Non esse fas Germanos superare, si ante novam Lunam prælio contendissent. Postridie ejus diei Cæsar præsidio utrisque castris, quod satis esse visum est, relicto, omnes alarios in conspectu hostium pro castris minoribus constituit; quod minus multitudine militum legionariorum, pro hostium numero, valebat, ut ad speciem alariis uteretur. ipse triplici instructa acie usque ad castra hostium accessit. tum demum necessario Germani suas copias è castris eduxerunt, generatimque constituerunt, paribusque intervallis Harudes, Marcomanos, Triboccos, Vangiones, Nemetes, Sedusios, Suevos: omnemque aciem suam rhedis & carris circumdederunt, ne qua spes in fuga relinqueretur. co mulieres imposuerunt, quæ in prælium proficiscentes, milites passis crinibus flentes implorabant, ne se in servitutem Romanis traderent. Cæsar singulis legionibus singulos legatos, & quæstorem præfecit; uti eos testes suæ quisque virtutis haberet. ipse à dextro cornu, quod eam partem minime firmam hostium esse animadverterat, prælium commisit. ita nostri acriter in hostes, signo dato, impetum fecerunt. itaque hostes repente celeriterque procurrerunt; ut spatium pila in hostes conjiciendi non daretur. rejectis pilis, cominus gladiis pugnatum est. at Germani celeriter, ex consuetudine sua, phalange facta, impetus gladiatorum exceperunt. reperti sunt complures nostri milites, qui in phalanges insilirent, & scuta manibus revellerent. & desuper vulnerarent. Quum hostium acies à sinistro cornu pulsa, atque in fugam conversa esset, à dextro cornu vehementer multitudine suorum nostram aciem premebant. id quum animadvertisset P. Crassus adolescens, qui equitatu præerat, quod expeditior erat, quam hi, qui inter aciem versabantur, tertiam aciem laborantibus nostris subsidio misit. ita prælium restitutum est, atque omnes hostes

flēs terga verterunt, neque prius fugere destiterunt, quam ad flumen Rhenum millia passuum ex eo loco circiter quinquaginta pervenerunt. ibi perpauci, aut viribus confisi transnatare contenderunt; aut lintribus inventis, salutem sibi petierunt. in his fuit Ariovistus, qui naviculam deligatam ad ripam nactus ea profugit: reliquos omnes equites consecuti nostri interfecerunt. duæ fuerunt Ariovisti uxores, una Sueva natione, quam domo secum adduxerat; altera Norica, regis Vocionis soror, quam in Gallia duxerat, à fratre missam. utraque in ea fuga periit. duæ filiæ harum, altera occisa, altera capta est. C. Valerius Procillus, quum à custodibus in fuga trinis catenis vincētus traheretur, in ipsum Cæsarem hostium equitatum persequentem incidit. quæ quidem res Cæsari non minorem, quam ipsa victoria, voluptatem attulit: quod hominem honestissimum provinciæ Galliæ, suum familiarem, & hospitem, ereptum è manibus hostium, sibi restitutum videbat; neque ejus calamitate de tanta voluptate & gratulatione quidquam fortuna deminuerat. is, se præsentē, de se ter sortibus consultum dicebat, utrum igni statim necaretur, an in aliud tempus reservaretur. sortium beneficio se esse incolumem. item M. Mettius repertus, & ad eum reductus est. Hoc prælio trans Rhenum nunciato, Suevi, qui ad ripas Rheni venerant, domum reverti cœperunt; quos Ubii, qui proxime Rhenum incolunt, perterritos interfecuti, magnum ex his numerum occiderunt. Cæsar una æstate, duobus maximis bellis confectis, maturius paullo, quam tempus anni postulabat, in hiberna in Sequanos exercitum deduxit: hibernis Labienum præposuit: ipse in citeriorem Galliam ad conventus agendos profectus est.

LIBER II.



Uum esset Cæsar in citeriore Gallia in hibernis, ita uti supra demonstravimus, crebri ad eum rumores afferebantur, litterisque item Labieni certior fiebat, omnes Belgas, quam tertiam esse Gallia partem dixeramus, contra populum R. conjurare, obsidesque inter se dare. conjurandi has esse causas: primum, quod vererentur, ne, omni pacata Gallia ad eos exercitus noster adduceretur: deinde quod ab nonnullis Gallis sollicitarentur, partim qui Germanos diutius in Gallia versari nollent, ita populi Rom. exercitum hiemare atque inveterascere in Gallia moleste ferebant, partim qui mobilitate & levitate animi novis imperiis studebant: ab nonnullis etiam, quod in Gallia à potèntioribus, atque iis, qui ad conducendos homines facultates habebant, vulgo regna occupabantur: qui minus facile eam rem imperio nostro consequi poterant. Iis nuntiis litterisque commotus Cæsar duas legiones in citeriore Gallia novas conscripsit, & in ita æstate in interiorem Galliam, qui deduceret, Q. Pedium legatum misit. ipse, quum primum pabuli copia esse inciperet, ad exercitum venit. dat negotium Senonibus, reliquisque Gallis, qui finitimi Belgis erant, uti ea, quæ apud eos gerantur, cognoscant: seque de his rebus certiores faciant. hi constanter omnes nuntiaverunt manus cogi, exercitum in unum locum conduci. tum vero dubitandum non existimavit, quin ad eos duodecimo die proficisceretur. re frumentaria provisâ, castra movet, diebusque circiter xv ad fines Belgarum pervenit. eo quum de improvviso, celeriusque omnium opinione venisset, Rhemi, qui proximi Gallia ex Belgis sunt, ad eum legatos Iccium & Antebrogium primos civitatis suæ miserunt: qui dicerent, se suaque omnia in fidem atque potestatem populi R.

permittere, neque se cum reliquis Belgis consensisse, neque contra populum Rom. omnino conjurasse; paratosque esse & obsides dare, & imperata facere, & opidis recipere, & frumento, ceterisque rebus juvare. reliquos omnes Belgas in armis esse: Germanosque, qui cis Rhenum incolunt, sese cum his conjunxisse; tantumque esse eorum omnium furorem, ut ne Sueffones quidem fratres consanguineosque suos, qui eodem jure, iisdem legibus utantur, unum imperium, unumque magistratum cum ipsis habeant, deterrere potuerint, quin cum his consentirent. Quum ab his quæreretur, quæ civitates, quantæque in armis essent, & quid in bello possent; sic reperiebat, plerosque Belgas esse ortos à Germanis, Rhenumque antiquitus transductos, propter loci fertilitatem ibi consedisse; Gallosque, qui ea loca incolerent, expulisse; solosque esse qui patrum nostrorum memoria omni Gallia vexata, Teutonos, Cimbrosque intra fines suos ingredi prohibuerint. qua ex re fieri, uti earum rerum memoria magnam sibi auctoritatem, magnosque spiritus in re militari sumerent. de numero eorum omnia se habere explorata Rhemi dicebant, propterea quod propinquitatibus affinitatibusque conjuncti, quantam quisque multitudinem in communi Belgarum concilio ad id bellum pollicitus sit, cognoverint. plurimum inter eos Bellovacos & virtute, & auctoritate, & hominum numero valere: hos posse conficere armata millia centum; pollicitos ex eo numero lecta millia L X; totiusque belli imperium sibi postulare. Sueffones suos esse finitimos; latissimos, feracissimosque agros possidere. apud eos fuisse regem nostra etiam memoria Divitiacum totius Galliæ potentissimum: qui quum magnæ partis harum regionum, tum etiam Britannix, imperium obtinuerit; nunc esse regem Galbam: ad hunc propter justitiam, prudentiamque, summam totius belli omnium voluntate deferri: opida habe-

re numero XII: polliceri millia armata quinquaginta: totidem Nervios, qui maxime feri inter ipsos habeantur, longissimeque absint: XV millia Atrebates: Ambianos X millia: Morinos XXV millia: Menapios IX millia: Caletes X millia: Velocassēs & Veromanduos totidem: Aduaticos XXIX millia: Condrusos, Eburones, Carassos, Pæmanos, qui uno nomine Germani appellantur, arbitrari ad XL millia. Cæsar Rhemos cohortatus, liberaliterque oratione profecutus, omnem senatum ad se convonire, principumque liberos obsides ad se adduci iussit. quæ omnia ab his diligenter ad diem facta sunt. ipse Divitiacum Æduum magnopere cohortatus, docet quantopere Reip. communisque salutis intersit, manus hostium distineri, ne cum tanta multitudine uno tempore configendum sit. id fieri posse, si suas copias Ædui in fines Bellovacorum introduxerint, & eorum agros populari cœperint. his mandatis, eum ab se dimittit. Postquam omnes Belgarum copias in unum locum coactas ad se venire, neque jam longe abesse, ab his quos miserat, exploratoribus, & ab Rhemis cognovit; flumen Axonam, quod est in extremis Rheinorum finibus, exercitum transducere maturavit, atque ibi castra posuit. quæ res & latus unum castrorum ripis fluminis muniebat, & post ea quæ erant, tuta ab hostibus reddebat, & commeatus ab Rhemis, reliquisque civitatibus, ut sine periculo ad eum portari posset, efficiebat. in eo flumine pons erat. ibi præsidium ponit. & in altera parte fluminis Q. Titurium Sabinum legatum cum VI cohortibus reliquit. castra in altitudinem pedum XII vallo fossaque duodeviginti pedum munire iubet. Ab ipsis castris opidum Rheinorum nomine Bibrax aberat millia passuum VIII. id ex itinere magno impetu Belgæ oppugnare cœperunt. ægre eo die sustentatum est. Gallorum eadem, atque Belgarum, oppugnatio est. hi, ubi circumjecta multitudine ho-

minum totis mœnibus, undique in iherum lapides jaci cœpti sunt, murusque defensoribus nudatus est; testudine facta, portis succedunt, murumque subruunt. quod tum facile fiebat. nam tanta multitudo lapides ac tela conjiciebant, ut in muro consistendi potestas esset nulli. quum finem oppugnandi nox fecisset, Iccius Rhemus, summa nobilitate & gratia inter suos, qui tum opido præerat, unus ex iis, qui legati de pace ad Cæsarem venerant, nuntios ad eum mittit, Nisi subsidium sibi mittatur, se diutius sustinere non posse. eo de media nocte Cæsar, iisdem ducibus usus, qui nuntii ab Iccio venerant, Numidas, & Cretas sagittarios, & funditores Baleares subsidio opidanis mittit. quorum adventu, & Rhemis cum spe defensionis studium propugnandi accessit, & hostibus eadem de causa spes potiundi opidi discessit. Itaque paulisper apud opidum morati, agrosque Rhemorum depopulati, omnibus vicis, ædificiisque, quo adire poterant, incensis, ad castra Cæsaris omnibus copiis contenderunt: & à millibus passuum minus **xi** castra posuerunt. quæ castra, ut fumo atque ignibus significabatur, amplius millibus passuum **viii** in latitudinem patebant. Cæsar primo, & propter multitudinem hostium, & propter eximiam opinionem virtutis, prælio supersedere statuit. quotidie tamen equestribus præliis, quid hostis virtute posset, & quid nostri auderent, periclitabatur. ubi nostros non esse inferiores intellexit, loco pro castris ad aciem instruendam natura opportuno atque idoneo, quod is collis, ubi castra posita erant, paullulum ex planitie editus tantum adversus in latitudinem patebat, quantum loci acies instructa occupare poterat, atque ex utraque parte lateris dejectus habebat, & in fronte leviter fastigiatum paullatim ad planitiem redibat, ab utroque latere ejus collis transversam fossam obduxit circiter passuum **c d**: & ad extremas fossas castella constituit,

tuit, ibique tormenta collocavit; ne, quum aciem instruxisset, hostes (quod tantum multitudine poterant) à lateribus suos pugnantes circumvenire possent. hoc facto, duabus legionibus, quas proxime conscripserat, in castris relictis, ut, si quid opus esset, subsidio duci possent, reliquas sex legiones pro castris in acie constituit. hostes item suas copias ex castris eductas instruxerant. palus erat non magna inter nostrum atque hostium exercitum. hanc si nostri transirent, hostes expectabant. nostri autem, si ab illis initium transeundi fieret, ut impeditos aggredierentur, parati in armis erant. interim prælio equestri inter duas acies contendebant. ubi neutri transeundi initium faciunt, secundiore equitum nostrorum prælio, Cæsar suos in castra reduxit. hostes protinus ex eo loco ad flumen Axonam contendunt, quod esse post nostra castra demonstratum est. ibi vadis repertis, partem suarum copiarum transducere conati sunt: eo consilio, si possent, castellum, cui præerat Q. Titurius legatus, expugnarent, pontemque interscinderent: sin minus, agros Rhemorum popularentur, qui magno nobis usui ad bellum gerendum erant, commeatusque nostros sustinebant. Cæsar certior factus à Titurio omnem equitatum, & levis armaturæ Numidas, funditores, sagittariosque pontem transducit, atque ad eos contendit. acriter in eo loco pugnatum est. hostes impeditos nostri in flumine aggressi magnum eorum numerum occiderunt. per eorum corpora reliquos audacissime transire conantes, multitudine telorum repulerunt. primos, qui transierant, equitatu circumventos interfecerunt. Hostes, ubi & de expugnando opido, & de flumine transeundo spem se fefellisse intellexerunt, neque nostros in locum iniquiorem progredi pugnandi causa viderunt, atque eos res frumentaria deficere cœpit; consilio convocato, constituerunt optimum esse domum suam quemque reverti; &

quorum in fines primum Romani exercitum introduxissent, ad eos defendendos undique convenire; ut potius in suis, quam alienis finibus decertarent, & domesticis copiis rei frumentariæ uterentur. ad eam sententiam, cum reliquis causis, hæc quoque ratio eos deduxit: quod Divitiacum atque Æduos finibus Bellovacorum appropinquare cognoverant. his persuaderi, ut diutius morarentur, ne suis auxilium ferrent, non poterat. Ea re constituta, secunda vigilia magno cum strepitu ac tumultu castris egressi, nullo certo ordine, neque imperio, quum sibi quisque primum itineris locum peteret, & domum pervenire properaret, fecerunt, ut consimilis fugæ profectio videretur. Hac re statim Cæsar per speculatores cognita, insidias veritus, quod, qua de causa discederent, nondum perspexerat; exercitum, equitatumque castris continuit. prima luce, confirmata re ab exploratoribus, omnem equitatum, qui novissimum agmen moraretur, præmisit, eique Q. Pedium, & L. Aurunculeium Cottam legatos præfecit. T. Labienum legatum cum legionibus tribus subsequi iussit. Hi novissimos adorti, & multa milia passuum profecti, magnam multitudinem eorum fugientium conciderunt, quum ab extremo agmine hi, ad quos ventum erat, consisterent, fortiterque impetum nostrorum militum sustinerent. Priores, quod abesse à periculo viderentur, neque ulla necessitate, neque imperio continerentur, exaudito clamore, perturbatis ordinibus, omnes in fuga sibi subsidium posuerunt. ita sine ullo periculo tantam eorum multitudinem nostri interfecerunt, quantum fuit diei spatium: sub occasumque Solis sequi destiterunt; seque in castra, uti erat imperatum, receperunt. Postridie ejus diei Cæsar, prius quam se hostes ex terrore ac fuga reciperent, in fines Sueffonum, qui proximi Rhemis erant, exercitum duxit; & magno itinere confecto ad opidum Noviodunum cont-

tendit. Id ex itinere oppugnare conatus, quod vacuum ab defensoribus esse audiebat, propter latitudinem fossæ murique altitudinem, paucis defendentibus, expugnare non potuit. Castris munitis vineas agere, quæque ad oppugnandum usui erant, comparare cœpit. Interim omnis ex fuga Sueffonum multitudo in opidum proxima nocte convenit. celeriter vineis ad opidum actis, aggere jacto, turribusque constitutis, magnitudine operum, quæ neque viderant ante Galli, neque audierant, & celeritate Romanorum permoti, legatos ad Cæsarem de deditioe mittunt; & petentibus Rhemis, ut conservarentur, impetrant. Cæsar, obsidibus acceptis, primis civitatis, atque ipsius Galbæ regis duobus filiis, armisque omnibus ex opido transditis, in deditioem Sueffones accepit; exercitumque in Bellovacos duxit. qui quum se, suaque omnia in opidum Bratuspantium contulissent, atque ab eo opido Cæsar cum exercitu circiter millia passuum v abesset, omnes majores natu ex opido egressi, manus ad Cæsarem tendere, & voce significare cœperunt, sese in ejus fidem ac potestatem venire, neque contra populum R. armis contendere: item quum ad opidum accessisset, castraque ibi poneret; pueri mulieresque ex muro passis manibus, suo more, pacem à Romanis petierunt. pro his Divitiacus (nam post discessum Belgarum, dimissis Æduorum copiis, ad eum reverterat) facit verba. Bellovacos omni tempore in fide atque amicitia civitatis Æduæ fuisse. impulsos à suis principibus, qui dicerent Æduos à Cæsare in servitutem redactos omnes indignitates contumeliasque perferre, & ab Æduis defecisse, & populo R. bellum intulisse. Qui hujus consilii principes fuissent, quod intelligerent, quantam calamitatem civitati intulissent, in Britanniam profugisse. Petere non solum Bellovacos, sed etiam pro his Æduos, ut sua clementia ac mansuetudine in eos utatur. quod si

fecerit, Æduorum auctoritatem apud omnes Belgas amplificaturum: quorum auxiliis atque opibus, si qua bella inciderint, sustentare consueverint. Cæsar honoris Divitiaci atque Æduorum causa, sese eos in fidem recepturum, & conservaturum, dixit: &, quod erat civitas magna, & inter Belgas auctoritate ac hominum multitudine præstabat, de obsides poposcit. his traditis, omnibusque armis ex opido collatis, ab eo loco in fines Ambianorum pervenit, qui se, suaque omnia, sine mora, dederunt. Eorum fines Nervii attingebant: quorum de natura moribusque Cæsar quum quæreret, sic reperiebat: Nullum aditum esse ad eos mercatoribus: nihil pati vini, reliquarumque rerum ad luxuriam pertinentium, inferri: quod, his rebus relanguescere animos, eorumque remitti virtutem existimarent. esse homines feroces, magnæque virtutis. increpitare, atque incusare reliquos Belgas, qui se populo R. deditissent, & patriam virtutem projecissent: confirmare se neque legatos missuros, neque ullam conditionem pacis accepturos. quum per eorum fines triduo iter fecisset, inveniebat ex captivis, Sabin flumen ab castris suis non amplius millia passuum x abesse. trans id flumen omnes Nervios confedissee, adventumque ibi Romanorum expectare una cum Atrebatibus, & Veromanduis, finitimis suis. nam his utrisque persuaserant, ut eandem belli fortunam experirentur. expectari etiam ab his Atuaticorum copias, atque esse in itinere. mulieres, quique per atatem ad pugnam inutiles viderentur, in eum locum coniecisse, quo propter paludes exercitui aditus non esset. Cæsar, his rebus cognitis, exploratores, centurionesque præmittit, qui locum castris idoneum deligant. quumque ex dediticiis Belgis, reliquisque Gallis complures Cæsarem secuti una iter facerent: quidam ex his, ut postea ex captivis cognitum est, eorum dierum consuetudine itineris nostri exercitus perspecta, nocte

ete ad Nervios pervenerunt, atque his demonstra-
runt, inter singulas legiones, impedimentorum ma-
gnum numerum intercedere, neque esse quidquam
negotii, cum prima legio in castra venisset, reliquæ-
que legiones magnum spatium abessent, hanc sub
farcinis adoriri. qua pulsa, impedimentisque dire-
ptis, futurum, ut reliquæ contra consistere non au-
derent. adjuvabat etiam eorum consilium, qui rem
deferebant, quod Nervii antiquitus, quum equitatu
nihil possent (neque enim ad hoc tempus ei rei stu-
dent), sed, quidquid possunt, pedestribus valent co-
piis, quo facilius finitimorum equitatum, si præ-
dandi causa ad eos venisset, impedirent, teneris ar-
boribus incis, atque inflexis, crebrisque in latitu-
dinem ramis [enatis] & rubis sentibusque interje-
ctis effecerant, ut, instar muri, hæ sepes munimen-
ta præberent: quo non modo non intrari, sed ne
perspici quidem posset. iis rebus quum iter agminis
nostri impediretur, non omittendum sibi consilium
Nervii existimaverunt. loci natura erat hæc, quem
nostri castris delegerant: Collis ab summo æqualiter
declivis ad flumen Sabin, quod supra nominavimus,
vergebat. ab eo flumine pari acclivitate collis nasce-
batur adversus huic, & contrarius, passus circiter c c,
infimus apertus, ab superiore parte silvestris, ut non
facile introrsus perspici posset. intra eas silvas hostes
in occulto sese continebant. in aperto loco, secun-
dum flumen, paucæ stationes equitum videbantur.
Fluminis erat altitudo circiter pedum 111. Cæsar,
equitatu præmisso, subsequebatur omnibus copiis:
sed ratio, ordoque agminis aliter se habebat, ac Bel-
gæ ad Nervios detulerant. nam, quod hostis appro-
pinquabat, consuetudine sua Cæsar vi legiones ex-
peditas ducebat. post eas totius exercitus impedi-
menta collocabat. inde duæ legiones, quæ proxime
conscriptæ erant, totum agmen claudebant, præsi-
dioque impedimentis erant. equites nostri cum fun-

ditoribus sagittariisque flumen transgressi cum hostium equitatu prælium committunt. quum se illi identidem in silvas ad suos reciperent, ac rursus è silva in nostros impetum facerent, neque nostri longius, quam quem ad finem porrecta ac loca aperta pertinebant, cedentes insequi auderent; interim legiones sex, quæ primæ venerant, opere dimenso, castra munire cœperunt. Ubi prima impedimenta nostri exercitus ab iis, qui in silvis abditæ latebant, visa sunt, quod tempus inter eos committendi prælii convenerat, ita ut intra silvam aciem ordineque constituerant, atque ipsi sese confirmaverant; subito omnibus copiis provolaverunt, impetumque in nostros equites fecerunt. His facile pulsæ, ac proturbatæ, incredibili celeritate ad flumen decucurrerunt; ut pene uno tempore & ad silvas, & in flumine, & jam in manibus nostris hostes viderentur. Eadem autem celeritate adverso colle ad nostra castra, atque eos, qui in opere occupati erant, contenderunt. Cæsari omnia uno tempore erant agenda: vexillum proponendum, quod erat insigne, quum ad arma concurrere oporteret: signum tuba dandum, ab opere revocandi milites: qui paullo longius, aggeris petendi causa, processerant, accersendi: acies instruenda: milites cohortandi: signum dandum. quarum rerum magnam partem temporis brevitæ, & successus & incursus hostium impediēbat. Iis difficultatibus duæ res erant subsidio; scientia atque usus militum, quod superioribus præliis exercitati, quid fieri oporteret, non minus commode ipsi sibi præscribere quam ab aliis doceri, poterant; & quod ab opere singulisque legionibus singulos legatos Cæsar discedere, nisi munitis castris, vetuerat. Hi, propter celeritatem, & propinquitatem hostium, nihil jam Cæsaris imperium spectabant; sed per se, quæ videbantur, administrabant. Cæsar, necessariis rebus imperatis, ad cohortandos milites, quam in partem

fors obtulit, decurrit: & ad legionem decimam devenit. milites non longiore oratione est cohortatus, quam uti suæ præstinæ virtutis memoriam retinerent, neu perturbarentur animo, hostiumque impetum fortiter sustinerent. & quod non longius hostes aberant, quam quo telum adjici posset, prælii committendi signum dedit. atque item in alteram partem cohortandi causâ profectus, pugnantibus occurrit. temporis tanta fuit exiguitas, hostiumque tam paratus ad dimicandum animus, ut, non modo ad insignia accommodanda, sed etiam ad galeas induendas, scutisque tegmenta detrahenda, tempus defuerit. Quam quisque in partem ab opere casu devenit, quæque prima signa conspexit, ad hæc constitit: ne, in quarendo suos, pugnandi tempus dimitteret: instructo exercitu, magis ut loci natura, dejectusque collis, & necessitas temporis, quam ut rei militaris ratio atque ordo postulabat. quum diversis locis legiones aliæ alia in parte hostibus resisterent, sepibusque densissimis, ut ante demonstravimus, interjectis, prospectus impediretur; neque certa subsidia collocari, neque quid in quaque parte opus esset, provideri, neque ab uno omnia imperia administrari poterant. itaque, in tanta rerum iniquitate, fortunæ quoque eventus varii sequebantur. Legionis nonæ & decimæ milites, ut in sinistra parte aciei constiterant, pilis emissis, cursu ac lassitudine exanimatos, vulneribusque confectos Atrebates (nam his ea pars obvenerat) celeriter ex loco superiore in flumen compulerunt: & transire conantes, insecuti gladius, magnam partem eorum impeditam interfecerunt. ipsi transire flumen non dubitaverunt: & in locum iniquum progressi, rursus regressos ac resistentes hostes, redintegrato prælio, in fugam dederunt. Item alia in parte diversæ duæ legiones, undecima, & octava, profligatis Veromanduis, quibuscum erant congressi, ex loco superiore in ipsis

fluminis ripis præliabantur. Ac totis fere à fronte & à sinistra parte nudatis castris, quum in dextro cornu legio duodecima, & non magno ab ea intervallo septima constitisset; omnes Nervii confertissimo agmine, duce Boduognato, qui summam imperii tenebat, ad eum locum contenderunt. quorum pars aperto latere legiones circumvenire, pars summum locum castrorum petere cœpit. Eodem tempore equites nostri, levisque armaturæ pedites, qui cum his una fuerant, quos primo hostium impetu pulsos dixeram, quum se in castra reciperent, adversis hostibus occurrebant, ac rursus aliam in partem fugam petebant. & calones, qui Decumana porta, à summo jugo collis nostros victores flumen transire conspexerant prædandi causâ egressi, quum respexissent, & hostes in nostris castris versari vidissent, præcipientes sese fugæ mandabant. simul eorum, qui cum impedimentis veniebant, clamor fremitusque oriebatur: aliique aliam in partem perterriti ferebantur. quibus omnibus rebus permoti equites Treviri, quorum inter Gallos virtutis opinio est singularis, qui, auxilii causâ à civitate missi, ad Cæsarem venerant, quum multitudo hostium castra nostra compleri, legiones premi, & pene circumventas teneri, calones, equites, funditores, Numidas, diversos dissipatosque in omnes partes, fugere vidissent, desperatis nostris rebus, domum contenderunt. Romanos pulsos superatosque, castris impedimentisque eorum hostes potitos, civitati renuntiaverunt. Cæsar, ab decimæ legionis cohortatione ad dextrum cornu profectus, ubi suos urgeri, significque in unum locum collatis duodecimæ legionis milites confertos sibi ipsis ad pugnam esse impedimento, quartæ cohortis omnibus centurionibus occisis, signiferoque interfecto, signo amisso, reliquarum cohortium omnibus fere centurionibus aut vulneratis, aut occisis, in his, Primopilo P. Sextio

Baculo, fortissimo viro, multis gravibusque vulneribus confectus, ut jam se sustinere non posset; reliquos esse tardiores, & nonnullos à novissimis desertos prælio excedere, ac tela vitare; hostes neque à fronte ex inferiore loco subeuntes intermittere, & ab utroque latere instare, & rem esse in angusto vidit; neque ullum esse subsidium, quod submitti posset; scuto ab novissimis uni militi detracto (quod ipse eo sine scuto venerat), in primam aciem processit; centurionibusque nominatim appellatis, reliquos cohortatus milites signa inferre, & manipulos laxare iussit, quo facilius gladiis uti possent. hujus adventu spe illata militibus, ac redintegrato animo, quum pro se quisque in conspectu imperatoris etiam in extremis suis rebus operam navare cuperet, paulum hostium impetus tardatus est. Cæsar quum septimam legionem, quæ juxta constiterat, item urgeri ab hoste vidisset, Trib. mil. monuit, ut paullatim sese legiones conjungerent, & conversa signa in hostes inferrent. quo facto, quum aliis alii subsidium ferrent, neque timerent, ne aversi ab hoste circumvenirentur, audacius resistere, ac fortius pugnare coeperunt. interim milites legionum duarum, quæ in novissimo agmine præsidio impedimentis fuerant, prælio nunciato, cursu incitato, in summo colle ab hostibus conspiciebantur. & T. Labienus, castris hostium potitus, & ex loco superiore, quæ res in nostris castris gererentur, conspiciatus, decimam legionem subsidio nostris misit. qui, quum ex equitum & calonum fuga, quo in loco res esset, quantoque in periculo & castra, & legiones, & Imperator versaretur, cognovissent, nihil ad celeritatem sibi reliqui fecerunt. horum adventu tanta rerum commutatio est facta, ut nostri, etiam qui vulneribus confecti procubuissent, scutis innixi, prælium redintegrarent; tum calones, perterritos hostes conspicati, etiam inermes armatis occurrerent. equi-

tes vero, ut turpitudinem fugæ virtute delerent, omnibus in locis pugnabant, quo se legionariis militibus præferrent. at hostes, etiam in extrema spe salutis tantam virtutem præstiterunt, ut, quum primi eorum cecidissent, proximi jacentibus insisterent, atque ex eorum corporibus pugnarent; his dejectis, & coacervatis cadaveribus, qui superessent ut ex tumulto tela in nostros conjicerent, pilaque intercepta remitterent: ut non nequidquam tantæ virtutis homines judicari deberet aulos esse transire latissimum flumen, adscendere altissimas ripas, subire iniquissimum locum: quæ facilia ex difficillimis animi magnitudo redegerat. hoc prælio facto, & prope ad internecionem gente ac nomine Nerviorum redactò, majores natu, quos una cum pueris, mulieribusque in æstuaria ac paludes collectos dixeramus, hac pugna nuntiata, quum victoribus nihil impeditum, victis nihil tutum arbitrarentur; omnium, qui supererant, consensu, legatos ad Cæsarem miserunt, seque ei dediderunt, & in commemoranda civitatis calamitate, ex D C ad I I I senatores, ex hominum millibus LX vix ad D, qui arma ferre possent, sese redactos esse dixerunt. quos Cæsar, ut in miseros ac supplices usus misericordia videretur, diligentissime conservavit; suisque finibus atque opidis uti jussit; & finitimis imperavit, ut ab injuria & maleficio se suosque prohiberent. Atuatici, de quibus supra scripsimus, quum omnibus copiis auxilio Nervii venissent, hac pugna nuntiata, ex itinere domum revertunt: cunctis opidis castellisque desertis, sua omnia in unum opidum egregie natura munitum contulerunt. quod quum ex omnibus in circuitu partibus altissimas rupes despectusque haberet, una ex parte leniter acclivis aditus, in latitudinem non amplius CC pedum relinquebatur: quem locum duplici altissimo muro munierant. tum magni ponderis saxa, & præacutas trabes in muro collocarant. ipsi erant

ex Cimbris Teutonisque prognati; qui, quum iter in provinciam nostram atque Italiam facerent, his impedimentis, quæ secum agere ac portare non poterant, citra flumen Rhenum depositis, custodiæ ex suis ac præsidio VI millia hominum una reliquerunt. hi, post eorum obitum, multos annos à finitimis exagitati, quum alias bellum inferrent, alias illatum defenderent; consensu eorum omnium pace facta, hunc sibi domicilio locum delegerunt. ac, primo adventu exercitus nostri, crebras ex opido excursiones faciebant, parvulisque præliis cum nostris contendebant. postea, vallo pedum X I I in circuitu X V millium, crebrisque castellis circummuniti, opido sese continebant. ubi, vineis actis, aggere exstructo, turrini constitui procul viderunt, primum irridere ex muro, atque increpitare vocibus, quo tanta machinatio ab tanto spatio institueretur? quibusnam manibus, aut quibus viribus, præsertim homines tantulæ staturæ, (nam plerisque hominibus Gallis, pro magnitudine corporum suorum, brevitæ nostræ contemptui est.) tanti oneris turrin in muros sese collocare confiderent? ubi vero moveri, & appropinquare mœnibus viderunt, nova atque inusitata specie commoti, legatos ad Cæsarem de pace miserunt, qui ad hunc modum locuti: Non se existimare, Romanos sine ope deorum bellum gerere; qui tantæ altitudinis machinationes tanta celeritate promovere, & ex propinquitate pugnare possent. se, suaque omnia eorum potestati permittere dixerunt. unum petere, ac deprecari; si forte pro sua clementia ac mansuetudine, quam ipsi ab aliis audissent, statuisset, Atuaticos esse conservandos, ne se armis despoliaret. sibi omnes fere finitimos esse inimicos, ac suæ virtuti invidere; à quibus se defendere, traditis armis, non possent. sibi præstare, si in eum casum deducerentur, quamvis fortunam à populo R. pati, quam ab
his

his per cruciatum interfici ; inter quos dominari consueſſent. Ad hæc Cæſar reſpondit, Se magis conſuetudine ſua , quam merito eorum , civitatem conſervaturum , ſi prius , quam aries murum attingiſſet, ſe dedidiſſent ; ſed deditiōis nullam eſſe conditionem , niſi armis traditis : ſc̃ id , quod in Nervios feciſſet , facturum ; finitimisque imperaturum , ne quam dediticiis populi R. injuriam inferrent. Re nunciata ad ſuos , illi ſe , quæ imperarentur , facere dixerunt. Armorum magna multitudine de muro in foſſam , quæ erat ante opidum , jacta, ſic ut prope ſummam muri aggeriſque altitudinem acervi armorum adæquarent : & tamen circiter parte tertia (ut poſtea perſpectum eſt) celata , atque in opido retenta , portis patefactis , eo die pace ſunt uſi. ſub veſperum Cæſar portas claudi , militeſque ex opido exire juſſit , ne quam noctu opidani à militibus injuriam acciperent. illi , ante inito (ut intellectum eſt) conſilio, quod , deditiōe facta , noſtros præſidia deducturos , aut denique indiligentius ſervaturos crediderant, partim cum his , quæ retinuerant & celaverant, armis , partim ſcutis ex cortice factis, aut viminibus intextis, quæ ſubito (ut temporis exiguitas poſtulabat) pellibus induxerant , tertia vigilia , qua minime arduus ad noſtras munitiones adſcenus videbatur , omnibus copiis repente ex opido eruptionem fecerunt. celeriter , ut ante Cæſar imperaſſerat , ignibus ſignificatione facta , ex proximis caſtellis eo concurſum eſt ; pugnatumque ab hoſtibus ita acriter , ut à viris fortibus in extrema ſpe ſalutis, iniquo loco contra eos , qui ex vallo turribusque tela jacerent, pugnari debuit , quum una in virtute omnis ſpes ſalutis conſiſteret. Occiſis ad hominum millibus LV, reliqui in opidum rejeſti ſunt. poſtridie ejus diei , refractis portis , quum jam defenderet nemo , atque intromiſſis militibus noſtris, ſectionem ejus opidi univerſam Cæſar vendidit. ab
his,

his, qui emerant, capitum numerus ad eum relatus est millium LIII. Eodem tempore à P. Crasso, quem cum legione una miserat ad Venetos, Unellos, Osismios, Curiosolitas, Sefuvios, Aulercos, Rhedones, quæ sunt maritimæ civitates, Oceanumque attingunt, certior factus est, omnes eas civitates in ditionem potestatemque populi R. esse redactas. His rebus gestis, omni Gallia pacata, tanta hujus belli ad Barbaros opinio perlata est, ut ab nationibus, quæ trans Rhenum incolerent, mitterentur legati ad Cæsarem, quæ se obsides daturas, imperata facturæ, pollicerentur. quas legationes Cæsar, quod in Italiam Illyricumque properabat, inita proxima æstate ad se reverti iussit. Ipse in Carnutes, Andes, Turones, quæ civitates propinquæ his locis erant, ubi bellum gesserat, legionibus in hiberna deductis, in Italiam profectus est. ob eas res, ex litteris Cæsaris, dies xv supplicatio decreta est. quod ante id tempus acciderat nulli,

LIBER III.



Uum in Italiam proficisceretur Cæsar, Ser. Galbam cum legione duodecima & parte equitatus, in Nantuates, Veragros, Sedunosque misit, qui à finibus Allobrogum & lacu Lemano, & flumine Rhodano ad summas Alpes pertinent. cāussā mittendi fuit, quod iter per Alpes, quo magno cum periculo, magnisque portoriis mercatores ire consueverant, patefieri volebat. huic permissit, si opus esse arbitraretur, uti in iis locis legionem, hiemandi cāussā, collocaret. Galba, secundis aliquot præliis factis, castellisque compluribus eorum expugnatis. missis ad eum undique legatis, obsidibusque datis, & pace facta, constituit cohortes duas in Nantuatibus collocare, ipse cum reliquis ejus legionis cohortibus in vico Veragrorum,

rum, qui appellatur Octodurus, hiemare. qui vicus positus in valle, non magna adjecta planicie, altissimis montibus undique continetur. quum hic in duas partes flumine divideretur, alteram partem ejus vici Gallis concessit; alteram vacuum ab illis relictam cohortibus ad hiemandum attribuit. eum locum vallo fossaque munivit. quum dies hibernorum complures transissent, frumentumque eo comportari jussisset; subito per exploratores certior factus est, ex ea parte vici, quam Gallis concesserat, omnes noctu discessisse, montesque, qui impenderent, à maxima multitudine Sedunorum & Veragrorum teneri. id aliquot de causis acciderat, ut subito Galli belli renovandi, legionisque opprimendæ consilium caperent. primum, quod legionem, neque eam plenissimam, detractis cohortibus duabus, & compluribus sigillatim, qui, commeatus petendi causa, missi erant, absentibus, propter paucitatem despiciebant; tum etiam, quod, propter iniquitatem loci, quum ipsi ex montibus in vallem decurrerent, & tela conjicerent, ne primum quidem posse impetum sustineri existimabant. accedebat, quod suos ab se liberos abstractos obsidum nomine dolebant; & Romanos, non solum itinerum causa, sed etiam perpetuæ possessionis, culmina Alpium occupare conari, & ea loca finitimæ provinciæ adjungere, sibi persuasum habebant. His nuntiis acceptis, Galba; quum neque opus hibernorum, munitionesque plene essent perfectæ, neque de frumento, reliquoque commeatu satis esset provisum; quod deditioe facta, obsidibusque acceptis, nihil de bello timendum existimaverat; concilio celeriter convocato sententias exquirere cœpit. quo in concilio quum tantum repentini periculi præter opinionem accidisset, ac jam omnia fere superiora loca multitudine armatorum completa conspicerentur, neque subsidio veniri, neque commeatus supportari, interclu-

terclusis itineribus, possent; prope jam desperata salute, nonnullæ hujusmodi sententiæ dicebantur, ut, impedimentis relictis, eruptione facta, iisdem itineribus, quibus eo pervenissent, ad salutem contenderent. majori tamen parti placuit, hoc reservato ad extremum consilio, interim rei eventum experiri, & castra defendere. Brevi spatio interjecto, vix ut his rebus, quas constituissent, collocandis, atque administrandis tempus daretur, hostes ex omnibus partibus, signo dato, decurrere; lapides, gæsaque in vallum conjicere. nostri, primo integris viribus fortiter repugnare, neque ullum frustra telum ex loco superiore mittere: ut quæque pars castrorum nudata defensoribus premi videbatur, eo occurrere, & auxilium ferre. sed hoc superari, quod diuturnitate pugnæ hostes defessi prælio excedebant, alii integris viribus succedebant: quarum rerum à nostris propter paucitatem fieri nihil poterat, ac non modo defesso ex pugna excedendi, sed ne saucio quidem ejus loci, ubi constiterat, relinquendi, ac sui recipiendi facultas dabatur. quum jam amplius horis vi continenter pugnaretur, ac non solum vires, sed etiam tela nostris deficerent, atque hostes acrius instarent, languidioribusque nostris, vallum scindere, & fossiâs complere cœpissent, resque esset jam ad extremum deducta casum, P. Sextius Baculus, primipili centurio, quem Nervico prælio compluribus confectum vulneribus diximus, & item C. Volusenus tribunus mil. vir & consilii magni & virtutis, ad Galbam occurrunt, atque unam esse spem salutis docent; si, eruptione facta extremum auxilium experirentur. itaque, convocatis centurionibus, celeriter milites certiores facit, paulisper intermitterent prælium, ac tantummodo tela missa exciperent, seque ex labore reficerent. post, signo dato, è castris crumperent, atque omnem spem salutis in virtute ponerent. quod jussi sunt, faciunt: ac subito omnibus

bus portis eruptione facta, neque cognoscendi quid fieret, neque sui colligendi hostibus facultatem relinquunt. ita commutata fortuna, eos, qui in spem potiendorum castrorum venerant, undique circumventos, interficiunt, & ex hominum millibus amplius xxx, quem numerum barbarorum ad castra venisse constabat, plus tertia parte interfecta, reliquos perterritos in fugam conjiciunt, ac ne in locis quidem superioribus consistere patiuntur. sic omnibus hostium copiis fuis, armitque exsutis, se in castra munitionesque suas recipiunt. quo praelio facto, quod sæpius fortunam tentare Galba nolebat, atque alio sese in hiberna consilio venisse meminerat, aliis occurrissè rebus videbat, maxime frumenti commeatusque inopia permotus, postero die omnibus ejus vici ædificiis incensis, in provinciam reverti contendit: ac nullo hoste prohibente, aut iter demorante, incolumem legionem in Nantuates, inde in Allobrogas, perduxit, ibique hiemavit. His rebus gestis, quum omnibus de causis Cæsar pacatam Galliam existimaret, superatis Belgis, expulsis Germanis, victis in Alpibus Sedunis, atque ita inita hieme in Illyricum profectus esset, quod eas quoque nationes adire, & regiones cognoscere volebat; subitum bellum in Gallia coortum est. ejus belli hæc fuit causa. P. Crassius adolescens cum legione vii proximus mare Oceanum Andibus hiemabat. is, quod in his locis inopia frumenti erat, præfectos, tribunosque mil. complures in finitimas civitates, frumenti commeatusque petendi causa, dimisit. quo in numero erat T. Terrasidius missus in Eusubios; M. Trebius Gallus, in Curiosolitas; Q. Velanius, cum T. Silio, in Venetos. hujus civitatis est longe amplissima auctoritas omnis oræ maritimæ regionum earum, quod & naves habent Veneti plurimas, quibus in Britanniam navigare consueverunt, & scientia atque usu nauticarum rerum ceteros

ros antecedunt, & in magno impetu maris, atque aperto, paucis portibus interjectis, quos tenent ipsi, omnes fere, qui eodem mari uti consueverunt, habent vestigales. ab iis fuit initium retinendi Silii atque Velanii, quod per eos suos se obsides, quos Crasso dedissent, recuperaturos existimabant. horum auctoritate finitimi adducti (ut sunt Gallorum subita & repentina consilia) eadem de causa Trebium, Terrasidiumque retinent: & celeriter missis legatis, per suos principes inter se conjurant, nihil, nisi communi consilio, acturos, eundemque omnis fortunæ exitum esse laturos; reliquasque civitates sollicitant, ut in ea libertate, quam a majoribus acceperant, permanere, quam Romanorum servitutem perferre, mallent. omni ora maritima celeriter ad suam sententiam perducta, communem legationem ad P. Crassum mittunt, si velit suos recipere, obsides sibi remittat. quibus de rebus Cæsar à Crasso certior factus; quod ipse aberat longius; naves interim longas ædificari in flumine Ligeri, quod influit Oceanum, remiges ex provincia institui, navas gubernatoresque comparari jubet. his rebus celeriter administratis, ipse, quam-primum per anni tempus potuit, ad exercitum contendit. Veneti reliquæque item civitates, cognito Cæsaris adventu, simul quod, quantum in se facinus admisissent, intelligebant, legatos, quod nomen ad omnes nationes sanctum inviolatumque semper fuisset, retentos abs se, & in vincula coniectos: pro magnitudine periculi bellum parare, & maxime ea, quæ ad usum navium pertinerent, providere instituunt, hoc majore spe, quod multum natura loci confidebant: pedestria esse itinera concisa æstuariis, navigationem impeditam propter inscientiam locorum paucitatemque portuum sciebant. neque, nostros exercitus, propter frumenti inopiam, diutius apud se morari posse confidebant. ac jam ut omnia contra opinio-

nem

nem acciderent, tamen se plurimum navibus posse : Romanos neque ullam facultatem habere navium, neque eorum locorum, ubi bellum gesturi essent, vada, portus, insulasque novisse : ac longe aliam esse navigationem in concluso mari, atque in vastissimo atque apertissimo Oceano perspiciebant. his initis consiliis, opida muniunt, frumenta ex agris in opida comportant. naves in Venetiam, ubi Casarem primum bellum gesturum constabat, quamplurimas possunt, cogunt. socios sibi ad id bellum Osismios, Lexobios, Nannetes, Ambialites, Morinos, Diablintes, Menapios adsciscunt. auxilia ex Britannia, quæ contra eas regiones posita est, accersunt. erant hæ difficultates belli gerendi, quas supra ostendimus. sed tamen multa Casarem ad id bellum incitabant : injuriæ retentorum equitum Romanorum; rebellio facta post deditionem : defectio datis obsidibus : tot civitatum conjuratio : in primis, ne, hac parte neglecta, reliquæ nationes idem sibi licere arbitrarentur. Itaque quum intelligeret omnes fere Gallos novis rebus studere, & ad bellum mobiliter celeriterque excitari, omnes autem homines natura libertati studere, & conditionem servitutis odisse : prius quam plures civitates conspirarent, partiendum sibi, ac latius distribuendum exercitum putavit. itaque T. Labienum legatum in Treviros, qui proximi Rheno flumini sunt, cum equitatu mittit. huic mandat: Rhemos, reliquosque Belgas adeat, atque in officio contineat: Germanosque, qui auxilio à Belgis accersiti dicebantur, si per vim navibus flumen transire conentur, prohibeat. P. Crassum cum cohortibus legionariis xii, & magno numero equitatus in Aquitaniam proficisci jubet, ne ex his nationibus auxilia in Galliam mittantur, ac tantæ nationes jungantur. Q. Titurium Sabinum legatum cum legionibus iii in Unellos, Curiösolitas, Lexobiosque mittit, qui eam manum distinendam curet.

D. Brutum adolescentem classi, Gallicisque navibus, quas ex Pictonibus, & Santonis, reliquisque pacatis regionibus convenire jussérat, præfecit & quum primum posset, in Venetos proficisci jubet. ipse eo pedestribus copiis contendit. erant ejusmodi fere situs opidorum, ut posita in extremis linguis promontoriisque neque pedibus aditum haberent, quum ex alto se æstus incitavisset, quod bis semper accidit horarum XII spatio; neque navibus, quod, rursus minuente æstu, naves in vadis affligerentur. ita utraque re opidorum oppugnatio impediabatur: ac, si quando magnitudine operis forte superati, extruso mari aggeres ac molibus, atque his ferme mœnibus adæquatis, suis fortunis desperare cœperant; magno numero navium appulso, cujus rei summam facultatem habebant, sua omnia deportabant, seque in proxima opida recipiebant. ibi se rursus iisdem opportunitatibus loci defendebant. hæc eo facilius magnam partem æstatis faciebant, quod nostræ naves tempestatibus detinebantur; summaque erat vasto atque aperto mari, magnis æstibus, raris ac prope nullis portibus, difficultas navigandi. namque ipsorum naves ad hunc modum factæ, armatæque erant. carinæ aliquanto planiores, quam nostrarum navium, quo facilius vada, ac decessum æstus excipere possent: proræ admodum erectæ, atque item puppes, ad magnitudinem fluctuum tempestatumque accommodatæ. naves totæ factæ ex robore, ad quamvis vim & contumeliam perferendam. transra ex pedalibus in latitudinem trabibus confixa clavis ferreis, digiti pollicis crassitudine. anchoræ, pro funibus, ferreis catenis revinctæ. pelles pro velis, alutæque tenuiter confectæ, sive propter lini inopiam, atque ejus usus inscientiam; sive, quod est magis verisimile, quod tantas tempestates Oceani, tantosque impetus ventorum sustineri, ac tanta onera navium regi velis non satis commode arbitrabantur.

tur. Cum his navibus nostræ classi ejusmodi congressus erat; ut una celeritate & pulsu remorum præstarent; reliqua, pro loci natura, pro vi tempestatum, illis essent aptiora & accommodatiora. neque enim his nostræ rostro nocere poterant: tanta in his erat firmitudo: neque, propter altitudinem, facile telum adjiciebatur: & eadem de causâ minus incommode scopulis continebantur. accedebat, ut, quum favire ventus cœpisset, & se vento dedissent, & tempestatem ferrent facilius, & in vadis consisterent tutius, & ab æstu derelictæ nihil saxa & cautes timerent. quarum rerum omnium nostris navibus casus erant extimescendi. Compluribus expugnatis opidis, Cæsar, ubi intellexit frustra tantum laborem sumi, neque hostium fugam captis opidis reprimi, neque his noceri posse, statuit expectandam classem. quæ ubi convenit, ac primum ab hostibus visa est; circiter c c x x naves eorum paratissimæ atque omni genere armorum ornatissimæ è portu profectæ nostris adversæ constiterunt. neque satis Bruto, qui classi præerat, neque tribunis mil. centurionibusque, quibus singulæ naves erant attributæ, constabat, quid agerent, aut quam rationem pugnæ insisterent. rostro enim noceri non posse cognoverant. turribus autem excitatis, tamen has altitudo puppium ex barbaris navibus superabat; ut neque ex inferiore loco satis commode tela adjici possent, & missa à Gallis gravius acciderent. una erat magno usui res præparata à nostris, falces præacutæ, insertæ affixæque longuriis, non absimili forma muralium falcium, his quum funes, qui antennis ad malos destinabant, comprehensi adductique erant, navigio remis incitato prærumpebantur. quibus abscis, antennæ necessario concidebant; ut, quum omnis Gallicis navibus spes in velis armamentisque consisteret, his ereptis, omnis usus navium uno tempore eriperetur. reliquum erat certamen positum in virtute;

quæ

quæ nostri milites facile superabant, atque eo magis, quod in conspectu Cæsaris, atque omnis exercitus res gerebatur; ut nullum paullo fortius factum latere posset. omnes enim colles, & loca superiora, unde erat propinquus despectus in mare, ab exercitu tenebantur. disiectis, ut diximus, antennis, quum singulas binæ, aut ternæ naves circumfisterent, milites summa vi descendere in hostium naves contendebant. quod postquam barbari fieri animadvertērunt, expugnatis compluribus navibus, quum ei rei nullum reperiretur auxilium: fuga salutem petere contenderunt. ac, jam conversis in eam partem navibus, quo ventus ferebat, tanta subito malacia ac tranquillitas exstitit, ut se loco movere non possent. quæ quidem res ad negotium conficiendum maxime fuit opportuna. nam singulas nostri confectati expugnaverunt; ut perpaucæ ex omni numero, noctis interventu, ad terram pervenerint, quum ab hora fere IV, usque ad Solis occasum, pugnaretur. quo prælio bellum Venetorum totiusque oræ maritimæ confectum est. Nam quum omnis juvenus, omnes etiam gravioris ætatis, in quibus aliquid consilii aut dignitatis fuit, eo convenerant: tum navium quod ubique fuerat, unum in locum coëgerant. quibus amissis, reliqui neque quo se reciperent, neque quemadmodum opida defenderent, habebant. itaque se, suaque omnia Cæsari dediderunt. in quos eo gravius Cæsar vindicandum statuit, quo diligentius in reliquum tempus à barbaris jus legatorum conservaretur. itaque, omni senatu necato, reliquos sub corona vendidit. Dum hæc in Venetis geruntur: Q. Titurius Sabinus cum his copiis, quas à Cæsare acceperat, in fines Unellorum pervenit. his præerat Viridovix, ac summam imperii tenebat earum omnium civitatum, quæ defecerant, ex quibus exercitum, magnasque copias coëgerat. atque his paucis diebus Aulerci, Eburovices, Lexoviique, senatu suo in-

terfecto, quod auctores belli esse nolebant, portas clauserunt, seque cum Viridovice conjunxerunt; magnaque præterea multitudo undique ex Gallia perditorum hominum latronumque convenerat, quos spes prædandi, studiumque bellandi ab agricultura, & quotidiano labore revocabat. Sabinus idoneo omnibus rebus loco castris sese tenebat; quum Viridovix contra eum duum millium spatio confedisset, quotidieque productis copiis pugnandi potestatem faceret, ut jam non solum hostibus in contemptionem Sabinus veniret, sed etiam nostrorum militum vocibus nonnihil carperetur: tantamque opinionem timoris præbuit, ut jam ad vallum castrorum hostes accedere auderent. id ea causa faciebat, quod cum tanta multitudine hostium, præsertim eo absente, qui summam imperii teneret, nisi æquo loco, aut opportunitate aliqua data, legato dimicandum non existimabat. Hac confirmata opinione timoris, idoneum quendam hominem & callidum delegit Gallum, ex iis quos auxilii causa secum habebat. huic magnis præmiis pollicitationibusque persuadet, uti ad hostes transeat: quid fieri velit, edocet. qui ubi pro perfuga ad eos venit, timorem Romanorum proponit; quibus angustiis ipse Cæsar à Venetis prematur, docet: neque longius abesse, quin proxima nocte Sabinus clam ex castris exercitum educat, & ad Cæsarem, auxilii ferendi causa, proficiatur. quod ubi auditum est, conclamant omnes, occasionem negotii bene gerendi amittendam non esse. ad castra iri oportere. Multæ res ad hoc consilium Gallos hortabantur: superiorum dierum Sabini cunctatio, perfugæ confirmatio; inopia cibariorum, cui rei parum diligenter ab his erat provisum; spes Venetici belli; & quod ferè libenter homines, id quod volunt, credunt. iis rebus adducti non prius Viridovicem, reliquosque duces ex concilio dimittunt, quam ab his sit concessum, arma uti capiant, & ad

castra contendant. qua re concessa, lati, velut explorata victoria, sarmentis virgultisque collectis, quibus fossas Romanorum compleant, ad castra pergunt. locus erat castrorum editus, & paullatim ab imo acclivis; & circiter passus cIo. huc magno cursu contenderunt, ut quam minimum spatii ad se colligendos armandosque Romanis daretur; exanimatique pervenerunt. Sabinus suos hortatus cupientibus signum dat. impeditis hostibus, propter ea, quæ ferebant, onera, subito duabus portis eruptionem fieri jubet. factum est opportunitate loci, hostium inscitia ac defatigatione, virtute militum, ac superiorum pugnarum exercitatione, ut ne unum quidem nostrorum impetum ferrent, ac statim terga verterent. quos impeditos, integris viribus milites nostri consecuti, magnum numerum eorum occiderunt; reliquos, equites consecrati, paucos qui ex fuga evaserant, reliquerunt. sic, uno tempore, & de navali pugna Sabinus, & de Sabini victoria Cæsar certior factus est: civitatesque omnes se statim Titurio dediderunt. nam ut ad bella suscipienda Gallorum alacer ac promptus est animus; sic mollis ac minime resistens ad calamitates perferendas mens eorum est. Eodem fere tempore P. Crassus, quum in Aquitaniam pervenisset, quæ pars, ut ante dictum est, & regionum latitudine, & multitudine hominum, ex tertia parte Galliæ est æstimanda, quum intelligeret in illis locis sibi bellum gerendum, ubi paucis ante annis L. Valerius Præconinus legatus, exercitu pulso, interfectus esset, atque unde L. Manilius Procos. impedimentis amissis, profugisset; non mediocrem sibi diligentiam adhibendam intelligebat. itaque, re frumentaria provisa, auxiliis, equitatuque comparato, multis præterea viris foribus Tolosa, Carcasone & Narbone, quæ sunt civitates Galliæ provinciæ finitimæ, ex his regionibus nominatim evocatis, in Sotiatium fines exercitum

introduxit. cujus adventu cognito Sotiates, magnis copiis coactis equitatuque quo plurimum valebant, in itinere agmen nostrum adorti primum equestre prælium commiserunt: deinde, equitatu suo pulso, atque insequentibus nostris, subito pedestres copias, quas in convalle in insidiis collocaverant, ostenderunt. hi, nostros disiectos adorti, prælium renovaverunt. pugnatum est diu, atque acriter; quum Sotiates superioribus victoriis fleti in sua virtute totius Aquitanix salutem positam putarent; nostri autem, quid sine Imperatore, & sine reliquis legionibus, adolescentulo duce, efficere possent, perspicere cuperent: tandem tamen confecti vulneribus hostes terga vertere. quorum magno numero interfecto, Crassus ex itinere opidum Sotiatium oppugnare cœpit. quibus fortiter resistantibus, vineas turesque egit. illi, alias eruptione tentata, alias cuniculis ad aggerem vineasque actis, cujus rei sunt longe peritissimi Aquitani, propterea quod multis locis apud eos ararix structurae sunt: ubi, diligentia nostrorum, nihil his rebus profici posse intellexerunt, legatos ad Crassum mittunt; seque in deditionem ut recipiat, petunt. quare impetrata, arma tradere iussi, faciunt. atque in ea re omnium nostrorum intentis animis, alia ex parte opidi Adcantuannus, qui summam imperii tenebat, cum D C devotis, quos illi Soldurios appellant; quorum hæc est conditio, ut omnibus in vita commodis una cum his fiantur, quorum se amicitia dediderint: si quid iis per vim accidat, aut eundem casum una ferant, aut sibi mortem consciscant. neque adhuc hominum memoria repertus est quisquam, qui eo interfecto, cujus se amicitia devovisset, mori recusaret. cum iis Adcantuannus eruptionem facere conatus, clamore ab ea parte munitionis sublato, quum ad arma milites concurrissent, vehementerque ibi pugnatum esset, repulsus in opidum est: uti tamen etiam deditionis conditione

tione uteretur, à Crasso impetravit. Armis obsidibusque acceptis, Crassus in fines Vocatium, & Tarusatum profectus est. tum vero barbari commoti, quod opidum & natura loci, & manu munitum, paucis diebus quibus eo ventum erat, expugnatum cognoverant, legatos quoquoersus dimittere, conjurare, obsides inter se dare, copias parare cœperunt. mittuntur etiam ad eas civitates legati, quæ sunt citerioris Hispaniæ, finitimæ Aquitanix: inde auxilia, ducesque accersuntur. quorum adventu magna cum auctoritate, & magna cum hominum multitudine bellum gerere conantur. Duces vero ii deliguntur, qui una cum Q. Sertorio omnes annos fuerant, summamque scientiam rei militaris habere existimabantur. ii consuetudine populi R. loca capere, castra munire, comineatibus nostros intercludere instituunt. quod ubi Crassus animadvertit, suas copias propter exiguitatem non facile diduci, hostem & vagari, & vias obsidere, & castris satis præsidii relinquere; ob eam causam minus commode frumentum, comineatumque sibi supportari; in dies hostium numerum augeri: non cunctandum existimavit, quin pugna decertaret. hac re ad concilium delata, ubi omnes idem sentire intellexit, postertum diem pugnx constituit. prima luce productis omnibus copiis, duplici acie instituta, auxiliis in mediam aciem coniectis; quid hostes consilii caperent, expectabat. illi, etsi propter multitudinem, & veterem belli gloriam, paucitatemque nostrorum, se tuto dimicaturos existimabant: tamen tutius esse arbitrabantur, obsessis viis, comineatu intercluso, sine ullo vulnere victoria potiri: & si propter inopiam rei frumentariæ Romani sese recipere cœpissent, impeditos agmine & sub sarcinis inferiores animo adoriri cogitabant. hoc consilio probato abducibus, productis Romanorum copiis, sese castris tenebant. hac re perspecta, Crassus, quum sua cun-

etatione, atque opinione, timidiores hostes, nostros milites alacriores ad pugnandum effecisset, atque omnium voces audirentur, expectari diutius non oportere, quin ad castra iretur; cohortatus suos, omnibus cupientibus, ad hostium castra contendit. ibi, quum alii fossas complerent; alii, multis telis coniectis, defensores vallo munitionibusque depellerent, auxiliaresque, quibus ad pugnam non multum Crassus confidebat, lapidibus telisque subministrandis, & ad aggerem cespitibus comportandis, speciem atque opinionem pugnantium præberent; quum item ab hostibus constanter, ac non timide, pugnaretur, telaque ex loco superiore missa non frustra acciderent, equites, circuitis hostium castris, Crasso renuntiaverunt, non eadem esse diligentia ab Decumana porta castra munita, facilemque aditum habere. Crassus, equitum præfectos cohortatus, ut magnis præmiis pollicitationibusque suos excitarent, quid fieri velit, ostendit. illi, ut erat imperatum, eductis quatuor cohortibus, quæ præsidio castris relictæ, integræ ab labore erant, & longiore itinere circumductis, ne ex hostium castris conspici possent, omnium oculis mentibusque ad pugnam intentis celeriter ad eas quas diximus, munitiones pervenerunt; atque his prorutis, prius in hostium castris constiterunt, quam plane ab his videri, aut, quid rei gereretur, cognosci posset. tum vero, clamore ab ea parte audito, nostri redintegratis viribus, quod plerumque in spe victoriæ accidere consuevit, acrius impugnare cœperunt. hostes undique circumveniri, desperatis omnibus rebus, se per munitiones dejicere, & fuga salutem petere contenderunt. quos equitatus apertissimis campis confectatus, ex millium L numero, quæ ex Aquitania Cantabrisque venisse constabat, vix quarta parte relictæ, multa nocte se in castra recipit. hac audita pugna, maxima pars Aquitaniæ sese Crasso dedit, obfi-

obsidesque ultro misit : quo in numero fuerunt Tarbelli, Bigerriones, Preciani, Vocates, Tarusates, Elufates, Garites, Ausci, Garumni, Sibutzates, Cocofatesque. paucæ ultimæ nationes, anni tempore confisæ, quod hiems suberat, id facere neglexerunt. Eodem fere tempore Cæsar, etsi prope exacta jam æstas erat, tamen, quod, omni Gallia pacata, Morini, Menapiique supererant, qui in armis essent, neque ad eum umquam legatos de pace misissent; arbitratus, id bellum celeriter confici posse, eo exercitum adduxit; qui longe alia ratione, ac reliqui Galli, bellum gerere instituerunt. nam, quod intelligebant, maximas nationes, quæ prælio contendissent, pulsas, superatasque esse; continentisque silvas ac paludes habebant; eo se, suaque omnia contulerunt. ad quarum initium silvarum quum pervenisset Cæsar, castraque munire instituisset, neque hostis interim visus esset; dispersis in opere nostris, subito ex omnibus partibus silvæ evolaverunt, & in nostros impetum fecerunt. nostri celeriter arma ceperunt, eosque in silvas repulerunt, & compluribus interfectis, longius impeditioribus locis secuti, paucos ex suis perdiderunt. reliquis deinceps diebus Cæsar silvas cadere instituit: & ne quis inermibus imprudentibusque militibus ab latere impetus fieri posset, omnem eam materiam, quæ erat cæsa, conversam ad hostem collocabat, & pro vallo ad utrumque latus exstruebat. Incredibili celeritate magno spatio paucis diebus confecto, quum jam pecus atque extrema impedimenta ab nostris tenerentur, ipsi densiores silvas peterent; ejusmodi tempestates sunt consecutæ, uti opus necessario intermitteretur, & continuatione imbrium, diutius sub pellibus milites contineri non possent. itaque, vastatis omnibus eorum agris, vicis ædificiisque incensis, Cæsar exercitum reduxit, & in Aulercis, Lexoviisque, reliquis item civitatibus, quæ proxime bellum fecerant, in hibernis collocavit.

LIBER IV.



A, quæ secuta est, hieme, qui fuit annus Cn. Pompeio, M. Crasso, Coss. Usipetes Germani & item Tenchtheri, magna cum multitudine hominum, flumen Rhenum transierunt, non longe à mari. quo Rhenus influit. causa transeundi fuit, quod ab Suevis complures annos exagitati, bello premebantur, & agricultura prohibebantur. Suevorum gens est longe maxima & bellicosissima Germanorum omnium. ii centum pagos habere dicuntur: ex quibus quotannis singula millia armatorum, bellandi causa, suis ex finibus educunt. reliqui domi manent: pro se atque illis colunt. hi rursus invicem anno post in armis sunt; illi domi remanent. Sic neque agricultura, neque ratio, neque usus belli intermititur: sed privati, ac separati agri apud eos nihil est: neque longius anno remanere viri in loco, incolendi causa, licet: neque multum frumento, sed maximam partem lacte atque pecore vivunt, multumque sunt in venationibus. quæ res & cibi genere, & quotidiana exercitatione, & libertate vitæ (quod à pueris nullo officio, aut disciplina assuefacti, nihil omnino contra voluntatem faciant) & vires alit, & immani corporum magnitudine efficit. atque in eam se consuetudinem adduxerunt, ut locis frigidissimis neque vestitus, præter pelles, habeant quidquam, quarum propter exiguitatem, magna est corporis pars aperta; & laventur in fluminibus. mercatoribus est ad eos aditus, eo magis ut quæ bello ceperint, quibus vendant, habeant; quam quo ullam rem ad se importari desiderent. quin etiam jumentis, quibus maxime Gallia delectatur, quæque impenso parat pretio, Germani importatis non utuntur; sed, quæ sunt apud eos nata prava atque deformia, hæc, quotidiana exercitatione, summi ut sint labo-

laboris, efficiunt. equestribus præliis sæpe ex equis desiliunt, ac pedibus præliantur; equosque eodem remanere vestigio assuefaciunt, ad quos se celeriter, quum usus poscit, recipiunt. neque eorum moribus turpius quidquam, aut inertius habetur, quam ephippiis uti. itaque ad quemvis numerum ephippiatorum equitum quamvis pauci adire audent. vinum ad se omnino importari non sinunt, quod ea re ad laborem ferendum remollescere homines, atque effeminari arbitrantur. publice maximam putant esse laudem, quam latissime à suis finibus vacare agros: hac re significari, magnum numerum civitatum suam vim sustinere non potuisse. itaque una ex parte à Suevis circiter millia passuum de agri vacare dicuntur. Ad alteram partem succedunt Ubii, quorum fuit civitas ampla atque florens, ut est captus Germanorum, & paullo, qui sunt ejusdem generis, etiam ceteris humaniores, propterea quod Rhenum attingunt, multique ad eos mercatores ventitant, & ipsi propter propinquitatem Gallicis sunt moribus assuefacti. hos quum Snevi, multis sæpe bellis experti, propter amplitudinem, gravitatemque civitatis, finibus expellere non potuissent, tamen vectigales sibi fecerunt, ac multo humiliores, infirmioresque reddiderunt. In eadem causâ fuerunt Ulipetes, & Tenchtheri, quos supra diximus; qui complures annos Suevorum vim sustinuerunt. ad extremum tamen agris expulsi, & multis locis Germaniæ triennium vagati, ad Rhenum pervenerunt: quas regiones Menapii incolebant, & ad utramque ripam fluminis agros, ædificia, vicosque habebant. sed tantæ multitudinis adventu perterriti, ex his ædificiis, quæ trans flumen habuerant, demigraverunt: & cis Rhenum dispositis præsidiis Germanos transire prohibebant. illi, omnia experti, quum neque vi contendere, propter inopiam navium, neque clam transire, propter custodias Menapiorum possent; re-

verti se in suas sedes regionesque simulaverunt. & tridui viam progressi rursus reverterunt : atque omni hoc itinere una nocte, equitatu confecto, inscios inopinantesque Menapios oppresserunt; qui de Germanorum discessu per exploratores certiores facti, sine metu trans Rhenum in suos vicos remigraverant. his interfectis, navibusque eorum occupatis, priusquam ea pars Menapiorum, quæ citra Rhenum erat, certior fieret, flumen transierunt; atque omnibus eorum ædificiis occupatis, reliquam partem hiemis se eorum copiis aluerunt. His de rebus Cæsar certior factus, & infirmitatem Gallorum veritus, quod sunt in consiliis capiendis mobiles, & novis plerumque rebus student, nihil his committendum existimavit. est autem hoc Gallicæ consuetudinis; ut, & viatores etiam invitos consistere cogant: &, quod quisque eorum de quaque re audierit, aut cognoverit, quærant, & mercatores in opidis vulgus circumstent; quibus ex regionibus veniant, quasque res ibi cognoverint, pronuntiare cogant. his rumoribus atque auditionibus permoti de summis sæpe rebus consilia ineunt: quorum eos è vestigio poenitere necesse est, quum incertis rumoribus serviant, & plerique ad voluntatem eorum ficta respondeant. Qua consuetudine cognita Cæsar, ne graviori bello occurreret, maturius, quam consueverat, ad exercitum proficiscitur. eo quum venisset, ea, quæ fieri suspicatus erat, facta cognovit: missas legationes à nonnullis civitatibus ad Germanos; invitatosque eos, uti ab Rheno discederent; omniaque, quæ postulassent, ab se fore parata. qua spe adducti Germani latius jam vagabantur, & in fines Eburonum, & Condrusorum, qui sunt Trevirorum clientes, pervenerant. principibus Galliæ evocatis, Cæsar, ea, quæ cognoverat, dissimulanda sibi existimavit: eorumque animis permulsis & confirmatis, equitatuque imperato, bellum cum Germanis

manis gerere constituit. re frumentaria comparata, equitibusque delectis, iter in ea loca facere cœpit, quibus in locis Germanos esse audiebat. à quibus quum paucorum dierum iter abesset, legati ab iis venerunt. quorum hæc fuit oratio: Germanos neque priores populo R. bellum inferre; neque tamen recusare, si laceffantur, quin armis contendant: quod Germanorum consuetudo hæc sit à majoribus tradita, quicumque bellum inferant resistere, neque deprecari: hoc tamen dicere, venisse invitos, ejectos domo. si suam gratiam Romani velint, posse eis utiles esse amicos: vel sibi agros attribuant, vel patiantur eos tenere, quos armis possederint: sese unis Suevis concedere; quibus ne dii quidem immortales pares esse possint: reliquum quidem in terris esse neminem, quem non superare possint. Ad hæc Cæsar, quæ visum est, respondit. sed exitus fuit orationis: Sibi nullam cum his amicitiam esse posse, si in Gallia remanerent. neque verum esse, qui suos fines tueri non potuerint, alienos occupare: neque ullos in Gallia vacare agros, qui dari tantæ præsertim multitudini sine injuria possint. sed licere, si velint, in Ubiorum finibus confidere, quorum sint legati apud se, & de Suevorum injuriis querantur, & à se auxilium petant. hoc se ab Ubiis impetraturum. Legati hæc se ad suos relatueros dixerunt; &, re deliberata, post diem tertium ad Cæsarem reversuros: interea, ne propius se castra moveret, petierunt. ne id quidem Cæsar ab se impetrari posse dixit. cognoverat enim magnam partem equitatus ab iis aliquot diebus ante prædandi, frumentandique causâ ad Ambivaritos trans Mosam missam. hos expectari equites, atque ejus rei causâ moram interponi arbitrabatur. Mosâ profluit ex monte Vogeso, qui est in finibus Lingonum & parte quadam Rheni recepta, quæ appellatur Walis, insulam efficit Batavorum, neque longius ab eo millibus passuum LXXX in

Oceanum transit. Rhenus autem oritur ex Lepontiis, qui Alpes incolunt, & longo spatio per fines Nantuatium, Helvetiorum, Sequanorum, Mediomatricorum, Tribocorum, Trevirorum citatus fertur: & ubi Oceano appropinquavit, in plures diffluit partes, multis ingentibusque insulis effectis, quarum pars magna à feris, barbarisque nationibus incolitur: ex quibus sunt, qui piscibus, atque ovis avium vivere existimantur: multisque capitibus in Oceanum influit. Cæsar, quum ab hoste non amplius passuum XII millibus abesset, ut erat constitutum, ad eum legati revertuntur. qui in itinere congressi, magnopere, ne longius progrediretur, orabant. quum id non impetrassent, petebant, uti ad eos equites, qui agmen antecessissent, præmitterent, eosque pugna prohiberet; sibi que uti potestatem faceret in Ubios legatos mittendi. quorum si principes ac senatus sibi jurejurando fidem fecissent, ea conditione, quæ à Cæsare ferretur, se usuros ostendebant. ad has res conficiendas sibi tridui spatium daret. hæc omnia Cæsar eodem illo pertinere arbitrabatur, ut, tridui mora interposita, equites eorum, qui abessent, reverterentur: tamen sese non longius millibus passuum IV aquationis causa processurum eo die dixit: huc postero die quam frequentissimi convenirent, ut de eorum postulatis cognosceret. Interim ad præfectos, qui cum omni equitatu antecesserant, mittit, qui nuntiarent, ne hostes prælio lacefferent; & si ipsi lacefferentur, sustinerent, quoad ipse cum exercitu propius accessisset. At hostes, ubi primum nostros equites conspexerunt, quorum erat V millium numerus, quum ipsi non amplius DCCC equites haberent, quod ii, qui frumentandi causa ierant trans Mosam, nondum redierant; nihil nostris timentibus, quod legati eorum paullo ante à Cæsare discesserant, atque is dies induciis erat ab iis petitus, impetu facto, celeriter nostros perturbave-

runt;

runt ; rursus, resistentibus nostris, consuetudine sua, ad pedes defilierunt, suffossisque equis, compluribusque nostris dejectis, reliquos in fugam coniecerunt ; atque ita perterritos egerunt, ut non prius fuga desisterent, quam in conspectum agminis nostri venissent. In eo prælio ex equitibus nostris interficiuntur IV & LXX. in his vir fortissimus Piso Aquitanus, amplissimæ genere natus, cujus avus in civitate sua regnum obtinuerat, amicus ab senatu nostro appellatus. hic, quum fratri intercluso ab hostibus auxilium ferret, illum periculo eripuit ; ipse, equo vulnerato dejectus, quoad potuit, fortissime restitit. quum circumventus, multis vulneribus acceptis, cecidisset ; atque id frater, qui jam prælio excesserat, procul animadvertisset, incitato equo, sese hostibus obtulit, atque interfectus est. Hoc factò prælio, Cæsar neque jam sibi legatos audiendos, neque conditiones accipiendas arbitrabatur ab iis, qui, per dolum atque insidias, petita pace, ultro bellum intulissent. expectare vero dum hostium copiarum augerentur, equitatusque reverteretur, summæ demeriti esse judicabat : & cognita Gallorum infirmitate, quantum jam apud eos hostes uno prælio auctoritatis essent consecuti, sentiebat : quibus ad consilia capienda nihil spatii dandum existimabat. his constitutis rebus, & consilio cum legatis & quæstore communicato, ne quem diem pugnae prætermitteret ; opportunissima res accidit, quod postridie ejus diei mane eadem & perfidia & simulatione usi [Germani] frequentes, omnibus principibus, majoribusque natu adhibitis, ad eum in castra venerunt ; simul, ut dicebatur, sui purgandi causâ, quod contra atque esset dictum, & ipsi petissent, prælium pridie commisissent ; simul, ut, si quid possent, de induciis fallendo impetrarent. quos sibi Cæsar oblatos gavisus retineri jussit : ipse omnes copias castris eduxit ; equitatum, quod recenti prælio perterri-

tum esse existimabat, agmen subsequi iussit. acie triplici instituta, & celeriter VIII millium itinere confecto, prius ad hostium castra pervenit, quam, quid ageretur, Germani sentire possent. qui, omnibus rebus subito perterriti, & celeritate adventus nostri, & discessu suorum, neque consilii habendi, neque arma capiendi spatio dato, perturbantur, copiasne adversus hostem educere, an castra defendere, an fuga salutem petere, præstaret. quorum timor quum fremitu & concursu significaretur, milites nostri, pristini diei perfidia incitati, in castra irruperunt, quorum qui celeriter arma capere potuerunt, paulisper nostris restiterunt, atque inter carros impedita-que prælium commiserunt. at reliqua multitudo puerorum, mulierumque (nam cum omnibus suis domo excefferant, Rhenumque transierant) passim fugere coepit: ad quos consecutandos Cæsar equitatum misit. Germani post tergum clamore audito, quum suos interfici viderent, armis abjectis, signisque militaribus relictis, se ex castris ejecerunt; & quum ad confluentem Mosæ & Rheni pervenis-
sent, reliqua fuga desperata, magno numero interfecto, reliqui se in flumen præcipitaverunt; atque ibi, timore, lassitudine, & vi fluminis oppressi, perierunt. nostri ad unum omnes incolumes, per paucis vulneratis, ex tanti belli timore, quum hostium numerus capitum cccxxx millium fuisset, se in castra receperunt. Cæsar iis, quos in castris retinuerat, discedendi potestatem fecit. illi supplicia cruciatu-
que Gallorum veriti, quorum agros vexaverant, remanere se apud eum velle dixerunt. iis Cæsar libertatem concessit. Germanico bello confecto, multis de causis Cæsar statuit sibi Rhenum esse transeun-
dum: quarum illa fuit iustissima, quod quum videret Germanos tam facile impelli, ut in Galliam venirent, suis quoque rebus eos timere voluit, quum intelligerent, & posse, & audere populi R. exerci-
tum

tum Rhenum transire. Accessit etiam quod illa pars equitatus Usipetum, & Tenchtherorum, quam supra commemoravi prædandi, frumentandique causa Mosam transisse, neque prælio interfuisse, post fugam suorum se trans Rhenum in fines Sicambrorum receperat, seque cum iis conjunxerat. ad quos quum Cæsar nuncios misisset, qui postularent, eos, qui sibi, Galliæque bellum intulissent, uti sibi dederent, responderunt: populi R. imperium Rhenum finire: si, se invito, Germanos in Galliam transire non æquum existimaret; cur sui quidquam esse imperii, aut potestatis trans Rhenum postularet? Ubii autem, qui uni ex transrhenanis ad Cæsarem legatos miserant, amicitiam fecerant, obsides dederant, magnopere orabant, ut sibi auxilium ferret, quod graviter ab Suevis premerentur; vel, si id facere occupationibus Reip. prohiberetur, exercitum modo Rhenum transportaret: id sibi ad auxilium, spemque reliqui temporis satis futurum. tantum esse nomen apud eos, atque opinionem exercitus Romani, Ariovisto pulso, & hoc novissimo prælio facto, etiam ad ultimas Germanorum nationes, uti opinione, & amicitia populi R. tuti esse possint. navium magnam copiam ad transportandum exercitum pollicebantur. Cæsar his de causis, quas commemoravi, Rhenum transire decreverat: sed navibus transire neque satis tutum esse arbitrabatur, neque suæ, neque populi R. dignitatis esse statuebat. itaque etsi summa difficultas faciendi pontis proponebatur, propter latitudinem, rapiditatem, altitudinemque fluminis; tamen id sibi contendendum, aut aliter non transducendum exercitum existimabat. Rationem igitur pontis hanc instituit. Tigna bina sesquipedalia paullum ab imo præacuta, dimensa ad altitudinem fluminis, intervallo pedum duorum inter se jungebat. hæc cum machinationibus demissa in flumen defixerat, fistucisque adegerat, non sublicæ
mo-

modo directa ad perpendicularum, sed prona, ac fastigiata, ut secundum naturam fluminis procumberent. his item contraria duo ad eundem modum juncta, intervallo pedum quadragenum ab inferiore parte contra vim atque impetum fluminis conversa statuebat: hæc utraque bipedalibus trabibus immissis, quantum eorum tignorum junctura distabat, binis utrimque fibulis ab extrema parte distinebantur. quibus disclusis, atque in contrariam partem revinctis, tanta erat operis firmitudo, atque ea rerum natura, ut, quo major vis aquæ se incitavisset, hoc arctius illigata tenerentur. hæc directa materia injecta contexebantur, ac longuriis cratibusque consternebantur. ac nihilo secius sublicæ ad interiorem partem fluminis obliquæ adigebantur; quæ, pro pariete subjectæ, & cum omni opere conjunctæ, vim fluminis exciperent: & alia item supra pontem mediocri spatio: ut, si arborum trunci, sive naves, deijciendi operis causâ, essent à barbaris missæ, his defensoribus earum rerum vis minueretur, neu ponti nocerent. Diebus x, quibus materia cœpta erat comportari, omni opere effecto, exercitus transducitur. Cæsar, ad utramque partem pontis firmo præsidio relicto, in fines Sicambrorum contendit. interim à compluribus civitatibus ad eum legati veniunt, quibus pacem, atque amicitiam petentibus, liberaliter respondit, obsidesque ad se adduci jubet. Sicambri ex eo tempore, quo pons institui cœptus est, fuga comparata, hortantibus iis, quos ex Tenchtheris atque Usipetibus apud se habebant, finibus suis excefferant, suaque omnia exportaverant, seque in solitudinem ac silvas abdiderant. Cæsar paucos dies in eorum finibus moratus, omnibus vicis, ædificiisque incensis, frumentisque succisis, se in fines Ubiorum recepit, atque his auxilium suum pollicitus, si à Suevis premerentur, hæc ab iis cognovit: Suevos, postquam per exploratores pontem fieri com-

comperissent, more suo consilio habito, nuncios in omnes partes dimisisse, uti de opidis demigrarent, liberos, uxores, suaque omnia in silvas deponerent, atque omnes, qui arma ferre possent, unum in locum convenirent: hunc esse delectum medium fere regionum earum, quas Suevi obtinerent: ibi Romanorum adventum expectare, atque ibi decertare constituisse. quod ubi Cæsar comperit, omnibus his rebus confectis, quarum rerum causa exercitum transducere constituerat, ut Germanis metum injiceret, ut Sicambros ulcisceretur, ut Ubios obsidione liberaret: diebus omnino xvi trans Rhenum consumptis, satis & ad laudem, & ad utilitatem profectum arbitratus, se in Galliam recepit, pontemque rescidit. exigua parte æstatis reliqua, Cæsar, etsi in his locis, quod omnis Gallia ad Septentrionem vergit, maturæ sunt hiemes, tamen in Britanniam proficisci contendit, quod omnibus fere Gallicis bellis, hostibus nostris inde subministrata auxilia intelligebat: &, si tempus anni ad bellum gerendum deficeret; tamen magno sibi usui fore arbitrabatur, si modo insulam adisset, genus hominum perspexisset, loca, portus, aditus cognovisset, quæ omnia fere Gallis erant incognita. neque enim temere præter mercatores illo adit quisquam: neque iis ipsis quidquam, præter oram maritimam, atque eas regiones, quæ sunt contra Galliam, notum est. itaque, convocatis ad se undique mercatoribus, neque quanta esset insulæ magnitudo, neque quæ, aut quantæ nationes incoherent, neque quem usum belli haberent, aut quibus institutis uterentur, neque qui essent ad majorum navium multitudinem idonei portus, reperire poterat. ad hæc cognoscenda, prius quam periculum faceret, idoneum esse arbitratus C. Volusenum, cum navi longa præmittit. huic mandat, ut, exploratis omnibus rebus, ad se quam primum revertatur. ipse, cum omnibus copiis,

in Morinos proficiscitur: quod inde erat brevissimus in Britanniam transiectus. huc naves undique ex finitimis regionibus, &, quam superiore aetate ad Veneticum bellum fecerat classem, jubet convenire. interim, consilio ejus cognito, & per mercatores perlato ad Britannos, à compluribus ejus insularum civitatibus ad eum legati veniunt, qui polliceantur, obsides dare, atque imperio populi R. obtemperare. Quibus auditis, liberaliter pollicitus, hortatusque ut in ea sententia permanerent, eos domum remisit. & cum his una Comium, quem ipse, Atrebatibus superatis, regem ibi constituerat, cujus & virtutem, & consilium probabat, & quem sibi fidelem arbitrabatur, cujusque auctoritas in his regionibus magna habebatur, mittit. huic imperat, quas possit, adeat civitates, horteturque, ut populi R. fidem sequantur, seque celeriter eo venturum nunciet. Volusenus, perspectis regionibus, quantum ei facultatis dari potuit, qui navi egredi, ac se barbaris committere non auderet, v die ad Casarem revertitur: quæque ibi perspexisset, renunciat. Dum in his locis Caesar navium parandarum causa moratur, ex magna parte Morinorum ad eum legati venerunt, qui se de superioris temporis consilio excusarent, quod homines barbari, & nostræ consuetudinis imperiti, bellum populo R. fecissent, seque ea, quæ imperasset, facturos pollicerentur. hoc sibi satis opportune Caesar accidisse arbitratus, quod neque post tergum hostem relinquere volebat, neque belli gerendi, propter anni tempus, facultatem habebat, neque has tantularum rerum occupationes sibi Britanniae anteponendas judicabat: magnum his numerum obsidum imperat. quibus adductis, eos in fidem recepit, navibus circiter LXXX onerariis coactis, contractisque, quod satis esse ad duas legiones transportandas existimabat: quidquid præterea navium longarum habebat, quæstori, legatis, præfectisque

etisque distribuit. huc accedebant XVIII onerariæ naves, quæ ex eo loco millibus passuum VIIII vento tenebantur, quo minus in eundem portum pervenire possent. has equitibus distribuit; reliquum exercitum Q. Titurio Sabino, & L. Aurunculeio Cottæ, legatis, in Menapios, atque in eos pagos Morinorum, ab quibus ad eum legati non venerant, deducendum dedit. P. Sulpitium Rufum legatum cum eo præsidio, quod satis esse arbitrabatur, portum tenere iussit. His constitutis rebus, nactus idoneam ad navigandum tempestatem, tertia fere vigilia solvit, equitesque in ulteriorem portum progredi, & naves conscendere; ac se sequi, iussit: ab quibus quum paullo tardius esset administratum, ipse hora circiter diei IV cum primis navibus Britanniam attingit: atque ibi in omnibus collibus expositas hostium copias firmatas conspexit. cujus loci hæc erat natura: adeo montibus angustis mare continebatur, ut ex locis superioribus in litus telum adjici posset. hunc ad egrediendum nequaquam idoneum arbitratus locum, dum reliquæ naves eo convenirent, ad horam IX in anchoris expectavit. interim legatis, tribunisque mil. convocatis, & quæ ex Voluseno cognovisset, & quæ fieri vellet, ostendit; monuitque, ut rei militaris ratio maxime ut res maritimæ postularent, (ut quæ celerem, atque instabilem motum haberent,) ad nutum & ad tempus omnes res ab iis administrarentur. his dimissis, & ventum, & æstum uno tempore nactus secundum, dato signo, & sublatiis anchoris, circiter millia passuum VIII ab eo loco progressus, aperto ac plano litore naves constituit. at barbari, consilio Romanorum cognito, præmissis equitatu, & cædariis, quo plerumque genere in præliis uti consueverunt, reliquis copiis subsecuti, nostros navibus egredi prohibebant. erat ob has causas summa difficultas, quod naves propter magnitudinem, nisi in alto, constitui non

non poterant. militibus autem, ignotis locis, impeditis manibus, magno & gravi onere armorum pressis, simul & navibus desiliendum, & fluctibus consistendum, & cum hostibus erat pugnandum; quum illi aut ex arido, aut paullulum in aquam progressi, omnibus membris expediti, notissimis locis, audacter tela conjicerent, & equos insuefactos incitarent. quibus rebus nostri perterriti, atque hujus omnino generis pugnae imperiti, non omnes eadem alacritate, ac studio quo in pedestribus uti praeliis consueverant, utebantur. quod ubi Cæsar animadvertit, naves longas, quarum & species erat barbaris inusitatio, & motus ad usum expeditior, paullulum removeri ab onerariis navibus, & remis incitari, & ad latus apertum hostium constitui, atque inde fundis, tormentis, sagittis, hostes propelli, ac submoveri jussit: quæ res magno usui nostris fuit. nam & navium figura, & remorum motu, & inusitato genere tormentorum perinoti barbari, constiterunt, ac paullum inodo pedem rerulerunt. at, nostris militibus cunctantibus, maxime propter altitudinem maris, qui x legionis aquilam ferebat, contestatus deos, ut ea res legioni feliciter eveniret: Desilite, inquit, milites, nisi vultis aquilam hostibus prodere. ego certe meum Reip. atque Imperatori officium præstitero. hoc quum magna voce dixisset, se ex navi projecit, atque in hostes aquilam ferre coepit. tum nostri cohortati inter se, ne tantum dedecus admitteretur, universi ex navi desilierunt. hos item alii ex proximis navibus quum conspexissent, subsecuti hostibus appropinquant. pugnatum est ab utrisque acriter. nostri tamen, quod neque ordines servare, neque firmiter insistere, neque signa subsequi poterant, atque alius alia ex navi, quibuscumque signis occurrerat, se aggregabat; magnopere perturbabantur. hostes vero, notis omnibus vadis, ubi ex litore aliquos singulares ex navi egre-

egredientes conspexerant, incitatis equis, impeditos adoriebantur. plures paucos circumfistebant; alii ab latere aperto in universos tela conjiciebant. quod quum animadvertisset Cæsar, scaphas longarum navium, item speculatoria navigia militibus compleri jussit: & quos laborantes conspexerat, iis subsidia summittebat. nostri, simul atque in arido constiterunt, suis omnibus cōsecutis, in hostes impetum fecerunt, atque eos in fugam dederunt; neque longius prosequi potuerunt, quod equites cursum tenere, atque insulam capere non potuerant. hoc unum ad pristinam fortunam Cæsari defuit. hostes prælio superati, simul atque se ex fuga receperunt, statim ad Cæsarem legatos de pace miserunt: obfides daturos, quæque imperasset, sese facturos, polliciti sunt. una cum his legatis Comius Atrebas venit, quem supra demonstraveram à Cæsare in Britanniam præmissum. hunc illi è navi egressum, quum ad eos Imperatoris mandata perferret, comprehenderant, atque in vincula conjecerant. tunc, facto prælio, remiserunt: & in petenda pace ejus rei culpam in multitudinem contulerunt, & propter imprudentiam, ut ignosceretur, petiverunt. Cæsar questus, quod, quum ultro in continentem legatis missis pacem à se petissent, bellum sine causâ intulissent, ignoscere imprudentiæ dixit: obfidesque imperavit: quorum illi partem statim dederunt; partem ex longinquiore locis accersitam paucis diebus sese daturos dixerunt. interea suos remigrare in agros jusserunt: principesque undique convenere, & se, civitatesque suas Cæsari commendarunt. his rebus pace firmata, post diem xv, quam est in Britanniam ventum, naves xvi, de quibus supra demonstratum est, quæ equites sustulerant, ex superiore portu leni vento solverunt quæ quum appropinquarent Britannia, & ex castris viderentur, tanta tempestas subito coorta est, ut nulla earum cur-

cursum tenere posset: sed aliæ eodem; unde erant profectæ, referrentur, aliæ ad inferiorem partem insulæ, quæ est propius Solis occasum, magno sui cum periculo dejicerentur. quæ tamen, anchoris jactis, cum fluctibus complerentur, necessario adversa nocte in altum provectæ, continentem petiverunt. Eadem nocte accidit, ut esset Luna plena, quæ dies maritimos æstus maximos in Oceano efficere consuevit: nostrisque id erat incognitum. in uno tempore & longas naves, quibus Cæsar exercitum transportandum curaverat, quasque in aridum subduxerat, æstus complebat: & onerarias, quæ ad anchoras erant deligatæ, tempestas afflictabat. neque ulla nostris facultas aut administrandi, aut auxiliandi dabatur. compluribus navibus fractis, reliquæ quum essent, funibus, anchoris, reliquisque armamentis amissis, ad navigandum inutiles, magna, id quod necesse erat accidere, totius exercitus perturbatio facta est: neque enim naves erant aliæ, quibus reportari possent; & omnia decrant, quæ ad reficiendas eas usui sunt; &, quod omnibus constabat hiemare in Gallia oportere, frumentum his in locis in hiemem provisum non erat. Quibus rebus cognitis, principes Britannix, qui post prælium ad ea, quæ jusserrat Cæsar, facienda convenerant, inter se collocti, quum equites, & naves, & frumentum Romanis deesse intelligerent; & paucitatem militum ex castrorum exiguitate cognoscerent; quæ hoc erant etiam angustiora quod sine impedimentis Cæsar legiones transportaverat: optimum factu esse duxerunt, rebellionem facta, frumento, commeatuque nostros prohibere, & rem in hiemem producere, quod, his superatis aut reditu interclusis, neminem postea belli inferendi causâ in Britanniam transiturum confidebant. itaque, rursus conjuratione facta, paulatim ex castris discedere, ac suos clam ex agris deducere cœperunt. At Cæsar, etsi nondum eorum

con-

consilia cognoverat, tamen & ex eventu navium suarum, & ex eo quod obsides dare intermiserant, fore id, quod accidit, suspicabatur. itaque ad omnes casus subsidia comparabat. nam & frumentum ex agris in castra quotidie conferebat; &, quæ gravissime afflictæ erant naves, earum materia atque ære ad reliquas reficiendas utebatur; &, quæ ad eas res erant usui, ex continenti comportari jubebat. itaque, quum id summo studio à militibus administraretur, **xii** navibus amissis, reliquis ut navigari commode posset, effecit. Dum ea geruntur, legione, ex consuetudine, una frumentatum missa, quæ appellabatur **vii**, neque ulla ad id tempus belli suspicione interposita, quum pars hominum in agris remaneret, pars etiam in castra ventitaret, **ii**, qui pro portis castrorum in statione erant, Cæsari renunciaverunt, pulverem majorem, quam consuetudo ferret, in ea parte videri, quam in partem legio iter fecisset. Cæsar, id quod erat, suspicatus, aliquid novi à barbaris initum consilii, cohortes, quæ in stationibus erant, secum in eam partem proficisci, duas in stationem succedere, reliquas armari, & confestim se subsequi, jussit. quum paullo longius à castris processisset; suos ab hostibus premi, atque ægre sustinere, & conferta legione ex omnibus partibus tela conjici animadvertit. nam quod omni ex reliquis partibus demesso frumento, una pars erat reliqua; suspicati hostes huc nostros esse venturos, noctu in silvis delituerant. tum dispersos, depositis armis, in mendo occupatos subito adorti, paucis interfecit, reliquos incertis ordinibus perturbaverant: simul equitatu, atque essedis circumdederant. genus hoc est ex essedis pugnae: primo per omnes partes perequitant, & tela conjiciunt, atque ipso terrore equorum, & strepitu rotarum, ordines plerumque perturbant; & quum se inter equitum turmas insinuavere, ex essedis desiliunt, & pedibus præliantur.

aurigæ interim paullum è prælio excedunt, atque ita se collocant, ut si illi à multitudine hostium premantur, expeditum ad suos receptum habeant. ita mobilitatem equitum, stabilitatem peditum in præliis præstant; ac tantum usu quotidiano, & exercitatione efficiunt, ut in declivi, ac præcipiti loco incitatos equos sustinere, & brevi moderari, ac flectere, & per temonem percurrere, & in iugo insistere, & inde se in currus citissime recipere consueverint. quibus rebus, perturbatis nostris novitate pugnae, tempore opportunissimo Cæsar auxilium tulit. namque ejus adventu hostes constiterunt, nostri ex timore se receperunt. quo facto, ad laceßendum hostem, & committendum prælium, alienum esse tempus arbitratus, suo se loco continuit; & brevi tempore intermisso, in castra legiones reduxit. dum hæc geruntur nostris omnibus occupatis, qui erant in agris, reliqui discesserunt. secuta sunt continuos dies complures tempestates: quæ & nostros in castris continerent, & hostem à pugna prohiberent. interim barbari nuntios in omnes partes dimiserunt; paucitatemque nostrorum militum suis prædicaverunt; & quanta prædæ faciendæ, atque in perpetuum sui liberandi facultas daretur, si Romanos castris expulissent, demonstraverunt. his rebus celeriter magna multitudine peditatus equitatusque coacta, ad castra venerunt. Cæsar etsi idem, quod superioribus diebus acciderat, fore videbat, ut, si essent hostes pulsî, celeritate periculum effugerent; tamen nactus equites circiter xxx, quos Comius Atrebas, de quo ante dictum est, secum transportaverat, legiones in acie pro castris constituit. commissio prælio, diutius nostrorum militum impetum hostes ferre non potuerunt, ac terga verterunt: quos tanto spatio secuti, quantum cursu & viribus efficere potuerunt, complures ex iis occiderunt; deinde omnibus longe lateque ædificiis incensis, se in castra rece-

pereunt. Eodem die legati ab hostibus missi ad Cæsarem de pace venerunt. his Cæsar numerum obsidum, quem antea imperaverat, duplicavit; eosque in continentem adduci iussit, quod, propinqua die æquinoctii, infirmis navibus hiemari navigationem subjiendam non existimabat. ipse idoneam tempestatem nactus, paullo post mediam noctem naves solvit. quæ omnes incolumes ad continentem pervenerunt. ex his onerariæ I I eosdem portus, quos reliquæ, capere non potuerunt, sed paullo infra delatæ sunt. quibus ex navibus, quum essent expositi milites circiter CCC, atque in castra contenderent; Morini, quos Cæsar, in Britanniam proficiscens, pacatos reliquerat, spe prædæ adducti, primo non ita magno suorum numero circumsteterunt; ac, si sese interfici nollent, arma ponere iusserunt. quum illi, orbe facto, sese defenderent, celeriter ad clamorem hominum circiter millia VI convenerunt. quare nunciata, Cæsar omnem ex castris equitatum suis auxilio misit. interim nostri milites impetum hostium sustinuerunt; atque amplius horis fortissime IV pugnauerunt, & paucis vulneribus acceptis, complures ex iis occiderunt. postea vero quam equitatus noster in conspectum venit; hostes, abjectis armis, terga verterunt; magnusque eorum numerus est occisus. Cæsar, postero die, T. Labienum legatum cum iis legionibus, quas ex Britannia reduxerat, in Morinos, qui rebellionem fecerant, misit. qui quum propter siccitates paludum, quo se recipere, non haberent; quo perfugio superiore anno fuerant usi; omnes fere in potestatem Labieni venerunt. At Q. Titurius, & L. Cotta, legati, qui in Menapiorum fines legiones duxerant, omnibus eorum agris vastatis, frumentis succisis, ædificiisque incensis; quod Menapii omnes se in densissimas silvas abdididerant, ad Cæsarem se receperunt. Cæsar in Belgis omnium legionum hiberna constituit. eo duæ omni-

no civitates ex Britannia obsides miserunt : reliquæ neglexerunt. His rebus gestis, ex litteris Cæsaris dierum x x supplicatio à senatu decreta est.

LIBER V.

Ucio Domitio, Ap. Claudio, Coss. discedens ab hibernis Cæsar in Italiam, ut quotannis facere instituerat, legatis imperat, quos legionibus præfecerat, uti quamplurimas possent, hieme naves ædificandas, veteresque reficiendas curarent. earum modum formamque demonstrat. ad celeritatem onerandi, subductionesque, paullo facit humiliores, quam quibus nostro mari uti consuevimus; atque id eo magis, quod, propter crebras commutationes æstuum, minus magnos ibi fluctus fieri cognoverat: ad onera, & ad multitudinem jumentorum transportandam paullo latiores, quam quibus in reliquis utimur maribus. has omnes ætvarias imperat fieri: quam ad rem humilitas multum adjuvat. ea, quæ sunt usui ad armandas naves, ex Hispania apportari jubet. ipse, conventibus Galliæ citerioris peractis, in Illyricum proficiscitur, quod à Pirustis finitimam partem provinciæ incursionibus vastari audiebat. eo quum venisset, civitatibus milites imperat: certumque in locum convenire jubet. qua re nunciata, Pirustæ legatos ad eum mittunt, qui doceant, nihil earum rerum publico factum consilio: seseque paratos esse demonstrant, omnibus rationibus de injuriis satisfacere. accepta oratione eorum, Cæsar obsides imperat, eosque ad certam diem adduci jubet. nisi ita fecerint, sese bello civitatem persecuturum demonstrat. iis ad diem adductis, ut imperaverat, arbitros inter civitates dat, qui litem æstiment, pœnamque constituent. His confectis rebus, conventibusque peractis, in citeriorem Galliam revertitur, atque inde

de ad exercitum proficiscitur. Eo quum venisset, circuitis omnibus hibernis, singulari militum studio, in summa rerum omnium inopia, circiter de ejus generis, cujus supra demonstravimus, naves, & longas **xxix** invenit constructas, neque multum abesse [ab eo] quin paucis diebus deduci possent. collaudatis militibus, atque iis, qui negotio præfuerant, quid fieri velit, ostendit: atque omnes ad portum Itium convenire jubet: quo ex portu commodissimum in Britanniam transiectum esse cognoverat, circiter millium passuum **xxx** à continenti. huic rei quod satis esse visum est militum, relinquit. ipse cum legionibus expeditis **iv**, & equitibus **dccc** in fines Trevirorum proficiscitur: quod hi neque ad concilia veniebant, neque imperio parebant, Germanosque transrhenanos sollicitare dicebantur. hæc civitas longe plurimum totius Galliæ equitatu valet, magnasque habet copias peditum, Rhenumque, ut supra demonstravimus, tangit. in ea civitate duo de principatu inter se contendebant, Indutiomarus, & Cingetorix: ex quibus alter, simul atque de Cæsaris legionumque adventu cognitum est, ad eum venit; se suosque omnes in officio futuros, neque ab amicitia populi R. defecturos, confirmavit: quæque in Treviris gererentur, ostendit. at Indutiomarus equitatum peditatumque cogere: iisque qui per ætatem in armis esse non poterant, in silvam Arduennam abditis, quæ ingenti magnitudine per medios fines Trevirorum à flumine Rheno ad initium Rhemorum pertinet, bellum parare instituit. sed postea quam nonnulli principes ex ea civitate, & familiaritate Cingetorigis adducti, & adventu nostri exercitus perterriti ad Cæsarem venerunt, & de suis privatim rebus ab eo petere cœperunt, quoniam civitati consulere non possent; veritus ne ab omnibus desereretur [Indutiomarus], legatos ad Cæsarem mittit, sese idcirco à suis discedere, at-

quæ ad eum venire noluisse, quo facilius civitatem in officio contineret, ne, omnis nobilitatis discessu, plebs propter imprudentiam laberetur: itaque civitatem in sua potestate esse: seque, si Cæsar permitteret, ad eum in castra venturum, & suas, civitatisque fortunas ejus fidei permitturum. Cæsar, etsi intelligebat, qua de causa ea dicerentur, quæque eum res ab instituto consilio deterreret, tamen, ne astantem in Treviris consumere cogeretur, omnibus rebus ad Britannicum bellum comparatis, Indutiomarus ad se cum ccc obsidibus venire iussit. his adductis, & in iis filio, propinquisque ejus omnibus, quos nominatim evocaverat, consolatus Indutiomarus, hortatusque est, uti in officio permaneret: nihilo tamen secius principibus Trevirorum ad se convocatis, eos sigillatim Cingetorigi conciliavit. quod quum merito ejus à se fieri intelligebat; tum magni interesse arbitrabatur, ejus auctoritatem inter suos quamplurimum valere, cujus tam egregiam in se voluntatem perspexisset. id factum graviter tulit Indutiomarus, suam gratiam inter suos minui: & , qui jam ante inimico in nos animo fuisset, multo gravius hoc dolore exarsit. his rebus constitutis, Cæsar ad portum Itium cum legionibus pervenit. ibi cognoscit xl naves, quæ in Meldis factæ erant, tempestate rejectas, tenere cursum non potuisse, atque eodem, unde erant profectæ, relatas: reliquas paratas ad navigandum, atque omnibus rebus instructas invenit. Eodem equitatus totius Galliæ convenit, numero millium iv, principesque ex omnibus civitatibus; ex quibus perpaucos, quorum in se fidem perspexerat, relinquere in Galliâ, reliquos obsidum loco secum ducere decreverat: quod, quum ipse abesset, motum Galliæ verebatur. erat una cum ceteris Dumnorix Aduus, de quo à nobis antea dictum est. hunc secum ducere in primis constituerat, quod cum cupidum rerum novarum, cupidum imperii,

magni animi, magnæ inter Gallos auctoritatis, cognoverat. Accedebat huc, quod jam in consilio Æduorum Dumnorix dixerat, Sibi à Cæsare regnum civitatis deferri: quod dictum Ædui graviter ferebant: neque recusandi, neque deprecandi causâ legatos ad Cæsarem mittere audebant. id factum ex suis hospitibus Cæsar cognoverat. ille primo omnibus precibus petere contendit, ut in Gallia relinqueretur: partim, quod insuetus navigandi mare timeret; partim quod religionibus sese diceret impediri. posteaquam id obstinate sibi negari vidit, omni spe impetrandi adempta, principes Galliæ sollicitare, sevocare singulos, hortarique cœpit, ut in continenti remanerent, metu terrire, non sine causâ fieri, ut Gallia omni nobilitate spoliaretur: id esse consilium Cæsaris, ut, quos in conspectu Galliæ interficere vereretur, hos omnes in Britanniam transductos necaret: fidem reliquis interponere; jusjurandum poscere; ut, quod esse ex usu Galliæ intellexissent, communi consilio administrarent. Hæc à compluribus ad Cæsarem deferebantur. qua re cognita, Cæsar, quod tantum civitati Æduæ dignitatis tribuebat, coercendum, atque deterrendum quibuscumque rebus posset, Dumnorigem statuebat; quod longius ejus amentiam progredi videbat, prospiciendum, ne quid sibi ac Reip. nocere posset. itaque dies circiter xxv in eo loco commoratus, quod Corus ventus navigationem impediēbat; qui magnam partem omnis temporis in his locis flare consuevit; dabat operam, ut Dumnorigem in officio contineret, nihilo tamen secius omnia ejus consilia cognosceret: tandem idoneam tempestatem nactus, milites equitesque conscendere naves jubet. At impeditis omnium animis, Dumnorix cum equitibus Æduorum à castris, insciente Cæsare, domum discedere cœpit. qua re nuntiata, Cæsar, intermissa profectione atque omnibus rebus postpositis, magnam

partem equitatus ad eum insequendum mittit, retrahique imperat: si vim faciat, neque pareat, interfici jubet. nihil hunc se absente pro sano facturum arbitratus, qui præsentis imperium neglexisset. ille enim revocatus resistere, ac se manu defendere, suorumque fidem implorare cœpit, sæpe clamitans, Liberum se, liberaque civitatis esse. illi, ut erat imperatum, circumstant, hominemque interficiunt. at Ædui equites ad Cæsarem omnes revertuntur. His rebus gestis, Labieno in continente cum III legionibus, & equitum millibus II relicto, ut portus tueretur, & rei frumentariæ provideret, quæque in Gallia gererentur, cognosceret, & consilium pro tempore & pro re caperet; ipse cum legionibus V, & pari numero equitum, quem in continente reliquerat, ad Solis occasum naves solvit; & leni Africo profectus, media circiter nocte vento intermisso, cursum non tenuit; & longius delatus æstu, orta luce, sub sinistra Britanniam relictam conspexit. tum rursus æstus commutationem secutus reinis contendit, ut eam partem insulæ caperet, qua optimum esse egressum superiore ætate cognoverat. qua in re admodum fuit militum virtus laudanda, qui vectoriis gravibusque navigiis, non intermisso remigandi labore, longarum navium cursum adæquaverunt. accessum est ad Britanniam omnibus navibus meridiano fere tempore. neque in eo loco hostis est visus. sed, ut postea Cæsar ex captivis comperit, quum magnæ manus eo convenissent, multitudine navium perterritæ, quæ cum annorinis privatisque, quas sui quisque commodi causâ fecerat, amplius DCCC una erant visæ, timore à litore discesserant, ac se in superiora loca abdiderant. Cæsar, exposito exercitu, ac loco castris idoneo capto, ubi ex captivis cognovit, quo in loco hostium copiarum confediscent, cohortibus X ad mare relictis, & equitibus CCC, qui præsidio navibus essent, de III vigilia ad ho-

hostes contendit, eo minus veritus navibus, quod in litore molli atque aperto deligatas ad anchoras relinquebat. & præsidio navibus Q. Atrium præfecit. ipse noctu progressus millia passuum circiter XI I hostium copias conspiciatus est. illi equitatu atque effedis ad flumen progressi, ex loco superiore nostros prohibere, & prælium committere cøperunt. repulsi ab equitatu se in silvas abdiderunt, locum natæ, egregie & natura & opere munitum; quem, domestici belli, ut videbatur, causâ, jam ante præparaverant. nam crebris arboribus succisis omnes introitus erant præclusi. ipsi ex silvis rari propugnabant, nostrosque intra munitiones ingredi prohibebant. at milites legionis VII I, testudine facta, & aggere ad munitiones adjecto, locum ceperunt, eosque ex silvis expulerunt, paucis vulneribus acceptis. sed eos fugientes longius Cæsar persequi vetuit, & quod loci naturam ignorabat, & quod, magna parte diei consumpta, munitioni castrorum tempus relinqui volebat. Postridie ejus diei, mane, tripartito milites equitesque in expeditionem misit, ut eos, qui fugerant, persequerentur. iis aliquantum itineris progressis, quum jam extremi essent in prospectu, equites à Q. Atrio ad Cæsarem venerunt, qui nuntiarent, superiori nocte maxima coorta tempestate, prope omnes naves afflictas, atque in litore ejectas esse; quod neque anchoræ funesque subsisterent, neque nautæ gubernatoresque vim tempestatis pati possent. itaque ex eo concursu navium magnum esse incommodum acceptum. His rebus cognitis, Cæsar legiones equitatumque revocari atque itinere desistere jubet: ipse ad naves revertitur: eadem fere, quæ ex nuntiis litterisque cognoverat, coram perspicit, sic, ut, amissis circiter XL navibus, reliquæ tamen refici posse magno negotio viderentur. itaque ex legionibus fabros deligit, & ex continenti alios accersiri jubet; Labieno

scribit, ut, quam plurimas posset, iis legionibus, quæ sunt apud eum, naves instituatur. ipse, etsi res erat multæ operæ ac laboris, tamen commodissimum esse statuit, omnes naves subduci, & cum castris una munitione conjungi. in his rebus circiter dies x consumit, ne nocturnis quidem temporibus ad laborem militum intermissis. subductis navibus, castrisque egregie munitis, easdem copias, quas ante, præsidio navibus relinquit. ipse eodem, unde redierat, proficiscitur. eo quum venisset, majoresque undique in eum locum copiarum Britannorum convenerant, summa imperii bellicque administrandi, communi consilio, permixta est Cassivellauno, cujus fines à maritimis civitatibus flumen dividit, quod appellatur Tamesis, à mari circiter millia passuum LXXX. Huic superiori tempore cum reliquis civitatibus continentia bella intercesserant, sed, nostro adventu permoti Britanni, hunc tori bello imperioque præferant. Britanniarum pars interior ab iis incolitur, quos natos in insula ipsa memoria proditum dicunt. maritima pars ab iis, qui, prædæ ac belli inferendi causa, ex Belgio transierant: qui omnes fere iis nominibus civitatum appellantur, quibus orti ex civitatibus eo pervenerunt, & bello illato ibi remanserunt, atque agros colere cœperunt. hominum est infinita multitudo, creberrimæque ædificia, fere Gallicis consimilia: pecoris magnus numerus. utuntur aut æreo, aut taleis ferreis ad certum pondus examinatis, pro nummo. nascitur ibi plumbum album in mediterraneis regionibus, in maritimis ferum: sed ejus exigua est copia. ære utuntur importato. materia cujusque generis, ut in Gallia est, præter sagum atque abietem. Leporem & gallinam, & anserem gustare, fas non putant. hæc tamen alunt, animi voluptatisque causa. loca sunt temperatiora, quam in Gallia, remissioribus frigoribus. insula natura triquetra, cujus unum latus est contra Galliam:

hu-

hujus lateris alter angulus, qui est ad Cantium, quo fere ex Gallia naves appellantur, ad orientem Solem; inferior, ad Meridiem spectat. hoc latus tenet circiter millia passuum D. alterum vergit ad Hispaniam, atque occidentem Solem. qua ex parte est Hibernia, dimidio minor, ut existimatur, quam Britannia: sed pari spatio transmissus, atque ex Gallia est in Britanniam. in hoc medio cursu est insula, quæ appellatur Mona. complures præterea minores objectæ insulæ existimantur: de quibus insulis nonnulli scripserunt, dies continuos xxx sub bruma esse noctem. nos nihil de eo percunctationibus reperiebamus, nisi, certis ex aqua mensuris, breviores esse noctes, quam in continente, videbamus. hujus est longitudo lateris, ut fert illorum opinio, DCC millium passuum. tertium est contra Septemtrionem. cui parti nulla est objectæ terra: sed ejus angulus lateris maxime ad Germaniam spectat. huic millia passuum DCCC in longitudinem esse existimatur. ita omnis insula est in circuitu vices centena millia passuum. ex his omnibus longe sunt humanissimi qui Cantium incolunt: quæ regio est maritima omnis, neque multum à Gallica differunt consuetudine. interiores plerique frumenta non ferunt: sed lacte & carne vivunt: pellibusque sunt vestiti: omnes vero se Britanni vitro inficiunt, quod cæruleum efficit colorem. atque hoc horribiliore sunt in pugna adspectu: capilloque sunt promisso; atque omni parte corporis rafa, præter caput, & labrum superius. uxores habent deni duodenique inter se communes, & maxime fratres cum fratribus, & parentes cum liberis. sed si qui sunt ex his nati, eorum habentur liberi, à quibus primum virgines quæque ductæ sunt. Equites hostium essedarii que acriter prælio cum equitatu nostro in itinere conflixerunt; ita tamen, ut nostri omnibus partibus superiores fuerint, atque eos in silvas collesque compulerint. sed, compluri-

bus interfecis, cupidius insecuti, nonnullos ex suis amiserunt. at illi, intermisso spatio, imprudentibus nostris atque occupatis in munitione castrorum, subito se ex silvis ejecerunt; impetuque in eos facto, qui erant in statione pro castris collocati, acriter pugnauerunt; duabusque missis subsidio cohortibus à Cæsare, atque his primis legionum duarum, quum hæ, intermisso perexiguo loci spatio, inter se constitissent, novo genere pugne perterritis nostris, per medios audacissime proruperunt, seque inde incolumes receperunt. eo die Q. Laberius Durus tribunus mil. interficitur. illi, pluribus submissis cohortibus, repelluntur. toto hoc in genere pugne quum sub oculis omnium ac pro castris dimicaretur, intellectum est, nostros propter gravitatem armorum, quod neque insequi cedentes possent, neque ab signis discedere auderent, minus aptos esse ad hujus generis hostem; equites autem magno cum periculo dimicare, propterea quod illi etiam consulto plerumque cederent, & quum paullulum ab legionibus nostros removissent, ex essedis desilirent, & pedibus dispari prælio contenderent. equestris autem prælii ratio, & cedentibus & insequentibus, par atque idem periculum inferebat. accedebat huc, ut numquam conferti, sed rari, magnisque interval-
lis præliarentur, stationesque dispositas haberent, atque alios alii deinceps exciperent, integrique & recentes defatigatis succederent. Postero die procul à castris hostes in collibus constiterunt, rarique se ostendere, & lentius quam pridie, nostros equites prælio laceßere coeperunt. sed meridie, quum Cæsar pabulandi causa III legiones atque omnem equitatum cum C. Trebonio legato misisset, repente ex omnibus partibus ad pabulatores advolaverunt, sic uti ab signis, legionibusque non absisterent. nostri acriter in eos impetu facto repulerunt: neque finem insequendi fecerunt, quoad subsidio confisi equi-

equites, quum post se legiones viderent, præcipites hostes egerunt: magnoque eorum numero interfecto, neque sui colligendi, neque consistendi, aut ex essedis defiliendi facultatem dederunt. ex hac fuga protinus, quæ undique convenerant, auxilia disceserunt; neque post id tempus umquam summis nobiscum copiis hostes contenderunt. Cæsar, cognito consilio eorum, ad flumen Tamesim, in fines Cassivellauni exercitum duxit. quod flumen uno omnino loco pedibus, atque hoc agre, transiri potest. eo quum venisset, animadvertit, ad alteram fluminis ripam magnas esse copias hostium instructas. ripa autem erat acutis sudibus præfixis munita: ejusdemque generis sub aqua defixæ sudes flumine tegebantur. iis rebus cognitis à captivis perfugisque, Cæsar, præmissis equitatu, confestim legiones subsequi iussit. sed ea celeritate atque impetu milites ierunt, quum capite solo ex aqua exstarent, ut hostes impetum legionum atque equitum sustinere non possent, ripamque dimitterent, ac se fugæ mandarent. Cassivellaunus, ut supra demonstravimus, omni spe deposita contentionis, dimissis amplioribus copiis, milibus circiter xv essedariis retentis, itinera nostra servabat; paullulumque ex via excedebat, locisque impeditis atque silvestribus sese occultabat: atque iis regionibus, quibus nos iter facturos cognoverat, pecora atque homines ex agris in silvas compellebat: & quum equitatus noster liberius, vastandi prædandique causa, se in agros effunderet, omnibus viis notis semitisque essedarios ex silvis emittebat; & magno cum periculo nostrorum equitum, cum iis confligebat; atque hoc metu latius vagari prohibebat. relinquebatur, ut neque longius ab agmine legionum discedi Cæsar pateretur, & tantum in agris vastandis incendiisque faciendis hostibus noceretur, quantum labore atque itinere legionarii milites efficere poterant. Interim Trinobantes, pro-

pe firmissima earum regionum civitas, ex qua Mandubratius adolescens, Cæsaris fidem secutus, ad eum in continentem [Galliam] venerat, cuius pater Imanuentius in ea civitate regnum obtinuerat, interfectusque erat à Cassivellauno, ipse fuga mortem vitaverat, legatos ad Cæsarem mittunt: pollicenturque sese ei dedituros, & imperata facturos: petunt, ut Mandubratium ab injuria Cassivellauni defendat; atque in civitatem mittat qui præsit, imperiumque obtineat. his Cæsar imperat obsides XL, frumentumque exercitui; Mandubratiumque ad eos mittit. illi impetrata celeriter fecerunt: obsides ad numerum, frumentumque miserunt. Trinobantibus defensis, atque ab omni militum injuria prohibitis, Cenimagni, Segontiaci, Ancalites, Bibroci, Cassi, legationibus missis sese Cæsari dediderunt. ab his cognoscit, non longe ex loco opidum Cassivellauni abesse, silvis paludibusque munitum, quo satis magnus hominum pecorūque numerus convenerit. opidum autem Britanni vocant, quum silvas impeditas vallo atque fossa munierunt, quo, incursionis hostium vitandæ causâ, convenire consueverunt. eo proficiscitur cum legionibus: locum reperit egregie natura atque opere munitum: tamen hunc duabus ex partibus oppugnare contendit. Hostes paulisper morati, militum nostrorum impetum non tulerunt; seseque ex alia parte opidi ejecerunt. magnus ibi numerus pecoris repertus: multique in fuga sunt comprehensi atque interfecti. Dum hæc in his locis geruntur, Cassivellaunus ad Cantium, quod esse ad mare supra demonstravimus, quibus regionibus IV reges præerant, Cingetorix, Carnilius, Taximagulus, Segonax, nuntios mittit: atque his imperat, ut, coactis omnibus copiis, castra navalia de improvviso adoriantur, atque oppugnent. hi quum ad castra venissent, nostri, eruptione facta, multis eorum interfectis, capto etiam nobili duce Lugotorige, suos incolu-

columes reduxerunt. Cassivellaunus, hoc prælio nuntiato, tot detrimentis acceptis, vastatis finibus, maxime etiam permotus defectione civitatum, legatos per Atrebatem Comium de deditioe ad Cæsarem mittit. Cæsar, quum statuisset hiemem in continente propter repentinos Galliæ motus agere, neque multum æstatis superesset, atque id facile extrahi posse intelligeret, obsides imperat: &, quid in annos singulos vestigalis populo R. Britannia penderet, constituit. interdicat atque imperat Cassivellauno, ne Mandubratio, neu Trinobantibus noceat. Obsidibus acceptis, exercitum reducit ad mare, naves invenit refectas. his deductis, quod & captivorum magnum numerum habebat, & nonnullæ tempestate deperierant naves, duobus com meatibus exercitum reportare constituit. ac sic accidit, ut, ex tanto navium numero, tot navigationibus, neque hoc, neque superiore anno ulla omnino navis, quæ milites portaret, desideraretur; at ex iis quæ inanes ex continente ad eum remitterentur, & prioris com meatus expositis militibus, & quas postea Labienus faciendas curaverat. numero LX, perpaucae locum caperent, reliquæ fere omnes rejicerentur. quas quum aliquamdiu Cæsar frustra expectasset, ne anni tempore navigatione excluderetur, quod æquinoctium suberat, necessario angustius milites collocavit: ac summam tranquillitatem consecutus, secunda inita quum solvisset vigilia, prima luce terram attigit, omnesque incolumes naves perduxit. subductis navibus, concilio Gallorum Samarobriyæ peracto, quod eo anno frumentum in Gallia, propter siccitates, angustius provenerat; coactus est, aliter ac superioribus annis, exercitum in hibernis collocare, legionesque in plures civitates distribuere; ex quibus unam in Morinos ducendam C. Fabio legato dedit, alteram in Nervios, Q. Ciceroni, tertiam in Efluos L. Roscio, quartam in Rhemis cum T.

Labieno in confinio Trevirorum, hiemare jussit. tres in Belgio collocavit. his M. Crassum quaestorem, & L. Munatium Plancum, & C. Trebonium legatos praefecit. unam legionem, quam proxime trans Padum conscripserat, & cohortes v in Eburones, quorum pars maxima est inter Mosam & Rhenum, qui sub imperio Ambiorigis & Cativulci erant, misit. his militibus Q. Titurium Sabinum, & L. Arunculeium Cottam legatos praesse jussit. Ad hunc modum distributis legionibus, facillime inopiae frumentariae sese mederi posse existimavit. atque harum tamen omnium legionum hiberna (praeter eam, quam L. Roscio in pacatissimam & quietissimam partem ducendam dederat) millibus passuum c. continebantur. ipse interea, quoad legiones collocasset, munitaque hiberna cognovisset, in Gallia morari constituit. Erat in Carnutibus summo loco natus Tasgetius; cujus majores in sua civitate regnum obtinuerant. huic Caesar, pro ejus virtute, atque in se benevolentia, quod in omnibus bellis singulari ejus opera fuerat usus, majorum locum restituerat. tertium jam hunc annum regnantem inimici palam, multis etiam ex civitate auctoribus, interfecerunt. defertur ea res ad Caesarem. ille veritus, quod ad plures res pertinebat, ne civitas eorum impulsu deficeret, L. Plancum cum legione ex Belgio celeriter in Carnutes proficisci jubet, ibique hiemare; quorumque opera cognoverit Tasgetium interfectum, hos comprehensos ad se mittere. interim ab omnibus legatis, quaestoribusque, quibus legiones transdiderat, certior factus est, in hiberna perventum, locumque hibernis esse munitum. Diebus circiter xv, quibus in hiberna ventum est, initium repentini tumultus ac defectionis ortum est ab Ambiorige & Cativulco: qui, quum ad fines regni sui Sabino Cottaeque praesto fuissent, frumentumque in hiberna comportavissent, Indutiomari Treviri nun-

tiis impulsī, suos concitaverunt; subitoque oppressis lignatoribus, magna manu castra oppugnatum venerunt. quum celeriter nostri arma cepissent, val-lumque adscendissent, atque, una ex parte Hispanis equitibus emissis, equestri praelio superiores fuissent; desperata re, hostes suos ab oppugnatione re-duxerunt. tum suo more conclamaverunt, ut ali-qui ex nostris ad colloquium prodirent; habere sese quæ de re communi dicere vellent, quibus contro-versias minui posse sperarent. mittitur ad eos collo-quendi causa C. Arpinus eques Romanus familiaris Q. Titurii, Q. Junius ex Hispania quidam, qui jam ante missu Cæsaris ad Ambiorigem ventitare con-sueverat: apud quos Ambiorix in hunc modum lo-cutus est. Sese pro Cæsaris in se beneficiis plurimum ei confiteri debere, quod ejus opera stipendio libera-tus esset, quod Atuaticis finitimis suis pendere con-sueisset; quodque ei & filius, & fratris filius ab Cæ-sare remissi essent, quos Atuatici obsidum numero missos apud se in servitute & catenis tenuissent. ne-que id, quod fecerat de oppugnatione castrorum, aut judicio aut voluntate sua fecisse, sed coactu civi-tatis: suaque esse ejusmodi imperia, ut non minus haberet in se juris multitudo, quam ipse in multitu-dinem. civitati porro hanc fuisse belli causam, quod repentinæ Gallorum conjurationi resistere non po-tuerit. id se facile ex humilitate sua probare posse, quod non adeo sit imperitus rerum, ut suis copiis populum R. se superare posse confidat. sed esse Gal-liæ commune consilium; omnibus hibernis Cæsaris oppugnandis hunc esse dictum diem, ne qua legio alteri legioni subsidio venire posset. non facile Gal-los Gallis negare potuisse; præsertim quum de recu-peranda communi libertate consilium initum videretur. quibus quoniam pro pietate satisfecerit, habe-re se nunc rationem officii; pro beneficiis Cæsarem monere, orare Titurium pro hospitio, ut suæ ac-mi-

militum salutem consulat. magnam manum Germanorum conductam Rhenum transisse; hanc affore biduo: ipsorum esse consilium, velint-ne prius, quam finitimi sentiant, eductos ex hibernis milites aut ad Ciceronem, aut ad Labienum deducere, quorum alter millia passuum circiter L, alter paullo amplius absit. illud se polliceri, & jurejurando confirmare, tutum se iter per fines suos daturum. quod quum faciat, & civitati sese consulere, quod hibernis levetur, & Cæsari pro ejus meritis gratiam referre. Hac oratione habita discedit Ambiorix. C. Arpinus, & Junius, quæ audierant, ad legatos deferunt. illi repentina re perturbati; etsi ab hoste ea dicebantur, non tamen negligenda existimabant: maximeque hac re permovebantur, quod civitatem ignobilem atque humilem Eburonum sua sponte populo R. bellum facere ausam vix erat credendum. itaque ad concilium rem deferunt. magnaque inter eos existit controversia. L. Aurunculeus, compluresque tribuni mil. & primorum ordinum centuriones, nihil temere agendum, neque ex hibernis injussu Cæsaris discedendum existimabant. quantavis magnas copias etiam Germanorum sustineri posse, munitis hibernis, docebant. rem esse testimonio, quod primum hostium impetum, multis ultro vulneribus illatis, fortissime sustinuerint. re frumentaria non premi. interea & ex proximis hibernis, & à Cæsare conventura subsidia. postremo quid esse levius aut turpius, quam auctore hoste de summis rebus capere consilium? Contra ea Titurius sero facturos clamitabat, quum majores manus hostium, adjunctis Germanis, convenissent, aut quum aliquid calamitatis in proximis hibernis esset acceptum. brevem consulendi esse occasionem. Cæsarem arbitrari profectum in Italiam: nec aliter Carnutes interficiendi Tasgetii consilium fuisse capturos: neque Eburones, si ille adesset, tanta cum contemptione nostri

nostri ad castra venturos esse. non hostem auctorem, sed rem, spectare. subesse Rhenum. magno esse Germanis dolori Ariovisti mortem, & superiores nostras viatorias. ardere Galliam tot contumeliis acceptis sub populi R. imperium redactam, superiore gloria rei militaris extincta. postremo quis hoc sibi persuaderet, sine certa re Ambiorigem ad ejusmodi consilium descendisse? suam sententiam in utramque partem esse tutam; si nil sit durius, nullo cum periculo ad proximam legionem perventuros: si Gallia omnis cum Germanis consentiat, unam esse in celeritate positam salutem. Cottæ quidem, atque eorum, qui dissentirent, consilium quem haberet exitum? in quo si non præsens periculum, at certe longa obsidione fames esset pertimescenda. Hac in utramque partem habita disputatione, quum à Cotta primisque ordinibus acriter resisteretur, Vincite, inquit, si ita vultis, Sabinus, & id clariore voce, ut magna pars militum exaudiret: neque is sum, inquit, qui gravissime ex vobis mortis periculo terrear: hi sapient, &, si gravius quid acciderit, abs te rationem reposcent: qui, si per te liceat, perendino die cum proximis hibernis conjuncti, communem cum reliquis casum sustineant: nec rejecti, & relegati longe ab ceteris, aut ferro, aut fame intereant. Coniungitur ex consilio. Comprehendunt utrumque, & orant, ne sua dissensione & pertinacia rem in summum periculum deducant: facilem esse rem, seu maneant, seu proficiscantur, si modo unum omnes sentiant, ac probent: contra in dissensione nullam se salutem perspicere. Res disputatione ad mediam noctem perducitur. tandem dat Cotta per motus manus. superat sententia Sabini. pronunciat, prima luce ituros. consumitur vigiliis reliqua pars noctis, quum sua quisque miles circumspiceret, quid secum portare posset, quid ex instrumento hibernorum relinquere cogeretur. Omnia excogitantur,

tur, quare nec sine periculo maneat, & languore militum & vigiliis periculum augeatur. prima luce sic ex castris proficiscuntur, ut quibus esset persuasum, non ab hoste sed ab homine amicissimo Ambiorige consilium datum, longissimo agmine, magnisque impedimentis. At hostes, postea quam ex nocturno fremitu vigiliisque de profectioe eorum senserunt, collocatis insidiis bipartito in silvis, opportuno atque occulto loco, à millibus passuum circiter 11 Romanorum adventum expectabant: & quum se major pars agminis in magnam convallem demisisset, ex utraque parte ejus vallis subito sese ostenderunt; novissimosque premere, & primos prohibere adscensu atque iniquissimo nostris loco prælium committere cœperunt. tum demum Titurius, uti qui nihil ante providisset, trepidare & concurrere, cohortesque disponere: hæc tamen ipsa timide, atque ut eum omnia deficere viderentur: quod plerumque iis accidere consuevit, qui in ipso negotio consilium capere coguntur. at Cotta, qui cogitasset hæc posse in itinere accidere, atque ob eam causam profectiois auctor non fuisset, nulla in re communi salutis deerat, & in appellandis cohortandisque militibus, imperatoris, & in pugna, militis officia præstabat. quumque propter longitudinem agminis minus facile per se omnia obire, & quid quoque loco faciendum esset, providere possent; jussit pronuciari, ut impedimenta relinquerent, atque in orbem consisterent: quod consilium etsi in ejusmodi casu reprehendendum non est, tamen incommode accidit. nam & nostris militibus spem minuit, & hostes ad pugnandum alacriores effecit; quod non sine summo timore & desperatione id factum videbatur. præterea accidit, quod fieri necesse erat, ut vulgo milites ab signis discederent; quæque quisque eorum carissima haberet, ab impedimentis petere, atque arripere properaret, &

clamore

clamore ac fletu omnia complerentur. At barbaris consilium non defuit. nam duces eorum tota acie pronuntiari iusserunt, ne quis ab loco discederet: illorum esse prædam, atque illis reservari quæcumque Romani reliquissent. proinde omnia in victoria posita existimarent. erant & virtute & numero pugnando pares nostri. tametsi à duce, & à fortuna deserebantur: tamen omnem spem salutis in virtute ponebant; & quoties quæque cohors procurrebat, ab ea parte magnus hostium numerus cadebat. qua re animadversa, Ambiorix pronuntiari jubet, ut procul tela conjiciant, neu propius accedant: & quam in partem Romani impetum fecerint, cedant: levitate armorum, & quotidiana exercitatione nihil iis noceri posse: rursus se ad signa recipientes insequantur. quo præcepto ab iis diligentissime observato, quum quæpiam cohors ex orbe excesserat, atque impetum fecerat, hostes velocissime refugiebant. interim ea parte nudari necesse erat; & ab latere aperto tela recipi. rursus, quum in eum locum, unde erant egressi, reverti cœperant, & ab iis, qui cesserant, & ab iis, qui proximi steterant, circumveniebantur: sin autem locum tenere vellent, neque virtuti locus relinquebatur, neque à tanta multitudine conjecta tela conferti vitare poterant. tamen tam multis incommodis conflictati, multis vulneribus acceptis, resistebant; & magna parte diei consumpta, quum à prima luce, ad horam *ix*, pugnaretur, nihil, quod ipsis esset indignum, committebant. tum *T. Balventio*, qui superiore anno primum pilum duxerat, viro forti, & magnæ auctoritatis, utrumque femur tragula transjicitur. *Q. Lucanius* ejusdem ordinis fortissime pugnans, dum circumvento filio subvenit, interficitur. *L. Cotta* legatus omnes cohortes ordinesque adhortans in adversum os funda vulneratur. his rebus permotus *Q. Titurius*, quum procul Ambiorigem suos

cohortantem conspexisset, interpretem suum *Cn.* Pompeium ad eum mittit, rogatum, ut sibi militibusque parcat. ille appellatus, respondit: si velit secum colloqui, licere; sperare à multitudine impetrari posse quod ad militum salutem pertineat: ipsi vero nihil nocitum iri; inque eam rem se suam fidem interponere. ille cum *Cotta* saucio communicat, si videatur, pugnâ ut excedant, & cum *Ambiorige* una colloquantur. sperare se ab eo de sua ac militum salute impetrari posse. *Cotta* se ad armatum hostem iturum negat, atque in eo perseverat. *Sabinus*, quos in præsentia tribunos mil. circum se habebat, & primorum ordinum centuriones, se sequi jubet: & quum propius *Ambiorigem* accessisset, iussus arma abjicere, imperatum facit: suisque, ut idem faciant, imperat. interim, dum de conditionibus inter se agunt, longiorque consulto ab *Ambiorige* instituitur sermo, paulatim circumventus interficitur. tum vero, suo more, victoriam conclamant, atque ululatum tollunt; impetuque in nostros facto, ordines perturbant. ibi *L. Cotta* pugnans interficitur cum maxima parte militum. reliqui se in castra recipiunt, unde erant egressi. ex quibus *L. Petrosidius* aquilifer, quum magna multitudine hostium premeretur, aquilam intra vallum projecit. ipse pro castris fortissime pugnans occiditur. alii ægre ad noctem oppugnationem sustinent: noctu ad unum omnes, desperata salute, se ipsi interficiunt. pauci ex prælio elapsi incertis itineribus per silvas ad *T. Labienum* legatum in hiberna perveniunt, atque eum de rebus gestis certiores faciunt. Hac victoria sublatus *Ambiorix*, statim cum equitatu in *Atuaticos*, qui erant ejus regno finitimi, proficiscitur: neque diem, neque noctem intermittit; peditatumque se subsequi jubet. re demonstrata, *Atuaticisque* concitatis, postero die in *Nervios* pervenit: hortaturque, ne sui in perpetuum liberandi, atque ulciscendi

Romanos, pro iis, quas acceperint, injuriis, occasione dimittant. interfectos esse legatos duos, magnamque partem exercitus interiisse demonstrat: nihil esse negotii, subito oppressam legionem, quæ cum Cicerone hiemet, interfici: se ad eam rem proficetur adiutorem. facile hac oratione Nervii persuadet. itaque, confestim dimissis nuntiis ad Centrones, Grudios, Levacos, Pleumosios, Gordunos, qui omnes sub eorum imperio sunt, quam maximas manus possunt, cogunt; & de improvviso ad Ciceronis hiberna advolant, nondum ad eum fama de Titurii morte perlata. Huic quoque accidit, quod fuit necesse, ut nonnulli milites, qui lignationis munitionisque causa in silvas discessissent, repentino equitum adventu interciperentur. his circumventis, magna manu Eburones, Atuatici, Nervii, atque horum omnium socii & clientes legionem oppugnare incipiunt. nostri celeriter ad arma concurrunt; vallum conscendunt. ægre is dies sustentatur, quod omnem spem hostes in celeritate ponebant, atque hanc adepti victoriam in perpetuum se fore victores confidebant. Mittuntur ad Cæsarem confestim à Cicerone litteræ, magnis propositis præmiis, si pertulissent. obsessis omnibus viis, missi intercipiuntur. noctu ex ea materia, quam munitionis causa comportaverant, turres cxx excitantur incredibili celeritate. quæ deesse operi videbantur, perficiuntur. hostes postero die multo majoribus copiis coactis castra oppugnant, fossam complent. à nostris eadem ratione, qua pridie, resistitur. hoc idem deinceps reliquis fit diebus. nulla pars nocturni temporis ad laborem intermittitur: non ægris, non vulneratis facultas quietis datur. quæcumque ad proximi diei oppugnationem opus sunt, noctu comparantur. multæ præustæ sudes, magnus muralium pilorum numerus instituitur: turres contabulantur; pinnae, loricaeque ex cratibus attexuntur. ipse Cicero, quum tenuis-

tenuissima valetudine esset, ne nocturnum quidem sibi tempus ad quietem relinquebat; ut ultro, militum concursu ac vocibus, sibi parcere cogeretur. Tunc duces principesque Nerviorum, qui aliquem sermonis aditum, causamque amicitiae cum Cicero-ne habebant, colloqui sese velle dicunt. facta potestate, eadem, quae Ambiorix cum Titurio egerat, commemorant: omnem esse in armis Galliam: Germanos Rhenum transisse: Caesaris, reliquorumque hiberna oppugnari. addunt etiam de Sabini morte. Ambiorigem ostentant, fidei faciundae causa. errare eos dicunt, si quidquam ab iis praesidii sperent, qui suis rebus diffidant: sese tamen hoc esse in Cicero-nem populumque R. animo, ut nihil, nisi hiberna, recusent, atque hanc inveterascere consuetudinem nolint: licere illis incolumibus per se ex hibernis discedere, & in quascumque partes velint, sine metu proficisci. Cicero ad hac unum modo respondit: Non esse consuetudinem populi R. ullam accipere ab hoste armato conditionem. si ab armis discedere velint, se adiutore utantur, legatosque ad Caesarem mittant; sperare se, pro ejus justitia, quae petierint, impetraturos. Ab hac spe repulsi Nervii, vallo pedum xi, & fossa pedum xv hiberna cingunt. hac superiorum annorum consuetudine à nostris cognoverant; & quosdam de exercitu nacti captivos, ab his docebantur. Sed nulla his ferramentorum copia, quae esset ad hunc usum idonea; gladiis cespitem circumcidere, manibus sagulisque terram exhaurire cgebantur. qua quidem ex re hominum multitudo cognosci potuit. nam minus horis tribus, millium passuum xv in circuitu munitionem perfecterunt: reliquisque diebus turres ad altitudinem valli, falces, testudinesque, quas iidem capti docuerant, parare ac facere coeperunt. septimo oppugnationis die, maximo coorto vento, ferventes fusili ex argilla glandes fundis, & fervefacta jacula, in casas,

quae

quæ more Gallico stramentis erant tectæ , jacere cœperunt. hæ celeriter ignem comprehenderunt , & , venti magnitudine , in omnem castrorum locum distulerunt. hostes , maximo clamore insecuti , quasi parta jam atque explorata victoria , turres , testudinesque agere , & scalis vallum adscendere cœperunt. at tanta militum virtus , atque ea præsentia animi fuit , ut , quum undique flamma torrerentur , maximaque telorum multitudine premerentur , suæque omnia impedimenta atque omnes fortunas conflagrare intelligerent : non modo demigrandi causa de vallo decederet nemo , sed pene ne respiceret quidem quisquam , ac tum omnes acerrime fortissimeque pugnarent. hic dies nostris longe gravissimus fuit : sed tamen hunc habuit eventum , ut eo die maximus numerus hostium vulneraretur , atque interficeretur , ut se sub ipso vallo constipaverant , recessumque primis ultimi non dabant. Paullum quidem intermissa flamma , & quodam loco turri adacta , & contingente vallum , tertiæ cohortis centuriones ex eo , quo stabant , loco recesserunt , suosque omnes reinoverunt : nutu vocibusque hostes , si introire vellent , vocare cœperunt : quorum progredi ausus est nemo. tum ex omni parte lapidibus coniectis deturbati , turrisque succensa est. Erant in ea legione fortissimi viri centuriones , qui jam primis ordinibus appropinquarent , T. Pulvio , & L. Varenius. ii perpetuas controversias inter se habebant , uter alteri anteferretur , omnibusque annis de loco summis simultatibus contendebant. ex iis Pulvio , quum acerrime ad munitiones pugnaretur , Quid dubitas , inquit , Varene ? aut quem locum probandæ virtutis tuæ expectas ? hic dies , hic dies , de nostris controversiis judicabit. Hæc quum dixisset , procedit extra munitiones , & , quæ pars hostium confertissima visa est , in eam irrumpit. ne Varenius quidem tum vallo sese continet , sed , omnium veritus existima-

tionem,

tionem, subsequitur, mediocri spatio relicto. Pulsio pilum in hostes mittit, atque unum ex multitudine procurrentem transjicit. quo percusso, & exanimato, hunc scutis protegent hostes, & in illum universi tela conjiciunt: neque dant regrediendi facultatem. transfigitur scutum Pulsioni, & verutum in balteo defigitur. avertit hic casus vaginam, & gladium educere conantis dextram moratur manum, impeditumque hostes circumstant. succurrit inimicus illi Varenus, & laboranti subvenit. ad hunc se confestim à Pulsione omnis multitudo convertit. illum veruto transfixum arbitrantur. Illic vero occursat ocus gladio, cominusque rem gerit Varenus: atque uno interfecto reliquos paullum propellit. dum cupidius instat, in locum inferiorem dejectus concidit. huic rursus circumvento fert subsidium Pulsio; atque ambo incolumes, compluribus interfectis, summa cum laude sese intra munitiones recipiunt. sic fortuna in contentione, & certamen utrumque versavit, ut alter alteri inimicus auxilio salutique esset; neque dijudicari posset, uter utri virtute anteferendus videretur. Quanto erat in dies gravior atque asperior oppugnatio, & maxime quod, magna parte militum confecta vulneribus, res ad paucitatem defensorum pervenerat; tanto crebriores litteræ nuntiique ad Cæsarem mittebantur: quorum pars deprehensa in conspectu nostrorum [militum] cum cruciatu necabatur. erat unus intus Nervius, nomine Vertico, loco natus honesto, qui à prima obsidione ad Ciceronem profugerat, suamque ei fidem præstiterat. hic servo, spe libertatis, magnisque persuadet præmiis, ut litteras ad Cæsarem deferat. has ille in jaculo illigatas affert; & Gallus inter Gallos sine ulla suspitione versatus, ad Cæsarem pervenit. ab eo de periculo Ciceronis legionisque cognoscit. Cæsar, acceptis litteris circiter hora XI diei, statim nuntium in Bellovacos ad M. Cras-

Crassum quæstorem mittit, cujus hiberna aberant ab eo mille passuum xxv. jubet media nocte legionem proficisci, celeriterque ad se venire. exiit cum nuntio Crassus. alterum ad C. Fabium legatum mittit, ut in Atrebatium fines legionem adducat, qua sibi iter faciendum sciebat. scribit Labieno, si Reip. commodum facere posset, cum legione ad fines Nerviorum veniat: reliquam partem exercitus, quod paullo aberat longius, non putat expectandam: equites circiter cd ex proximis hibernis cogit. hora circiter III ab antecursoribus de Crassi adventu certior est factus: eo die millia passuum xx progreditur. Crassum Samarobriæ præficit, legionemque ei attribuit, quod ibi impedimenta exercitus, obli-des civitatum, litteras publicas, frumentumque omne, quod eo tolerandæ hiemis causâ devexerat, relinquebat. Fabius, ut imperatum erat, non ita multum moratus, in itinere cum legione occurrit. Labienus, interitu Sabini, & eadē cohortium cognita, quum omnes ad eum Trevirorum copię venissent, veritus, si ex hibernis fugæ similem profectiōnem fecisset, ut hostium impetum sustinere non posset, præsertim quos recenti victoria efferi sciret, litteras Cæsari dimittit, quanto cum periculo legionem ex hibernis educaturus esset: rem gestam in Eburonibus perscribit: docet, omnes peditatus, equitatusque copias Trevirorum III millia passuum longe ab suis castris consedisse. Cæsar, consilio ejus probato, etsi, opinione III legionum dejectus, ad II redierat, tamen unum communis salutis auxilium in celeritate ponebat. venit magnis itineribus in Nerviorum fines. ibi ex captivis cognoscit, quæ apud Ciceronem gerantur, quantoque in periculo res sit. tum cuidam ex equitibus Gallis magnis præmiis persuadet, uti ad Ciceronem epistolam deferat. hanc Græcis conscriptam litteris mittit; ne, intercepta epistola, nostra ab hostibus consilia cogno-

scantur: si adire non possit, monet, ut tragulam, cum epistola ad amentum deligata, intra munitiones castrorum abjiciat: in litteris scribit, se cum legionibus profectum celeriter affore: hortatur, ut pristinam virtutem retineat. Gallus periculum veritus, ut erat præceptum, tragulam mittit. hæc casu ad turrim adhæsit; neque ab nostris biduo animadversa, tertio die à quodam milite conspicitur, dempta ad Ciceronem deferitur. ille perlectam in conventu militum recitat, maximaque omnes lætitia afficit. tum fumi incendiorum procul videbantur. quæ res omnem dubitationem adventus legionum expulit. Galli, re cognita per exploratores, obsidionem relinquunt, ad Cæsarem omnibus copiis contendunt. ex erant armatorum circiter millia LX. Cicero, data facultate, Gallum ab eodem Verticone, quem supra demonstravimus, repetit, qui litteras ad Cæsarem deferat; hunc admonet, iter caute diligenterque faciat. perscribit in litteris, hostes ab se discessisse, omnemque ad eum multitudinem convertisse. quibus literis circiter media nocte, Cæsar, allatis, suos facit certiores, eosque ad dimicandum animo confirmat. postero die luce prima movet castra; & circiter millia passuum XV progressus trans vallem magnam, & rivum, hostium multitudinem conspiciatur. erat magni periculi res, cum tantis copiis iniquo loco dimicare: tamen quoniam liberatum obsidione Ciceronem sciebat, eoque omnino remittendum de celeritate existimabat, confedit, &, quam æquissimo loco potest, castra communit: atque hæc, etsi erant exigua per se, vix hominum millium VII, præsertim nullis cum impedimentis, tamen angustiis viarum, quam maxime potest, contrahit, eo consilio, ut in summam contemtionem hostibus veniat. interim speculatoribus in omnes partes dimissis, explorat, quo commodissime itinere vallem transire posset. eo die parvulis equestribus præliis ad
aquam

aquam factis, utrique sese suo loco continent; Galli, quod ampliores copias, quæ nondum convenerant, expectabant; Cæsar, si forte timoris simulatione hostes in suum locum elicere posset citra vallem, ut pro castris prælio contenderet; si id efficere non posset, ut, exploratis itineribus, minore cum periculo vallem rivumque transiret. prima luce hostium equitatus ad castra accedit, præliumque cum nostris equitibus committit. Cæsar consulto equites cedere, seque in castra recipere jubet; simul, ex omnibus partibus castra altiore vallo muniri; portasque obstrui, atque in iis administrandis rebus quam maxime concursari, & cum simulatione agi timoris jubet. quibus omnibus rebus hostes invitati, copias transducunt, aciemque iniquo loco constituunt: nostris vero etiam de vallo deductis, propius accedunt; & tela intra munitionem ex omnibus partibus conjiciunt; præconibusque circummissis, pronuntiare jubent, seu quis Gallus, seu Romanus velit ante horam tertiam ad se transire, sine periculo licere: post id tempus non fore potestatem. ac sic nostros contempserunt, ut, obstructis in speciem portis singulis ordinibus cespitem, quod ea non posse intro-rumpere videbantur, alii vallum manu scandere, alii fossas complere, inciperent. tunc Cæsar, omnibus portis eruptione facta, equitatuque emissio, celeriter hostes dat in fugam. sic, ut omnino pugnandi causa resisteret nemo: magnumque ex his numerum occidit, atque omnes armis exuit. longius prosequi veritus, quod silvæ, paludesque intercedebant; neque etiam parvulo detrimento illorum, locum relinquere videbat; omnibus suis incolumibus copiis, eodem die ad Ciceronem pervenit. institutas turres, testudines, munitionesque hostium admiratur. legione producta, cognoscit non decimum quemque esse relictum militem sine vulnere. ex his omnibus judicat rebus, quanto cum periculo, & quanta virtute, sint

res administratæ: Ciceronem pro ejus merito, legioneinque collaudat: centuriones sigillatim tribunosque mil. appellat, quorum egregiam fuisse virtutem, testimonio Ciceronis cognoverat. de casu Sabini, & Cottæ, certius ex captivis cognovit. postero die, concione habita, rem gestam proponit: milites consolatur, & confirmat: quod detrimentum culpa & temeritate legati sit acceptum, hoc æquiore animo ferendum docet, quod beneficio deorum immortalium & virtute eorum expiato incommodo, neque hostibus diutina lætatio, neque ipsis longior dolor relinquatur. Interim ad Labienum per Rhemos incredibili celeritate de victoria Cæsaris fama perfertur; ut, quum ab hibernis Ciceronis milia passuum L abesset, eoque post horam IX diei Cæsar pervenisset, ante mediam noctem ad portas castrorum clamor oriretur; quo clamore significatio victoriæ, gratulatioque ab Rhemis Labieno fieret. Hac fama ad Treviros perlata, Indutiomarus, qui postero die castra Labieni oppugnare decreverat, noctu profugit, copiasque omnes in Treviros reducit. Cæsar Fabium cum legione in sua remittit hiberna. ipse cum III legionibus circum Samarobrivam trinis hibernis hiemare constituit; &, quod tanti motus Galliæ exstiterant, totam hiemem ipse ad exercitum manere decrevit. nam illo incommodo de Sabini morte perlato, omnes fere Galliæ civitates de bello consultabant, nuntios legationesque in omnes partes dimittebant; &, quid reliqui consilii caperent, atque unde initium belli fieret, explorabant; nocturnaue in locis desertis concilia habebant; neque ullum totius hiemis tempus intercessit sine sollicitudine Cæsaris, quin aliquem de conciliis & motu Gallorum nuntium acciperet. in his ab L. Roscio legato, quem legioni XIIII præfecerat, certior est factus, magnas Gallorum copias earum civitatum, quæ Armoricæ appellantur, oppugnan-

pugnandi sui causa convenisse. neque longius millia passuum VIII ab hibernis suis abfuisse : sed, nuntio allato de victoria Caesaris, discessisse, adeo ut fugae similis discessus videretur. At Caesar, principibus cujusque civitatis ad se vocatis, alias territando, quum se scire, quae fierent, denuntiaret; alias cohortando, magnam partem Galliae in officio tenuit : tamen Senones, quae est civitas in primis firma, & magnae inter Gallos auctoritatis, Cavarinum, quem Caesar apud eos regem constituerat, cujus frater Moritasgus, adventu in Galliam Caesaris, cujusque majores regnum obtinuerant, interficere publico consilio conati, cum ille praesensisset, ac profugisset, usque ad fines insecuti, regno, domoque expulerunt; &, missis ad Caesarem satisfaciendi causa legatis, quum is omnem ad se senatum venire jussisset, dicto audientes non fuerunt. tantum apud homines barbaros valuit, esse repertos aliquos principes belli inferendi, tantamque omnium voluntatis commutationem attulit; ut praeter Aduos, & Rheinos, quos praecipuo semper honore Caesar habuit, alteros pro vetere ac perpetua erga populum R. fide, alteros, pro recentibus belli Gallici officiis, nulla fere fuerit civitas non suspecta nobis. idque adeo haud scio mirandumne sit; quum compluribus aliis de causis, tum maxime, quod, qui virtute belli omnibus gentibus praeferebantur, tantum se ejus opinionis deperdidissent, ut populi R. imperia perferrent, gravissime dolebant. Treviri vero atque Indutiomarus totius hiemis nullum tempus intermiserunt; quin trans Rhenum legatos mitterent; civitates sollicitarent; pecunias pollicerentur; magna parte exercitus nostri interfecta, multo minorem superesse dicerent partem. neque tamen ulli civitati Germanorum persuaderi potuit, ut Rhenum transiret, quum se bis expertos dicerent, Ariovisti bello, & Tenchtherorum transitu; non esse fortunam am-

plius tentaturos. Hac spe lapsus Indutiomarus nihilo minus copias cogere, exigere à finitimis, equos parare, exules damnatosque Gallia magnis præmiis ad se allicere cœpit; ac tantam sibi jam iis rebus in Gallia auctoritatem comparaverat, ut undiq; ad eum legationes concurrerent; gratiam, atque amicitiam publice privatimque peterent. ubi intellexit ultro ad se veniri; altera ex parte Senones, Carnutesque conscientia facinoris instigari; altera Nervios, Atuatikosque bellum Romanis parare: neque sibi voluntariorum copias defore, si ex finibus suis progredi cœpisset; armatum concilium indicit. hoc, more Gallorum est initium belli, quo, lege comuni, omnes puberes armati convenire cōguntur; & qui ex iis novissimus venit, in conspectu multitudinis omnibus cruciatibus affectus necatur. in eo concilio Cingetorigem, alterius principem factionis, generum suum, quem supra demonstravimus Cæsaris secutum fidem ab eo non discessisse, hostem judicandum curat, bonaque ejus publicat. his rebus confectis, in concilio pronuntiat, accersitum se à Senonibus, & Carnutibus, aliisque compluribus Galliæ civitatibus: huc iter facturum per fines Rhemorum; eorumque agros populaturum; ac prius, quam id faciat, castra Labieni oppugnaturum: quæque fieri velit, præcipit. Labienus, quum & loci natura, & manu munitissimis castris sese contineret, de suo ac legionis periculo nihil timebat; sed nequam occasionem rei bene gerendæ dimitteret, cogitabat. itaque à Cingetorige, atque ejus propinquis oratione Indutiomari cognita, quam in concilio habuerat, nuntios mittit ad finitimas civitates, equitesque undique convocat. iis certam diem conveniendi dicit. interim prope quotidie cum omni equitatu Indutiomarus sub castris ejus vagabatur, alias ut situm castrorum cognosceret, alias colloquendi, aut terrendi causa. equites plerumque omnes tela intra
val-

vallum conjiciebant. Labienus suos intra munitio-
nes continebat: timorisque opinionem, quibuscum-
que poterat rebus, augebat. quum majore in dies
contemptione Indutiomarus ad castra accederet, no-
cte una intromissis equitibus omnium finitimarum
civitatum, quos accersendos curaverat, tanta diligen-
tia omnes suos custodiis intra castra continuit, ut
nulla ratione ea res enuntiari, aut ad Treviros per-
ferri posset. Interim, ex consuetudine quotidiana,
Indutiomarus ad castra accedit; atque ibi magnam
partem diei consumit; equites tela conjiciunt, &
magna contumelia verborum nostros ad pugnam
evocant: nullo à nostris dato responso, ubi visum est,
sub vesperum, dispersi ac dissipati discedunt. subito
Labienus duabus portis omnem equitatum emittit;
præcipit atque interdicit, perterritis hostibus atque
in fugam coniectis, quod fore, sicut accidit, videbat,
omnes unum peterent Indutiomarus, neu quis
quemquam prius vulneraret; quam illum interfe-
ctum videret: quod, mora reliquorum, illum, spa-
rium nactum, effugere nolebat: magna proponit iis,
qui occiderint, præmia: summittit cohortes equiti-
bus subsidio. comprobatur hominis consilium fortu-
na: &, quum unum omnes peterent, in ipso flumi-
nis vado deprehensus Indutiomarus interficitur; ca-
putque ejus refertur in castra. redeuntes equites,
quos possunt, confectantur atque occidunt. Hac re
cognita, omnes Eburonum, & Nerviorum, quæ con-
venerant, copiæ discedunt; paulloque habuit post id
factum Cæsar quietiorem Galliam.

LIBER VI.



Ultis de causis Cæsar majorem Galliæ
motum expectans, per M. Silanum, C.
Antistium Rheginum; T. Sextium, lega-
tos, delectum habere instituit: simul ab
Cn. Pompeio proconsule petit, quoniam

ipse ad urbem cum imperio Reip. caussa maneret, quos ex Cisalpina Gallia consulis sacramento rogavisset, ad signa convenire, & ad se proficisci juberet: magni interesse etiam in reliquum tempus, ad opinionem Gallia, existimans, tantas videri Italiae facultates, ut si quid esset in bello detrimenti acceptum, non modo id brevi tempore sarciri, sed etiam majoribus adaugeri copiis posset. quod quum Pompeius & Reip. & amicitiae tribuisset; celeriter confecto per suos delectu, tribus ante exactam hiemem & constitutis, & adductis legionibus, duplicatoque earum cohortium numero, quas cum Q. Titurio amiserat, & celeritate, & copiis docuit, quid populi R. disciplina, atque opes possent. Interfecto Indutiomaro, ut docuimus, ad ejus propinquos à Trevis imperium deferitur. illi finitimos Germanos sollicitare, & pecuniam polliceri, non desistunt. quum ab proximis impetrare non possent, ultiores tentant. inventis nonnullis, civitates jurejurando inter se confirmant, obsidibusque de pecunia cavent: Ambiorigem sibi societate & foedere adjungunt. Quibus rebus cognitis, Cæsar, quum undique bellum parari videret, Nervios, Atuaticos, ac Menapios, adjunctis cisrhennanis omnibus Germanis, esse in armis, Senones ad imperatum non venire, & cum Carnutibus finitimisque civitatibus consilia communicare, à Trevis Germanos crebris legationibus sollicitari; maturius sibi de bello cogitandum putavit. itaque, nondum hieme confecta, proximis IV legionibus coactis, de improvviso in fines Nerviorum contendit, & prius, quam illi aut convenire, aut profugere possent, magno pecoris atque hominum numero capto, atque ea præda militibus concessa, vastatisque agris, in deditiorem venire, atque obsides sibi dare coëgit. eo celeriter confecto negotio, rursus legiones in hiberna reduxit. Concilio Gallia primo vere; ut instituerat, indicto, quum reliqui,

præ-

præter Senones, Carnutes, Trevirosque, venissent; initium belli ac defectionis hoc esse arbitratus; ut omnia postponere videretur, concilium Lutetiam Parisiorum transfert. confines erant hi Senonibus, civitatemque patrum memoria conjunxerant: sed ab hoc consilio abfuisse existimabantur. Hac re pro suggestu pronuntiata, eodem die cum legionibus in Senones proficiscitur, magnisque itineribus eo pervenit. cognito ejus adventu, Acco, qui princeps ejus consilii fuerat, jubet in opida multitudinem convenire: conantibus, prius quam id effici posset, adesse Romanos nuntiatur. necessario sententia desistunt; legatosque deprecandi causa ad Cæsarem mittunt; adeunt per Æduos, quorum antiquitus erat in fide civitas. libenter Cæsar, petentibus Æduis, dat veniam: excusationemque accipit: quod æstivum tempus instantis belli, non quæstionis esse arbitrabatur. Obsidibus imperatis centum, hos Æduis custodiendos tradit. eodem Carnutes legatos obsidesque mittunt; usi deprecatoribus Rhemis, quorum erant in clientela: eadem fecunt responsa. peragit consilium Cæsar, equitesque imperat civitatibus. hac parte Galliæ pacata, totus & mente & animo in bellum Trevirorum & Ambiorigis insilit. Cavarinum cum equitatu Senonum secum proficisci jubet, nequis aut ex hujus iracundia, aut ex eo, quod meruerat, odio civitatis motus existat. his rebus constitutis, quod pro explorato habebat, Ambiorigem prælio non esse certaturum, reliqua ejus consilia animo circumspiciebat. erant Menapii propinqui Eburonum finibus, perpetuis paludibus, silvisque muniti, qui uni ex Gallia, de pace, ad Cæsarem legatos numquam miserant. cum iis esse hospitium Ambiorigi sciebat: item per Treviros venisse Germanis in amicitiam cognoverat. hæc prius illi detrahenda auxilia existimabat, quam ipsum bello lacerandum; ne desperata salute, aut se in Menapios

abderet, aut cum transrhenanis congregari cogeretur. hoc inito consilio, totius exercitus impedimenta ad Labienum in Treviros mittit, duasque legiones ad eum proficisci jubet: ipse cum legionibus expeditis v in Menapios proficiscitur. illi, nulla coacta manu, loci praesidio freti, in silvas, paludesque confugiunt; suaeque eodem conferunt. Caesar, partitis copiis, cum C. Fabio legato, & M. Crasso quaestore, celeriterque effectis pontibus, adiit tripartito, adificia vicisque incendit, magno pecoris, atque hominum numero potitur. quibus rebus coacti Menapii, legatos ad eum, pacis petendae causa, mittunt. ille, obsidibus acceptis, hostium se habiturum numero confirmat, si aut Ambiorigem, aut ejus legatos, finibus suis recepissent: his confirmatis rebus, Comium Atrebatem cum equitatu, custodis loco, in Menapiis relinquit; ipse, in Treviros proficiscitur. Dum haec à Caesare geruntur, Treviri, magnis coactis peditatus equitatusque copiis, Labienum cum una legione, quae in eorum finibus hiemaverat, adoriri parabant. jamque ab eo non longius bidui via aberant, quum duas venisse legiones missu Caesaris cognoscunt. positis castris à millibus passuum xv, auxilia Germanorum expectare constituunt. Labienus, hostium cognito consilio, sperans temeritate eorum fore aliquam dimicandi facultatem, v cohortium praesidio impedimentis relicto, cum xxv cohortibus, magnoque equitatu, contra hostem proficiscitur; & ∞ passuum intermisso spatio, castra communit. Erat inter Labienum, atque hostem, difficili transitu flumen, ripisque praeruptis; hoc neque ipse transire habebat in animo, neque hostes transituros existimabat. augebatur auxiliorum quotidie spes. loquitur in concilio palam: quoniam Germani appropinquare dicuntur, sese suas exercitusque fortunas in dubium non devocaturum, & postero die prima luce castra

mo-

moturum. celeriter hæc ad hostes deferuntur, ut ex magno Gallorum equitatus numero nonnullos Gallicis rebus favere natura cogeat. Labienus, noctu tribunis mil. primisque ordinibus convocatis, quid sui consilii sit; proponit; &, quo facilius hostibus timoris det suspicionem, majore strepitu & tumultu, quam populi R. fert consuetudo, castra moveri jubet. his rebus fugæ similem profectiorem efficit. hæc quoque per exploratores ante lucem, in tanta propinquitate castrorum, ad hostes deferuntur. vix agmen novissimum extra munitiones processerat; cum Galli, cohortati inter se, ne speratam prædani ex manibus dimitterent; longum esse, perterritis Romanis, Germanorum auxilium expectare; neque suam pati dignitatem, ut tantis copiis tam exiguam manum, præsertim fugientem, atque impeditam adoriri non audeant: flumen transire, & iniquo loco, prælium committere non dubitant. quæ fore suspicatus Labienus, ut omnes citra flumen eliceret, eadem usus simulatione itineris, placide progrediebatur. tum præmissis paullum impedimentis, atque in tumulto quodam collocatis; Habetis, inquit, milites, quam petistis, facultatem: hostem impedito atque iniquo loco tenetis: præstate eandem nobis ducibus virtutem, quam sæpenumero imperatori præstitistis: eum adesse, & hæc coram cernere, existimate. simul, signa ad hostem converti, aciemque dirigi jubet: &, paucis turmis præsidio ad impedimenta dimissis, reliquos equites ad latera disponit. celeriter nostri, clamore iublato, pila in hostes jaciunt. illi, ubi præter spem, quos fugere credebant, infestis signis ad se ire viderunt, impetum modo ferre non potuerunt: ac primo concursu in fugam coniecti, proximas silvas petiverunt: quos Labienus equitatu consecutus, magno numero interfecto, compluribus captis, paucis post diebus civitatem recipit. nam Germani, qui auxilio veniebant,

bant, percepta Trevirorum fuga, sese domum contulerunt. cum iis propinqui Indutiomari, qui defectionis auctores fuerant, comitati eos, ex civitate excessere. Cingetorigi, quem ab initio permansisse in officio demonstravimus, principatus, atque imperium est traditum. Cæsar, postquam ex Menapiis in Treviros venit, duabus de causis Rhenum transire constituit. quarum erat altera, quod auxilia contra se Treviris miserant: altera, ne Ambiorix receptum ad eos haberet. his constitutis rebus, paullum supra eum locum, quo antea exercitum transduxerat, facere pontem instituit. nota atque instituta ratione, magno militum studio, paucis diebus, opus efficitur: firmo in Treviris præsidio ad pontem relicto, ne quis ab iis subito motus oriretur, reliquas copias, equitatumque transducit. Ubii, qui ante obsidem dederant, atque in deditionem venerant, purgandi sui causâ ad eum legatos mittunt: qui doceant, neque ex sua civitate auxilia in Treviros missa, neque ab se fidem læsam. petunt, atque orant, ut sibi parcat, ne, communi odio Germanorum, innocentes pro nocentibus pœnas pendant, si amplius obsidum velit, dare pollicentur. cognita Cæsar causâ, reperit, ab Suevis auxilia missa esse; Ubiorum satisfactionem accepit: aditus viasque in Suevos perquirat. Interim paucis post diebus fit ab Ubiis certior, Suevos omnes in unum locum copias cogere; atque iis nationibus, quæ sub eorum sunt imperio, denuntiare, ut auxilia peditatus equitatusque mittant. his cognitis rebus, rem frumentariam providet, castis idoneum locum deligit: Ubiis imperat, ut pecora deducant, suæque omnia ex agris in opida conferant; sperans, barbaros; atque imperites homines, inopia cibariorum adductos, ad iniquam pugnandi conditionem posse deduci. mandat, ut crebros exploratores in Suevos mittant, quæque apud eos gerantur, cognoscant. illi imperata faciunt: & , paucis

cis diebus intermissis, referunt, Suevos omnes, post-
eaquam certiores nuntii de exercitu Romanorum
venerant, cum omnibus suis sociorumque copiis,
quas coëgissent, penitus ad extremos fines sese re-
cepisse. silvam esse ibi infinitæ magnitudinis, quæ
appellatur Ræcenis: hanc longe introrsus pertinere,
& pro nativo muro objectam, Cheruscos à Suevis,
Suevosque à Cheruscis, injuriis incursionibusque
prohibere: ad ejus initium silvæ Suevos adventum
Romanorum expectare constituisse. Quoniam ad
hunc locum perventum est, non alienum esse vide-
tur, de Galliæ, Germaniæque moribus, & quo diffe-
rant eæ nationes inter sese proponere. IN GALLIA
non solum in omnibus civitatibus, atque pagis,
partibusque, sed pene etiam in singulis domibus fa-
ctiones sunt: earumque factionum sunt principes,
qui summam auctoritatem eorum judicio habere
existimantur: quorum ad arbitrium, judiciumque
summa omnium rerum consiliorumque redeat. id-
que ejus rei causâ antiquitus institutum videtur, ne
quis ex plebe contra potentiores auxilii egeret; suos
enim opprimi quisque, & circumveniri non patitur;
neque, aliter si faciat, ullam inter suos habeat au-
thoritatem. hæc eadem ratio est in summa totius
Galliæ. namque omnes civitates in duas partes di-
visæ sunt. quum Cæsar in Galliam venit, alterius
factionis principes erant Ædui, alterius Sequani. ii
quum per se minus valerent, quod summa auctori-
tas antiquitus erat in Æduis, magnæque eorum
erant clientelæ, Germanos, atque Ariovistum, sibi
adjunxerant, eosque ad se magnis jacturis, pollici-
tationibusque perduxerant. præliis vero compluri-
bus factis secundis, atque omni nobilitate Æduo-
rum interfecta, tantum potentia antecesserant, ut
magnam partem clientium ab Æduis ad se transdu-
cerent; obsidesque ab iis principum filios accipe-
rent; & publice jurare cogerent, nihil se contra Se-

quanos consilii inituros; & partem finitimi agri per vim occupatam possiderent; Galliaque totius principatum obtinerent. qua necessitate adductus Divitiacus, auxilii petendi causa Romam ad Senatum profectus, infecta re redierat. adventu Caesaris facta commutatione rerum, obsidibus Aëduis redditis, veteribus clientelis restitutis, novis per Caesarem comparatis; quod ii, qui se ad eorum amicitiam aggregaverant, meliore conditione, atque imperio æquiore se uti videbant, reliquis rebus eorum, gratia, dignitateque amplificata, Sequani principatum dimiserant. in eorum locum Rhemi successerant; quos quod adæquare apud Caesarem gratia intelligebatur, ii, qui propter veteres inimicitias nullo modo cum Aëduis conjungi poterant, se Rhemis in clientelam dicabant. hos illi diligenter tuebantur. ita & novam, & repente collectam auctoritatem tenebant. eo tum statu res erat, ut longe principes haberentur Aëdii, secundum locum dignitatis Rhemi obtinerent. In omni Gallia eorum hominum, qui aliquo sunt numero atque honore, genera sunt duo. nam plebs pene servorum habetur loco. quæ per se nihil audet, & nulli adhibetur consilio. plerique, quum aut ære alieno, aut magnitudine tributorum, aut injuria potentiorum premuntur, sese in servitutem dicant nobilibus. in hos eadem omnia sunt jura, quæ dominis in servos. Sed de his duobus generibus alterum est Druidum, alterum equitum. Illi rebus divinis interfunt, sacrificia publica, ac privata procurant, religiones interpretantur: ad hos magnus adolescentium numerus disciplinæ causa concurrat; magnoque ii sunt apud eos honore. nam fere de omnibus controversiis, publicis privatisque, constituunt; & si quod est admissum facinus, si cades facta; si de hereditate, de finibus controversia est, iidem decernunt; præmia, poenæque constituunt; si quis aut privatus, aut publicus

eorum

eorum decreto non stetit, sacrificiis interdicunt. hæc poena apud eos est gravissima. quibus ita est interdictum, ii numero impiorum ac sceleratorum habentur; iis omnes decedunt, aditum eorum sermonemque defugiunt, ne quid ex contagione incommodi accipiant: neque iis petentibus jus redditur, neque honos ullus communicatur. his autem omnibus Druidibus præest unus, qui summam inter eos habet auctoritatem. hoc mortuo, si quis ex reliquis excellit dignitate, succedit. at, si sunt plures pares, suffragio Druidum adlegitur. nonnumquam etiam de principatu armis contendunt: ii certo anni tempore in finibus Carnutum, quæ regio totius Galliæ media habetur, confidunt in loco consecrato. huc omnes undique, qui controversias habent, conveniunt; eorumque judiciis decretisque parent. Disciplina in Britannia reperta, atque inde in Galliam translata esse existimatur. & nunc, qui diligentius eam rem cognoscere volunt, plerumque illo, discendi causa, proficiscuntur. Druides à bello abesse consueverunt, neque tributa una cum reliquis pendunt; militiæ vacationem, omniumque rerum habent immunitatem. tantis excitati præmiis, & sua sponte multi in disciplinam conveniunt, & à propinquis, parentibusque mittuntur. Magnum ibi numerum versuum ediscere dicuntur. itaque nonnulli annos videnos in disciplina permanent; neque fas esse existimant ea litteris mandare, quum in reliquis fere rebus publicis privatisque rationibus [Græcis] litteris utantur. id mihi duabus de causis instituisse videntur; quod neque in vulgus disciplinam efferri velint, neque eos, qui discunt, litteris confisos, minus memoriæ studere. quod fere plerisque accidit, ut præsidio litterarum, diligentiam in perdiscendo, ac memoriam remittant. in primis hoc volunt persuadere, Non interire animas, sed ab aliis post mortem transire ad alios; atque hoc maxime

xime ad virtutem excitari putant, metu mortis neglecto. multa præterea de sideribus, atque eorum motu, de mundi ac terrarum magnitudine, de rerum natura, de deorum immortalium vi ac potestate disputant, & juventuti transdunt. Alterum genus est equitum. ii, quum est usus, atque aliquod bellum incidit, (quod ante Cæsaris adventum fere quotannis accidere solebat, uti aut ipsi injurias inferrent, aut illatas propulsarent) omnes in bello versantur; atque eorum, ut quisque est genere, copiisque amplissimus, ita plurimos circum se ambactos, clientisque habet. hanc unam gratiam, potentiamque noverunt. Natio est omnis Gallorum admodum dedita religionibus, atque ob eam causam, qui sunt affecti gravioribus morbis, quique in præliis periculisque versantur, aut pro victimis homines immolant, aut se immolatu-
ros vovent, ministrisque ad ea sacrificia Druidibus utuntur; quod pro vita hominis, nisi vita hominis reddatur, non posse aliter deorum immortalium numen placari arbitrantur: publiceque ejusdem generis habent instituta sacrificia. alii immani magnitudine simulacra habent: quorum contexta viminibus membra vivis hominibus complent; quibus succensis, circumventi flamma exanimantur homines. supplicia eorum, qui in furto aut latrocinio, aut aliqua noxa sint comprehensi, gratiora diis immortalibus esse arbitrantur. sed, quum ejus generis copia deficit, etiam ad innocentium supplicia descendunt. deum maxime Mercurium colunt. hujus sunt plurima simulacra: hunc omnium inventorem artium ferunt; hunc viarum atque itinerum ducem; hunc ad quaestus pecuniæ, mercaturasque habere vim maximam arbitrantur. post hunc, Apollinem, & Martem, & Jovem, & Minervam. de his eandem fere, quam reliquæ gentes, habent opinionem; Apollinem morbos depellere; Minervam operum atque artificiorum initia transdere;

Jovem imperium cœlestium tenere ; Martem bella regere. huic , quum prælio dimicare constituerunt , ea, quæ bello ceperunt , plerumque devovent. quæ superaverint animalia capta, immolant ; reliquas res in unum locum conferunt. multis in civitatibus harum rerum exstructos tumulos locis consecratis conspici licet. neque sæpe accidit, ut, neglecta quispiam religione, aut capta apud se occultare , aut posita tollere auderet : gravissimumque ei rei supplicium cum cruciatu constitutum est. Galli se omnes ab Dite patre prognatos prædicant : idque ab Druidibus proditum dicunt : ob eam causam spatia omnis temporis, non numero dierum , sed noctium, finiunt ; & dies natales , & mensium & annorum initia sic observant , ut noctem dies subsequatur. in reliquis vitæ institutis hoc fere ab reliquis differunt, quod suos liberos, nisi quum adoleverint, ut munus militiæ sustinere possint, palam ad se adire non patiantur ; filiumque in puerili ætate in publico in conspectu patris assistere, turpe ducunt. viri quantas pecunias ab uxoribus dotis nomine acceperunt, tantas ex suis bonis, æstimatione facta, cum dotibus communicant. hujus omnis pecuniæ conjunctum ratio habetur , fructusque servantur. uter eorum vita superarit , ad eum pars utriusque cum fructibus superiorum temporum pervenit. viri in uxores, sicuti in liberos, vitæ necisque habent potestatem ; & quum paterfamilias illustriore loco natus decessit, ejus propinqui conveniunt ; & de morte, si res in suspicionem venit, de uxoribus in servilem modum quæstionem habent ; & , si compertum est, igni atque omnibus tormentis excruciatas interficiunt. funera sunt pro cultu Gallorum magnifica , & sumptuosa ; omniaque , quæ vivis cordi fuisse arbitrantur, in ignem inferunt, etiam animalia ; ac , paullo supra hanc memoriam, servi, & clientes, quos ab iis dilectos esse constabat , justis funebribus confectis , una cre-

cremabantur. quæ civitates commodius suam Remp. administrare existimantur, habent legibus sanctum, si quis quid de Rep. à finitimis rumore aut fama acceperit, uti ad magistratum deferat, neve cum quo alio communicet: quod sæpe homines temerarios atque imperitos falsis rumoribus terreri, & ad facinus impelli, & de summis rebus consilium capere cognitum est. Magistratus, quæ visa sunt, occultant; quæque esse ex usu judicaverint, multitudini produnt. de Rep. nisi per concilium loqui non conceditur. GERMANI multum ab hac consuetudine differunt. nam neque Druides habent, qui rebus divinis præsent; neque sacrificiis student. deorum numero eos solos ducunt, quos cernunt, & quorum opibus aperte juvantur, Solem, & Vulcanum, & Lunam: reliquos ne fama quidem acceperunt. vita omnis in venationibus, atque in studiis rei militaris consistit; ab parvulis labori ac duritiei student. qui diutissime impuberes permanserunt, maximam inter suos ferunt laudem: hoc ali staturam, ali vires, nervosque confirmari putant: intra annum vero xx feminæ notitiam habuisse, in turpissimis habent rebus. cujus rei nulla est occultatio; quod & promiscue in fluminibus perluuntur, & pellibus, aut parvis renonum tegumentis utuntur, magna corporis parte nuda. Agricultura non student; majorque pars victus eorum lacte, & caseo, & carne consistit: neque quisquam agri modum certum, aut fines proprios habet; sed magistratus, ac principes, in annos singulos gentibus, cognationibusque hominum, qui una coierunt, quantum eis, & quo loco visum est, attribuunt agri; atque anno post alio transire cogunt. ejus rei multas afferunt causas; ne assidua consuetudine capti studium belli gerendi agricultura commutent; ne latos fines parare studeant, potentioresque humiliores possessionibus expellant; ne accuratius, ad frigora atque æstus vitandos, ædificent;

ne

ne qua oriatur pecuniæ cupiditas; qua ex re factiones, dissensionesque nascuntur: ut animi æquitate plebem contineant, quum suas quisque opes cuni potentissimis æquari videat. Civitatibus maxima laus est, quam latissimas circum se vastatis finibus solitudines habere. hoc proprium virtutis existimant, expulsos agris finitimos cedere, neque quemquam prope se audere consistere: simul hoc se fore tutiores arbitrantur, repentinæ incursionis timore sublato. quum bellum civitas aut illatum defendit, aut infert; magistratus, qui ei bello præsent, ut vitæ necisque habeant potestatem, deliguntur. in pace nullus communis est magistratus, sed principes regionum atque pagorum inter suos jus dicunt, controversiasque minuunt. latrocinia nullam habent infamiam, quæ extra fines cujusque civitatis fiunt. atque ea juventutis exercendæ, ac desidiæ minuendæ causâ fieri prædicant. atque, ubi quis ex principibus in concilio se dixit ducem fore, ut, qui sequi velint, profiteantur; consurgunt ii, qui & causam, & hominem probant, suumque auxilium pollicentur; atque ab multitudine collaudantur: qui ex iis secuti non sunt, in desertorum ac proditorum numero ducuntur: omniumque rerum iis postea fides abrogatur. hospites violare, fas non putant: qui quaque de causâ ad eos venerunt, ab injuria prohibent, sanctosque habent; iis omnium domus patent, victusque communicatur. ac fuit antea tempus, quum Germanos Galli virtute superarent, & ultro bella inferrent, ac, propter hominum multitudinem, agrique inopiam, trans Rhenum colonias mitterent. itaque ea, quæ fertilissima sunt, Germaniæ loca circum Hercyniam silvam, quam Eratostheni, & quibusdam Græcis fama notam esse video, quam illi Orciniam appellant, Volcæ Testosages occuparunt, atque ibi confederunt. quæ gens ad hoc tempus iis sedibus se continet, summamque habet justitiæ &

& bellicæ laudis opinionem. nuncque in eadem inopia, egestate, patientia, qua Germani, permanent, eodem victu, & cultu corporis utuntur. Gallis autem propinquitas, & transinarinarum rerum notitia, multa ad copiam atque usus largitur. paullatim assuefacti superari, multisque victi præliis, ne se quidem ipsi cum illis virtute comparant. Hujus Hercyniæ silvæ, quæ supra demonstrata est, latitudo IX dierum iter expedito patet. non enim aliter finiri potest, neque mensuras itinerum noverunt. oritur ab Helvetiorum, & Nemetum, & Rauracorum finibus, rectaque fluminis Danubii regione pertinet ad fines Dacorum, & Anartium. hinc se flectit sinistrorsus, diversis à flumine regionibus, multarumque gentium fines propter magnitudinem attingit. neque quisquam est hujus Germaniæ, qui se adisse ad initium ejus silvæ dicat, quum dierum iter LX processerit, aut quo ex loco oriatur, acceperit. Multa in ea genera ferarum nasci constat, quæ reliquis in locis visa non sint: ex quibus quæ maxime differant ab cæteris, & memoriæ prodenda videantur, hæc sunt. Est bos cervi figura; cujus à media fronte inter aures unum cornu existit excelsius, magisque directum his, quæ nobis nota sunt, cornibus. ab ejus summo sicut palmæ, rami quam late diffunduntur. eadem est femina, marisque natura, eadem forma magnitudoque cornuum. Sunt item, quæ appellantur Alces. harum est consimilis capris figura, & varietas pellium, sed magnitudine paullo antecedunt: mutilæque sunt cornibus, & crura sine nodis articulisque habent, neque quietis causâ procumbunt. neque, si quo afflictæ casu conciderunt, erigere sese, aut sublevare, possunt. his sunt arbores pro cubilibus. ad eas se applicant, atque ita paulum modo reclinatæ quietem capiunt: quarum ex vestigiis quum est animadversum à venatoribus, quo se recipere consueverint, omnes eo loco, aut à ra-

à radicibus subruunt, aut accidunt arbores tantum, ut summa species earum stantium relinquatur. huc quum se ex consuetudine reclinaverint, infirmas arbores pondere affligunt, atque una ipsæ concidunt. Tertium est genus eorum, qui Uri appellantur. ii sunt magnitudine paullo infra elephantos, specie, & colore, & figura tauri. magna vis est eorum, & magna velocitas. neque homini, neque feræ, quam conspexerint, parcut. hos studiose foveis captos interficiunt. hoc se labore durant adolescentes, atque hoc genere venationis exercent; & qui plurimos ex his interfecerunt, relatis in publicum cornibus, quæ sint testimonio, magnam ferunt laudem. sed assuescere ad homines, & mansuescere ne parvuli quidem excepti possunt. amplitudo cornuum, & figura, & species multum à nostrorum boum cornibus differt. hæc studiose conquisita ab labris argento circumcludunt: atque in amplissimis epulis pro poculis utuntur. Cæsar, postquam per Ubios exploratores comperit Suevos sese in silvas recepisse; inopiam frumenti veritus, quod, ut supra demonstravimus, minime omnes Germani agriculturæ student, constituit non progredi longius: sed, ne omnino metum reditus sui barbaris tolleretur, atque ut eorum auxilia tardaret, reducto exercitu partem ultimam pontis, quæ ripas Ubiorum contingebat, in longitudinem pedum cc rescindit; atque in extremo ponte turrim tabulatorum i v constituit, præsidiumque cohortium x i i pontis tuendi causa ponit; magnisque eum locum munitionibus firmat. ei loco præsidioque C. Volcatium Tullum adolescentem præfecit: ipse, quum maturefcere frumenta inciperent, ad bellum Ambiorigis, per Arduennam silvam, quæ est totius Galliæ maxima, atque ab ripis Rheni finibusque Trevirorum ad Nervios pertinet, millibusque amplius p in longitudinem patet, L. Minutium Basilum cum omni equitatu præmittit,

si quid celeritate itineris, atque opportunitate temporis proficere possit; monet, ut ignes fieri in castris prohibeat; nequa ejus adventus procul significatio fiat: sese confestim subsequi dicit. Basilus, ut imperatum est, facit; celeriter, contraque omnium opinionem confecto itinere, multos in agris inopinantes apprehendit: eorum indicio ad ipsum Ambiorigem contendit, quo in loco cum paucis equitibus esse dicebatur. Multum quum in omnibus rebus, tum in re militari fortuna potest. nam sicut magno accidit casu, ut in ipsum incautum atque imparatum incideret: priusque ejus adventus ab hominibus videretur, quam fama ac nuntiis afferretur: sic magna fuit fortunæ, omni militari instrumento, quod circum se habebat, crepto, rhedis equisque comprehensis ipsum effugere [mortem.] sed hoc eo factum est, quod, ædificio circumdato silva, (ut sunt fere domicilia Gallorum, qui, vitandi æstus causa, plerumque silvarum ac fluminum petunt propinquitates) comites familiaresque ejus angusto in loco equitum nostrorum vim paullisper sustinuerunt. iis pugnantibus, illum in equum quidam ex suis intulit: fugientem silvæ texerunt, sic ad subeundum periculum, & ad vitandum, multum fortuna valuit. Ambiorix copias suas judicione non conduxerit, quod prælio dimicandum non existimaverit; an tempore exclusus, & repentino equitum adventu prohibitus fuerit, quum reliquum exercitum subsequi crederet; dubium est. sed certe clam dimissis per agros nuntiis, sibi quemque consulere jussit: quorum pars in Arduennam silvam, pars in continentes paludes profugit. qui proximi Oceano fuerunt, ii in insulis sese occultaverunt, quas æstus efficere consueverunt. multi ex suis finibus egressi, se, suaque omnia alienissimis crediderunt. Cativulcus rex dimidiæ partis Eburonum, qui una cum Ambiorige consilium inierat, atate jam confectus, quum laborem aut belli

belli aut fugæ ferre non posset, omnibus precibus detestatus Ambiorigem, qui ejus consilii auctor fuisset, taxo, cujus magna in Gallia Germaniaque copia est, se exanimavit. Segni, Condrusique, ex gente & numero Germanorum, qui sunt inter Eburones, Trevirosque, legatos ad Cæsarem miserunt, oratum, ne se in hostium numero duceret, neve omnium Germanorum, qui essent citra Rhenum, causam esse unam judicaret: nihil se de bello cogitasse, nulla Ambiorigi auxilia misisse. Cæsar explorata re quaestione captivorum, si qui ad eos Eburones ex fuga convenissent, ad se ut reducerentur, imperavit: si ita fecissent, fines eorum se violaturum negavit. tum copiis in tres partes distributis, impedimenta omnium legionum Atuaticam contulit, id castelli nomen est. hoc fere est in mediis Eburonum finibus, ubi Titurius, atque Aurunculeius, hiemandi causâ confederant. hunc quum reliquis rebus locum probabat Cæsar, tum quod superioris annimunitiones integræ manebant, ut militum laborem sublevaret, præsidio impedimentis legionem xiv reliquit, unam ex iis iii, quas proxime conscriptas ex Italia transduxerat. ei legioni castrisque Q. Tullium Cicero-nem præfecit, ducentosque equites attribuit. partito exercitu, T. Labienum cum legionibus iii ad Oceanum versus in eas partes, quæ Menapios attingunt, proficisci jubet. C. Trebonium cum pari legionum numero ad eam regionem, quæ Atuaticis adjacet, depopulandam mittit: ipse cum reliquis tribus ad flumen Scaldim, quod influit in Mosam, extremasque Arduennæ partes, ire constituit, quo cum paucis equitibus profectum Ambiorigem audiebat. discedens post diem vii sese reversurum confirmat: quam ad diem ei legioni, quæ in præsidio relinquebatur, deberi frumentum sciebat. Labienum, Treboniumque hortatur, si Reip. commodum facere possint, ad eam diem revertantur; ut,

rur-

et,

=H=

L

613

t,

et,

-

-11-

rursus communicato consilio, exploratisque hostium rationibus, aliud initium belli capere possint. erat, ut supra demonstravimus, manus certa nulla, non praesidium, non opidum, quod se armis defenderet, sed in omnes partes dispersa multitudo, ubi cuique aut vallis abdita, aut locus silvestris, aut palus impedita spem praesidii aut salutis aliquam offerebat, confederat. haec loca vicinitatibus erant nota, magnamque res diligentiam requirebat, non in summa exercitus tuenda (nullum enim poterat, universis perterritis ac dispersis, periculum accidere), sed in singulis militibus conservandis; quae tamen ex parte res ad salutem exercitus pertinebat. nam & praedae cupiditas multos longius evocabat; ac silvae, incertis occultisque itineribus, confertos adire prohibebant. si negotium confici, stirpemque hominum sceleratorum interfici vellet, dimittendae plures manus, diducendique erant milites, si continere ad signa manipulos vellet, ut instituta ratio & consuetudo exercitus R. postulabat. locus ipse erat praesidio barbaris; neque ex occulto insidiandi, & dispersos circumveniendi singulis deerat audacia. At in eiusmodi difficultatibus, quantum diligentia provideri poterat, providebatur: ut potius in nocendo aliquid omitteretur, etsi omnium animi ad ulciscendum ardebant, quam cum aliquo detrimento militum noceretur. Caesar ad finitimas civitates nuntios dimittit. omnes evocat spe praedae ad diripiendos Eburones; ut potius in silvis Gallorum vita, quam legionariorum, periclitaretur; simul ut, magna multitudine circumfusa, pro tali facinore, stirps ac nomen civitatis tollatur. magnus undique numerus celeriter convenit. Haec in omnibus Eburonum partibus gerebantur, diesque appetebat VI, quem ad diem Caesar ad impedimenta legionemque reverti constituerat. hic; quantum in bello fortuna possit, & quantos afferat casus, cognosci potuit. dissipatis ac perterritis hostibus, ut de-

demonstravimus, manus erat nulla, quæ parvam modo timoris causam afferret. trans Rhenum ad Germanos pervenit fama, diripi Eburones, atque ultro omnes ad prædam evocari. cogunt equitum 11 millia Sigambri, qui sunt proximi Rheno, à quibus receptos ex fuga Tenchtheros atque Usipetes, supra docuimus: transeuntes Rhenum navibus, ratibusque, xxx millibus passuum infra eum locum, ubi pons erat imperfectus, præsidiumque ab Cæsare relictum, primos Eburonum fines adeunt: multos ex fuga dispersos excipiunt: magno pecoris numero, cujus sunt cupidissimi barbari, potiuntur: invitati præda longius procedunt. non hos palus in bello latrociniiisque natos, non silvæ morantur: quibus in locis sit Cæsar, ex captivis quærunt: profectum longius reperiunt, omnemque exercitum discessisse cognoscunt. atque unus ex captivis, Quid vos, inquit, hanc miseram ac tenuem sectamini prædam, quibus jam licet esse fortunatissimis? 111 horis Atuaticam venire potestis: huc omnes suas fortunas exercitus Romanorum contulit. præsidii tantum est, ut ne murus quidem cingi possit, neque quisquam egredi extra munitiones audeat. Oblata spe, Germani, quam nacti erant prædam, in occulto relinquunt: ipsi Atuaticam contendunt, usi eodem duce, cujus hæc indicio cognoverant. Cicero, qui per omnes superiores dies præceptis Cæsaris summa diligentia milites in castris continuisset, ac ne calonem quidem quemquam extra munitionem egredi passus esset, VII die diffidens Cæsarem de numero dierum fidem servaturum, quod longius eum progressum audiebat, neque ulla de ejus reditu fama afferebatur; simul eorum permotus vocibus, qui illius patientiam pene obsessionem appellabant; siquidem ex castris egredi non liceret; nullum hujusmodi casum expectans, quo, ix oppositis legionibus, maximoque equitatu, dispersis ac pene deletis hostibus, in millibus pas-

suum III offendi posset : v cohortes frumentatum in proximas segetes misit , quas inter & castra unus omnino collis intererat. complures erant in castris ex legionibus ægri relictæ : ex quibus qui hoc spatio dierum convaluerant , circiter ccc sub vexillo una mittuntur : magna præterea multitudo calorum , magna vis jumentorum , quæ in castris subsederat , facta potestate , sequitur. hoc ipso tempore & casu Germani equites interveniunt , protinusque eodem illo , quo venerant , cursu ab Decumana porta in castra irrumpere conantur : nec prius sunt visi , objectis ab ea parte silvis , quam castris appropinquarent , usque eò , ut , qui sub vallo tenderent mercatores , respiciendi sui non haberent facultatem. inopinantes nostri re nova perturbantur : ac vix primum impetum cohors in statione sustinet. circumfunduntur hostes ex reliquis partibus , si quem aditum reperire possent. ægre nostri portas tuentur. reliquos aditus locus ipse per se , munitioque defendit. totis trepidatur castris , atque alius ex alio causam tumultus quarit : neque , quò signa ferantur , neque , quam in partem quisque conveniat , provident. alius jam capta castra pronunciat : alius , deleto exercitu atque Imperatore , victores barbaros venisse contendit : plerique novas sibi ex loco religiones fingunt : Cottæque & Titurii calamitatem , qui in eodem occiderint castello , ante oculos ponunt. tali timore omnibus perterritis , confirmatur opinio barbaris , ut ex captivo audierant , nullum esse intus præsidium. per-rumpere nituntur , seque ipsi adhortantur , ne tantam fortunam ex manibus dimittant. erat æger in præsidio relictus P. Sextius Baculus , qui primum pilum apud Cæsarem duxerat , cujus mentionem superioribus præliis fecimus ; ac diem jam v cibo caruerat. hic , diffusus suæ ac omnium salutis , inermis ex tabernaculo prodit : videt imminere hostes , atque in summo esse rem discrimine : capit armâ à proximis ,
atque

atque in porta consistit. sequuntur hunc centuriones ejus cohortis, quæ in statione erat. paullisper prælium una sustinent. relinquit animus Sextium gravibus acceptis vulneribus. ægre per manus tractus, servatur. hoc spatio interposito, reliqui sese confirmant, tantum ut in munitionibus consistere audeant, speciemque defensorum præbeant. interim, confecta frumentatione, milites nostri clamorem exaudiunt, præcurrunt equites: quanto res sit in periculo, cognoscunt. hic vero nulla munitio est, quæ perterritos recipiat. modo conscripti, atque usus militaris imperiti, ad tribunum mil. centurionesque ora convertunt: quid ab his præcipiatur, expectant. nemo est tam fortis, quin rei novitate perturbetur. Barbari, signa procul conspicati, ab oppugnatione desistunt, redisse primo legiones credunt, quas longius discessisse, ex captivis cognoverant. postea, despecta paucitate, ex omnibus partibus impetum faciunt. Calones in proximum tumultum procurunt. hinc celeriter dejecti se in signa manipulosque conjiciunt: eo magis timidos perterrent milites. alii, cuneo facto ut celeriter perrumpant, censent; quoniam tam propinqua sint castra: etsi pars aliqua circumventa ceciderit, at reliquos servari posse confidunt: alii, ut in iugo consistant, atque eundem omnes ferant casum. hoc veteres non probant milites, quos sub vexillo una profectos docuimus: itaque, inter se cohortati, duce C. Trebonio, equite R. qui eis erat præpositus, per medios hostes perrumpunt, incolumesque ad unum in castra perveniunt omnes. hos subsecuti calones, equitesque, eodem impetu, militum virtute servantur. at ii, qui in iugo constiterant, nullo etiam nunc usu rei militaris [percepto] neque in eo, quod probaverant, consilio permanere, ut se loco superiore defenderent, neque eam, quam profuisse aliis vim, celeritatemque viderant, imitari potuerunt, sed se in castra recipere conati,

iniquum in locum demiserunt. Centuriones, quorum nonnulli ex inferioribus ordinibus reliquarum legionum, causa virtutis, in superiores erant ordines hujus legionis transducti, ne antepartam rei militaris laudem amitterent, fortissime pugnantes conciderunt. militum pars, horum virtute summotis hostibus, præter spem incolumis in castra pervenit: pars à barbaris circumventa, periit. Germani desperata expugnatione castrorum, quod nostros jam constituisse in munitionibus videbant, cum ea præda, quam in silvis deposuerant, trans Rhenum sese receperunt. ac tantus fuit etiam post discessum hostium terror, ut ea nocte, quum C. Volusenus missus cum equitatu ad castra venisset, fidem non faceret, adesse cum incolumi Cæsarem exercitu. sic omnium animos timor præoccupaverat, ut, pene alienata mente, deletis omnibus copiis, equitatum tantum se ex fuga recepisse dicerent, neque, incolumi exercitu, Germanos castra oppugnatuos fuisse contenderent. quem timorem Cæsaris adventus sustulit. Reversus ille, eventus belli non ignarus, unum, quod cohortes ex statione & præsidio essent emissæ, questus, ne minimo quidem casu locum relinqui debuisset, multum fortunam in repentino hostium adventu potuisse judicavit: multo etiam amplius, quod pene ab ipso vallo, portisque castrorum barbaros avertissent. quarum omnium rerum maxime admirandum videbatur, quod Germani, qui eo consilio Rhenum transierant, ut Ambiorigis fines depopularentur, ad castra Romanorum delati, optatissimum Amborigi beneficium obtulerant. Cæsar, ad vexandos rursus hostes profectus magno coacto numero ex finitimis civitatibus, in omnes partes dimittit. omnes vici, atque omnia ædificia, quæ quisque conspexerat, incendebantur: præda ex omnibus locis agebatur: frumenta non solum à tanta multitudine iumentorum atque hominum consumebantur, sed etiam

etiam anni tempore, atque imbribus procubuerant : ut, si qui etiam in præsentia se occultassent ; tamen iis, deducto exercitu, rerum omnium inopia percundum videretur. ac sæpe in eum locum ventum est : tanto in omnes partes diviso equitatu, ut non visum ab se Amborigem in fuga captivi, sed nec plane etiam abisse ex conspectu contenderent ; ut, spe consequendi illata, atque infinito labore suscepto, qui se summam à Cæsare gratiam inituros putarent, pene naturam studio vincerent ; semperque paullum ad summam felicitatem defuisse videretur, atque ille latebris, ac silvis aut saltibus se eriperet ; & noctu occultatus, alias regiones, partesque peteret, non majore equitum præsidio, quam IV, quibus solis vitam suam committere audebat. tali modo vastatis regionibus, exercitum Cæsar, duarum cohortium damno, Durocortorum Rhemorum reducit : concilioque in eum locum Galliæ indicto, de conjuratione Senonum & Carnutum quæstionem habere instituit ; & de Accone, qui princeps ejus consilii fuerat ; graviore sententia pronunciata, more majorum supplicium sumpsit. nonnulli, judicium veriti, profugerunt : quibus quum aqua atque igni interdixisset, II legiones ad fines Trevirorum, II in Lingonibus, VI reliquas in Senonum finibus Agendici in hibernis collocavit ; frumentoque exercitui proviso, ut instituerat, in Italiam ad conventus agendos profectus est.

LIBER VII.



Uicta Gallia, Cæsar, ut constituerat, in Italiam ad conventus agendos proficiscitur. ubi agnoscit de P. Clodii cæde : de Senatusque consulto certior factus, ut omnes Italiæ juniores conjurarent, delectum tota provincia habere instituit. ex res in Galliam Transalpinam

celeriter perferuntur. addunt ipsi & affingunt rumoribus Galli, quod res poscere videbatur; retineri urbano motu Cæsarem, neque in tantis dissensionibus ad exercitum venire posse. hac impulsu occasione, qui jam ante se populi R. imperio subjectos dolerent, liberius atque audacius de bello consilia incipere incipiunt. indictis inter se principes Galliarum conciliis, silvestribus ac remotis locis, queruntur de Acconis morte: hunc casum ad ipsos recidere posse demonstrant: miserantur communem Galliarum fortunam: omnibus pollicitationibus ac præmiis deposcunt, qui belli initium faciant, & sui capitis periculo Galliam in libertatem vindicent. ejus in primis rationem habendam esse dicunt, prius quam eorum clandestina consilia efferantur, ut Cæsar ab exercitu intercludatur: id esse facile, quod neque legiones, absente Imperatore, audeant ex hibernis egredi; neque Imperator sine præsidio ad legiones pervenire possit. postremo in acie præstare interfici, quam non veterem belli gloriam libertatemque, quam à majoribus acceperint, recuperare. His rebus agitis, profitentur Carnutes, se nullum periculum communis salutis causa recusare; principesque se ex omnibus bellum facturos pollicentur; & quoniam in præsentia obsidibus cavere inter se non possent, ne res efferatur, ut jurejurando ac fide sanciat, petunt, collatis militaribus signis, quo more eorum gravissimæ cærimoniarum continentur, ne, facto initio belli, à reliquis deserantur. tunc, collaudatis Carnutibus, dato jurejurando ab omnibus, qui aderant, tempore ejus rei constituto, ab concilio disceditur. Ubi ea dies venit, Carnutes, Cotuato & Conetoduno ducibus, desperatis hominibus, Genabum dato signo concurrunt, civesque Romanos, qui negotiandi causa ibi constiterant, in iis C. Fusium Cottam, honestum Equitem Romanum, qui rei frumentaria, jussu Cæsaris, præerat, interficiunt, bona-

bonaque eorum diripiunt. celeriter ad omnes Gallia civitates fama perfertur. nam, ubi major atque illustrior incidit res, clamore per agros regionesque significant. hunc alii deinceps excipiunt, & proximis tradunt; ut tunc accidit. nam, quæ Genabi oriente Sole gesta essent, ante primam confectam vigiliam in finibus Arvernorum audita sunt: quod spatium est millium passuum circiter CLX. Simili ratione ibi Vercingetorix, Celtilli filius, Arvernus, summæ potentiæ adolescens, cujus pater principatû Gallia totius obtinuerat, & ob eam causam, quod regnum appetebat, ab civitate erat interfectus, convocatis suis clientibus, facile eos incendit. cognito ejus consilio, ad arma concurritur: ab Gobanitione, patruo suo, reliquisque principibus, qui hanc tentandam fortunam non existimabant, expellitur ex opido Gergovia. non tamen desistit; atque in agris habet delectum egentium ac perditorum. hac coacta manu, quoscumque adit ex civitate, in suam sententiam perducit. hortatur, ut, communis libertatis causa, arma capiant: magnisque coactis copiis, adversarios suos, à quibus paullo ante erat ejectus, expellit ex civitate. Rex ab suis appellatur. dimittit quoque versus legationes. obtestatur, ut in fide maneat. celeriter sibi Senones, Parisios, Pictones, Cadurcos, Turones, Aulercos, Lemovices, Andes, reliquosque omnes, qui Oceanum attingunt, adjungit. omnium consensu ad eum defertur imperium. qua oblata potestate, omnibus iis civitatibus obsoles imperat, certum numerum militum celeriter ad se adduci jubet. armorum quantum quæque civitas domi quodque ante tempus efficiat, constituit. in primis equitatu studet: summæ diligentia summam imperii severitatem addit: magnitudine supplicii dubitantes cogit. nam, majore commissio delicto, igni, atque omnibus tormentis necat: levio-
viore de causa, auribus defectis, aut singulis effossis

oculis, domum reinmittit: ut sint reliquis documento, & magnitudine poenæ perterreant alios. His suppliciiis celeriter coacto exercitu, Lucterium Cadurcum summæ hominem audaciæ cum parte copiarum in Ruthenos mittit. ipse in Bituriges proficiscitur. ejus adventu Bituriges ad Æduos, quorum erant in fide, legatos mittunt, subsidium rogatum, quo facilius hostium copias sustinere possint. Ædúi de consilio legatorum, quos Cæsar ad exercitum reliquerat, copias equitatus peditatusque subsidio Biturigibus mittunt: qui quum ad flumen Ligerim venissent, quod Bituriges ab Æduis dividit, paucos dies ibi morati, neque flumen transire ausi, domum revertunt: legatisque nostris renunciant, se Biturigum perfidiam veritos revertisse: quibus id consilii fuisse cognoverint, ut, si flumen transissent, una ex parte ipsi, altera Arverni se circumstiterent. id eane de causâ, quam legatis pronunciarunt, an perfidia adducti fecerint, quod nihil nobis constat, non videtur pro certo esse ponendum. Bituriges eorum discessu statim se cum Arvernīs conjungunt. His rebus in Italiam Cæsari nunciatis, quum jam ille virtute Cn. Pompeii urbanas res commodiorem in statum pervenisse intelligeret, in Transalpinam Galliam profectus est. eo quum venisset, magna difficultate afficiebatur, quia ratione ad exercitum pervenire posset. nam, si legiones in provinciam accerseret, se absente in itinere prælio dimicaturas intelligebat. si ipse ad exercitum contenderet; ne iis quidem, qui eo tempore pacati viderentur, suam salutem recte committi videbat. interim Lucterius Cadurcus in Ruthenos missus, eam civitatem Arvernīs conciliat. progressus in Nitiobriges, & Gabalos, ab utrisque obfides accipit: &, magna coacta manu, in provinciam Narbonem versus, eruptionem facere contendit. qua re nunciata, Cæsar omnibus consiliis antevertendum existimavit, ut Narbonem proficisceretur.

tur. eo quum venisset, timentes confirmat; præsidia in Ruthenis, Provincialibus, Volcis Arecomicis, Tolosatibus, circumque Narbonem, quæ loca erant hostibus finitima, constituit; partem copiarum ex provincia, supplementumque, quod ex Italia adduxerat, in Helvios, qui fines Arvernorum contingunt, convenire jubet. his rebus comparatis, represso jam Lucterio & remoto, quod intrare intra præsidia periculosum putabat, in Helvios proficiscitur. etsi mons Cebenna, qui Arvernos ab Helviis discludit, durissimo tempore anni, altissima nive iter impediabat: tamen discussa nive vi in altitudinem pedum, atque ita viis patefactis, summo militum labore ad fines Arvernorum pervenit. quibus oppressis inopinantibus, quod se Cebenna, ut muro, munitos existimabant, ac ne singulari quidem homini unquam eo tempore anni semitæ patuerant; equitibus imperat, ut, quam latissime possent, vagentur, & quam maximum hostibus terrorem inferant. Celeriter hæc famâ ac nunciis ad Vercingetorigem perferuntur: quem perterriti omnes Arverni circumstant, atque obsecrant, ut suis fortunis consulat, neu se ab hostibus diripi patiatur; præsertim quum videat omne ad se bellum translatum. quorum ille precibus permotus, castra ex Biturigibus movet, in Arvernos versus. At Cæsar biduum in iis locis moratus, quod hæc de Vercingetorige usu ventura, opinione præceperat, per causam supplementi, equitatusque cogendi, ab exercitu discedit: Brutum adolescentem iis copiis præficit: hunc monet, ut in omnes partes equites quam latissime pervagentur: daturum se operam, ne longius triduo ab castris absit. his constitutis rebus, suis inopinantibus, qua maximis potest itineribus Viennam pervenit. ibi nactus recentem equitatum, quem multis ante diebus eo præmiserat, neque diurno, neque nocturno itinere intermisso, per fines Æduorum in Lingones

contendit; ubi II legiones hiemabant; ut, si quid etiam de sua salute ab Æduis iniretur consilii, celeritate præcurreret. eo quum pervenisset, ad reliquas legiones mittit priusque in unum locum omnes cogit, quam de ejus adventu Arvernīs nunciari posset. hac re cognita, Vercingetorix rursus in Bituriges exercitum reducit, atque inde profectus [Gergoniam] Boiorum opidum, quos ibi Helvetico prælio victos Cæsar collocaverat, Æduisque attribuerat, oppugnare instituit. magnam hæc res Cæsari difficultatem ad consilium capiendum afferebat, si reliquam partem hiemis uno in loco legiones contineret, ne, stipendiariis Æduorum expugnatis, cuncta Gallia deficeret, quod nullum in eo amicis præsidium videretur positum esse: sin maturius ex hibernis educeret, ne ab re frumentaria duris subvectionibus laboraret. præstare visum est tamen omnes difficultates perpeti, quam, tanta contumelia accepta, omnium suorum voluntates alienare. itaque cohortatus Æduos de supportando commeatu, præmittit ad Boios, qui de suo adventu doceant, hortenturque ut in fide maneant, atque hostium impetum magno animo sustineant. duabus Agendici legionibus, atque impedimentis totius exercitus relictis, ad Boios proficiscitur. altero die quum ad opidum Senonum Vellaunodunum venisset, ne quem post se hostem relinqueret, quò expeditiore re frumentaria uteretur, oppugnare instituit. idque biduo circumvallavit. tertio die missis ex opido legatis de deditioe, arma proferri, jumenta produci, de obsides dari jubet. ea qui conficeret, C. Trebonium legatum relinquit. ipse, ut quamprimum iter faceret, Genabum Carnutum proficiscitur; qui tunc primum, allato nuncio de oppugnatione Vellaunoduni, quum longius eam rem ductum iri existimarent, præsidium Genabi tuendi causa, quod eo mitterent, comparabant. huc biduo Cæsar pervenit: & castris ante opidum positis, diei tem-

tempore exclusus, in posterum oppugnationem differt; quæque ad eam rem usui sint, militibus imperat, & quod opidum Genabum pons fluminis Ligeris continebat; veritus, ne noctu ex opido profugerent, 11 legiones in armis excubare jubet. Genabenses paullo ante mediam noctem silentio ex opido egressi, flumen transire cœperunt. qua re per exploratores nunciata, Cæsar legiones, quas expeditas esse iusserat, portis incensis, intromittit; atque opido potitur, perpauca ex hostium numero desideratis, quin cuncti caperentur, quod pontis atque itinerum angustia multitudinis fugam intercluserant. Opidum diripit, atque incendit, prædam militibus donat: exercitum Ligerim transducit, atque in Biturigum fines pervenit. Vercingetorix, ubi de Cæsaris adventu cognovit, oppugnatione desistit, atque obviam Cæsari proficiscitur. ille opidum Biturigum positum in via Noviodunum oppugnare instituerat: quo ex opido quum legati ad eum venissent, oratum, ut sibi ignosceret, suæque vitæ consuleret; ut celeritate reliquas res conficeret, qua pleraque erat consecutus, arma proferri, equos produci, obsides dari jubet. parte jam obsidum transdita, quum reliqua administrarentur, centurionibus & paucis militibus intromissis, qui arma jumenta que conquirerent, equitatus hostium procul visus est, qui agmen Vercingetorigis antecesserat: quem simul atque opidani conspexerunt, atque in spem auxilii venerunt, clamore sublato, arma capere, portas claudere, murum complere cœperunt. Centuriones in opido, quum ex significatione Gallorum novi aliquid ab iis iniri consilii intellexissent, gladiis districtis portas occupaverunt, suosque omnes incolumes receperunt. Cæsar ex castris equitatum educi jubet, præliumque equestre cominittit: laborantibus jam suis Germanos equites circiter 20 submittit, quos ab initio secum habere instituerat. eorum impetum Galli sustinere

non potuerunt, atque in fugam coniecti, multis amissis, sese ad agmen receperunt: quibus profligatis, rursus opidani perterriti, comprehensos eos, quorum opera plebem concitatam existimabant, ad Cæsarem perduxerunt, seseque ei dederunt. Quibus rebus confectis, Cæsar ad opidum Avaricum, quod erat maximum munitissimumque in finibus Biturigum, atque agri fertilissima regione, profectus est: quod, eo opido recepto, civitatem Biturigum se in potestatem redacturum confidebat. Vercingetorix, tot continuis incommodis Vellaunoduni, Genabi, Novioduni acceptis, suos ad concilium convocat. docet longe alia ratione esse bellum gerendum, atque antea sit gestum: omnibus modis huic rei studendum, ut pabulatione & com meatu Romani prohibeantur. id esse facile, quod equitatu ipsi abundant, & quod anni tempore subleventur. pabulum secari non posse; necessario dispersos hostes ex ædificiis petere: hos omnes quotidie ab equitibus deleri posse: præterea, salutis causa, rei familiaris commoda negligenda. vicos, atque ædificia incendi oportere, hoc spatium [à Boia] quoquo versus, quo pabulandi causa adire posse videantur. harum ipsis rerum copiam suppetere, quod, quorum in finibus bellum geratur, eorum opibus subleventur. Romanos aut inopiam non laturos, aut magno cum periculo longius à castris progressuros. neque interesse, ipsosne interficiant, impedimentisve exuant, quibus amissis bellum geri non possit; præterea, opida incendi oportere, quæ non munitione, & loci natura, ab omni sint periculo tuta: neu suis sint ad detrectandam militiam receptacula, neu Romanis proposita ad copiam com meatus, prædamque tollendam. hæc si gravia aut acerba videantur, multo illa gravius æstimari debere, liberos, conjuges in servitutem abstrahi, ipsos interfici; quæ sit necesse accidere victis. Omnium consensu hæc sententia probata, uno die
amplius

amplius xx urbes Biturigum incenduntur. hoc idem fit in reliquis civitatibus. in omnibus partibus incendia conspiciuntur : quæ etsi magno cum dolore omnes ferebant , tamen hoc sibi solatii proponebant , quod se, prope exploratâ victoriâ, celeriter amissâ recuperaturos confidebant. deliberatur de Avarico in communi concilio , incendi placeret , an defendi. procumbunt Gallis omnibus ad pedes Bituriges , ne pulcherrimam prope totius Galliæ urbem, quæ & præsidio & ornamento sit civitati , suis manibus succendere cogerentur : facile se loci natura defensuros dicunt , quod prope ex omnibus partibus flumine & palude circumdata , unum habeat & perangustum aditum. datur petentibus venia. dissuadente primo Vercingetorige , post concedente , & precibus ipsorum , & misericordia vulgi , defensores idonei opido deliguntur. Vercingetorix minoribus Cæsarem itineribus subsequitur , & locum castris deligit , paludibus silvisque munitum , ab Avarico longe millia passuum xv. ibi per certos exploratores in singula diei tempora , quæ ad Avaricum agerentur , cognoscebat ; & , quid fieri vellet , imperabat : omnes nostras pabulationes frumentationesque observabat , dispersosque , quum longius necessario procederent , adoriebatur , magnoque incommodo afficiebat : etsi , quantum ratione provideri poterat , ab nostris occurrebatur , ut incertis temporibus , diversisque itineribus iretur. castris ad eam partem oppidi positis , Cæsar , quæ intermissa à flumine & palude aditum , ut supra diximus , angustum habebat , aggerem apparare , vineas agere , turres duas constituere cœpit : nam circumvallare loci natura prohibebat. de re frumentaria Boios atque Æduos adhortari non destitit : quorum alteri , quod nullo studio agebant , non multum adjuvabant ; alteri non magnis facultatibus , quod civitas erat exigua & infirma , celeriter , quod habuerunt , consumpserunt.

summa difficultate rei frumentariæ affecto exercitu, tenuitate Boiorum, indiligentia Æduorum, incendiis ædificiorum, usque eo, ut complures dies milites frumento caruerint, &, pecore è longinquioribus vicis adacto, extremam famem sustenarent: nulla tamen vox est ab iis audita populi R. majestate & superioribus victoriis indigna. quin etiam Cæsar, quum in opere singulas legiones appellaret, &, si acerbius inopiam ferrent, se dimissurum oppugnationem diceret; universi ab eo, ne id faceret, petebant: sic se complures annos illo imperante meruisse, ut nullam ignominiam acciperent, nunquam infecta re discederent: hoc se ignominia laturos loco, si inceptam oppugnationem reliquissent: præstare omnes perferre acerbitates, quam non civibus R. qui Genabi perfidia Gallorum interissent, parentarent. hæc eadem centurionibus, tribunisque mil. mandabant, ut per eos ad Cæsarem deferrentur. Quum jam muro appropinquassent turres, ex captivis Cæsar cognovit, Vercingetorigem consumpto pabulo castra movisse propius Avaricum, atque ipsum, cum equitatu, expeditisque, qui inter equites præliari consueissent, insidiarum causa eo profectum, quo nostros postero die pabulatum venturos arbitrabatur. quibus rebus cognitis, media nocte silentio profectus, ad hostium castra mane pervenit. illi, celeriter per exploratores adventu Cæsaris cognito, carros impedimenta que sua in arctiores silvas abdiderunt, copias omnes in loco edito atque aperto instruxerunt. qua re nunciata, Cæsar celeriter sarcinas conferri, arma expediri jussit. Collis erat leniter ab infimo acclivis: hunc ex omnibus fere partibus palus difficilis atque impedita cingebat, non latior pedibus L. hoc se colle, interruptis pontibus, Galli fiducia loci continebant, generatimque distributi in civitates, omnia vada ac saltus ejus paludis certis custodiis obtinebant, sic
animo

animo parati, ut, si eam paludem Romani per-
pere conarentur, hæsitantes premerent ex loco supe-
riore: ut qui propinquitatem loci viderent, paratos
prope æquo Marte ad dimicandum existimarent:
qui iniquitatem conditionis perspicerent, inani si-
mulatione sese ostentare cognoscerent. indignantes
milites Cæsar, quod conspectum suum hostes ferre
possent, tantulo spatio interjecto, & signum prælii
exposcentes, edocet, quanto detrimento, & quot
virorum fortium morte necesse esset constare victo-
riam: quos quum sic animo paratos videret, ut nul-
lum pro sua laude periculum recusarent, summæ se
iniquitatis condemnari debere, nisi eorum vitam sua
salute habeat cariorem. sic milites consolatus eodem
die reducit in castra; reliquaque, quæ ad oppugna-
tionem opidi pertinebant, administrare instituit.
Vercingetorix, quum ad suos redisset, proditi-
onis insimulatus, quod castra propius Romanos movis-
set, quod cum omni equitatu discessisset, quod sine
imperio tantas copias reliquisset, quod ejus discessu
Romani tantâ opportunitate & celeritate venis-
sent: non hæc omnia fortuito aut sine consilio ac-
cidere potuisse: regnum illum Galliæ malle Cæsaris
concessu, quam ipsorum habere beneficio. Tali
modo accusatus ad hæc respondit: Quod castra
movisset, factum inopia pabuli, etiâ ipsi hor-
tantibus: quod propius Romanos accessisset, per-
suasum loci opportunitate qui se ipsum muni-
tione defenderet: equitum vero operam neque in
loco palustri desiderari debuisse, & illic fuisse uti-
lem, quo sint profecti: summam imperii se con-
sulto nulli discedentem tradidisse, ne is multitudi-
nis studio ad dimicandum impelleretur: cui rei
propter animi mollitiem studere omnes videret,
quod diutius laborem ferre non possent: Romani
si casu intervenerint, fortunæ; si alicujus indicio
vocati, huic habendam gratiam, quod & paucita-
tem

tem eorum ex loco superiore cognoscere, & virtutem despicere potuerint; qui dimicare non ausi, turpiter se in castra receperint. imperium se à Cæsare per prodicionem nullum desiderare, quod habere victoria posset, quæ jam esset sibi ac omnibus Gallis explorata: quin etiam ipsis remittere, si sibi magis honorem tribuere, quam ab se salutem accipere videantur. quod ut intelligatis, inquit, sincere à me pronunciarì, audite Romanos milites. producit servos, quos in pabulatione paucis ante diebus exceperat, & fame vinculisque excruciauerat. ii jam ante edocti, quæ interrogati pronunciarent, milites se esse legionarios dicunt; fame & inopia adductos, clam ex castris exisse, si quid frumenti aut pecoris in agris reperire possent: simili omnem exercitum inopia premi, nec jam vires sufficere cuiusquam, nec ferre operis laborem posse. itaque statuisse Imperatorem, si nihil in oppugnatione opidi profecisset, triduo exercitum deducere. Hæc à me, inquit Vercingetorix, beneficia habetis, quem prodicionis insimulatis: cujus opera, sine vestro sanguine tantum exercitum victorem fame pene consumptum videtis: quem turpiter se ex hac fuga recipientem, ne qua civitas suis finibus recipiat, à me provisum est. Conclamat omnis multitudo, & suo more armis concrepat: quod facere in eo consueverunt, cujus orationem approbant: summum esse Vercingetorigem ducem, nec de ejus fide dubitandum, nec majori ratione bellum administrari posse. statuunt, ut decem millia hominum delecta ex omnibus copiis in opidum submittantur: nec solis Biturigibus communem salutem committendam censent; quod penes eos, si opidum retinuissem, summam victoriæ constare intelligebant.

Desunt.

singulari militum nostrorum virtuti consilia cuiusque modi Gallorum occurrebant, ut est summæ
genus

genus sollertix, atque ad omnia imitanda, atque efficienda, quæ ab quoque traduntur, aptissimum. nam & laqueis falces avertebant, quas quum destinauerant, tormentis introrsus reducebant, & aggerem cuniculis subtrahebant, eo scientius, quod apud eos magnæ sunt ferrariæ, atque omne genus cuniculorum notum atque usitatum est. totum autem murum ex omni parte turribus contabulaverant, atque has coriis intexerant. tum crebris diurnis nocturnisque eruptionibus, aut aggeri ignem inferebant, aut milites occupatos in opere adoriebantur; & nostrarum turrium altitudinem, quantum has quotidianus agger expresserat, commissis suarum turrium malis, adæquabant; & apertos cuniculos præusta & præacuta materia, & pice fervefacta, & maximi ponderis saxis morabantur, mœnibusque appropinquare prohibebant. Muris autem omnibus Gallicis hæc fere forma est: Trabes directæ perpetuæ in longitudinem, paribus intervallis, distantes inter se binos pedes, in solo collocantur. hæc revinciuntur introrsus; & multo aggere vestiuntur. ea autem, quæ diximus, intervalla grandibus in fronte saxis effarciuntur. iis collocatis, & coagmentatis, alius insuper ordo adjicitur, ut idem illud intervallum servetur, neque inter se contingant trabes, sed paribus intermissis spatiis, singulæ singulis saxis interjectis, arte contineantur. sic deinceps omne opus contextitur, dum iusta muri altitudo expleatur. hoc quum in speciem varietatemque opus deforme non est, alternis trabibus, aut saxis, quæ rectis lineis suos ordines servant: tum ad utilitatem & defensionem urbium summam habet opportunitatem, quod & ab incendio lapis, & ab ariete materia defendit, quæ, perpetuis trabibus pedes quadragenos, plerumque introrsus revincta, neque perrumpi, neq; distrahi potest. iis tot rebus impedita oppugnatione, milites quum toto tempore luto, frigore, & assiduis imbribus tardarentur,

tamen

tamen continenti labore omnia hæc superaverunt, & diebus xxv aggerem latum pedes cccxxx, altum pedes lxxx, exstruxerunt, quum is murum hostium pene contingeret, & Cæsar ad opus consuetudine excubaret, militesque cohortaretur, ne quod omnino tempus ab opere intermitteretur, paullo ante iiii vigiliam est animadversum, fumare aggerem, quem cuniculo hostes succenderant. eodemque tempore toto muro clamore sublato, duabus portis ab utroque latere turrium eruptio fiebat. alii faces, atque aridam materiem de muro in aggerem eminus jaciebant: picem alii reliquasque res, quibus ignis excitari potest, fundebant; ut, quo primum occurreretur, aut cui rei ferretur auxilium, vix ratio iniri posset. tamen, quod instituto Cæsaris duæ semper legiones pro castris excubabant, pluresque partitis temporibus in opere erant, celeriter factum est, ut alii eruptionibus resisterent, alii turres reducerent, aggeremque interscinderent, omnis vero ex castris multitudo ad restinguendum concurreret. quum in omnibus locis, consumpta jam reliqua parte noctis, pugnaretur, semperque hostibus spes victoriæ redintegraretur, eo magis, quod deustos pluteos turrium videbant, nec facile adire apertos ad auxiliandum animadvertebant, semperque ipsi recentes defessis succederent, omnemque Galliæ salutem in illo vestigio temporis positam arbitrarentur; accidit inspectantibus nobis, quod, dignum memoria visum, pratermittendum non existimavimus. Quidam ante portam opidi Gallus, qui per manus sevi ac picis transditas glebas in ignem è regione turris projiciebat, scorpione ab latere dextro transiectus, exanimatusque concidit: hunc ex proximis unus jacentem transgressus, eodem illo munereungebatur: eadem ratione ictu scorpionis exanimato altero, successit tertius, & tertio quartus: nec ille prius est à propugnatoribus vacuus relictus locus, quam
restincto

reſtineto aggere, atque omni parte ſubmotis hoſtibus, finis eſt pugnandi factus. Omnia experti Galli, quod res nulla ſucceſſerat, poſtero die conſilium ceperunt ex opido profugere, hortante & jubente Vercingetorige. id ſilentio noctis conati, non magna jactura ſuorum ſeſe effecturos ſperabant: propterea quod neque longe ab opido caſtra Vercingetorigis aberant; & palus, quæ perpetua intercedebat, Romanos ad inſequendum tardabat. jamque hoc facere noctu apparabant, quum matresfamilias repente in publicum procurrerunt, ſientesque projectæ ad pedes ſuorum, omnibus precibus petierunt, ne ſe, & communes liberos hoſtibus ad ſupplicium dederent; quos ad capiendam fugam natura & virium infirmitas impediret. ubi eos perſtare in ſententia viderunt, quod plerumque in ſummo periculo timor miſericordiam non recipit, conclamare, & ſignificare de fuga Romanis cœperunt. quo timore perterriti Galli, ne ab equitatu Romanorum viæ præoccuparentur, conſilio deſtiterunt. poſtero die Cæſar promota turri, directiſque operibus, quæ facere inſtituerat, magno coorto imbri, non inutilem hanc ad capiendum conſilium tempeſtatem arbitratuſ eſt, quod paullo incautius cuſtodias in muro diſpoſitas videbat: ſuosque languidiuſ in opere verſari juſſit, & quid fieri vellet, oſtendit. Legiones intra vineas in occulto expeditas cohortatus, ut aliquando pro tantis laboribus fructum victoriæ perciperent, iis, qui primi murum adſcendiſſent, præmia propoſuit, militibuſque ſignum dedit. illi ſubito ex omnibus partibus evolaverunt, murumque celeriter complerunt. hoſtes re nova perterriti, muro turribuſque dejecti in foro ac locis patentioribus cuneatim conſtiterunt, hoc animo, ut, ſi qua ex parte obviam contra veniretur, acie inſtructa depugnarent. ubi neminem in æquum locum ſeſe demittere, ſed toto undique muro circumfundi viderunt, veriti, ne
omnino

omnino spes fugæ tolleretur, abjectis armis, ultimas opidi partes continenti impetu petiverunt: parsque ibi, quum angusto exitu portarum se ipsi premerent, à militibus; pars jam egressa portis, ab equitibus est interfecta. nec fuit quisquam, qui prædæ studeret. sic, & Genabensi cæde, & labore operis incitati, non ætate confectis, non mulieribus, non infantibus percerunt. denique ex omni eo numero, qui fuit circiter XL millium, vix DCCC, qui primo clamore audito se ex opido ejecerant, incolumes ad Vercingetorigeni pervenerunt. quos ille, multa jam nocte, silentio sic ex fuga excepit (veritus, ne qua in castris ex eorum concursu & misericordia vulgi seditio oriretur), ut procul in via dispositis familiaribus suis, principibusque civitatum, disparandos, deducendosque ad suos curaret, quæ cuique civitati pars castrorum ab initio obvenerat. postero die concilio convocato, consolatus cohortatusque est, ne se admodum animo demitterent, neve perturbarentur incommodo: non virtute, neque acie vicisse Romanos, sed artificio quodam & scientia oppugnationis; cujus rei fuerint ipsi imperiti: errare, si qui in bello omnes secundos rerum eventus expectent: sibi nunquam placuisse Avaricum defendi, cujus rei testes ipsos haberet; sed factum imprudentia Biturigum, & nimia obsequentia reliquorum, uti hoc incommodum acciperetur: id tamen se celeriter majoribus commodis sanaturum. nam, quæ ab reliquis Gallis civitates dissentirent, has sua diligentia adiuncturum, atque unum consilium totius Galliæ effecturum, cujus consensu ne orbis quidem terrarum possit obsistere: idque se prope jam effectum habere. interea æquum esse, ab iis communis salutis causa impetrari, ut castra munire instituerent, quo facilius hostium repentinos impetus sustinere possent. Fuit hæc oratio non ingrata Gallis, maxime, quod ipse animo non defecerat, tanto accepto incommodo, neque

neque se in occultum abdiderat, neque conspectum multitudinis fugerat: plusque animo providere & præsentire existimabatur, quod re integra primo incendendum Avaricum, post deferendum censuerat, itaque ut reliquorum imperatorum res adversæ auctoritatem minuunt; sic hujus ex contrario dignitas, incommodo accepto, in dies augebatur. simul in spem veniebant, ejus affirmatione, de reliquis adjungendis civitatibus: primumque eo tempore Galli castra munire instituerunt; & sic sunt animo consternati, homines insueti laboris, ut omnia, quæ imperarentur, sibi patienda existimarent. nec minus, quam est pollicitus, Vercingetorix animo laborabat, ut reliquas civitates adjungeret, atque earum principes donis pollicitationibusque alliciebat. huic rei idoneos homines deligebat, quorum quisque & oratione subdola, aut amicitia facillime capi posset. qui Avarico expugnato refugerant, armandos vestiendosque curat. simul ut deminutæ copiæ redintegrarentur, imperat certum numerum militum civitatibus; quem, & quam ante diem in castra adduci velit; sagittariosque omnes, quorum erat permagnus numerus in Gallia, conquiri, & ad se mitti, jubet. his rebus celeriter id, quod Avarici deperierat, expletur. interim Theutomatus Olloviconis filius rex Nitobrigum, cujus pater ab senatu nostro amicus erat appellatus, cum magno equitum suorum numero, & quos ex Aquitania conduxerat, ad eum pervenit. Cæsar Avarici complures dies commoratus, summamque ibi copiam frumenti & reliqui comineatus nactus, exercitum ex labore atque inopia refecit. jam prope hieme confecta, quum ipso anni tempore ad gerendum bellum vocaretur, & ad hostem proficisci constituisset, siue eum ex paludibus silvisque elicere, siue obsidione premere posset; legati ad eum principes Æduorum veniunt, oratum, ut maxime necessario tempore civitati subveniat: summo esse

in

din

D

D

in periculo rem ; quod , quum singuli magistratus antiquitus creari , atque regiam potestatem annum obtinere consueissent , duo magistratum gerant , & se uterque eorum legibus creatum esse dicat. horum esse alterum Convictolitanem , florentem & illustrem adolescentem ; alterum Cotum , antiquissima familia natum , atque ipsum hominem summæ potentia , & magnæ cognationis , cujus frater Vedeliacus proximo anno eundem magistratum gesserit : civitatem omnem esse in armis : divisum senatum , divisum populum in suas cujusque eorum clientelas. quod si diutius alatur controversia , fore , uti pars cum civitatis parte confligat : id ne accidat , positum in ejus diligentia atque auctoritate. Cæsar , etsi à bello atque hoste discedere , detrimentosum esse existimabat ; tamen non ignorans , quanta ex dissensionibus incommoda oriri consueissent ; ne tanta , & tam conjuncta populo R. civitas , quam ipse semper aluisset , omnibusque rebus ornasset , ad vim , atque ad arma , descenderet ; atque ea pars , quæ minus sibi confideret , auxilia à Vercingetorige accerferet ; huic rei prævertendum existimavit : & , quod , legibus Æduorum , iis , qui summum magistratum obtinerent , excedere ex finibus non liceret ; ne quid de jure aut legibus eorum diminuisse videretur , ipse in Æduos proficisci statuit , senatumque omnem , & quos inter controversia esset , Decetiam ad se evocavit. quum prope omnis civitas eo convenisset , docereturque , paucis clam vocatis , alio loco , alio tempore , atque oportuerit , fratrem à fratre renunciatum ; quum leges , duos ex una familia , vivo utroque , non solum magistratus creari vetarent , sed etiam in senatu esse prohiberent ; Cotum magistratum deponere coëgit ; Convictolitanem , qui per sacerdotes , more civitatis , intermissis magistratibus , esset creatus , potestatem obtinere jussit. hoc decreto interposito , cohortatus Æduos , ut controversiarum ac dissensionum obli-

visce-

viscerentur, atque omnibus omissis rebus, huic bello servirent, eaque, quæ meruissent, præmia ab se, devicta Gallia, expectarent, equitatumque omnem, & peditum millia x sibi celeriter mitterent, quæ in præsidiis rei frumentariæ causâ disponderet; exercitum in duas partes divisit: i v legiones in Senones Parisiosque Labieno ducendas dedit: vi ipse in Arvernos, ad opidum Gergoviam secundum flumen Elaver duxit. equitatus partem illi attribuit, partem sibi reliquit. qua re cognita, Vercingetorix, omnibus interruptis ejus fluminis pontibus, ab altera Elaveris parte iter facere cœpit. quum uterque utrique esset exercitus in conspectu, fereque è regione castris castra poneret; dispositis exploratoribus, necubi effecto pontem Romani copias transducerent; erat in magnis Cæsari difficultatibus res, ne majorem æstatis partem flumine impediretur; quod non fere ante autumnum Elaver vado transiri soleat. itaque, ne id accideret, silvestri loco castris positus, è regione unius eorum pontium, quos Vercingetorix rescindendos curaverat, postero die cum ii legionibus in occulto restitit: reliquas copias cum omnibus impedimentis, ut consueverat, misit, demptis [quartis] quibusque cohortibus, uti numerus legionum constare videretur. iis quam longissime possent progredi jussis; quum jam ex diei tempore conjecturam caperet, in castra perventum, iisdem sublicis, quarum pars inferior integra remanebat, pontem reficere cœpit. celeriter effecto opere, legionibusque transductis, & loco castris idoneo delccto, reliquas copias revocavit. Vercingetorix, re cognita, ne contra suam voluntatem dimicare cogeretur, magnis itineribus antecessit. Cæsar ex eo loco quintis castris Gergoviam pervenit; equestrique pralio eo die levi facto, perspecto urbis situ, quæ posita in altissimo monte cunctas aditus difficiles habebat, de expugnatione desperavit: de obsessione non prius agendum constituit,

tuit, quam rem frumentariam expedisset. At Vercingetorix, castris prope opidum in monte positis, mediocribus circum se intervallis, separatim singulorum civitatum copias collocaverat; atque omnibus ejus jugi collibus occupatis, qua despici poterat, horribilem speciem præbebat; principesque earum civitatum, quos sibi ad consilium capiendum delegerat, prima luce ad se quotidie convenire jubebat; seu quid communicandum, seu quid administrandum videretur: neque ullum fere diem intermittebat, quin equestri prælio interjectis sagittariis, quid in quoque esset animi ac virtutis suorum, periclitaretur. Erat e regione opidi collis sub ipsis radicibus montis egregie munitus, atque ex omni parte circuncisus: quem si tenerent nostri, & aquæ magna parte, & pabulatione libera prohibitori hostes videbantur. sed is locus præsidio ab iis non nimis firmo tenebatur. tamen silentio noctis Cæsar, ex castris egressus, prius quam subsidium ex opido venire posset, dejecto præsidio, potitus loco, duas ibi legiones collocavit, fossamque duplicem duodenum pedum à majoribus castris ad minora perduxit, ut tuto ab repentino hostium incursu etiam singuli commeare possent. Dum hæc ad Gergoviam geruntur, Convictolitanis Æduus, cui magistratum adjudicatum à Cæsare demonstravimus, sollicitatus ab Arvernibus pecuniâ, cum quibusdam adolescentibus colloquitur, quorum erat princeps Litavicus, atque ejus fratres, amplissima familia nati adolescentes. cum iis præmium communicat, hortaturque eos, ut se liberos, & imperio natos, meminerint: unam esse Æduorum civitatem, quæ certissimam Galliarum victoriam distineat; ejus auctoritate reliquas contineri; qua transducta, locum consistendi Romanis in Gallia non fore: esse nonnullo se Cæsaris beneficio affectum, sic tamen, ut justissimam apud eum causam obtinuerit; sed plus communi libertati tribuere. cur enim potius Ædui

Ædui de suo jure & de legibus ad Cæsarem disceptaturi, quam Romani ad Æduos, veniant? celeriter adolescentibus, & ratione magistratus & præmio deductis, quum se vel principes ejus consilii fore profiterentur, ratio perficiendi quærebatur, quod civitatem temere ad suscipiendum bellum adduci posse non confidebant. placuit, ut Litavicus decem illis millibus, quæ Cæsari ad bellum mitterentur, præficeretur, atque ea ducenda curaret, fratresque ejus ad Cæsarem præcurrerent: reliqua qua ratione agi placeat, constituunt. Litavicus, accepto exercitu, quum millia passuum circiter xxx ab Gergovia abesset, convocatis subito militibus, lacrymans: Quo proficiscimur, inquit, milites? omnis noster equitatus, nobilitas omnis interiit; principes civitatis Eporedorix & Virдумarus, insimulati proditoris ab Romanis, indicta causa, interfecti sunt. hæc ab iis cognoscite, qui ex ipsa cæde fugerunt. nam ego, fratribus atque omnibus propinquis meis interfectis, dolore prohibeor, quæ gesta sunt, pronunciare. Producantur ii, quos ille edocuerat, quæ dici vellet: atque eadem, quæ Litavicus pronunciaverat, multitudini exponunt: multos equites Æduorum interfectos, quod collocuti cum Arvernīs dicerentur: ipsos se inter multitudinem militum occultasse, atque ex media cæde profugisse. conclamant Ædui, & Litavicum obsecrant, ut sibi consulat. Quasi vero, inquit ille, consilii sit res, ac non necesse sit nobis Gergoviam contendere, & cum Arvernīs nosmet conjungere? an dubitamus, quin, nefario facinore admisso, Romani jam ad nos interficiendos concurrant? proinde, si quid in nobis animi est, persequamur eorum mortem, qui indignissime interierunt; atque hos latrones interficiamus. Ostendit cives Rom. qui ejus præsidii fiducia una erant. continuo magnum numerum frumenti, comineatusque diripit, ipsos crudeliter excruciatos interficit:

ficit: nuntios tota civitate Æduorum dimittit: eodem mendacio, de cade equitum, & principum, permovet: hortatur, ut simili ratione, atque ipse fecerit, suas injurias persequantur. Eporedorix Æduus summo loco natus adolescens, & summæ domi potentia, & una Virdomarus, pari ætate & gratia, sed genere dispari, quem Cæsar sibi ab Divitiaco transditum ex humili loco ad summam dignitatem perduxerat, in equitum numero convenerant, nominatim ab eo evocati. his erat inter se de principatu contentio: & in illa magistratuum controversia alter pro Convictolitane, alter pro Coto summis opibus pugnaverant. ex iis Eporedorix, cognito Litavici consilio, media fere nocte rem ad Cæsarem defert; orat, ne patiatur, civitatem pravis adolescentium consiliis, ab amicitia populi R. deficere: quod futurum provideat, si se tot hominum millia cum hostibus conjunxerint, quorum salutem neque propinqui negligere, neque civitas levi momento æstimare posset. magna affectus sollicitudine hoc nuntio Cæsar, quod semper Æduorum civitati præcipue indulserat, nulla interposita dubitatione, legiones expeditas i v, equitatumque omnem ex castris educit. nec fuit spatium tali tempore ad contrahenda castra: quod res in celeritate posita esse videbatur. C. Fabium legatum cum legionibus i i castris præsidio relinquit. fratres Litavici, quum comprehendi jussisset, paullo ante reperit ad hostes profugisse. adhortatus milites, ne necessario tempore itineris labore permoveantur, cupidissimis omnibus, progressus millia passuum x x v, agmen Æduorum conspicatus, immisso equitatu, iter eorum moratur atque impedit: interdicique omnibus, ne quemquam interficiant. Eporedorigem, & Virdomarum, quos illi interfectos existimabant, inter equites versari, suosque appellare, jubet. iis cognitis, & Litavici fraude perspecta, Ædui manus tendere, & dedicio-

ditionem significare, &, projectis armis, mortem deprecari incipiunt. Litavicus cum suis clientibus, quibus nefas more Gallorum est, etiam in extrema fortuna deferere patronos, Gergoviam profugit. Cæsar, nuntiis ad civitatem Æduorum missis, qui suo beneficio conservatos docerent, quos jure belli interficere potuisset, tribusque horis noctis exercitui ad quietem datis, castra ad Gergoviam movit. medio fere itinere equites, à Fabio missi, quanto res in periculo fuerit, exponunt: summis copiis castra oppugnata demonstrant: quum crebro integri defellis succederent, nostrosque assiduo labore defatigarent, quibus, propter magnitudinem castrorum, perpetuo esset iisdem in vallo permanendum: multitudine sagittarum, atq; omnis generis telorum multos vulneratos: ad hæc sustinenda magno usui fuisse tormenta: Fabium discessu eorum, duabus relictis portis, obstruere ceteras, pluteosque vallo addere, & se in posterum diem similem ad casum parare. iis rebus cognitis, Cæsar, summo studio militum, ante ortum solis in castra pervenit. Dum hæc ad Gergoviam geruntur, Ædui, primis nuntiis à Litavico acceptis, nullum sibi ad cognoscendum spatium relinquunt. impellit alios avaritia, alios iracundia & temeritas, quæ maxime illi hominum generi est innata, ut levem auditionem habeat pro re comperta. bona civium Romanorum diripiunt, cædes faciunt, in servitutem abstrahunt. adjuvat rem proclinatam Convictolitanis, plebemque ad furorem impellit, ut, facinore admisso, ad sanitatem reverti pudeat. M. Anstium tribunum mil. iter ad legionem facientem, fide data, ex opido Cabillono educunt: idem facere cogunt eos, qui negotiandi causâ ibi constituerant. hos continuo in itinere adorti, omnibus impediementis exuunt; repugnantes diem noctemque obsident: multis utrimq; interfectis, majorem multitudinem ad arma concitant: interim, nuntio alla-

to, omnes eorum milites in potestate Cæsaris teneri, concurrunt ad Aristium: nihil publico factum consilio demonstrant: quæstionem de bonis direptis decernunt: Litavici fratrumque bona publicant: legatos ad Cæsarem, sui purgandi gratia mittunt: hæc faciunt recuperandorum suorum causa: sed contaminati facinore, & capti compendio ex direptis bonis, quod ea res ad multos pertinebat, & timore poenæ exterriti, consilia clam de bello inire incipiunt, civitatesque reliquas legationibus sollicitant, quæ tamen si Cæsar intelligebat, tamen, quam mitissime potest, legatos appellat: nihil se, propter inscientiam levitatemque vulgi, gravius de civitate judicare, neque de sua in Æduos benevolentia diminueret. ipse majorem Galliæ motum expectans, ne ab omnibus civitatibus circumscisteretur, consilia inibat, quemadmodum à Gergovia discederet, ac rursus omnem exercitum contraheret, ne profectio nata à timore defectionis, similis fugæ videretur. hæc cogitanti accidere visa est facultas bene rei gerendæ. nam quum minora in castra, operis perspicendi causa, venisset, animadvertit collem, qui ab hostibus tenebatur, nudatum hominibus, qui superioribus diebus vix præ multitudine cerni poterat. admiratus, quærit ex perfugis causam: quorum magnus ad eum quotidie numerus confluebat. constabat inter omnes, quod jam ipse Cæsar per exploratores cognoverat, dorsum esse ejus jugi prope æquum; sed silvestre, & angustum, qua esset aditus ad alteram partem opidi. vehementer huic illos loco timere, nec jam aliter sentire, uno colle ab Romanis occupato, si alterum amisissent, quin penè circumvallati, atque omni exitu & pabulatione interclusi viderentur. ad hunc muniendum locum omnes à Vercingetorige evocatos. Hac re cognita, Cæsar mittit complures equitum turmas eo de media nocte. iis imperat, ut paullo tumultuosius omnibus in locis per-

pervagarentur. prima luce magnum numerum impedimentorum ex castris mulorumque produci, que iis stramenta detrahi; mulionesque cum cassidibus, equitum specie ac simulatione, collibus circumvehi jubet. his paucos addit equites, qui latius ostentationis causa vagarentur. longo circuitu easdem omnes jubet petere regiones. hæc procul ex opido videbantur, ut erat à Gergovia despectus in castra: neque tanto spatio, certi quid esset, explorari poterat. legionem unam eodem jugo mittit, & paullum progressam inferiore loco constituit, silvisque occultat. augetur Gallis suspicio. atque omnes illo munitionum copiarum transducuntur. vacua castra hostium Cæsar conspiciatus, tectis insignibus suorum, occultatisque signis militaribus, raros milites, ne ex opido animadverterentur, ex majoribus castris in minora transducit: legatisque, quos singulis legionibus præfecerat, quid fieri vellet, ostendit: in primis monet, ut contineant milites, ne studio pugnandi, aut spe prædæ longius progrediantur. quid iniquitas loci habeat incommodi, proponit. hoc una celeritate posse vitari. occasionis esse rem, non prælii. his rebus expositis, signum dat, & ab dextera parte alio adscensu eodem tempore Æduos mittit. Opidi murus ab planicie, atque initio adscensus, recta regione, si nullus anfractus intercederet, ∞ cc passus aberat. quidquid huic circuitus ad molliendum cli-
vum accesserat, id spatium itineris augebat. à medio fere colle in longitudine, ut natura montis ferebat, ex grandibus saxis vi pedum murum, qui nostrorum impetum tardaret, præduxerant Galli; atque, inferiore omni spatio vacuo relicto, superiorem partem collis usque ad murum opidi densissimis castris compleverant. milites, signo dato, celeriter ad munitionem perveniunt, eamque transgressi trinis castris potiuntur. ac tanta fuit in capiendis castris celeritas, ut Theutomatus rex Nitiobrigum subito in

tabernaculo oppressus, ut meridie conquieverat, superiore corporis parte nudata, vulnerato equo, vix se ex manibus prædantium militum eriperet. consecutus id, quod animo proposuerat, Cæsar receptui cani iussit: legionisque decimæ, qua cum erat concionatus, signa constitere. at reliquarum milites legionum, non exaudito tubæ sono, quod satis magna vallis intercedebat, tamen à tribunis militum, legatisque, ut erat à Cæsare præceptum, retinebantur. sed elati spe celeris victoriæ, & hostium fuga, superiorumque temporum secundis præliis, nihil adeo arduum sibi existimabant, quod non virtute consequi possent: neque prius finem sequendi fecerunt, quam muro opidi portisque appropinquarent. tum vero ex omnibus urbis partibus orto clamore, qui longius aberant repentino tumultu perterriti, quum hostes intra portas esse existimarent, sese ex opido eiecerunt. matresfamilias de muro vestem argentumque iactabant; & pectore nudo prominentes, passis manibus obtestabantur Romanos, ut sibi parcerent; neu, sicut Avarici fecissent, ne mulieribus quidem atque infantibus abstinerent. nonnullæ de muris per manus demissæ, sese militibus transdebant. L. Fabius centurio legionis IIX, quem inter suos eo die dixisse constabat, excitari se Avaricensibus præmiis, neque commissurum, ut prius quiscumque murum adscenderet, tres suos nactus manipulares, atque ab iis sublevatus, murum adscendit. eos ipse rursus singulos exceptans, in murum extulit. interim ii, qui ad alteram partem opidi, ut supra demonstravimus, munitionis causa, convenerant, primo exaudito clamore, inde etiam crebris nunciis incitati, opidum ab Romanis teneri, præmissis equitibus, magno concursu eo contenderunt. eorum ut quisque primus venerat, sub muro consistebat, suorumque pugnantium numerum augebat. quorum quum magna multitudo convenisset, ma-
tres-

tresfamilias,quæ paullo ante Romanis de muro manus tendebant, suos obtestari, &, more Gallico, passum capillum ostentare, liberosque in conspectum proferre cœperunt. erat Romanis nec loco, nec numero, æqua contentio: simul & cursu & spatio pugnae defatigati non facile recentes atque integros sustinebant. Cæsar, quum iniquo loco pugnari, hostiumque augeri copias videret, præmetuens suis, ad T. Sextium legatum, quem minoribus castris præsidio reliquerat, mittit, ut cohortes ex castris celeriter educeret, & sub infimo colle ab dextro latere hostium constitueret: ut, si nostros depulso loco vidisset, quo minus libere hostes insequerentur, terreret. ipse paullum ex eo loco cum legione progressus, ubi consliterat, eventum pugnae expectabat. quum acerrime cominus pugnaretur; hostes loco, & numero; nostri virtute confiderent; subito sunt Ædui visi, ab latere nostris aperto; quos Cæsar ab dextra parte alio adscensu, manus distinenda causa, miserat. ii similitudine armorum vehementer nostros perterruerunt: ac, tametsi dextris humeris exertis animadvertebantur, quod insigne pacatis esse consueverat, tamen id ipsum sui fallendi causa milites ab hostibus factum existimabant. Eodem tempore L. Fabius centurio, quique una murum adscenderant, circumventi atque interfecti, de muro præcipitantur. M. Petreius ejusdem legionis centurio, quum portas exscindere conatus esset, à multitudine oppressus, ac sibi desperans, multis jam vulneribus acceptis, manipularibus suis, qui illum secuti erant, Quoniam, inquit, me una vobiscum servare non possum, vestra quidem certe saluti prospiciam, quos cupiditate gloriae adductus in periculum deduxi. vos, data facultate, vobis consulite. simul irrupit in medios hostes; duobusque interfectis, reliquos à porta paullum submovit. conantibus auxiliari suis, Frustra, inquit, mea vitæ subvenire con-

mini, quem jam sanguis, viresque deficiunt. proinde hinc abite, dum est facultas, vosque ad legionem recipite. ita pugnans post paululum concidit, ac suis saluti fuit. nostri, quum undique premerentur, XLVI centurionibus amissis, dejecti sunt loco, sed intolerantius Gallos insequentes legio x tardavit, quæ pro subsidio paullo acriore loco constiterat. hanc rursus XIII legionis cohortes exceperunt; quæ ex castris minoribuseductæ, cum T. Sextio legato ceperant locum superiorem. legiones ubi primum planiciem attigerunt, infestis contra hostes signis constiterunt. Vercingetorix ab radicibus collis suos intra munitiones reduxit. eo die milites sunt paullo minus DCC desiderati. Postero die Cæsar, concione advocata, temeritatem cupiditatemque militum reprehendit, quod sibi ipsi judicavissent, quo procedendum, aut quid agendum videretur, neque, signo recipiendi dato, constitissent, neque à tribunis mil. legatisque retineri potuissent: exposuit, quid iniquitas loci posset, quid ipse ad Avaricum sensisset, quum, sine duce, & sine equitatu deprehensis hostibus, exploratam victoriam dimisisset, ne parvum modo detrimentum in contentione propter iniquitatem loci acciperet. quantopere eorum animi magnitudinem admiraretur, quos non castrorum munitiones, non altitudo montis, non murus opidi tardare potuisset: tantopere licentiam arrogantiamque reprehendere, quod plus se, quam imperatorem, de victoria atque exitu rerum sentire existimarent: nec minus se in milite modestiam & continentiam, quam virtutem, atque animi magnitudinem, desiderare. Hac habita concione, & ad extremum oratione confirmatis militibus, ne ob hanc causam animo permoverentur, neu, quod iniquitas loci attulisset, id virtuti hostium tribuerent: eadem de profectioe cogitans, quæ ante senserat, legiones ex castris eduxit, aciemque idoneo loco
con-

constituit. quum Vercingetorix nihilo magis in æquum locum descenderet, levi facto equestri prælio, atque eo secundo, in castra exercitum reduxit. quum hoc idem postero die fecisset, satis ad Gallicam ostentationem minuendam, militumque animos confirmandos factum existimans, in Æduos castra movit. ne tum quidem insecutis hostibus, III die ad flumen Elaver pontem refecit, atque exercitum transduxit. ibi à Virдумaro atque Eporedorige Æduis appellatus, discit, cum omni equitatu Litavicum ad sollicitandos Æduos profectum: opus esse & ipsos præcedere ad confirmandam civitatem. etsi multis jam rebus perfidiam Æduorum Cæsar perspectam habebat, atque horum discessu admaturari defectiorem civitatis existimabat; tamen retinendos eos non censuit; ne aut inferre injuriam videretur, aut dare timoris aliquam suspensionem. discedentibus his, breviter sua in Æduos merita exposuit, quos, & quam humiles accepisset: compulsos in opida, multatos agris, omnibus ereptis copiis, imposito stipendio, obsidibus summa cum contumelia extortis, quam in fortunam quamque in amplitudinem deduxisset; ut non solum in pristinum statum redissent, sed omnium temporum dignitatem & gratiam antecessisse viderentur. his datis mandatis, eos ab se dimisit. Noviodunum erat opidum Æduorum, ad ripas Ligeris opportuno loco positum. huc Cæsar omnes obsides Galliæ, frumentum, pecuniam publicam, suorum atque exercitus impedimentorum magnam partem contulerat. huc magnum numerum equorum hujus belli causâ in Italia atque Hispania coemptorum miserat. eo quum Eporedorix Virдумarusque venissent, & de statu civitatis cognovissent; Litavicum Bibracte ab Æduis receptum, quod est opidum apud eos maximæ auctoritatis; Convictolitaneum magistratum magnamque partem senatus ad eum convenisse; legatos ad Vercingetorigem de pace

& amicitia concilianda publice missos; non præmittendum tantum commodum existimaverunt. itaque, interfectis Novioduni custodibus, quique eo negotiandi aut itineris causâ convenerant, pecuniam atque equos inter se partiti sunt; obsides civitatum Bibracte ad magistratum deducendos curaverunt; opidum, quod ab se teneri non posse judicabant, ne cui esset usui Romanis, incenderunt; frumenti, quod subito potuerunt, navibus avexerunt; reliquum flumine, atque incendio corruerunt; ipsi ex finitimis regionibus copias cogere, præsidia, custodiasque ad ipsas Ligeris disponere, equitatumque omnibus locis, injiciendi timoris causâ, ostentare cœperunt; si aut re frumentaria Romanos excludere, aut adductos inopia ex Provincia expellere possent. quam ad spem multum eos adjuvabat, quod Liger ex nivibus creverat, ut omnino vado transiri non posse videretur. quibus rebus cognitis Cæsar maturandum sibi censuit, si esset in perficiendis pontibus periclitandum, ut prius, quam essent majores eo copiarum coactæ, dimicaret. nam ut commutato consilio iter in provinciam converteret, id ne tum quidem necessario faciendum existimabat, quum infamia atque indignitas rei, & oppositus mons Gebenna, viarumque difficultas impediabat; tum maxime, quod adjungi Labieno, atque iis legionibus, quas una miserat, vehementer cupiebat. itaque admodum magnis diurnis atque nocturnis itineribus confectis, contra omnium opinionem, ad Ligirim pervenit; vadoque per equites invento, pro rei necessitate, opportuno; ut brachia modo, atque humeri ad sustinendam arma liberi ab aqua esse possent, disposito equitatu, qui vim fluminis refringeret, atque hostibus primo adspectu perturbatis, incolumem exercitum transduxit: fumentumque in agris, & copiam pecoris nactus, repleto iis rebus exercitu, iter in Senones facere instituit. Dum hæc apud

Cæsarem geruntur, Labienus eo supplemento, quod nuper ex Italia venerat, relicto Agendici, ut esset impedimentis præsidio, cum IV legionibus Lutetiam proficiscitur. id est opidum Parisiorum, positum in insula fluminis Sequanæ. cujus adventu ab hostibus cognito, magnæ ex finitimis civitatibus copiæ convenerunt. summa imperii transditur Camulogeno Aulercō; qui prope confectus ætate, tamen propter singularem scientiam rei militaris ad eum est honorem evocatus. is, quum animadvertisset, perpetuam esse paludem, quæ influeret in Sequanam, atque illum omnem locum magnopere impediret, hic consedit; nostrosque transitu prohibere instituit. Labienus primo vineas agere, cratibus atque aggere paludem explere, atque iter munire conabatur. postquam id difficiliter conficere animadvertit, silentio è castris IIII vigilia egressus, eodem, quo venerat, itinere Metiosedum pervenit. id est opidum Senonum in insula Sequanæ positum, ut paullo ante Lutetiam diximus. deprehensis navibus circiter L, celeriterque conjunctis, atque eo militibus impositis, & rei novitate perterritis opidanis, quorum magna pars erat ad bellum evocata, sine contentione opido potitur. refecto ponte, quem superioribus diebus hostes resciderant, exercitum transducit, & secundo flumine ad Lutetiam iter facere coepit. hostes, re cognita ab iis, qui à Metiosedo profugerant, Lutetiam incendi, pontesque ejus opidi rescindi jubent; ipsi profecti palude, in ripis Sequanæ, è regione Lutetiæ, contra Labieni castra confidunt. Jam Cæsar à Gergovia discessisse audiebatur: jam de Æduorum defectione, & secundo Galliæ motu rumores afferebantur, Gallicque in colloquiis, interclusum itinere & Ligere Cæsarem, inopia frumenti coactum, in Provinciam contendisse confirmabant. Bellovacī autem, defectione Æduorum cognita, qui ante erant per se infideles, manus co-

gere, atque aperte bellum parare cœperunt. Tum Labienus, tanta rerum commutatione, longe aliud sibi capiendum consilium, atque antea senserat, intelligebat. neque jam, ut aliquid acquireret, prælioque hostes laceggeret, sed ut incolumem exercitum Agendicum reduceret, cogitabat. namque altera ex parte Bellovaci, quæ civitas in Gallia maximam habet opinionem virtutis, instabant: alteram Camulogenus parato atque instructo exercitu tenebat. tum legiones à præsidio atq; impedimentis interclusas maximum flumen distinebat. tantis subito difficultatibus objectis, ab animi virtute auxilium petendum videbat: itaque sub vesperum concilio convocato, cohortatus, ut ea, quæ imperasset, diligenter industrieque administrarent, naves, quas à Metiosedo deduxerat, singulas equitibus Romanis attribuit, & prima confecta vigilia, IV millia passuum secundo flumine progredi silentio, ibique se expectari, jubet. V cohortes, quas minime firmas ad dimicandum esse existimabat, castris præsidio relinquit. V ejusdem legionis reliquas de media nocte cum omnibus impedimentis adverso flumine magno tumultu proficisci imperat. conquirat etiam lintres. has magno sonitu remorum incitatas, in eandem partem mittit. ipse post paullo, silentio egressus cum III legionibus, eum locum petit, quo naves appellì jussèrat: eo quum esset ventum, exploratores hostium, ut omni fluminis parte erant dispositi, inopinantes, quod magna subito erat coorta tempestas, ab nostris opprimuntur; exercitus equitatusque, equitibus Romanis administrantibus, quos ei negotio præfecerat, celeriter transmittitur. uno fere tempore sub lucem hostibus nunciatur, in castris Romanorum præter consuetudinem tumultuari, & magnum ire agmen adverso flumine, sonitumq; remorum in eadem parte exaudiri, & paullo infra milites navibus transportari. quibus rebus auditis, quod existimabant tribus locis trans-

transire legiones, atque omnes perturbatos defectione Æduorum fugam parare, suas quoque copias in tres partes distribuerunt. nam & præsidio è regione castrorum relicto, & parva manu Metiosedum versus missa, quæ tantum progredieretur, quantum naves processissent, reliquas copias contra Labienum duxerunt. prima luce & nostri omnes erant transportati, & hostium acies cernebatur. Labienus, milites cohortatus, ut suæ pristinæ virtutis, & tot secundissimorum præliorum memoriam tenerent, atque ipsum Cæsarem, cuius ductu sæpenumero hostes superassent, adesse existimarent; dat signum prælii. primo concursu, ab dextero cornu, ubi VII legio constiterat, hostes pelluntur, atque in fugam conjiciuntur: ab sinistro, quem locum XII legio tenebat, quum primi ordines hostium transfixi pilis concidissent; tamen acerrime reliqui resistebant, nec dabat suspicionem fugæ quisquam. ipse dux hostium Camulogenus suis aderat, atque eos cohortabatur. at, incerto etiam nunc exitu victoriæ, quum VII legionis Tribunis esset nunciatum, quæ in sinistro cornu gererentur, post tergum hostium legionem ostenderunt, signaque intulerunt. ne eo quidem tempore quisquam loco cessit, sed circumventi omnes interfectique sunt. eandem fortunam tulit Camulogenus. at ii, qui præsidio contra castra Labieni erant relicti, quum prælium commissum audissent, subsidio suis ierunt, collemque ceperunt, neque nostrorum militum victorum impetum sustinere potuerunt. sic, cum suis fugientibus permisti, quos non silvæ montesque texerunt, ab equitatu sunt interfecti. hoc negotio confecto, Labienus revertitur Agendicum: ubi impedimenta totius exercitus relicta erant. inde, cum omnibus copiis, ad Cæsarem pervenit. Defectione Æduorum cognita, bellum augeatur. legationes in omnes partes circummittuntur, quantum gratia, auctoritate, pecunia valent, ad sol-

licitandas civitates nituntur. nacti obsides, quos Cæsar apud eos deposuerat, horum supplicio dubitantes territant. petunt à Vercingetorige Ædui, ut ad se veniat, rationesque belli gerendi communicet. re impetrata contendunt, ut ipsis summa imperii transfatur: & re in controversiam deducta, totius Galliæ concilium Bibracte indicitur. eodem conveniunt undique frequentes. multitudinis suffragiis res permittitur. ad unum omnes Vercingetorigem probant Imperatorem. ab hoc concilio Rhemi, Lingones, Treviri abfuerunt: illi, quod amicitiam Romanorum sequebantur: Treviri, quod aberant longius, & ab Germanis premebantur: quæ fuit causâ, quare toto abessent bello, & neutris auxilia mitterent. magno dolore Ædui ferunt se dejectos principatu: queruntur fortunæ commutationem; & Cæsaris indulgentiam in se requirunt: neque tamen, suscepto bello, suum consilium ab reliquis separare audent. inviti summæ spei adolescentes Eporedorix, & Viridumarus, Vercingetorigi parent. ille imperat reliquis civitatibus obsides. denique ei rei constituit diem, huc omnes equites xv millia numero celeriter convenire jubet. peditatu, quem ante habuerit, se fore contentum dicit; neque fortunam tentaturum, neque acie dimicaturum; sed, quoniam abundet equitatu, perfacile esse factu, frumentationibus pabulationibusque Romanos prohibere: æquo modo animo sua ipsi frumenta corrumpant, ædificiaque incendant; qua rei familiaris jactura, perpetuum imperium libertatemque se consequi videant. His constitutis rebus, Æduis, Segusianisque; qui sunt finitimi provinciæ, x millia peditum imperat. huc addit equites dccc. his præficit fratrem Eporedorigis, bellumque inferre Allobrogibus jubet. altera ex parte Gabalos, proximisque pagos Arvernorum in Helvios, item Ruthenos, Cadurcosque ad fines Volcarum Arecomicorum depopulandos mittit.

hic

hic nihilo minus clandestinis nunciis legationibusque Allobroges sollicitat, quorum mentes nondum à superiore bello resedisse sperabat. horum principibus pecunias, civitati autem imperium totius provinciae pollicetur. ad hos omnes casus provisa erant praesidia cohortium duarum & viginti, quae ex ipsa coacta provincia ab L. Caesare legato ad omnes partes opponebantur. Helvii sua sponte cum finitimis praelio congressi pelluntur, & C. Valerio Donotauro Caburi filio principe civitatis, compluribusque aliis interfectis, intra opida murosque compelluntur. Allobroges, crebris ad Rhodanum dispositis praesidiis, magna cum cura, & diligentia, suos fines tuentur. Caesar, quod hostes equitatu superiores esse intelligebat, & interclusis omnibus itineribus, nulla re ex Provincia atque Italia sublevari poterat, trans Rhenum in Germaniam mittit ad eas civitates, quas superioribus annis pacaverat; equitesque ab his accersit; & levis armaturae pedites, qui inter eos praefici consueverant. Eorum adventu, quod minus idoneis equis utebantur, à tribunis mil. reliquisque, sed & equitibus Romanis, atque evocatis, equos sumit, Germanisque distribuit. Interea dum haec geruntur, hostium copiae ex Arvernibus, equitesque, qui toti Galliae erant imperati, conveniunt. magno horum coacto numero, quum Caesar in Sequanos per extremos Lingonum fines iter faceret, quo facilius subsidium Provinciae ferri posset, circiter millia passuum x ab Romanis trinis castris Vercingetorix confedit; convocatisque ad concilium praefectis equitum, venisse tempus victoriae demonstrat: fugere in Provinciam Romanos, Galliaeque excedere: id sibi ad praesentem obtinendam libertatem satis esse: ad reliqui temporis pacem, atque otium, parum profici. maioribus enim coactis copiis reversuros, neque finem bellandi facturos. proinde, agmine impeditos adoriantur. si pedites suis auxilium ferant, atque in eo-

morentur, iter confici non posse: sin, id quod magis futurum confidat, relictis impedimentis, suæ salutis consulant, & usu rerum necessariorum, & dignitate spoliatum iri. nam de equitibus hostium, quin nemo eorum progredi modo extra agmen audeat, ne ipsos quidem debere dubitare, id quo majore faciant animo, copias se omnes pro castris habiturum, & terrori hostibus futurum. conclamant, equites sanctissimo jurejurando confirmari oportere, ne tecto recipiatur, ne ad liberos, ne ad parentes, ne ad uxorem aditum habeat, qui non bis per hostium agmen perequitasset. probata re, atque omnibus ad jusjurandum adactis, postero die in tres partes distributo equitatu, duæ se acies à duobus lateribus ostendunt: una à primo agmine iter impedire cœpit. qua re nunciata, Cæsar suum quoque equitatum tripartito divisum ire contra hostem jubet. pugnatur una omnibus in partibus. consistit agmen. impedimenta inter legiones recipiuntur. si qua in parte nostri laborare, aut gravius premi videbantur, eo signa inferri Cæsar aciemque converti jubebat. quæ res & hostes ad insequendum tardabat, & nostros spe auxilii confirmabat. tandem Germani ab dextro latere, summum jugum nacti, hostes loco depellunt; fugientes usque ad flumen, ubi Vercingetorix cum pedestribus copiis confederat, persequuntur, compluresque interficiunt. qua re animadversa, reliqui, ne circumvenirentur veriti, se fugæ mandant. omnibus locis fit cædes. tres nobilissimi Ædui capti ad Cæsarem perducuntur; Cotus præfectus equitum, qui controversiam cum Convictolitane proximis comitiis habuerat; & Cavarillus, qui post defectionem Litavici pedestribus copiis præfuerat; & Eporedorix, quo duce ante adventum Cæsaris Ædui cum Sequanis bello contenderant. fugato omni equitatu, Vercingetorix copias suas, ut pro castris collocaverat, reduxit; protinusque Alesiam, quod est opidum

Mandubiorum, iter facere cœpit; celeriterque impedimenta ex castris educi, & se subsequi iussit. Cæsar, impedimentis in proximum collem deductis, duabusque legionibus præsidio relictis, sequutus, quantum diei tempus est passum, circiter 111 millibus hostium ex novissimo agmine interfectis, altero die ad Alesiam castra fecit. perspecto urbis situ, perterritisque hostibus, quod equitatu, qua maxime parte exercitus confidebant, erant pulsi; adhortatus ad laborem milites, Alesiam circumvallare instituit. ipsum erat opidum in colle summo, admodum edito loco, ut nisi obsidione expugnari non posse videretur. cuius collis radices duo duabus ex partibus flumina subleuebant. ante opidum planities circiter millia passuum 111 in longitudinem patebat. reliquis ex omnibus partibus colles, mediocri interjecto spatio, pari altitudinis fastigio opidum cingebant. sub muro, quæ pars collis ad orientem spectabat, hunc omnem locum copiæ Gallorum compleverant; fossamque, & maceriam sex in altitudinem pedum prædlexerant. ejus munitionis, quæ ab Romanis instituebatur, circuitus xi ∞ passuum tenebat. castra opportunis locis erant posita; ibique castella xxiii facta, in quibus interdum stationes disponebantur, ne qua subito irruptio fieret, hæc eadem noctu excubitoribus ac firmis præsidiis tenebantur. opere instituto, fit equestre prælium in ea planitie, quam intermissam collibus 111 millium passuum in longitudinem patere supra demonstravimus. summa vi ab utrisque contenditur. laborantibus nostris Cæsar Germanos submittit, legionesque pro castris constituit, ne qua subito irruptio ab hostium peditatu fiat. præsidio legionum addito, nostris animus augetur: hostes in rûgam conjecti se ipsi multitudine impediunt; atque angustioribus portis [relictis] coartantur. Germani acrius usque ad munitiones sequuntur. fit magna cades. nonnulli, relictis equis, fossam trans-

transire, & maceriam transcendere conantur. paulum legiones Cæsar, quas pro vallo constituerat, promoveri jubet. non minus, qui intra munitiones erant, Galli perturbantur. venire ad se confestim existimantes, ad arma conclamant. nonnulli perterriti in opidum irrumpunt. Vercingetorix jubet portas claudi, ne castra nudentur. multis interfectis, compluribus equis captis, Germani sese recipiunt. Vercingetorix, priusquam munitiones ab Romanis perficiantur, consilium capit omnem à se equitatum noctu dimittere. discedentibus mandat, ut suam quisque eorum civitatem adeat, omnesque, qui per ætatem arma ferre possint, ad bellum cogant. sua in illos merita proponit; obtestaturque, ut suæ salutis rationem habeant; neu se de communi libertate optime meritum in cruciatum hostibus dedant: qui si indiligentiores fuerint, millia hominum LXXX delecta secum interitura demonstrat: ratione inita, frumentum se exigue dierum xxx habere, sed paullo etiam longius tolerare posse parcendo. his datis mandatis, qua erat nostrum opus intermissum, secunda vigilia silentio equitatum dimittit; frumentum omne ad se ferri jubet: capitis pœnam iis, qui non paruerint, constituit: pecus, cujus magna erat ab Mandubiis compulsæ copia, viritim distribuit: frumentum parce & paullatim metiri instituit: copias omnes, quas pro opido collocaverat, in opidum recipit. his rationibus auxilia Galliæ expectare & bellum administrare parat. Quibus rebus cognitis ex perfugis & captivis, Cæsar hæc genera munitionis instituit. fossam pedum xx directis lateribus duxit; ut ejus solum tantundem pateret, quantum summa labra distabant. reliquas omnes munitiones ab ea fossâ pedibus cxx reduxit: id hoc consilio, quoniam tantum esset necessario spatium complexus, nec facile totum opus militum corona cingeretur; ne de improvviso, aut noctu ad in-

nitio-

munitiones hostium multitudo advolaret, aut interdiu tela in nostros operi destinatos conijcere possent. hoc intermisso spatio, duas fossas, xv pedes latas, eadem altitudine, perduxit: quarum anteriorem campestribus ac demissis locis aqua ex flumine derivata complevit. post eas aggerem, & vallum xii pedum extruxit. huic loricam pinnaeque adjecit, grandibus cervis eminentibus ad commissuras pluteorum, atque aggeris; qui adscensum hostium tardarent: & turres toto opere circumdedit, quæ pedes lxxx inter se distarent. erat uno tempore & materiari, & frumentari, & tantas munitiones fieri necesse, deminutis nostris copiis, quæ longius ab castris progrediebantur: & nonnunquam opera nostra Galli tentare, atque eruptionem ex opido pluribus portis facere summa vi conabantur. quare ad hæc rursus opera addendum Cæsar putavit, quo minore numero militum munitiones defendi possent. itaque truncis arborum, aut admodum firmis ramis abscisis, atque horum dolabratis atque præacutis cacuminibus, perpetuæ fossæ, quinos pedes altæ, ducebantur. huc illi stipites demissi, & ab infimo revincti, ne revelli possent, ab ramis eminebant. quini erant ordines conjuncti inter se, atque implicati; quo qui intraverant, se ipsi acutissimis vallis induebant: hos Cippos appellabant. ante hos, obliquis ordinibus in quincuncem dispositis, scrobes trium in altitudinem pedum fodiebantur, paullatim angustiore ad summum fastigio. huc teretes stipites feminis crassitudine, ab summo præacuti & præusti, demittebantur; ita ut non amplius iv digitis ex terra emerent. simul confirmandi & stabiliendi causâ singuli ab infimo solo pedes terra exculcabantur: reliqua pars scrobis ad occultandas insidias viminibus ac virgultis integebatur. hujus generis octoni ordines ducti, ternos inter se pedes distabant. id ex similitudine floris Liliū appellabant. ante hæc taleæ pedem longæ
fer-

ferreis hamis infixis totæ in terram infodiebantur ; mediocribusq; intermissis spatiis, omnibus locis dis-
ferebantur, quos Stimulos nominabant. His rebus
perfectis, regiones secutus, quam potuit, æquissimas
pro loci natura, xiv millia passuum complexus, pa-
res ejusdem generis munitiones diversas ab his con-
tra exteriorẽ hostem præfecit, ut ne magna qui-
dem multitudine, si ita accadat, ejus discessu, muni-
tionum præsidia circumfundi possent. neu cum pe-
riculo ex castris egredi cogerentur, dierum xxx pabu-
lum frumentumq; habere omnes convectum jubet.
Dum hæc ad Aleſiam geruntur, Galli, concilio prin-
cipum indicto, non omnes, qui arma ferre possent,
ut censuit Vercingetorix, convocandos statuunt; sed
certum numerum cuique civitati imperandum; ne,
tanta multitudine confusa, nec moderari, nec dis-
cernere suos, nec frumentandi rationem habere pos-
sent. imperant Æduis, atque eorum clientibus, Segu-
sianis, Ambivaretis, Aulercis Brannovicibus, [Bran-
noviis] millia xxxv. parem numerum Arvernīs, ad-
junctis Eleutheris Cadurcis, Gabalis, Velaunis, qui
sub imperio Arvernorum esse consueverunt: Seno-
nibus, Sequanis, Biturigibus, Xantonibus, Ruthenis,
Carnutibus xii millia; Bellovacis x. totidem Lemo-
vicibus; octona Pictonibus, & Turonis, & Parisiis,
& Eleutheris Sueſſionibus; Ambianis, Mediomatti-
cis, Petrocoriis, Nervii, Morinis, Nitiobrigibus qui-
na millia; Aulercis Cenomanis totidem; Atrebat-
ibus iv millia; Bellocassis, Lexoviis, Aulercis Ebu-
ronibus terna; Rauracis & Boiis xxx. universis civi-
tatibus, quæ Oceanum attingunt, quæque eorum
consuetudine Armoricæ appellantur, quo sunt in
numero Curiosolites, Rhedones, Ambibari, Cadetes,
Osismii, [Lemovices] Veneti, Unelli, Sena. ex his
Bellovaci suum numerum non contulerunt; quod
se suo nomine atque arbitrio cum Romanis bellum
gesturos dicerent, neque cujusquam imperio ob-
tem.

temperaturos. rogati tamen à Comio, pro ejus hospitio 11 millia miserunt. hujus opera Comii, ita ut antea demonstravimus, fideli atque utili superioribus annis erat usus in Britannia Cæsar: pro quibus meritis civitatem ejus immunem esse jussit; jura legesque reddiderat; atque ipsi Morinos attribuerat. tanta tamen universæ Galliæ consensus fuit libertatis vindicandæ, & pristinæ belli laudis recuperandæ, ut neque beneficiis neque amicitia memoriâ moverentur, omnesque & animo & opibus in id bellum incumberent; coactis equitum 11x millibus, & peditum circiter cxxl. hæc in Æduorum finibus recenscebantur; numerusque inibatur: præfecti constituebantur: Comio Atrebat, Viridomaro, & Eporedorigi Æduis, Vergasillauno Arverno consobрино Vercingetorigis summa imperii transditur. iis delecti ex civitatibus tribuuntur, quorum consilio bellum administraretur. omnes alacres & fiducia pleni ad Alesiam proficiscuntur. nec erat omnium quisquam, qui ad spectum modo tantæ multitudinis sustineri posse arbitraretur, præsertim ancipiti prælio; quum ex opido eruptione pugnaretur, & foris tantæ copiae equitatus peditatusque cernerentur. at ii, qui Alesia obsidebantur, præterita die, qua suorum auxilia expectaverant, consumpto omni frumento, inscii, quid in Æduis gereretur, concilio coacto, de exitu fortunarum suarum consultabant. ac variis dictis sententiis, quarum pars deditioem, pars, dum vires suppeterent, eruptionem censebant, non prætereunda videtur oratio Critognati, propter ejus singularem ac nefariam crudelitatem. hic summo in Arvernâ natus loco, & magnæ habitus auctoritatis, Nihil, inquit, de eorum sententia dicturus sum, qui turpissimam servitutem deditiois nomine appellant; neque hos habendos civium loco, neque ad consilium adhibendos censeo. cum iis mihi res sit, qui eruptionem probant: quorum

in

in consilio omnium vestrum consensu pristinae refr-
dere virtutis memoria videtur. animi est ista molli-
ties, non virtus, inopiam paullisper ferre non posse.
qui se ultro morti offerant, facilius reperiuntur,
quam qui dolorem patienter ferant. atque ego hanc
sententiam probarem; nam apud me multum digni-
tas potest; si nullam, praterquam vitæ nostræ, ja-
cturam fieri viderem. sed in consilio capiendo om-
nem Galliam respiciamus, quam ad nostrum au-
xilium concitavimus. quid hominum millibus
LXXX, uno loco interfectis, propinquis consangu-
neisque nostris, animi fore existimatis, si pene in
ipsis cadaveribus prælio decertare cogentur? nolite
hos vestro auxilio spoliare, qui vestræ salutis caus-
sæ suum periculum neglexerint, nec stultitia ac teme-
ritate vestra, aut imbecillitate animi omnem Gal-
liam prostrernere, ac perpetuæ servituti addicere. an,
quod ad diem non venerint, de eorum fide constan-
tiaque dubitatis? quid ergo? Romanos in illis ulte-
rioribus munitionibus animine caus-
sæ quotidie exer-
ceri putatis? Si illorum nunciis confirmari non po-
testis, omni aditu præsepto, iis utimini testibus, ap-
propinquare eorum adventum; cuius rei timore ex-
territi, diem, noctemque in opere versantur. quid
ergo mei consilii est? facere, quod nostri majores
nequaquam pari bello Cimbrorum Tentonumque
fecerunt; qui in opida compulsi, ac simili inopia
subacti, eorum corporibus, qui ætate inutiles ad
bellum videbantur, vitam toleraverunt, neque se ho-
stibus transdiderunt. cuius rei exemplum si non ha-
beremus, tamen libertatis caus-
sæ institui & posteris
prodi pulcherrimum judicarem. Nam quid huic si-
mili bello fuit? depopulata Gallia, magna-
que illata calamitate, Cimbri finibus nostris aliquando ex-
cesserunt, atque alias terras petierunt: jura, leges,
agros, libertatem nobis reliquerunt. Romani ve-
ro quid petunt aliud, aut quid volunt, nisi invidia
ad-

adducti, quos fama nobiles, potentesque bello cognoverunt, horum in agris civitatibusque confidere, atque his æternam injungere servitutem? neque enim unquam alia conditione bella gesserunt. quod si ea, quæ in longinquis nationibus geruntur, ignoratis; respicite finitimam Galliam, quæ in provinciam redacta, jure & legibus commutatis, securibus subiecta, perpetua premitur servitute. Sententiis dictis, constituunt, ut, qui valetudine, aut ætate inutiles sunt bello, opido excedant; atque omnia prius experiantur, quam ad Critognati sententiam descendant: illo tamen potius utendum consilio, si res cogat, atque auxilia morentur, quam deditiois aut pacis subeundam conditionem. Mandubii, qui eos opido receperant, cum liberis atque uxoribus exire coguntur. ii, quum ad munitiones Romanorum accessissent, flentes, omnibus precibus orabant, ut se in servitutem receptos cibo juvarent. hos Cæsar, dispositis in vallo custodiis, recipi prohibebat. Interea Comius, & reliqui duces, quibus summa imperii permixta erat, cum omnibus copiis ad Alesiam perveniunt, & colle exteriori occupato, non longius a passibus à nostris munitionibus confidunt. postero die equitatu ex castris educto, omnem eam planitiem, quam in longitudinē 111 millia passuum patere demonstravimus, complent; pedestresque copias, paullum ab eo loco, abditas in locis superioribus constituunt. erat ex opido Alesia despectus in campum: concurritur his auxiliis visis, fit gratulatio inter eos, atque omnium animi ad lætitiā excitantur. itaque productis copiis ante opidum confidunt: & proximam fossam cratibus integunt, atque aggere explent; seq; ad eruptionem atq; omnes casus comparant. Cæsar, omni exercitu ad utramque partem munitionum disposito, ut, si usus veniat, suum quisque locum teneat & noverit, equitatum ex castris educi, & prælium committi jubet, erat ex omnibus

bus castris, quæ sunt innum undique jugum tenebant, despectus; atque omnium militum intenti animi pugnae eventum expectabant. Galli inter equites, raros sagittarios, expeditosque levis armaturæ interjecerant, qui suis cedentibus auxilio succurrerent, & nostrorum equitum impetum sustinerent. ab his complures de improvviso vulnerati, prælio excedebant. quum suos pugna superiores esse Galli confiderent, & nostros premi multitudine viderent; ex omnibus partibus, & ii, qui munitionibus continebantur, & ii, qui ad auxilium convenerant, clamore & ululatu suorum animos confirmabant. quod in conspectu omnium res gerebatur, neque recte aut turpiter factum celari poterat, utrosque & laudis cupiditas & timor ignominiae ad virtutem excitabat, quum à meridie prope ad Solis occasum dubia victoria pugnaretur, Germani una in parte confertis turmis in hostes impetum fecerunt, eosque propulerunt. quibus in fugam coniectis, sagittarii circumventi, interfectique sunt. item ex reliquis partibus nostri cedentes usque ad castra infecuti, sui colligendi facultatem non dederunt. at ii, qui ab Alesia processerant, moesti, prope victoria desperata, se in opidum receperunt. Uno die intermisso, Galli, atque hoc spatio, magno cratium, scalarum, harpagonum numero effecto, media nocte silentio ex castris egressi, ad campestres munitiones accedunt. subito clamore sublato, qua significatione, qui in opido obsidebantur, de suo adventu cognoscere possent, crates projicere, fundis, sagittis, lapidibus nostros de vallo deturbare, reliquaque, quæ ad oppugnationem pertinent, administrare. eodem tempore, clamore exaudito, dat tuba signum suis Vercingetorix, atque ex opido educit. nostri, ut superioribus diebus suus cuique erat locus attributus, ad munitiones accedunt; fundis librilibus, sudibusque quas in opere disposuerant, ac glandibus Gallos perterrent.

prospectu tenebris adempto, multa utrimque vulnera accipiuntur, complura tormentis tela conjiciuntur. At M. Antonius, & C. Trebonius legati, quibus ex partes ad defendendum obvenerant, quæ ex parte premi nostros intellexerant, iis auxilio ex ulterioribus castellis deductos submittebant. dum longius ab munitione aberant Galli, plus multitudine telorum proficiebant: postea quam propius successerunt, aut se ipsi stimulis inopinantes inducebant; aut in scrobes delapsi transfodiebantur; aut ex vallo & turribus transjecti pilis muralibus interibant. multis undique vulneribus acceptis, nulla munitione perrupta quum lux appeteret; veriti, ne ab latere aperto ex superioribus castris eruptione circumvenirentur, se ad suos receperunt. at interiores, dum ea, quæ à Vercingetorige ad eruptionem præparata erant, proferunt, priores fossas explent: diutius in iis rebus administrandis morati prius suos discessisse cognoverunt, quam munitionibus appropinquarent. ita re infecta in opidum reverterunt. Bis inagno cum detrimento repulsi Galli quid agant, consulunt. locorum peritos adhibent. ab his superiorum castrorum situs munitionesque cognoscunt. erat à Septemtrionibus collis, quem quia, propter magnitudinem circuitus, opere circumplecti non potuerant, nostri necessariò pene iniquo loco, & leniter declivi, castra fecerunt. hæc C. Antistius Rheginus, & C. Caninius Rebilus legati cum 11 legionibus obtinebant. cognitis per exploratores regionibus, duces hostium LV millia ex omni numero deligunt earum civitatum, quæ maximam virtutis opinionem habebant: quid, quoque pacto, agi placeat, occulte inter se constituunt. adeundi tempus definiunt, quum meridies esse videatur. iis copiis Vergasillaunum Arvernum, unum ex 14 ducibus, propinquum Vercingetorigis, præficiunt. ille ex castris prima vigilia egressus, prope confecto sub lucem itinere, post mon-

tem se occultavit, militesque ex nocturno labore sese reficere iussit. quum jam meridies appropinquare videretur, ad ea castra, quæ supra demonstravimus, contendit; eodemque tempore equitatus ad campestris munitiones accedere, & reliquæ copiæ sese pro castris ostendere cœperunt. Vercingetorix ex arce Alesia suos conspicatus ex opido egreditur, * è castris longurios, musculos, falces, reliquaque, quæ eruptionis causâ paraverat, profert. pugnatur uno tempore omnibus locis, atque omnia tentantur. quæ minime visa pars, firma esse, huc concurritur. Romanorum manus tantis munitionibus distinetur, nec facile pluribus locis occurrit. multum ad terrendos nostros valuit clamor, qui post tergum pugnantibus exstitit, quod suum periculum in aliena vident virtute consistere. omnia enim plerumque quæ absunt, vehementius hominum mentes perturbant. Cæsar idoneum locum nactus, quid quaque in parte geratur, cognoscit, laborantibus submittit. utrisque ad animum occurrit, unum illud esse tempus, quo maxime contendere conveniat. Galli nisi perfregerint munitiones, de omni salute desperant. Romani, si rem obtinuerint, finem laborum omnium expectant. maxime ad superiores munitiones laboratur, quo Vergasillaunum missum demonstravimus. exiguum loci ad declivitatem fastigium, magnum habet momentum. alii tela conjiciunt, alii testudine facta subeunt, defatigatis invicem integri succedunt. agger ab universis in munitionem coniectus, & adscensum dat Gallis, & quæ in terram occultaverant Romani, contegit. nec jam arma nostris, nec vires suppetunt. his rebus cognitis, Cæsar Labienum cum cohortibus VI subsidio laborantibus mittit. imperat, si sustinere non possit, deductis cohortibus eruptione pugnaret. id, nisi necessario, non faciat. ipse adit reliquos: cohortatur, ne labori succumbant: omnium superiorum dimicationum fructum in eo die atque

que hora docet consistere. interiores, desperatis campestribus locis, propter magnitudinem munitionum, loca prærupta ex adscensu tentant. huc ea, quæ paraverant, conferunt: multitudine telorum ex turribus propugnantes deturbant: aggere, & cratibus, aditus expediunt: falcibus vallum, ac lorica, rescindunt. Cæsar mittit primo Brutum adolescentem cum cohortibus VI. post cum aliis VII Fabium legatum. postremo ipse, quum vehementius pugnaretur, integros subsidio adducit. restituto prælio, ac repulsis hostibus, eo, quo Labienum miserat, contendit. cohortes IV ex proximo castello educit. equitum se partem sequi, partem circumire exteriores munitiones, & ab tergo hostes adoriri jubet. Labienus, postquam neque aggeres, neque fossæ vim hostium sustinere poterant, coactis una de quadraginta cohortibus, quas ex proximis præsidiis deductas fors obtulit, Cæsarem per nuncios facit certiolem, quid faciendum existimet. accelerat Cæsar, ut prælio intersit. ejus adventu ex colore vestitus cognito, quo insigni in præliis uti consueverat, turmisque equitum & cohortibus visis, quas se sequi jusserrat, ut de locis superioribus hæc declivia & devexa cernebantur, hostes committunt prælium. utrimque clamore sublato, excipit rursus ex vallo atque omnibus munitionibus clamor. nostri, emissis pilis, gladiis rem gerunt. repente post tergum equitatus cernitur. cohortes aliæ appropinquant. hostes terga vertunt. fugientibus equites occurrunt. fit magna cædes. Sedullius dux & princeps Lemovicum occiditur: Vergasillaunus Arvernus vivus in fuga comprehenditur. signa militaria LXXIV ad Cæsarem referuntur. pauci, ex tanto numero, se incolumes in castra recipiunt. conspicati ex opido eadem & fugam suorum, desperata salute, copias à munitionibus reducant. fit protinus, hac re audita, ex castris Gallorum fuga, quod nisi crebris subsidiis ac totius diei labore mi-

lites fuissent defessi, omnes hostium copiarum deleri potuissent. de media nocte missus equitatus novissimum agmen consequitur. magnus numerus capitur, atque interficitur: reliqui ex fuga in civitates discedunt. postero die Vercingetorix, concilio convocato, id se bellum suscepisse non suarum necessitatum, sed communis libertatis causa demonstrat; & quoniam sit fortunae cederendum, ad utramque rem se illis offerre, seu morte sua Romanis satisfacere, seu vivum tradere velint. Mittuntur de his rebus ad Caesarem legati. jubet arma tradidi, principes produci. ipse in munitione pro castris confedit. eo duces producuntur. Vercingetorix deditur. arma projiciuntur. reservatis Aeduis, atque Arvernibus, si per eos civitates recuperare possent, ex reliquis captivis toto exercitu capita singula, praedae nomine, distribuit. his rebus confectis, in Aeduos proficiscitur; civitatem recipit. eo legati ab Arvernibus missi, quae imperaret, se facturos pollicentur. imperat magnum numerum obsidum. legiones in hiberna mittit. captivorum circiter xx millia Aeduis Arvernibusque reddit. T. Labienum cum ii legionibus & equitatu in Sequanos proficisci jubet. huic M. Sempronium Rutilum attribuit. C. Fabium, & L. Minucium Basilum cum ii legionibus in Rhemis collocat, ne quam à finitimis Bellovacis calamitatem accipiant. C. Antistium Reginum in Ambivaretos, T. Sextium in Bituriges, C. Caninium Rebilum in Ruthenos cum singulis legionibus mittit; Q. Tullium Cicronem, & P. Sulpicium, Cabiloni & Matiscone in Aeduis ad Ararim, rei frumentariae causa, collocat. ipse Bibracte hiemare constituit. His rebus Caesaris litteris cognitis, Romae dierum xx supplicatio indicitur

LIBER VIII.

Scriptore

A. HIRTIO PANSÆ.

Confectus assiduis tuis vocibus, Balbe, quæm quotidiana mea recusatio non difficultatis excusationem, sed inertia videretur deprecationem habere, difficillimam rem suscepi. Caesaris nostri commentarios rerum gestarum Gallia non comparandos superioribus atque insequentibus ejus scriptis, contexui: novissimeque imperfecta ab rebus gestis Alexandria confeci, usque ad exitum non quidem civitatis dissensionis, cujus finem nullum videmus, sed vitæ Caesaris. quos utinam qui legent, scire possent, quam invitatus susceperim scribendos, quo facilius caream stultitia atque arrogantia crimine, qui me mediis interposuerim Caesaris scriptis. Constat enim inter omnes, nihil tam operose ab aliis esse perfectum, quod non horum elegantia Commentariorum superetur: qui sunt editi, ne scientia tantarum rerum scriptoribus deesset: adeoque probantur omnium judicio, ut præcepta, non præbita facultas scriptoribus videatur. cujus tamen rei major nostra quam reliquorum est admiratio. ceteri enim quam bene atque emendate; nos etiam quam facile atque celeriter eos confecerit, scimus. Erat autem in Casare quum facultas, atque elegantia summa scribendi, tum verissima suorum scientia consiliorum explicandorum. Mihi ne illud quidem accidit, ut Alexandrino atque Africano bello interessem. quæ bella quamquam ex parte nobis Caesaris sermone sint nota: tamen aliter audivimus ea, quæ rerum novitate, aut admiratione, nos capiunt; aliter, quæ pro testimonio sumus dicturi. Sed ego nimirum, dum omnes excusationis causas colligo, ne cum Casare conferar, hoc ipsum crimen arrogantia subeo, quod me judicio cujusquam existimem posse cum Casare comparari. Vale.



Qmni Gallia devicta, Cæsar quum à superiore ætate nulum bellandi tempus intermisisset, militesque hibernorum quiete reficere à tantis laboribus vellet; complures eodem tempore civitates renovare belli consilia nunciabantur, conjurationesque facere. cujus rei verisimilis causa afferebatur, quod Gallis omnibus cognitum esset, neque ulla multitudo in unum locum coacta resisti posse Romanis; nec, si diversa bella complures eodem tempore intulissent civitates, satis auxilii aut spatii aut copiarum habiturum exercitum populi R. ad omnia persequenda: non esse autem alicui civitati sortem incommodi recusandam, si tali mora reliquæ possent se vindicare in libertatem. quæ ne opinio Gallorum confirmaretur, Cæsar M. Antonium quaestorem suis præfecit hibernis: ipse, equitatus præsidio; pridie kal. Januarii ab opido Bibracte proficiscitur ad legionem XII, quam non longe à finibus Æduorum collocaverat in finibus Biturigum, eique adjungit legionem XI, quæ proxima fuerat. binis cohortibus ad impedimenta tuenda relictis, reliquum exercitum in copiosissimos agros Biturigum inducit: qui quum latos fines, & complura opida haberent, unius legionis hibernis non potuerant contineri, quin bellum pararent, conjurationesque facerent. repentino adventu Cæsaris accidit, quod imparatis disiectisque fuit necesse, ut sine timore ullo rura colentes prius ab equitatu opprimerentur, quam confugere in opida possent. namque etiam illud vulgare incursionis signum hostium, quod incendiis ædificiorum intelligi consuevit, Cæsaris id erat interdicto sublatum: ne aut copia pabuli frumentique, si longius progredi vellet, deficeret; aut hostes incendiis terrerentur. multis hominum millibus captis, perterriti Bituriges, qui primum adventum effugere potuerant Romanorum, in finitimas civitates, aut pri-
vatis

vatis hospitiiis confisi, aut societate consiliorum, confugerant. frustra. nam Caesar magnis itineribus omnibus locis occurrit; nec dat ulli civitati spatium de aliena potius quam de domestica salute cogitandi. qua celeritate, & fideles amicos retinebat, & dubitantes terrore ad conditiones pacis adducebat. tali conditione proposita, Bituriges, quum sibi viderent clementia Caesaris reditum patere in ejus amicitiam, finitimasque civitates sine ulla poena dedisse obsides, atque in fidem receptas esse, idem fecerunt. Caesar militibus pro tanto labore ac patientia, qui brumalibus diebus, itineribus difficillimis, frigoribus intolerandis, studiosissime permanserant in labore, ducenos sestertios, centurionibus 11 millia nummum praeda nomine condonanda pollicetur: legionibusque in hiberna remissis, ipse se recepit die XL Bibracte. ibi quum jus diceret, Bituriges ad eum legatos mittunt, auxilium petatum contra Carnutes, quos intulisse bellum sibi querebantur. qua re cognita, quum non amplius x & 11 x dies in hibernis esset commoratus, legiones XIV & VI ex hibernis ab Arare educit: quas ibi collocatas explicandae rei frumentariae causa, superiore commentario demonstratum est. ita cum 11 legionibus ad persequendos Carnutes proficiscitur. quum fama exercitus ad hostes esset perlata, calamitate ceterorum ducti Carnutes, desertis vicis opidisque, quae tolerandae hiemis causa, constitutis repente exiguis ad necessitatem aedificiis, incolebant (nuper enim devicti complura opida dimiserant) dispersi profugiunt. Caesar erumpentes eo maxime tempore acerrimas tempestates quum subire milites nollet, in opido Carnutum Genabo castra ponit, atque in tecta partim Gallorum, partim quae conjectis celeriter stramentis, tentorium integendorum gratia erant inaedificata, milites contegit. equites tamen, & auxilarios pedites in omnes partes mittit, quascumque petisse dicebantur

hostes: nec frustra. nam plerumque magna præda potiti nostri revertuntur. oppressi Carnutes hiemis difficultate, terrore periculi, quum testis expulsi nullo loco diutius consistere auderent, nec silvarum præsidio tempestatibus durissimis tegi possent: dispersi, magna parte amissa suorum, dissipantur in finitimas civitates. Cæsar, tempore anni difficillimo, quum satis haberet convenientes manus dissipare, ne quod initium belli nasceretur; quantumque in ratione esset, exploratum haberet, sub tempus æstivorum nullum summum bellum posse consilari; C. Trebonium cum 11 legionibus, quas secum habebat, in hibernis Genabi collocavit: ipse, quum crebris legationibus Rhemorum certior fieret, Bellovacos, qui belli gloria Gallos omnes Belgasque præstabant, finitimasque in civitates, duce Coireo Bellovaco, & Comio Atrebate, exercitum comparare, atque in unum locum cogere, ut omni multitudine in fines Sueffionum, qui Rhemis erant attributi, facerent impressionem; pertinere autem non tantum ad dignitatem, sed etiam ad salutem suam judicaret, nullam calamitatem socios optime de repub. meritos accipere: legionem ex hibernis evocat rursus XI, litteras autem ad C. Fabium mittit, ut in fines Sueffionum legiones. 11, quas habebat, adduceret, alteramque ex duabus à T. Labieno accersit. ita quantum hibernorum opportunitas bellicque ratio postulabat, perpetuo suo labore, invicem legionibus expeditionum onus injungebat. his copiis coactis, ad Bellovacos proficiscitur: castrisque in eorum finibus positis, equitum turmas dimittit in omnes partes ad aliquos excipiendos, ex quibus hostium consilia cognosceret. equites officio functi renunciant paucos in ædificiis esse inventos; atque hos, non qui agrorum incolendorum causa remansissent (namque esse undique diligenter demigratum), sed qui speculandi gratia essent remissi. à quibus quum quæreret

Cæsar,

Cæsar, quo loco multitudo esset Bellovacorum, quodque esset consilium eorum; inveniebat, Bellovacos omnes, qui arma ferre possent, in unum locum convenisse, itemque Ambianos, Aulergos, Calletes, Vellocasses, Atrebates locum castris excelsum, impedita circumdatum palude, delegisse: omnia impedimenta in ultiores silvas contulisse; complures esse principes belli auctores, sed multitudinem maxime Correo obtemperare, quod ei summo odio esse nomen populi R. intellexissent. paucis ante diebus ex his castris Comium discessisse ad auxilia Germanorum adducenda, quorum & vicinitas propinqua, & multitudo esset infinita. constituisse autem Bellovacos, omnium principum consensu, summa plebis cupiditate, si, ut diceretur, Cæsar cum III legionibus veniret, offerre se ad dimicandum; ne, inferiore ac duriore postea conditione cum toto exercitu decertare cogerentur: sin majores copias adduceret, in eo loco permanere, quem delegissent. pabulatione autem, quæ propter anni tempus quum exigua tum disjecta esset, & frumentatione, & reliquo commeatu ex insidiis prohibere Romanos. quæ Cæsar quum, consentientibus plurimis, cognovisset; atque ea, quæ proponerentur, consilia plena prudentiæ, longeque à temeritate barbarorum remota esse judicaret: omnibus rebus inserviendum statuit, quo celerius hostes, contempta suorum paucitate, prodirent in aciem. singularis enim virtutis veteranas legiones VII, IX, & IX habebat, summæ spei, delectæque juventutis XI. quæ octavo jam stipendio functa, tamen, collatione reliquarum, nondum eandem vetustatis & virtutis ceperat opinionem. itaque, consilio advocato, rebus iis, quæ ad se essent delatæ, omnibus expofitis, animos multitudinis confirmat. si forte hostes III legionum numero posset elicere ad dimicandum, agminis ordinem ita constituit: ut legio VII, IX, IX ante omnia iret

impedimenta: deinde omnium impedimentorum agmen (quod tamen erat mediocre, ut in expeditionibus esse consuevit) cogeret XI, ne majoris multitudinis species accidere hostibus posset, quam ipsi depoposcissent. hac ratione pene quadrato agmine instructo, in conspectum hostium celerius opinione eorum exercitum adducit. Quum legiones repente instructas velut in acie certo gradu accedere Galli viderent, quorum erant ad Cæsarem plena fiduciæ consilia perlata: sive certaminis periculo, sive subito adventu, seu expectatione nostri consilii, copias instruunt pro castris; nec loco superiore decedunt. Cæsar, etsi dimicare optaverat, tamen admiratus tantam multitudinem hostium, valle intermissa, magis in altitudinem depressa, quam late patente, castra castris hostium confert. hæc imperat vallo pedum XII muniri, coronisque pro ratione ejus altitudinis inædificari; fossam duplicem, pedum quinum denum, lateribus directis, deprimi; turres crebras excitari, in altitudinem III tabulatorum, pontibus transjectis constratisque conjungi; quorum frontes viminea lorica munirentur, ut hostis à duplici propugnatorum ordine depelleretur; quorum alter ex pontibus, quo tutior altitudine esset, hoc audacius longiusque tela permetteret; alter, qui propior hostem in ipso vallo collocatus esset, ponte ab incidentibus telis tegeretur. portis fores, altioresque turres imposuit. hujus munitionis duplex erat consilium. namque & operum magnitudinem, & timorem suum sperabat fiduciam barbaris allaturum; & quum pabulatum, frumentatumque longius esset proficiendum, parvis copiis castra munitione ipsa videbat posse defendi. interim, crebro paucis utrimque procurrentibus inter bina castra palude interjecta, contendebatur: quam tamen paludē nonnumquam aut nostra auxilia Gallorum Germanorumque transibant, acriusque hostes insequabantur, aut vicissim
hostes

hostes eandem transgressi nostros longius submovebant. Accidebat autem quotidianis pabulationibus (id quod accidere erat necesse, quum raris disiectisque ex ædificiis pabulum conquireretur,) ut impeditis locis dispersi pabulatores circumvenirentur: quæ res etsi mediocre detrimentum jumentorum ac servorum nostris afferebat, tamen stultas cogitationes incitabat barbarorum. atque eo magis, quod Cornius, quem profectum ad auxilia Germanorum accersenda dixeram, cum equitibus venerat: qui tametsi numero non amplius erant quingentis; tamen Germanorum adventu barbari inflabantur. Cæsar, quum animadverteret hostem complures dies castris palude & loci natura munitis se tenere; neque oppugnari castra eorum sine dimicatione perniciofa, nec locum munitionibus claudi nisi à majore exercitu posse; litteras ad Trebonium mittit, ut, quam celerrime posset, legionem XII, quæ cum T. Sextio legato in Biturigibus hiemabat, accerseret, atque ita cum III legionibus magnis itineribus ad se veniret: ipse equites invicem Rhemorum, ac Lingonum, reliquarumque civitatum, quorum magnum numerum evocaverat, præsidio pabulatoribus mittit, qui subitas hostium incursiones sustinerent. quod quum quotidie fieret, ac jam consuetudine diligentia minueretur (quod plerumque accidit diuturnitate), Bellovacii delecta manu peditum, cognitis stationibus quotidianis equitum nostrorum, silvestribus locis insidias disponunt; eodemque equites postero die mittunt, qui primum elicerent nostros in insidias, deinde circumventos aggredierentur. cujus mali fors incidit Rhemis, quibus illa dies fungendi muneris obvenerat. namque, quum repente hostium equites animadvertissent, ac numero superiores paucitatem contempsissent, cupidinis infecuti à peditibus undique sunt circumdati. quo facto perturbati celerius, quam consuetudo fert equestriis præ-

lii, se receperunt, amisso Vertisco, principe civitatis, præfecto equitum: qui quum vix equo propter ætatem posset uti, tamen consuetudine Gallorum, neque ætatis excusatione in suscipienda præfectura usus erat, neque dimicari sine se voluerat. instantur atque incitantur hostium animi secundo prælio, principe & præfecto Rhemorum interfecto. nostri detrimeto admonentur, diligentius exploratis locis stationes disponere, ac moderatius cedentem insequi hostem. non intermittuntur interim quotidiana prælia in conspectu utrorumque castrorum, quæ ad vada transitusque fiebant paludis. qua contentione Germani, quos propterea Cæsar transduxerat Rhenum, ut equitibus interpositi præliarentur, quum constantius universi paludem transissent, paucisque resistentibus interfectis, pertinacius reliquam multitudinem essent insecuti, perterriti non solum ii, qui aut cominus opprimebantur, aut eminus vulnerabantur, sed etiam qui longius subsidiari consueverant, turpiter fugerunt; nec prius finem fugæ fecerunt, sæpe amissis superioribus locis, quam se aut in castra suorum reciperent, aut nonnulli pavore coacti longius profugerent. quorum periculo sic omnes copiæ sunt perturbatæ, ut vix judicari posset, utrum secundis nimis rebus insolentiores, an adversis mediocribusq; timidiores essent. Complurimis diebus iisdem in castris consumptis, quum propius accessisse legiones, & C. Trebonium legatum, cognovissent; duces Bellovacorum veriti similem obsessiorem Alesia, noctu dimittunt eos, quos aut ætate aut viribus inferiores, aut inermes habebant, unaque reliqua impedimenta: quorum perturbatum & confusum dum explicant agmen (magna enim multitudo carrorum etiam expeditos sequi Gallos consuevit), oppressi luce copias armatorum pro suis instruunt castris; ne prius Romani persequi se inciperent, quam longius agmen impedimentorum suorum
pro-

processisset. At Cæsar neque resistentes tanto collis adscensu laceffendos judicabat; neque non usque eo legiones admovendas, ut discedere ex eo loco sine periculo barbari militibus instantibus non possent; ita quum paludem impeditam à castris castra dividere, quæ transeundi difficultas celeritatem insequendi tardare posset; atque id jugum, quod trans paludem pene ad hostium castra pertineret, mediocri valle à castris eorum intercisum animadverteret; pontibus palude constrata, legiones transducit, celeriterque in summam planiciem jugi pervenit; quæ declivi fastigio duobus ab lateribus munebatur. ibi legionibus instructis ad ultimum jugum pervenit; aciemque eo loco constituit, unde tormento missa tela in hostium cuncos conjici possent. Barbari confisi loci natura, quum dimicare non recusarent, si forte Romani subire collem conarentur, paullatimque copias distributas dimittere non auderent, ne dispersi perturbarentur, in acie permanserunt. quorum pertinacia cognita, Cæsar xx cohortibus instructis, castrisque eo loco metatis, muniri jubet castra; absolutis operibus, legiones pro vallo instructas collocat; equites frenatis equis in stationibus disponit. Bello vaci, quum Romanos ad insequendum paratos viderent, neque pernoctare neque diutius permanere sine cibariis eodem loco possent, tale consilium sui recipiendi inierunt: Fasces, ubi confederant (nam, in acie sedere Gallos consueſſe, superioribus commentariis declaratum est), stramentorum ac virgultorum, quorum summa erat in castris copia, per manus inter se transditos, ante aciem collocaverunt; extremoque tempore diei, signo pronunciato, uno tempore incenderunt. ita continens flamma copias omnes repente à conspectu textit Romanorum. quod ubi accidit, barbari vehementissimo cursu fugerunt. Cæsar, etsi discessum hostium animadvertere non poterat incendiis oppositis; tamen id consilium quum

fugæ causâ initum suspicaretur, legiones promovet; & turmas mittit ad insequendum: ipse veritus insidias, ne forte in eodem loco subsistere hostis, atque elicere nostros in locum conaretur iniquum, tardius procedit. Equites, quum intrare fumum & flammam densissimam timerent; ac, si qui cupidius intraverant, vix suorum ipsi priores partes animadverterent equorum, insidias veriti, liberam facultatem sui recipiendi Bellovacis dederunt. ita, fuga timoris simul calliditatisque plena, sine ullo detrimento, millia non amplius x progressi hostes, munitissimo loco castra posuerunt. inde, quum sæpe in insidiis equites peditesque disponderent, magna detrimenta Romanis pabulationibus inferebant. quod quum crebrius accideret, ex captivo quodam comperit Cæsar, Correum Bellovacorum ducem, fortissimorum millia vi peditum delegisse, equitesque ex omni numero ∞, quos in insidiis eo loco collocaret, quem in locum, propter copiam frumenti ac pabuli, Romanos pabulatum missuros suspicaretur. quo cognito consilio, Cæsar, legiones plures, quam solebat, educit; equitatumque, qua consuetudine pabulatoribus mittere præsidio consueverat, præmittit. huic interponit præsidia levis armaturæ: ipse cum legionibus quam potest maxime appropinquat. Hostes in insidiis dispositi quum sibi delegissent campum ad rem gerendam non amplius patentem in omnes partes passibus ∞, silvis undique impeditissimis, aut altissimo flumine, velut indagine munitum, hunc insidiis circundederunt nostri. Explorato hostium consilio, ad præliandum animo atque armis parati, quum, subsequenter legionibus, nullam dimicationem recusarent, turmatim in eum locum devenerunt. quorum adventu quum sibi Correas oblatam occasionem rei gerendæ existimaret, primum cum paucis se ostendit; atque in proximas turmas impetum facit. nostri constanter im-

petum

petum sustinent insidiatorum ; neque plures in unum locum conveniunt ; quod plerumque equestribus præliis quum propter aliquem timorem accidit, tum multitudine ipsorum detrimentum accipitur. quum dispositis turmis invicem rari præliarentur ; neque ab lateribus circumveniri suos paterentur ; erumpunt ceteri, Correo præliante, ex silvis. fit magna contentione diversum prælium : quod quum diutius pari Marte iniretur ; paullatim ex silvis instructa multitudo procedit peditum, quæ nostros cogit. cedere equites : quibus celeriter subveniunt levis armaturæ pedites, quos ante legiones missos docui ; turmisque nostrorum interpositi, constanter præliantur. pugnatur aliquandiu pari contentione : deinde, ut ratio postulabat prælii, qui sustinuerant primos impetus insidiarum, hoc ipso fiunt superiores, quod nullum ab insidiantibus imprudentes acceperant detrimentum. accedunt propius interim legiones : crebrique eodem tempore & nostris & hostibus nuntii afferuntur, imperatorem instructis copiis adesse, qua re cognita, præsidio cohortium confisi nostri, acerrime præliantur : ne, si tardius rem gessissent, victoriæ gloriam communicasse cum legionibus viderentur. Hostes concidunt animis ; atque itineribus diversis fugam quærunt. nequidquam. nam quibus difficultatibus locorum Romanos claudere voverant, iis ipsi tenebantur. victi tamen, propulsi-que, majore parte amissa, consternati, quo fors tulerat, confugiunt : partim silvis petitis, partim flumine ; qui tamen in fuga à nostris acriter insequentibus conficiuntur. quum interim nulla calamitate victus Correo, excedere prælio, silvasque petere, aut invitantibus nostris ad deditionem, potuit adduci, quin fortissime præliando, compluresque vulnerando, cogeret elatos iracundia victores in se tela conijcere. Tali modo re gesta, recentibus prælii vestigiis ingressus Cæsar, quum victos tanta calamita-

mitate existimaret hostes, nuncio accepto, locum castrorum relicturos, quæ non longius ab ea cæde abesse plus minus IIX millibus passuum dicebantur, tametsi flumine impeditum transitum videbat; tamen, exercitu transducto, progreditur. At Bellovaci, reliquæque civitates, repente ex fuga paucis, atque his vulneratis, receptis, qui silvarum beneficio casum evitaverant, omnibus adversis, cognita calamitate, interfecto Correo, amisso equitatu, & fortissimis peditibus, quum adventare Romanos existimarent, concilio repente cantu tubarum convocato, conclamant, ut legati obsidesque ad Cæsarem mittantur. hoc omnibus probato consilio, Comius Atrebas ad eos profugit Germanos, à quibus ad id bellum auxilia mutuatus erat. ceteri evestigio mittunt ad Cæsarem legatos; petuntque, ut ea poena sit contentus [hostium,] quam si sine dimicatione inferre integris posset, pro sua clementia atque humanitate numquam profecto esset illaturus: afflictas opes equestri prælio Bellovacorum esse: delectorum peditum multa millia interiisse: vix refugisse nuncios cædis. tamen magnum, ut in tanta calamitate, Bellovacos eo prælio commodum esse consecutos; quod Correas, auctor belli, concitator multitudinis esset interfectus. numquam enim senatum tantum in civitate, illo vivo, quantum imperitam plebem potuisse. Hæc orantibus legatis, commemorat Cæsar, eodem tempore superiore anno Bellovacos ceterasque Gallia civitates suscepisse bellum: pertinacissime hos ex omnibus in sententia permanisse, neque ad sanitatem reliquorum deditione esse perductos: scire atque intelligere se, causam peccati facillime mortuis delegari: neminem vero tantum pollere, ut invitis principibus, resistente senatu, omnibus bonis repugnantibus, infirma manu plebis bellum concitare & gerere posset: sed tamen se contentum fore ea poena, quam sibi ipsi contraxissent.

sent. Nocte insequenti legati responsa ad suos referunt, obsides conficiunt. concurrunt reliquarum civitatum legati, quæ Bellovacorum speculabantur eventum: obsides dant, imperata faciunt: excepto Comio, quem timor cohibebat, cujusquam fidei suam committere salutem. nam superiore anno T. Labienus, Cæsare in Gallia citeriore jus dicente, quum Comium comperisset sollicitare civitates, & conjurationem contra Cæsarem facere, infidelitatem ejus sine ulla perfidia judicavit comprimi posse; quem quia non arbitrabatur vocatum in castra venturum, ne tentando cautionem faceret, C. Volusenum Quadratum misit, qui eum, per simulationem colloquii, curaret interficiendum. ad eam rem delectos transdidit centuriones. quum in colloquium ventum esset, & ut convenerat, manum Comii Volusenus arripuisset, centurio, velut insueta re pernotus, vellet hominem conficere, celeriter à familiaribus prohibitus Comii, non potuit. graviter tamen primo ictu gladio caput percussit. quum utrimque gladii districti essent, non tam pugnandi quam disfrugiendi fuit utrorumque consilium; nostrorum, quod mortifero vulnere Comium credebant affectum; Gallorum, quod, insidiis cognitis, plura, quam videbant, extimescebant. quo facto statuisse Comius dicebatur, numquam in conspectum cujusquam Romani venire. Bellicosissimis gentibus devictis, Cæsar, quum videret nullam jam esse civitatem, quæ bellum pararet, quo sibi resisteret; sed nonnullos ex opidis demigrare, ex agris effugere, ad præsens imperium evitandum; plures in partes exercitum dimittere constituit. M. Antonium quæstorem, cum legione xi sibi conjungit: C. Fabium legatum cum cohortibus xxv mittit in diversissimam partem Galliæ, quod ibi quasdam civitates in armis esse audiebat: neque C. Caninium Rebilum legatum, qui illis regionibus præerat, satis firmas ii legiones habere existima-

stimabat. T. Labienum ad se evocat : legionemque XII, quæ cum eo fuerat in hibernis, in Togatam Galliam mittit, ad colonias civium Romanorum tuendas ; ne quod simile incommodum accideret decursione barbarorum, ac superiore ætate Tergestinis accidisset ; qui repentino latrocinio, atque impetu eorum erant oppressi. ipse ad devastandos depopulandosque fines Ambiorigis proficiscitur : quem perterritum atque fugientem quum redigi posse in suam potestatem desperasset ; proximum [suæ dignitati] esse ducebat, adeo fines ejus vastare civibus, ædificiis, pecore, ut odio suorum Ambiorix, si quos fortuna fecisset reliquos, nullum reditum propter tantas calamitates haberet in civitatem. quum in omnes partes finium Ambiorigis aut legiones aut auxilia dimisisset, atque omnia cædibus, incendiis, rapinis vastasset ; magno numero hominum interfecto aut capto, Labienum cum 11 legionibus in Treviros mittit ; quorum civitas, propter Germaniæ vicinitatem, quotidianis exercitata bellis, cultu & feritate non multum à Germanis differebat : neque imperata umquam, nisi exercitu coacta, faciebat. Interim C. Caninius legatus, quum, magnam multitudinem convenisse hostium in fines Pictorum, litteris nunciisque Duracii cognovisset, qui perpetuo in amicitia Romanorum permanerat ; quum pars quædam civitatis ejus defecisset, ad oppidum Limonum contendit. quo quum adventaret, atque ex captivis certius cognosceret, multis hominum millibus, Dumnaco duce Andium, Duracium clausum, Limonum oppugnari ; neque infirmas legiones hostibus committere auderet ; castra munito loco posuit. Dumnacus, quum appropinquare Caninium cognovisset, copiis omnibus ad legiones conversis, castra Romanorum oppugnare instituit. quum complures dies in oppugnatione consumpsisset ; &, magno suorum detrimento, nullam partem muni-

munitionum convellere potuisset, rursus ad obsidendum Limonum redit. Eodem tempore C. Fabius legatus complures civitates in fidem recipit, obsidibus firmat, litterisque C. Caninii certior fit, quæ in Pictonibus gerantur. quibus rebus cognitis, proficiscitur ad auxilium Duracio ferendum. at Dumnaeus, adventu Fabii cognito, desperata salute, si tempore eodem coactus esset & Romanum externum sustinere hostem, & respicere ac timere opidanos, repente eo ex loco cum copiis recedit. nec se satis tutum fore arbitratur, nisi flumen Ligerim, quod erat ponte propter magnitudinem transeundum, copias transduxisset. Fabius, etsi nondum in conspectum venerat hostibus, neque se cum Caninio conjunxerat, tamen doctus ab iis, qui locorum noverrant naturam, potissimum credidit, hostes perterritos eum locum, quem petebant, petituros. itaque cum copiis ad eundem pontem contendit, equitatumque tantum procedere ante agmen imperat legionum, quantum quum processisset, sine defatigatione equorum in eadem se reciperet castra. Consequuntur equites nostri, ut erat præceptum, invaduntque Dumnaci agmen: & fugientes perterritosq; sub sarcinis in itinere aggressi, magna præda, multis interfectis, potiuntur. itaque, re bene gesta, se recipiunt in castra. insequenti nocte Fabius equites præmittit, sic paratos, ut confligerent, atq; omne agmen morarentur, dum consequeretur ipse. cuius præceptis, ut res gereretur, Q. Atius Varus, præfectus equitum, singularis & animi & prudentiæ vir, suos hortatur, agmenq; hostium consecutus, turmas partim idoneis locis disponit, partim equitum prælium committit. consistit audacius equitatus hostium, succedentibus sibi peditibus, qui toto agmine subsistentes equitibus suis contra nostros ferunt auxilium. fit prælium acri certamine. namque nostri, contemptis pridie superatis hostibus, quum subsequi legiones me-

minis-

minissent, & pudore cedendi, & cupiditate celerius per se conficiendi praelii, fortissime contra pedites praeliantur: hostesque nihil amplius copiarum accessurum credentes, ut pridie cognoverant, delendi equitatus nostri naſti occasionem videbantur. quum aliquandiu summa contentione dimicaretur, Dumnacus instruit aciem, quæ suis eſſet equitibus invicem præſidio. tum repente confertæ legiones in conſpectum hoſtium veniunt. quibus viſis percuſſæ barbarorum turmæ, ac perterritæ acies hoſtium, perturbato impedimentorum agmine, magno clamore diſcurſuque paſſim fugæ ſe mandant. at noſtri equites, qui paullo ante cum reſiſtentibus fortissime conſixerant, lætitiæ victoriæ elati, magno undique clamore ſublato, cedentibus circumfuſi, quantum equorum vires ad perſequendum, dextræque ad cædendum valent, tantum eo prælio interficiunt. itaque amplius millibus xxi aut armatorum, aut eorum, qui timore arma projecerant, interfectis, omnis multitudo capitur impedimentorum. Qua ex fuga quum conſtaret, Drapetem Senonem (qui, ut primum defecerat Gallia, collectis undique perditis hominibus, ſervis ad libertatem vocatis, exſulibus omnium civitatum accitis, receptis latronibus, impedimenta & commeatus Romanorum interceperat) non amplius hominum v millibus ex fuga collectis, provinciam petere; unaque conſilium cum eo Luterium Cadurcū cepiſſe, quem in ſuperiore commentario, prima defectione Galliæ facere in provinciam impetum voluiſſe, cognitum eſt; Caninius legatus cum legionibus ii ad eos perſequendos contendit, ne de timore aut detrimento provinciæ magna infamia, perditorum hominum latrociniis, caperetur. C. Fabius cum reliquo exercitu in Carnutes, reliquasque proficiſcitur civitates, quarum eo prælio, quod cum Dumnaco fecerat, copias eſſe accitas ſciebat. non enim dubitabat, quin recenti calamitate ſub-

miſſo.

missiores essent futuræ; dato vero spatio ac tempore, eodem instante Dumnaco, possent concitari. quia in re summa felicitas celeritasque in recipiendis civitatibus Fabium consequitur. nam Carnutes, qui sæpe vexati nunquam pacis fecerant mentionem, datis obsidibus, veniunt in deditionem; ceteræque civitates posita in ultimis Galliæ finibus, Oceano conjunctæ, quæ Armoricæ appellantur, auctoritate adductæ Carnutum, adventu Fabii legionumque, imperata sine mora faciunt. Dumnacus suis finibus expulsus, errans, latitansque, solus extremas Galliæ regiones petere coactus est. At Drapes, unaque Luterius, quum legiones Caniniumque adesse cognoscerent, nec se sine certa pernicie, persequente exercitu, putarent Provinciæ fines intrare posse; nec jam liberam vagandi latrocinandique facultatem haberent, consistunt in agris Cadurcorum. ibi quum Luterius apud suos cives quondam, integris rebus, multum potuisset, semperque auctor novorum consiliorum magnam apud barbaros auctoritatem haberet: opidum Uxellodunum, quod in clientela fuerat ejus, natura loci egregie munitum, occupat suis & Drapetis copiis, opidanosque sibi conjungit. quo quum confestim C. Caninius venisset, animadverteretque omnes opidi partes præruptissimis saxis esse munitas, quo, defendente nullo, tamen armatis adscendere esset difficile; magna autem impedimenta opidanorum videret: quæ si clandestina fuga subtrahere conarentur, effugere non modo equitatum, sed ne legiones quidem possent: tripartito cohortibus divisus, trina excelsummo loco castra fecit, à quibus paullatim, quantum copiarum patiebantur, vallum in opidi circuitu ducere instituit. quod quum animadverterent opidani, miserrimæque Alessiæ memoria solliciti, similem casum obsessionis vererentur, maximeque ex omnibus Luterius, qui fortunæ illius periculum fecerat, inoneret rationem

nem frumenti esse habendam: constituunt omnium consensu parte ibi relicta copiarum, ipsi cum expeditis ad importandum frumentum proficisci: eo consilio probato, proxima nocte, i i millibus arinatorum relictis, reliquos ex opido Drapes & Luterius educunt: ii, paucos dies morati, ex finibus Cadurcorum, qui partim re frumentaria sublevare eos cupiebant, partim prohibere, quo minus fumerent, non poterant; magnum numerum frumenti comparant. nonnumquam autem expeditionibus nocturnis castella nostrorum adoriuntur. quam ob causam C. Caninius toto opido munitiones circumdare moratur; ne aut opus effectum tueri non possit, aut plurimis in locis infirma disponat praesidia. magna copia frumenti comparata, confidunt Drapes & Luterius non longius ab opido x millibus passuum, unde paullatim frumentum supportarent. ipsi inter se provincias partiuntur. Drapes castris praesidio cum parte copiarum restitit: Luterius agmen iumentorum ad opidum adducit. dispositis ibi praesidiis, hora noctis circiter x silvestribus angustisque itineribus frumentum importare in opidum instituit. quorum strepitum vigiles castrorum quum sensissent; exploratoresque missi, quae agerentur, renuntiassent; Caninius celeriter cum cohortibus armatis ex proximis castellis, in frumentarios sub ipsam lucem impetum fecit. ii, repentino malo perterriti, diffugiunt ad sua praesidia: quae nostri ut viderunt, acrius contra armatos incitati, neminem ex eo numero vivum capi patiuntur. effugit inde cum paucis Luterius, nec se recipit in castra. re bene gesta, Caninius ex captivis comperit, partem copiarum cum Drapete esse in castris millibus non amplius x. qua re ex compluribus cognita, quum intelligeret, fugato duce altero, perterritos reliquos facile opprimi posse; magnae felicitatis esse arbitrabatur, neminem ex eade refugisse in castra, qui de
accepta

accepta calamitate nuncium Drapeti perferret. sed, quum in experiundo periculum nullum videret, equitatum omnem, Germanosque pedites summæ velocitatis omnes ad castra hostium præmittit. ipse legionem unam in tria castra distribuit; alteram secum expeditam ducit. quum propius hostem accessisset, ab exploratoribus, quos præmiserat, cognoscit, castra eorum, ut barbarorum fert consuetudo, relictis locis superioribus, ad ripas fluminis esse demissa, at Germanos equites imprudentibus omnibus de improvviso advolasse, & prælium commisisse. qua re cognita, legionem armatam instruatamque adducit. ita, repente omnibus ex partibus signo dato, loca superiora capiuntur. quod ubi accidit, Germani equites, signis legionis visis, vehementissime præliantur. confestim omnes cohortes undique impetum faciunt: omnibus aut interfectis, aut captis, magna præda potiuntur. capitur ipse eo prælio Drapes. Caninius, felicissime re gesta, sine ullo pene militis vulnere, ad obsidendos opidanos revertitur. externoque hoste deleta, cujus timore augere præsidia, & munitione opidanos circumdare prohibitus erat, opera undique imperat administrari. venit eodem cum suis copiis postero die C. Fabius, partemque opidi sumit ad obsidendum. Cæsar interim M. Antonium quæstorem cum cohortibus xv in Bellovacis reliquit; ne qua rursus novorum consiliorum capiendorum Belgis facultas daretur. ipse reliquas civitates adit: obsides plures imperat: timentes omnium animos consolatione sanat. quum in Carnutes venisset, quorum consilio in civitate superiore Comentario Cæsar exposuit initium belli esse ortum, quod præcipue eos propter conscientiam facti timere animadvertibat; quo celerius civitatem metu liberaret, principem sceleris ipsius, & concitatore bellum Guturvatum ad supplicium deponcit. qui etsi ne civibus quidem suis se committebat;

bat; tamen celeriter, omnium cura quæsitus, in castra perducitur. cogitur in ejus supplicium Cæsar contra naturam suam, maximo militum concursu; qui omnia pericula & detrimenta belli à Guturvato accepta referebant; adeo ut verberibus exanimatum corpus securi feriretur. ibi crebris literis Caninii fit certior, quæ de Drapete & Luterio gesta essent, quoque in consilio permanerent opidani: quorum etsi paucitatem contemnebat, tamen pertinaciam magna poena esse afficiendam judicabat; ne universa Gallia non vires sibi defuisse ad resistendum Romanis, sed constantiam, putaret; neve hoc exemplo ceteræ civitates, locorum opportunitate fretæ, se vindicarent in libertatem; quum omnibus Gallis notum esse sciret, reliquam esse unam æstatem suæ provinciae; quam si sustinere potuissent, nullum ultra periculum vererentur. itaque Q. Calenum legatum cum legionibus II relinquit, qui justis itineribus se subsequeretur: ipse cum omni equitatu, quam potest celerrime, ad Caninium contendit. quum, contra expectationem omnium, Cæsar Uxellodunum venisset, opidumque operibus clausum animadverteret; neque ab oppugnatione recedi videret ulla conditione posse; magna autem copia frumenti abundare opidanos ex perfugis cognovisset: aqua prohibere hostem tentare cœpit. Flumen infimam vallem dividebat, quæ pene totum montem cingebat, in quo positum erat præruptum undique opidum Uxellodunum. hoc avertere loci natura prohibebat. sic enim imis radicibus montis ferebatur, ut nullam in partem, depressis fossis, derivari posset. erat autem opidanis difficilis & præruptus eo descensus; ut, prohibentibus nostris, sine vulneribus, ac periculo vitæ, neque adire flumen, neque arduo se recipere possent adscensu. qua difficultate eorum cognita, Cæsar, sagittariis funditoribusque dispositis, tormentis etiam de quibusdam locis contra facili-

cillimos descensus collocatis, aqua fluminis prohibebat opidanos: quorum omnis postea multitudo aquatum unum in locum conveniebat. sub ipsius opidi murum magnus fons prorumpebat ab ea parte, quæ fere pedum CCC intervallo fluminis circuitu vacabat. hoc fonte prohiberi posse opidanos quum optarent reliqui; Cæsar unus videret, non sine magno periculo; è regione ejus vineas agere adversus montem, & aggeres struere cœpit, magno cum labore, & continua dimicatione. opidani enim loco superiore decurrentes sine periculo præliabantur, multosque pertinaciter succedentes vulnerabant, ut tamen non deterrerentur milites nostri vineas proferre, & labore atque operibus locorum vincere difficultates. eodem tempore testos cuniculos, crates & vineas agunt ad caput fontis. quod genus operis sine ullo periculo, & sine suspitione hostium facere licebat. exstruitur agger in altitudinem pedum LX. collocatur in eo turris x tabulatorum, non quidem quæ mœnibus æquaretur (id enim nullis operibus effici poterat), sed quæ superaret fontis fastigium. ex ea quum tela tormentis jacerentur ad fontis aditus; nec sine periculo possent adaquari opidani; non tantum pecora atque jumenta, sed etiam magna hominum multitudo siti consumebatur. quo malo perterriti opidani, cupas sevo, pice, scandulis complent. eas ardentes in opera provolvunt. eodem tempore acerrime præliantur, ut ab incendio restinguendo dimicatione & periculo deterreant Romanos. magna repente in ipsis operibus flamma existit. quæcunque enim per locum præcipitem missa erant, ea vineis & aggere suppressa comprehendebant id ipsum quod morabatur. milites contra nostri, quanquam periculoso genere prælii locoque iniquo premebantur, tamen omnia paratissimo sustinebant animo. res enim gerebatur & excessivo loco, & in conspectu exercitus nostri: magnusque

utrimque clamor oriebatur: ita quam quisque poterat, maxime insignis, quo notior testatorque virtus ejus esset, telis hostium flammæq; se offerebat. Cæsar, quum complures suos vulnerari videret, ex omnibus opidi partibus cohortes montem adscendere, & simulatione mœnium occupandorum, clamorem undique jubet tollere. quo factò perterriti opidani, quū quid ageretur in locis reliquis, essent ignari, revocant ab impugnandis operibus armatos, murisque disponunt. ita nostri, sine prælii factò, celeriter opera flamma comprehensa partim restinguunt, partim interfcindunt. quum pertinaciter resisterent opidani, & jam magna parte suorum siti amissa, in sententia permanerent: ad postremum cuniculis venæ fontis intercisæ sunt, atque averisæ. quo factò repente fons perennis exhaustus, tantam attulit opidanis salutis desperationem, ut id non hominum consilio, sed Deorum voluntate factum putarent. itaque necessitate coacti se transdiderunt. Cæsar, quum suam lenitatem cognitam omnibus sciret, neque vereretur, ne quid crudelitate naturæ videretur asperius fecisse, neque exitum consiliorum suorum animadverteret, si tali ratione diversis in locis plures rebellare cœpissent; exemplo supplicii deterrendos reliquos existimavit. itaque omnibus, qui arma tulerant, manus præcidit. vitam concessit, quo testatior esset pœna improborum. Drapes, quem captum esse à Caninio docui, sive indignatione, & dolore vinculorum, sive timore gravioris supplicii, paucis diebus sese cibo abstinuit, atque ita interiit. Eodem tempore Luterius, quem profugisse ex prælio scripsi, quum in potestatem venisset Epasnaçti Arverni (crebro enim mutandis locis, multorum fidei se committebat, quod nusquam diutius sine periculo commoraturus videbatur, quum sibi conscius esset, quam inimicum deberet Cæsarem habere), hunc Epasnaçtus Arvernus, amicissimus populi R. sine dubitatione ulla

vincitum ad Cæsarem duxit. Labienus interim in Trevisis equestre prælium secundum facit; compluribusque Trevisis interfectis, & Germanis, qui nulli adversus Romanos auxilia denegabant, principes eorum vivos in suam redegit potestatem, atque in iis Surum Æduum, qui & virtutis, & generis summam nobilitatem habebat, solusque ex Æduis ad id tempus permanerat in armis. Ea re cognita, Cæsar quum in omnibus partibus Galliæ bene res gestas videret, judicaretque superioribus æstivis Galliam devictam & subactam esse, Aquitaniam nunquam ipse adisset, sed per P. Crassum quadam ex parte devicisset; cum *ii* legionibus in eam partem est profectus, ubi extremum tempus consumeret æstivorum. quam rem, sicut cetera, celeriter feliciterque confecit. namque omnes Aquitanicæ civitates legatos ad eum miserunt, obsidesque ei dederunt. quibus rebus gestis, ipse cum equitum præsidio Narbonem profectus est: exercitum per legatos in hiberna deduxit: *iv* legiones in Belgio collocavit cum M. Antonio, & C. Trebonio, & P. Vatinio, & Q. Tullio legatis. *ii* in Æduos misit, quorum in omni Gallia summam esse auctoritatem sciebat: *ii* in Turonis ad fines Carnutum posuit, quæ omnem regionem conjunctam Oceano continerent: *ii* reliquas in Lemovicum fines non longe ab Arvernibus, ne qua pars Galliæ vacua ab exercitu esset. paucos dies ipse in Provincia moratus, quum celeriter omnes conventus percucurrisset; publicas controversias cognovisset; bene meritis præmia tribuisset (cognoscendi enim maximam facultatem habebat, qualis quisque animo in reip. fuisset totius Galliæ defectione, quam sustinuerat fidelitate atque auxiliis provincie illius). his rebus confectis, ad legiones in Belgium se recipit. hibernavitque Nemetocennæ. ibi cognoscit Comium Atrebatem prælio cum equitatu suo contendisse. nam quum Antonius in hiber-

na venisset, civitasque Atrebatum in officio maneret; Comius, qui post illam vulnerationem, quam supra commemoravimus, semper ad omnes motus paratus suis civibus esse consuesset, ne consilia belli quarentibus auctor armorum duxque deesset, parente Romanis civitate, cum suis equitibus se suosque latrociniiis alebat, infestisque itineribus comitatus complures, qui comportabantur in hiberna Romanorum, intercipiebat. erat attributus Antonio præfectus equitum C. Volusenus Quadratus, qui cum eo hiemaret. hunc Antonius ad persequendum equitatum hostium mittit. Volusenus autem ad eam virtutem, quæ singularis in eo erat, magnum odium Comii adjungebat, quo libentius id faceret, quod imperabatur. itaque, dispositis insidiis, sæpius ejus equites aggressus, secunda prælia faciebat. novissime, quum vehementius contenderetur, ac Volusenus impius intercipiendi Comii cupiditate pertinacius eum cum paucis insecutus esset; ille autem fuga vehementi Volusenum longius produxisset; repente omnium suorum invocat fidem atque auxilium, ne sua vulnera, perfidia interposita, paterentur inulta; conversoque equo, se à ceteris incautius permittit in præfectum: faciunt idem omnes ejus equites, paucosque nostros convertunt atque insequuntur. Comius incensum calcaribus equum jungit equo Quadrati, lanceaque infesta medium femur ejus magnis viribus transjicit. præfecto vulnerato, non dubitant nostri resistere, & conversi hostem peller. quod ubi accidit, complures hostium, magno nostrorum impetu pulsî, vulnerantur, & partim in fuga prote-runtur, partim intercipiuntur. quod ubi malum dux equi velocitate evitavit; graviter vulneratus præfectus, ut vitæ periculum aditurus videretur, refertur in castra. Comius autem sive expiato suo dolore, sive magna parte amissa suorum, legatos ad Antonium mittit, seque ibi futurum, ubi præscripserit, & ea factu-

facturum, quæ imperaverit, obsidibus datis firmat: unum illud erat, ut timori suo concedatur, ne in conspectum veniat cujusquam Romani. quam postulationem Antonius quum judicaret ab justo nasci timore, veniam petenti dedit; obsides accepit.

SCIO, *Cæsarem singulorum annorum singulos Commentarios confecisse: quod ego non existimavi mihi esse faciendum: propterea quod insequens annus L. Paulo, C. Marcello, Coss. nullas habet Gallia magnopere res gestas. Ne quis tamen ignoraret, quibus in locis Cæsar exercitusque eo tempore fuissent, pauca scribenda conjungendaque huic Commentario statui.*

CÆSAR, quum in Belgio hiemaret, unum illud propositum habebat, continere in amicitia civitates, nulli spem aut causam dare armorum. nihil enim minus volebat, quam sub discessum suum necessitatem sibi aliquam imponi belli gerendi: ne, quum exercitum deducturus esset, bellum aliquod relinqueretur, quod omnis Gallia libenter sine præsentis periculo susciperet. itaque, honorifice civitates appellando, principes maximis præmiis afficiendo, nulla onera nova imponendo, defessam tot adversis præliis Galliam, conditione parendi meliore, facile in pace continuit. ipse, hibernis peractis, contra consuetudinem in Italiam quam maximis itineribus est profectus, ut municipia & colonias appellaret, quibus M. Antonii quæstoris sui commendaret sacerdotii petitionem. contendebat enim [gratia] quum libenter pro homine sibi conjunctissimo, quem paullo ante præmiserat ad petitionem; tum acriter contra factionem & potentiam paucorum, qui, M. Antonii repulsa, Cæsaris decedentis convellere gratiam cupiebant. hunc etsi augurem prius factum, quam Italiam attingeret, in itinere audierat, tamen non minus justam sibi causam municipia &

colonias adeundi existimavit, ut iis gratias ageret, quod frequentiam atque officium suum Antonio præstitissent: simulque se & honorem suum in sequentis anni commendaret petitione; propterea quod insolenter adversarii sui gloriarentur, L. Lentulum & C. Marcellum Coss. creatos, qui omni honore & dignitate Cæsarem exspoliarent: creptum Ser. Galbæ consulatum, quum is multo plus gratia suffragiisque valuisset, quod sibi conjunctus & familiaritate & necessitudine legationis esset. exceptus est Cæsaris adventus ab omnibus municipiis & coloniis incredibili honore atque amore. tum primum enim veniebat ab illo universæ Galliæ bello. nihil relinquebatur, quod ad ornatum portarum, itinerum, locorumque omnium, qua Cæsar iturus erat, excogitari posset. cum liberis omnis multitudo obviam procedebat. hostiæ omnibus locis immolabantur: tricliniis stratis fora templaque occupabantur, ut vel expectatissimi triumphi lætitia præcipi posset. tanta erat magnificentia apud opulentiores, cupiditas apud humiliores. Quum omnes regiones Galliæ Togatæ Cæsar percucurrisset, summa celeritate ad exercitum Nemetocennam rediit; legionibusque ex omnibus hibernis ad fines Trevirorum evocatis, eo profectus est; ibique exercitum lustravit. T. Labienum Galliæ Togatæ præfecit, quo majore commendatione conciliaretur ad consulatus petitionem. ipse tantum itinerum faciebat, quantum satis esse ad mutationem locorum, propter salubritatem existimabat. Ibi quanquam crebro audiebat, Labienum ab inimicis suis sollicitari; certiorque fiebat, id agi paucorum consiliis, ut, interposita senatus auctoritate aliqua parte exercitus spoliaretur: tamen neque de Labieno credidit quidquam, neque contra senatus auctoritatem, ut aliquid faceret, potuit adduci. judicabat enim, liberis sententiis patrum conscriptorum causam suam facile obtineri. nam

C. Curio, tribunus pl. quum Cæsaris causam dignitatemque defendendam suscepisset, sæpe erat senatui pollicitus; si quem timor armorum Cæsaris læderet, &, quoniam Pompeii dominatio atque arma non minimum terrorem foro inferrent, discederet uterque ab armis, exercitusque dimitteret. fore eo pacto liberam, & sui juris civitatem. neque hoc tantum pollicitus est; sed etiam per se senatus discessionem facere cœpit. quod ne fieret, consules amique Pompeii intercesserunt, atque, ita rem moderando, discesserunt. magnum hoc testimonium senatus erat universi, conveniensque superiori facti. nam Marcellus proximo anno, cum impugnet Cæsaris dignitatem, contra legem Pompeii & Crassi, retulerat ante tempus ad senatum, de Cæsaris provinciis; sententiisque dictis, discessionem faciente Marcello, qui sibi omnem dignitatem ex Cæsaris invidia quærebat; senatus frequens in alia omnia transiit. quibus non frangebantur animi inimicorum Cæsaris, sed admonebantur, quo majores pararent necessitudines, quibus cogi posset senatus id probare, quod ipsi constituissent. Fit deinde SC. ut ad bellum Parthicum legio una à Cn. Pompeio, altera à C. Cæsare mitterentur. neque obscure hæ duæ legiones uni Cæsari detrahuntur. nam Cn. Pompeius legionem primam, quam ad Cæsarem miserat, confectam ex delectu provinciae, Cæsari eam tanquam ex suo numero dedit. Cæsar tamen, quum de voluntate adversariorum nemini dubium esset, Cn. Pompeio legionem remisit, & ex suo numero xv, quam in Gallia citeriore habuerat, ex SC. jubet transdi. in ejus locum xiii legionem in Italiam mittit, quæ præsidia tueretur, ex quibus præsidii xv deducebatur: ipse exercitum distribuit per hiberna; C. Trebonium cum legionibus iv in Belgio collocat; C. Fabium cum totidem in Æduos deducit. sic enim existimabat tutissimam fore Galliam, si

Belgæ , quorum maxima virtus , & Ædui , quorum auctoritas summa esset , exercitibus continerentur. Ipse in Italiam profectus est: quo quum venisset, cognoscit , per C. Marcellum consulem legiones 11 ab se remissas , quæ ex SC. deberent ad Parthicum bellum duci, Cn. Pompeio transditas, atque in Italia rentas esse. hoc facto, quamquam nulli erat dubium, quin arma contra Cæsarem pararentur. tamen Cæsar omnia patienda esse statuit , quoad sibi spes aliqua relinqueretur jure potius disceptandi , quam belli gerendi.

C. JULII CÆSARIS
COMMENTARIORUM
DE BELLO CIVILI

LIBER I.

Litteris [à Fabio C.] Cæsaris consulibus redditis , ægre ab iis impetratum est , summa tribunorum pl. contentione, ut in senatu recitarentur. ut vero ex litteris ad senatum referretur, impetrari non potuit. Referunt consules de rep. (in civitate) , L. Lentulus consul senatui reique pub. se non defuturum pollicetur, si audacter ac fortiter sententias dicere velint: sin Cæsarem respiciant, atque ejus gratiam sequantur, ut superioribus fecerint temporibus, se sibi consilium capturum , neque Senatus auctoritati obtemperaturum : habere se quoque ad Cæsaris gratiam atque amicitiam receptum. In eandem sententiam loquitur Scipio : Pompeio esse in animo , reip. non deesse , si senatus sequatur : sin cunctetur atque agat lenius , nequidquam ejus auxilium , si postea velit, imploraturum. Hæc Scipionis oratio, quod senatus in urbe habebatur, Pompeiusque aderat , ex ipsius ore Pompeii mitti videbatur. Dixerat aliquis leniorem

niorem sententiam: ut primo M. Marcellus; ingressus in eam orationem, non oportere ante de rep. ad senatum referri, quam delectus tota Italia habiti, & exercitus conscripti essent; quo præsidio tutò & libere senatus, quæ vellet, decernere auderet: ut M. Calidius; qui censebat, ut Pompeius in suas provincias proficisceretur, ne qua esset armorum causa: timere Cæsarem, abreptis ab eo 11 legionibus, ne ad ejus periculum reservare & retinere eas ad urbem Pompeius videretur: ut M. Rufus; qui sententiam Calidii, paucis fere mutatis verbis, sequebatur. ii omnes convicio L. Lentuli consulis correpti exagitabantur. Lentulus sententiam Calidii pronunciaturum se omnino negavit. Marcellus perterritus conviciis, à sua sententia discessit. Sic vocibus consulis, terrore præsentis exercitus, minis amicorum Pompeii, plerique compulsi, inviti & coacti, Scipionis sententiam sequuntur; Uti ante certam diem Cæsar exercitum dimittat. si non faciat, eum adversus remp. facturum videri. Intercedit M. Antonius, Q. Cassius, tribuni pl. Refertur confestim de intercessione tribunorum. dicuntur sententiæ graves: ut quisque acerbissime crudelissimeque dixit, ita quam maxime ab inimicis Cæsaris collaudatur. Misso ad vesperum senatu, omnes, qui sunt ejus ordinis, à Pompeio evocantur. laudat promptos, atque in posterum confirmat; segniores castigat, atque incitat. multi undiq; ex veteribus Pompeii exercitibus, spe præmiorum atque ordinum, evocantur. multi ex duabus legionibus, quæ sunt traditæ à Cæsare, accersuntur. completur urbs ad jus comitiorum. tribunos pl. C. Curio evocat. omnes amici consulum, necessarii Pompeii, atque eorum, qui veteres inimicitias cum Cæsare gerebant, coguntur in senatum. quorum vocibus & concursu terrentur infirmiores, dubii confirmantur, plerisque vtro libere potestas decernendi eripitur. pollicetur L. Piso Censor, sese iturum ad Cæsarem;

item L. Roscius prætor, qui de his rebus eum doceant. vi dies ad eam rem conficiendam spatii postulant. dicuntur etiam à nonnullis sententiæ, ut legati ad Cæsarem mittantur, qui voluntatem senatus ei proponant. omnibus his resistitur, omnibusque oratio consulis, Scipionis, Catonis opponitur. Catonem veteres inimicitie Cæsaris incitant, & dolor repulsæ. Lentulus aris alieni magnitudine, & spe exercitus, ac provinciarum, & regum appellandorum largitionibus moyetur: seque alterum fore Syllam, inter suos gloriatur, ad quem summa imperii redeat. Scipionem eadem spes provincie atque exercituum impellit, quos se pro necessitudine partituum cum Pompeio arbitratur: simul iudiciorum metus, adulatio, atque ostentatio sui potentium, qui in rep. iudiciisque tum plurimum pollebant. ipse Pompeius ab inimicis Cæsaris incitatus, & quod neminem dignitate secum exæquari volebat, totum se ab ejus amicitia averterat, & cum communibus inimicis in gratiam redierat; quorum ipse maximam partem illo affinitatis tempore adjunxerat Cæsari. simul infamia 11 legionum permotus, quas ab itinere Asiæ Syriæque ad suam potentiam dominatumque converterat, rem ad arma deduci studebat. His de causis aguntur omnia raptim atque turbate, neque docendi Cæsaris propinquis ejus spatium datur, nec tribunis pl. sui periculi deprecandi, neque etiam extremi juris intercessione retinendi, quod L. Sylla reliquerat, facultas tribuitur; sed de sua salute die vii cogitare coguntur, quod illi turbulentissimi superioribus temporibus tribuni pl. iix denique mense suarum actionum respicere ac timere consueverant. decurritur ad illud extremum atque ultimum SC. quo, nisi pene in ipso urbis incendio, atque desperatione omnium salutis, latorum audaciâ, numquam ante discessum est, Dent operam consules, prætores, tribuni pl. quique pro consulibus sunt ad urbem, ne
quid

quid resp. detrimenti capiat. Hac SC. perscribuntur a. d. vii Id. Januarii. itaque v primis diebus, quibus haberi senatus potuit, qua ex die consulatum iniit Lentulus, biduo excepto comitali, & de imperio Cæsaris, & de amplissimis viris tribunis pl. gravissime acerbissimeque decernitur. Profugiunt statim ex urbe tribuni pl. seseque ad Cæsarem conferunt. is eo tempore erat Ravennæ, exspectabatq; suis lenissimis postulatis responsa: si qua hominum æquitate res ad otium deduci posset. Proximis diebus habetur senatus extra urbem. Pompeius eadem illa, quæ per Scipionem ostenderat, agit; senatus vii tutem constantiamque collaudat. copias suas exponit: legiones habere sese paratas x. præterea cognitum compertumque sibi, alieno esse animo in Cæsarem milites, neque iis posse persuaderi, ut eum defendant, aut sequantur. de reliquis rebus ad senatum refertur, tota ut Italia delectus habeatur; Faustus Sylla pro Præt. in Mauritaniam mittatur; pecunia uti ex ærario Pompeio detur. Refertur etiam de rege Juba, ut socius sit atque amicus. Marcellus vero passurum se in præsentia negat. De Fausto impedit Philippus tribunus pl. De reliquis rebus SC. perscribuntur. Provinciæ privatis decernuntur; duæ consulares, reliquæ prætoriar. Scipioni obvenit Syria; L. Domitio Gallia: Philippus & Marcellus privato consilio prætereuntur, neque eorum sortes deijciuntur. in reliquas provincias prætores mittuntur, neque exspectant, quod superioribus annis acciderat, ut de eorum imperio ad populum referatur, paludatique, votis nuncupatis, exeant. Consules, quod ante id tempus acciderat numquam, ex urbe proficiscuntur: littoresque habent in urbe & Capitolio privati, contra omnia vetustatis exempla. tota Italia delectus habetur, arma imperantur, pecuniæ à municipiis exiguntur, & è fanis tolluntur: omnia divina & humana jura permiscuntur. Quibus rebus cogni-

tis, Cæsar apud milites concionatur : omnium temporum injurias inimicorum in se commemorat , à quibus diductum & depravatum Pompeium queritur , invidia atque obrectatione laudis suæ , cujus ipse honori & dignitati semper faverit , adjutorque fuerit. novum in Rep.introductum exemplum queritur , ut tribunicia intercessio armis notaretur atque opprimeretur , quæ superioribus annis esset restituta. Syllam , nudata omnibus rebus tribunicia potestate , tamen intercessionem liberam reliquisse. Pompeium , qui amissam restituisse videatur , dona etiam , quæ ante habuerat , ademisse , quotiescunque sit decretum , Darent magistratus operam , ne quid resp. detrimenti caperet ; qua voce , & quo S.C. populus R. ad arma sit vocatus : factum in perniciosis legibus , in vi Tribunicia , in secessione populi , templis locisque editioribus occupatis (atque hæc superioris ætatis exempla expiata Saturnini atque Gracchorum casibus docet) : quarum rerum illo tempore nihil factum , ne cogitatum quidem ; nulla lex promulgata , non cum populo agi coëptum , nulla secessio facta. hortatur , cujus Imperatoris ductu ix annis remp. felicissime gesserint , plurimaque prælia secunda fecerint , omnem Galliam Germaniamque pacaverint , ut ejus existimationem , dignitatemque ab inimicis defendant. Conclamant legionis XIII, quæ aderat , milites (hanc enim initio tumultus evocaverat : reliquæ nondum convenerant) , sese paratos esse Imperatoris sui Tribunorumque pl. injurias defendere. Cognita militum voluntate , Ariminum cum ea legione proficiscitur , ibique Tribunos pl. qui ad eum confugerant , convenit : reliquas legiones ex hibernis evocat , & subsequi jubet. Eo L. Cæsar adolescens venit : cujus pater Cæsaris erat legatus. is , reliquo sermone confecto , cujus rei causa venerat , habere se à Pompeio ad eum privati officii mandata demonstrat : velle Pompeium se Cæsari

fari purgatum, ne ea, quæ reip. causâ egerit, in suam contumeliam vertat: semper se reip. commoda privatis necessitatibus habuisse potiora: Cæsarem quoque pro sua dignitate debere & studium & iracundiam suam reip. dimittere, neque adeo graviter irasci inimicis, ne, quum illis nocere se speret, reip. noceat, pauca ejusdem generis addit cum excusatione Pompeii conjuncta. eadem fere, atque eisdem de rebus prætor Roscius agit cum Cæsare, sibi que Pompeium commemorasse demonstrat. Quæ res etsi nihil ad levandas injurias pertinere videbantur: tamen idoneos nactus homines, per quos ea, quæ vellet, ad eum perferrentur, petit ab utroque, quoniam Pompeii mandata ad se detulerint, ne graventur sua quoque ad eum postulata deferre; si parvo labore magnas controversias tollere, atque omnem Italiam metu liberare possent. sibi semper Reip. primam fuisse dignitatem, vitæque potiozem; doluisse se, quod populi R. beneficium sibi per contumeliam ab inimicis extorqueretur, ereptoque semestri imperio, in urbem retraheretur, cujus absentis rationem haberi proximis comitiis populus jussisset; tamen hanc honoris jacturam sui reip. causâ æquo animo tulisse. quum litteras ad senatum miserit, ut omnes ab exercitibus discederent, ne id quidem impetravisse. tota Italia delectus haberi, teneri legiones 11, quæ ab se simulatione Parthici belli sint abductæ: civitatem esse in armis. quoniam hæc omnia, nisi ad suam perniciem, pertinere? sed tamen ad omnia se descendere paratum, atque omnia pati reip. causâ. proficiscatur Pompeius in suas provincias; ipsi exercitus dimittant: discedant in Italia omnes ab armis: metus è civitate tollatur: libera comitia, atque omnis resp. Senatui populoque R. permittatur. hæc quo facilius, certisque conditionibus fiant, & jurejurando sanciantur, aut ipse propius accedat, aut se patiatur accedere. fore, uti per col-

loquia omnes controversiæ componantur. Acceptis mandatis Roscius cum L. Cæsare Capuam pervenit, ibique consules Pompeiumque invenit. postulata Cæsaris renunciat, illi re deliberata respondent, scriptaque ad eum mandata per eos remittunt: quorum hæc erat summa: Cæsar in Galliam revertetur, Arimino excederet, exercitus dimitteret. quæ si fecisset, Pompeium in Hispanias iturum. interea, quoad fides esset data, Cæsarem facturum quæ polliceretur, non intermissuros Consules Pompeiumque delectus. Erat iniqua conditio, postulare, ut Cæsar Arimino excederet, atque in provinciam reverteretur, ipsum & provincias & legiones alienas tenere: exercitum Cæsaris velle dimitti, delectus habere: polliceri, se in provinciam iturum; neque, ante quem diem iturus sit, definire: ut, si peracto Cæsaris consulatu Pompeius profectus non esset, nulla tamen mendacii religione obstrictus videretur. tempus vero colloquio non dare, neque accessurum polliceri, magnam pacis desperationem afferebat. Itaque ab Arimino M. Antonium cum coh. tibus v Arretium mittit: ipse Arimini cum 11 legionibus subsistit, ibique delectum habere instituit. Pisaurum, Fanum, Anconam singulis cohortibus occupat. Interea certior factus, Iguvium Thermum prætorem cohortibus v tenere, opidum munire, omniumque esse Iguvinorum optimam erga se voluntatem: Curionem cum 111 cohortibus, quas Pisauri & Arimini habebat, mittit. cuius adventu cognito, diffusus municipii voluntati Thermus cohortes ex urbe educit, & profugit: milites in itinere ab eo discedunt, ac domum revertuntur: Curio, omnium summa voluntate, Iguvium recipit. Quibus rebus cognitis, confusus municipiorum voluntatibus Cæsar, cohortes legionis x111 ex præsidiis deducit, Auximumque proficiscitur: quod opidum Attius, cohortibus introductis, tenebat, delectumque

toto Piceno , circummissis senatoribus , habebat. Adventu Cæsaris cognito , Decuriones Auximi ad Atrium Varum frequentes conveniunt : docent sui iudicii rem non esse ; neque reliquos municipales pati posse , C. Cæsarem imperatorem bene de Rep. meritum , tantis rebus gestis , opido mœnibusque prohiberi : proinde habeat rationem posteritatis , & periculi sui. Quorum oratione permotus Attius Varus, præsidium , quod introduxerat , ex opido educit , & profugit. hunc ex primo ordine pauci Cæsaris consecuti milites , consistere cogunt : commissoque prælio deseritur à suis Varus : nonnulla pars militum domum discedit : reliqui ad Cæsarem perveniunt : atque una cum iis deprehensus L. Pupius primipili centurio adducitur , qui hunc eundem ordinem in exercitu Cn. Pompeii antea duxerat. At Cæsar milites Attianos collaudat , Pupium dimittit , Auximatibus agit gratias , seque eorum facti memorem fore pollicetur. Quibus rebus Romam nunciatis , tantus repente terror invasit , ut , quum Lentulus consul ad aperiendum ærarium venisset , ad pecuniam Pompeio ex S.C. proferendam , protinus , aperto sanctiore ærario , ex urbe profugeret. Cæsar enim adventare , jam jamque adesse ejus equites , falso nunciabantur. hunc Marcellus collega , & plerique magistratus consecuti sunt. Cn. Pompeius pridie ejus diei ex urbe profectus iter ad legiones habebat , quas à Cæsare acceptas in Apulia hibernorum causâ disposuerat. delectus intra urbem intermittuntur. nihil citra Capuam tutum esse omnibus videtur. Capuæ primum sese confirmant & colligunt , delectumque colonorum , qui lege Julia Capuam deducti erant , habere instituunt , gladiatoresque , quos ibi Cæsar in ludo habebat , in forum productos Lentulus libertati confirmat , atque iis equos attribuit , & se sequi jussit : quos postea , monitus à suis , quod ea res omnium iudicio reprehendebatur , circum familiares conventus

Cam-

Campaniæ , custodiæ causâ , distribuit. Auximo Cæsar progressus omnem agrum Picenum percurrit. cunctæ earum regionum præfecturæ libentissimis animis eum recipiunt , exercitumque ejus omnibus rebus juvant. Etiam Cingulo , quod opidum Labienus constituerat , suæque pecunia exadificaverat , ad eum legati veniunt ; quæque imperarit , sese cupidissime facturos pollicentur. Milites imperat. mittunt. Interea legio xii Cæsarem consequitur. cum his xii Asculum Picenum proficiscitur. id opidum Lentulus Spinther x cohortibus tenebat : qui Cæsaris adventu cognito profugit ex opido ; cohortesque secum abducere conatus , à magna parte militum deseritur. relictus in itinere cum paucis incidit in Vibullium Rufum, missum à Pompeio in agrum Picenum , confirmandorum hominum causâ. à quo factus Vibullius certior , quæ res in Piceno gererentur, milites ab eo accipit, ipsum dimittit. item ex finitimis regionibus, quas potest, contrahit cohortes ex delectibus Pompeianis. in iis Camerino fugientem *Ulcillem Hirum, cum vi cohortibus, quas ibi in præsidio habuerat, excipit. quibus coactis, xiiii efficit. cum iis ad Domitium Ahenobarbum Corfinium magnis itineribus pervenit; Cæsaremque adesse cum legionibus xii nunciat. Domitius per se circiter xx cohortes Alba, ex Marfis, & Pelignis, & finitimis ab regionibus coëgerat. Recepto Asculo, expulsoque Lentulo, Cæsar conquiri milites, qui ab eo discesserant, delectumque institui jubet. ipse, unum diem ibi, rei frumentariæ causâ, moratus, Corfinium contendit. eo quum venisset, cohortes v præmissæ à Domitio ex opido pontem fluminis interrompebant, qui erat ab opido millia passuum circiter xii. ibi cum antecursoribus Cæsaris prælio commisso, celeriter Domitiani à ponte repulsi se in opidum receperunt. Cæsar, legionibus transductis, ad opidum constitit, juxtaque murum

castra

castra posuit. Re cognita, Domitius ad Pompeium in Apuliam peritos regionum magno proposito premio cum litteris mittit; qui petant atque orent, ut sibi subveniat: Cæsarem duobus exercitibus, & locorum angustiiis facile intercludi posse, frumentoque prohiberi. quod nisi fecerit, se, cohortesque amplius xxx, magnumque numerum senatorum atque equitum Romanorum in periculum esse venturum. interim suos cohortatus, tormenta in muris disponit: certasque cuique partes ad custodiam urbis attribuit: militibus in concione agros ex suis possessionibus pollicetur, quaterna in singulos iugera, & pro rata parte centurionibus, evocatisque. Interim Cæsari nunciatur, Sulmonenses, quod opidum à Corfinio vii millium intervallo abest, cupere ea facere, quæ vellet, sed à Q. Lucretio senatore, & Attio Peligno prohiberi, qui id opidum vii cohortium præsidio tenebant. Mittit eo M. Antonium cum legionis iix cohortibus v. Sulmonenses, simul atque nostra signa viderunt, portas aperuerunt; universique & opidani, & milites, obviam gratulantes Antonio exierunt. Lucretius & Attius de muro se dejecerunt. Attius ad Antonium deducius petit, ut ad Cæsarem mitteretur. Antonius cum cohortibus, & Attio, eodem die, quo profectus erat, revertitur. Cæsar eas cohortes cum exercitu suo conjunxit, Attiumque incolumem dimisit. Cæsar tribus primis diebus castra magnis operibus munire, & ex finitimis municipiis frumentum comportare, reliquasque copias expectare, instituit. eo triduo legio iix ad eum venit, cohortesque ex novis Galliæ delectibus xxii, equitesque à rege Norico circiter ecc. quorum adventu altera castra ad alteram opidi partem ponit. iis castris Curionem præfecit: reliquis diebus opidum vallo castellisque circummoenire instituit. cujus operis maxima parte effecta, eodem fere tempore missi ad Pompeium

peium revertuntur. Litteris perlectis Domitius dissimulans in consilio pronunciat Pompeium celeriter subsidio venturum; hortaturque eos, ne animo deficiant, quæque usui ad defendendum opidum sint, parent. ipse arcana cum paucis familiaribus suis colloquitur, consiliumque fugæ capere constituit. Quum vultus Domitii cum oratione non consentiret, atque omnia trepidantius timidiusque ageret, quam superioribus diebus consueisset, multumque cum suis consiliandi causa secreto, præter consuetudinem, colloqueretur; concilia conventusque hominum fugeret: res diutius tegi dissimularique non potuit. Pompeius enim rescripserat sese rem in summum periculum deducturum non esse; neque suo consilio aut voluntate Domitium se in opidum Corfinium contulisse. proinde, si qua facultas fuisset, ad se cum omnibus copiis veniret. Id ne fieri posset, obsidione, atque opidi circummunitione fiebat. Divulgato Domitii consilio; milites, qui erant Corfinii, prima vespere secessionem faciunt: atque ita inter se per tribunos mil. centurionesque, atque honestissimos sui generis, colloquuntur; obsideri se à Cæsare; opera, munitionesque prope esse perfectas: ducem suum Domitium, cujus spe atque fiducia permanserint, projectis omnibus, fugæ consilium capere: debere se suæ salutis rationem habere. Ab his primo Marci dissentire incipiunt, eamque opidi partem, quæ munitissima videretur, occupant. tantaque inter eos dissensio exstitit, ut manum conferere, atque armis dimicare conarentur. post paulo tamen, internunciis ultro citroque missis, quæ ignorabant, de L. Domitii fuga cognoscunt. itaque omnes uno consilio Domitium productum in publicum circumfistunt & custodiunt; legatosque ex suo numero ad Cæsarem mittunt: sese paratos esse portas aperire, quæque imperaverit, facere, & L. Domitium vivum in ejus potestatem tradere. Quibus rebus
cogni-

cognitis, Cæsar, etsi magni interesse arbitrabatur, quamprimum opido potiri, cohortesque ad se in castra transducere, ne qua aut largitionibus, aut animi confirmatione, aut falsis nunciis commutatio fieret voluntatis, quod sæpe in bello parvis momentis magni casus intercederent; tamen veritus, ne militum introitu, & nocturni temporis licentia opidum diriperetur, eos, qui venerant, collaudat, atque in opidum dimittit; portas murosque asservari jubet. ipse iis operibus, quæ facere instituerat, milites disponit, non certis spatiis intermissis, ut erat superiorum dierum consuetudo, sed perpetuis vigiliis, stationibusque, ut contingant inter se, atque omnem munitionem expleant: tribunos mil. & præfectos circummittit; atque hortatur, non solum ab eruptionibus caveant, sed etiam singulorum hominum occultos exitus asservent. neque vero tam remisso ac languido animo quisquam omnium fuit, qui ea nocte conquieverit. tanta erat summa rerum expectatio, ut alius in aliam partem mente atque animo traheretur, quid ipsis Corfiniensibus, quid Domitio, quid Lentulo, quid reliquis accideret, qui quosque eventus exciperet. quarta vigilia circiter Lentulus Spinther de muro cum vigiliis custodibusque nostris colloquitur, velle, si sibi fiat potestas, Cæsarem convenire. facta potestate, ex opido mittitur, neq; ab eo prius Domitiani milites discedunt, quam in conspectum Cæsaris deducatur. cum eo de salute sua agit, atque obsecrat, sibi ut parcat, veteremque amicitiam commemorat: Cæsarisque in se beneficia exponit; quæ erant maxima: quod per eum in collegium pontificum venerat; quod provinciam Hispaniam ex prætura habuerat; quod in petitione consulatus ab eo erat sublevatus. Cujus orationem Cæsar interpellat: se non maleficii causa ex provincia egressum, sed uti se à contumeliis inimicorum defenderet; ut tribunos pl. care ex civitate expulsos, in
suam

suam dignitatem restitueret; ut se & populum R. paucorum factione oppressum in libertatem vindicaret. Cujus oratione confirmatus Lentulus, ut in opidum reverti liceat, petit. quod de sua salute impetraverit, fore etiam reliquis ad suam ipsæ solatio. adeo esse perterritos nonnullos, ut suæ vitæ durius consilere cogantur. facta potestate, discedit. Cæsar, ubi illuxit, omnes senatores, senatorumque liberos, tribunos mil. equitesque Romanos ad se produci jubet. erant senatorii ordinis L. Domitius, & P. Lentulus Spinther, L. Vibullius Rufus, Sex. Quinctilius Varus quaestor, L. Rubrius; præterea filius Domitii, alique complures adolescentes, & magnus numerus equitum Romanorum, & Decurionum, quos ex municipiis Domitius evocaverat. hos omnes productos à contumeliis militum conviciisque prohibet: pauca apud eos loquitur, quod sibi à parte eorum gratia relata non sit pro suis in eos maximis beneficiis. dimittit omnes incolumes. Sestertium sexagies, quod aurum adduxerat Domitius, atque in publicum deposuerat, allatum ad se ab II-viris Corfiniensibus, Domitio reddit: ne continentior in vita hominum, quam in pecunia fuisse videatur; etsi eam pecuniam publicam esse constabat, datamque à Pompeio in stipendium. Milites Domitianos sacramentum apud se dicere jubet: atque eo die castra movet: justumque iter conficit. VII omnino dies ad Corfinium commoratus, & per fines Marrucinatorum, Frentanorum, Larinatium in Apuliam pervenit. Pompeius, iis rebus cognitis, quæ erant ad Corfinium gesta, Luceria proficiscitur Canusium, atque inde Brundisium. copias undique omnes ex novis delectibus ad se cogi jubet. servos, pastores armat; atque his equos attribuit. ex iis circiter CCC equites conficit. L. Manlius prætor Alba cum cohortibus VI profugit: Rutilus Lupus prætor Tarracina cum IIII. quæ, procul equitatum Cæsaris conspiciatæ, cui præerat Bivius Curius,

Curitis, relicto prætore, signa ad Curium transfe-
runt, atque ad eum transeunt. item reliquis itineri-
bus nonnullæ cohortes in agmen Cæsaris, aliæ in
equites incidunt. reducitur ad eum deprehensus ex
itinere Cn. Magius Cremona præfectus fabrum Cn.
Pompeii: quem Cæsar ad eum remittit cum man-
datis: quoniam ad id tempus facultas colloquendi
non fuerit, atque ad se Brundisium sit venturus, in-
teresse Reip. & communis salutis, se cum Pompeio
colloqui: neque vero idem perfici longo itineris
spatio, quum per alios conditiones ferantur, ac si co-
ram de omnibus conditionibus disceptetur. His da-
tis mandatis, Brundisium cum legionibus VI perve-
nit, veteranis IV reliquis, quas ex novo delectu
confecerat, atque in itinere compleverat. Domi-
tianas enim cohortes protinus à Corfinio in Sici-
liam miserat. reperit consules Dyrrhachium profe-
ctos cum magna parte exercitus, Pompeium rema-
nere Brundisii cum cohortibus XX. neque certum
inveniri poterat, obtinendi-ne causa Brundisii ibi
remansisset, quo facilius omne Hadriaticum mare,
extremis Italiæ partibus regionibusque Græciæ, in
potestatem haberet, atque ex utraque parte bellum
administrare posset, an inopia navium ibi restitisset,
veritusque, ne Italiam ille dimittendam non existi-
maret, exitus, administrationesque Brundisini por-
tus impedire instituit: quorum operum hæc erat ra-
tio. Qua fauces erant angustissimæ portus, mo-
lem atque aggerem ab utraque parte litoris jacie-
bat, quod his locis erat mare vadofum. longius
progressus, quum agger altiore aqua contineri non
posset, rates duplices, quoquo versus pedum XXX
e regione molis collocabat. has quaternis ancho-
ris ex quatuor angulis destinabat, ne fluctibus me-
verentur. his perfectis, collocatisque, alias dein-
ceps pari magnitudine rates jungebat. has terra
atque aggere contegebat, ne aditus atque incursum
ad

ad defendendum impediretur : à fronte , atque ab utroque latere cratibus ac pluteis protegebat. in quarta quaque earum turres binorum tabulatorum excitabat , quo commodius ab impetu navium , incendiisque defenderet. Contra hæc Pompeius naves magnas onerarias , quas in portu Brundisino prehenderat , adornabat. ibi turres cum ternis tabulatis erigebat , easque multis tormentis , & omni genere telorum completas , ad opera Cæsaris appellabat , ut rates perurperet , atque opera disturbareret. sic quotidie utrimque eminus fundis , sagittis , reliquisque telis , pugnabatur. Atque hæc ita Cæsar administrabat , ut conditiones pacis dimittendas non existimaret. ac tamen si magnopere admirabatur , Magium , quem ad Pompeium cum mandatis miserat , ad se non remitti ; atque ea res sæpe tentata , etsi impetus ejus consiliaque tardabat ; tamen omnibus rebus in eo perseverandum putabat. itaq; Caninium Rebilum legatum , familiarem necessariumque Scribonii Libonis mittit ad eum colloquii causa. mandat , ut Libonem de concilianda pace hortetur : in primis , ut ipse cum Pompeio colloqueretur , postulat. magnopere sese confidere demonstrat , si ejus rei sit potestas facta , fore , ut æquis conditionibus ab armis discedatur : cujus rei magnam partem laudis atque existimationis ad Libonem perventuram , si illo auctore , atque agente , ab armis sit discessum. Libo à colloquio Caninii digressus , ad Pompeium proficiscitur. paullo post renunciat , quod consules absint , sine illis de compositione agi non posse. ita sæpius rem frustra tentatam Cæsar aliquando dimittendam sibi judicabat , & [de] bello agendum. Prope dimidia parte operis à Cæsare effecta , diebusque in ea re consumptis ix , naves à consulibus Dyrrachio remissæ , quæ priorem partem exercitus eo deportaverant , Brundisium revertuntur. Pompeius , sive operibus Cæsaris permotus , sive etiam quod ab initio

initio Italia excedere constituerat, adventu navium profectiorem parare incipit: & , quo facilius impetum Cæsaris tardaret, ne sub ipsa profectiōe milites opidum irrumperent, portas obstruit, vicos plateasque inædificat, fossas transversas viis præducit, atque ibi fudes stipitesque præacutos defigit. hæc levibus cratibus terraque inæquat. aditus autem atque itinera duo, quæ extra murum ad portum ferebant, maximis defixis trabibus, atque eis præacutis, præcepit. his paratis rebus, milites silentio naves conscendere jubet; expeditos autem ex evocatis sagittariis funditoribusque, raros in muro turribusque disponit. hos certo signo revocare constituit, quum omnes milites naves conscendissent; atque iis expedito loco actuaria navigia relinquit. Brundisini Pompeianorum militum injuriis, atque ipsius Pompeii contumeliis permoti, Cæsaris rebus favebant. itaque, cognita Pompeii profectiōe, concursantibus illis, atque in ea re occupatis, vulgo ex tectis significabant: per quos re cognita, Cæsar scalas parari, militesque armari jubet, ne quam rei gerendæ facultatem dimittat. Pompeius sub noctem naves solvit. qui erant in muro custodiæ causâ collocati, eo signo, quod convenerat, revocantur, notisque itineribus ad naves decurrunt. Milites positæ scalis muros ascendunt. sed moniti à Brundisinis, ut vallum cæcum fossasque caveant, subsistunt, & longo itinere ab iis circumducti ad portum perveniunt, duasque naves cum militibus, quæ ad mœles Cæsaris adhæserant, scaphis lintribusque deprehendant; deprehensas excipiunt. Cæsar etsi ad spem conficiendi negotii maxime probabat coactis navibus mare transire, & Pompeium sequi, prius quam ille sese transmarinis auxiliis confirmaret; tamen rei ejus inoram, temporisque longinquitatem timebat: quod, omnibus coactis navibus, Pompeius præsentem facultatem insequendi sui ademerat. Relinquebatur, ut ex lon-

longinquioribus regionibus Galliarum, Picensiumque, & à Fretis naves essent expectandæ. sed id, propter anni tempus, longum atque impeditum videbatur. interea veterem exercitum, duas Hispanias, confirmari; quarum altera erat maximis beneficiis Pompeii devincta; auxilia, equitatum parari: Galliam Italianamque tentari, se absente, nolebat. itaque in præsentia Pompeii insequendi rationem omittit: in Hispaniam proficisci constituit: XII-viris municipiorum omnium imperat, ut naves conquirant, Brundisiumque deducendas curent. mittit in Sardiniam cum legione una Valerium legatum, in Siciliam Curionem prætorem cum legionibus IIII: eundem, quum Siciliam recepisset, protinus in Africam transducere exercitum jubet. Sardiniam obtinebat M. Cotta, Siciliam M. Cato: Africam sorte Tubero obtinere debebat. Caralitani, simul ad se Valerium mitti audierunt, nondum profecto ex Italia, sua sponte ex oppido Cottam ejiciunt. ille perterritus, quod omnem provinciam consentire intelligeret, ex Sardinia in Africam profugit. Cato in Sicilia naves longas veteres reficiebat: novas civitatibus imperabat: hæc magno studio agebat: in Lucanis, Brutiisque, per legatos suos civium R. delectus habebat: equitum pedumque certum numerum à civitatibus Siciliæ exigebat. Quibus rebus pene perfectis, adventu Curionis cognito, queritur in concione, sese projectum ac proditum à Cn. Pompeio: qui, omnibus rebus imparatissimus, non necessarium bellum suscepisset; & ab se reliquisque in Senatu interrogatus, omnia sibi esse ad bellum apta ac parata confirmasset. Hæc in concione questus, ex provincia fugit. Nacti vacuas ab imperiis, Sardiniam Valerius, Curio Siciliam, cum exercitibus eo perveniunt. Tubero, quum in Africam venisset, invenit in provincia cum imperio Attium Varum; qui ad Auximum, ut supra demonstravimus, amissis cohortibus, protinus ex fuga

in

In Africam pervenerat, atque eam sua sponte vacuum occupaverat; delectuque habito, 11 legiones effecerat, hominum & locorum notitiâ, & usu ejus provinciæ, nactus aditus ad ea conanda, quod paucis ante annis ex prætura eam provinciam obtinuerat. hic venientem Uricam cum navibus Tuberonem portu atque opido prohibet, neque affectum valetudine filium exponere in terram patitur, sed sublatis anchoris excedere eo loco cogit. His rebus confectis Cæsar, ut reliquum tempus à labore intermitteretur, milites in proxima municipia deducit. ipse ad urbem proficiscitur. Coacto Senatu, injurias inimicorum commemorat: docet, se nullum extraordinarium honorem appetisse, sed, expectato legitimo tempore [consulatus] eo fuisse contentum, quod omnibus civibus pateret: latum ab x tribunis pleb. contradicentibus inimicis, Catone vero acerrime repugnante, & pristina consuetudine dicendi mora diem extrahente, ut sui ratio absentis haberetur, ipso consule Pompeio: qui si improbasset, cur ferri passus esset? sin probasset, cur se uti populi beneficio prohibuisset? Patientiam proponit suam, quum de exercitibus dimittendis ultro postulavisset; in quo jacturam dignitatis atque honoris ipse facturus esset. acerbitem inimicorum docet; qui, quod ab altero postularent, in se recusarent, atque omnia permisceri mallent, quam imperium exercitusque dimittere. injuriam in eripiendis legionibus prædicat; crudelitatem & insolentiam in circumscribendis tribunis pl.; conditiones à se latas, & expetita colloquia, & denegata, commemorat. pro quibus rebus orat ac postulat, Remp. suscipiant, atque una secum administrent. sin timore defugiant, illis se oneri non futurum, & per se Remp. administraturum. Legatos ad Pompeium de compositione mitti oportere: neque se reformidare, quod in senatu paullo ante Pompeius dixisset, ad quos legati mitterentur, iis aucto-

ritatem attribui; timoremque eorum, qui mitterent, significari: tenuis atque infirmi hanc animi videri: se vero, ut opibus anteire studuerit, sic iustitia & æquitate velle superare. Probat rem Senatus de mittendis legatis: sed, qui mitterentur, non reperiebantur, maximeque timoris causâ pro se quisque id munus legationis recusabat. Pompeius enim discedens ab urbe in Senatu dixerat, eodem se habiturum loco, qui Romæ remansissent, & qui in castris Cæsaris fuissent. sic triduum disputationibus excusationibusque extrahitur. subjicitur etiam L. Metellus tribunus pleb. ab inimicis Cæsaris, qui hanc rem distrahat, reliquasque res, quas cumque agere instituerit, impediat. cujus cognito consilio, Cæsar, frustra diebus aliquot consumptis, ne reliquum tempus omittat, infectis iis, quæ agere destinaverat, ab urbe proficiscitur, atque in ulteriorem Galliam pervenit. quo quum venisset, cognoscit missum in Hispaniam à Pompeio Vibullium Rufum, quem paucis diebus ante Corfinio captum dimiserat: profectum item Domitium ad occupandum Massiliam navibus ætuariis VII, quas Igili & in Cosano à privatis coactas, servis, libertis, colonis suis compleverat: præmissos etiam legatos Massilienses domi nobiles adolescentes; quos ab urbe discedens Pompeius erat adhortatus, ne nova Cæsaris officia veterem suorum beneficiorum in eos memoriam expellerent. Quibus mandatis acceptis, Massilienses portas Cæsari clauferant: Albicos, barbaros homines, qui in eorum fide antiquitus erant, montesque supra Massiliam incolebant, ad se vocaverant: frumentum ex finitimis regionibus, atque ex omnibus castellis in urbem convexerant; armorum officinas in urbe instituerant: muros, classem portasque refecerant. Evocat ad se Cæsar Massiliensium XV primos; cum his agit, ne initium inferendi belli à Massiliensibus oria-
tur: debere eos Italiæ totius auctoritatem sequi po-
tius,

tius, quam unius hominis voluntati obtemperare. reliqua, quæ ad eorum sanandas mentes pertinere arbitrabatur, commemorat. Cujus orationem domum legati referunt; atque ex auctoritate hæc Cæsari renunciant: Intelligere se, divisum esse populum R. in partes duas; neque sui iudicii, neque suarum esse virium discernere, utra pars iustiore habeat causam: principes vero esse earum partium Cn. Pompeium, & C. Cæsarem, patronos civitatis: quorum alter agros Volcarum Arecomicorum & Helviorum publice iis concesserit: alter bello victas Gallias attribuerit, vectigaliaque auxerit. quare paribus eorum beneficiis parem se quoque voluntatem tribuere debere, & neutrum eorum contra alterum juvare, aut urbe aut portibus recipere. Hæc dum inter eos aguntur, Domitius navibus Massiliam pervenit; atque ab iis receptus, urbi præficitur. summa ei belli administrandi permittitur. ejus imperio classem quoquoersus dimittunt: onerarias naves, quas ubique possunt, deprehendunt, atque in portum deducunt: earum clavis, aut materia, atque armamentis instructis ad reliquas armandas reficiendasque utuntur: frumenti quod inventum est, in publicum conferunt: reliquas merces com meatusque ad obsidionem urbis, si accidat, reservant. Quibus injuriis permotus Cæsar, legiones III Massiliam adducit: turres, vineasque ad oppugnationem urbis agere, naves longas Arelate numero XIII facere instituit. quibus effectis armatisque diebus XXX, à qua die materia cæsa est, adductisque Massiliam, his D. Brutum præfecit: C. Trebonium legatum ad oppugnationem Massiliæ relinquit. Dum hæc parat atque administrat, C. Fabium legatum cum legionibus III, quas Narbone, circumque ea loca, hiemandi causâ disposuerat, in Hispaniam præmittit; celeriterque Pyrenæos saltus occupari jubet; qui eo tempore ab L. Afranio legato præfidiis

tenebantur. legiones reliquas, quæ longius hie-
bant, subsequi jubet. Fabius, ut erat imperatum, ad-
hibita celeritate, præsidium ex saltu dejecit, ma-
gnisque itineribus ad exercitum Afranii contendit.
Adventu Vibullii Rufi, quem à Pompeio missum in
Hispaniam demonstratum est, Afranius, & Pe-
treius, & Varro legati Pompeii, quorum unus III
legionibus Hispaniam citeriorem, alter à saltu Ca-
stulonensi ad Anam II legionibus, tertius ab Ana
Vettonum agrum Lusitaniamque pari numero le-
gionum obtinebat, officia inter se partiuntur; ut Pe-
treius ex Lusitania per Vettones cum omnibus co-
piis ad Afranium proficiscatur; Varro cum iis, quas
habebat, legionibus omnem ulteriorem Hispaniam
tueatur. his rebus constitutis, equites auxiliaque
toti Lusitanie à Petreio; Celtiberis, Cantabris, bar-
barisque omnibus, qui ad Oceanum pertinent, ab
Afranio imperantur. quibus coactis, celeriter Pe-
treius per Vettones ad Afranium pervenit. consti-
tuunt communi consilio, bellum ad Ilerdam, pro-
pter ipsius loci opportunitatem, gerere. Erant, ut
supra demonstratum est, legiones Afranii III, Pe-
treii II. præterea scutati citerioris provincie, & ce-
trate ulterioris Hispanie cohortes circiter xxc, equi-
tum utriusque provincie circiter v millia. Cæsar le-
giones in Hispaniam præmiserat, ad vi millia auxi-
lia peditum, equitum III millia, quæ omnibus su-
perioribus bellis habuerat, & parem ex Gallia nu-
merum, quem ipse paraverat, nominatim ex omni-
bus civitatibus, nobilissimo & fortissimo quoque
evocato. hinc optimi generis hominum ex Aquita-
nis montanisque, qui Galliam provinciam attingunt.
Audierat Pompeium per Mauritaniam cum
legionibus iter in Hispaniam facere; confestimque
esse venturum. simul à tribunis mil. centurionibusque
mutuas pecunias sumpsit. has exercitui distri-
buit. quo facto, duas res consecutus est, quod pi-
gnore

gnore animos centurionum devinxit, & largitione redemit militum voluntates. Fabius finitimarum civitatum animos literis nuntiisque tentabat. in Sicore flumine pontes effecerat duos, inter se distantes millia passuum xv. his pontibus pabulatum mittebat: quod ea, quæ citra flumen fuerant, superioribus diebus consumpserat. Hoc idem fere atque eadem de causa Pompeiani exercitus duces faciebant; crebroque inter se equestribus præliis contendebant. huc quum quotidiana consuetudine [congressæ] pabulatoribus præsidio [proprio] legiones Fabianæ xi flumen transissent; impedimenta que & omnis equitatus sequeretur; subito, vi jumentorum, & aquæ magnitudine, pons est interruptus, & reliqua multitudo equitum interclusa. quo cognito [à Petreio, & Afranio] ex aggere atque cratibus, quæ flumine ferebantur, celeriter ponte Afranius, quem opido castrisque conjunctum habebat, legiones xv equitatumque omnem transjecit, duabusque Fabianis occurrit legionibus: cujus adventu nunciato, L. Plancus, qui legionibus præerat, necessaria re coactus locum capit superiorem; diversamque aciem in duas partes constituit; ne ab equitatu circumveniri posset. ita, congressus impari numero, magnos impetus legionum equitatusque sustinet. Commisso ab equitibus prælio, signa xi legionum procul ab utrisque conspiciuntur, quas C. Fabius ulteriore ponte subsidio nostris miserat, suspicatus fore, id quod accidit, ut duces adversariorum occasione & beneficio fortunæ ad nostros opprimendos uterentur: quarum adventu prælium dirimitur, ac suas uterque legiones reducit in castra. Eo biduo Cæsar cum equitibus dccc, quos ibi præsidio reliquerat, in castra pervenit. Pons, qui fuerat tempestate interruptus, neque erat reffectus, hunc noctu perfici jussit. Ipse, cognita locorum natura, ponti castrisque præsidio vi cohortes reliquit, atque omnia impedi-

menta : & postero die omnibus copiis , triplici instructa acie , ad Ilerdam proficiscitur , & sub castris Afranii constitit : & ibi paullisper sub armis moratus , facit æquo loco pugnandi potestatem. potestate facta , Afranius copias educit , & in medio colle sub castris constitit. Cæsar ubi cognovit , per Afranium stare , quo minus prælio dimicaretur , ab infimis radicibus montis , intermissis circiter passibus ed, castra facere constituit : & , ne in opere faciendo milites repentino hostium incurfu exterrerentur , atque opere prohiberentur , vallo muniri vetuit , quod eminere , & procul videri necesse erat. sed à fronte contra hostem pedum xv fossam fieri iussit. prima , & secunda acies in armis , ut ab initio constituta erat , permanebat. post hos opus in occulto acies tertia faciebat. sic omne prius est perfectum , quam intelligeretur ab Afranio castra muniri. sub vesperum Cæsar intra hanc fossam legiones reducit , atque ibi sub armis proxima nocte conquiescit. Postero die omnem exercitum intra fossam continet : & , quod longius erat agger petendus , in præsentia similem rationem operis instituit : singulaque latera castrorum singulis attribuit legionibus munienda : fossasque ad eandem magnitudinem perfici jubet. reliquas legiones in armis expeditas contra hostem constituit. Afranius Petreiusque , terrendi causa , atque operis impediendi , copias suas ad infimas montis radices producant , & prælio laceßunt. neque idcirco Cæsar opus intermittit , confusus præsidio legionum III , & munitione fossæ. illi non diu commorati , nec longius ab infimo colle progressi copias in castra reducant. III die Cæsar vallo castra communit : reliquas cohortes , quas in superioribus castris reliquerat , impedimenta que ad se transduci jubet. Erat inter opidum Ilerdam , & proximum collem , ubi castra Petreius atque Afranius habebant , planicia circiter passuum ccc. atque in hoc fere medio

dio spatio tumulus erat paullo editior: quem si occupasset Cæsar, & communisset, ab opido, & ponte, & commeatu omni, quem in opidum contulerant; se interclusurum adversarios confidebat. hoc sperans, legiones III ex castris educit: acieque in locis idoneis instructa, unius legionis antesignanos præcurrere atque occupare eum tumulum jubet. quare cognita, celeriter, quæ in statione pro castris erant Afranii cohortes, breviori itinere ad eundem occupandum locum mittuntur. contenditur prælio, & quod prius in tumulum Afraniani venerant, nostri repelluntur, atque, aliis summissis subsidiis, terga vertere, seque ad signa legionum recipere coguntur. genus erat pugnae militum illorum, ut magno impetu primo procurrerent, audacter locum caperent, ordines suos non magnopere servarent, rari dispersiq; pugnarent: si premerentur, pedem referre, & loco excedere non turpe existimarent, cum Lusitanis, reliquisque barbaris genere quodam pugnae assuefacti: quod fere fit, quibus quisque in locis miles inveteraverit, uti multum earum regionum consuetudine moveatur. hæc tamen ratio nostros perturbat insuetos hujus generis pugnae. circumiri enim sese ab aperto latere, procurrentibus singulis, arbitrabantur: ipsi autem suos ordines servare, neque ab signis discedere, neque sine gravi causa eum locum, quem ceperant, dimitti censuerant oportere. itaque, perturbatis antesignanis, legio, quæ in eo cornu constiterat, locum non tenuit, atque in proximum collem sese recepit. Cæsar pene omni acie perterrita, quod præter opinionem consuetudinemque acciderat, cohortatus suos, legionem IX subsidio ducit: hostem insolenter atque acriter nostros insequentem suppressit, rursusque terga vertere, seque ad opidum Ilerdam recipere, & sub muro consistere cogit. sed IX legionis milites elati studio, dum sarcire acceptum detrimentum volunt, temere insecuti fu-

gientes, in locum iniquum progrediuntur, & sub montem, in quo erat opidum positum, succedunt. hinc se recipere quum vellent, rursus illi ex loco superiore nostros premebant. præruptus locus erat, utraque ex parte directus, ac tantum in latitudinem patebat, ut tres instructæ cohortes eum locum exple-
rent, & neque subsidia à lateribus summitti, neque equites laborantibus usui esse possent. ab opido autem declivis locus tenui fastigio vergebat in longitudinem passuum circiter cō. hac nostris erat receptus; quod eo, incitati studio, inconsultius processerant. hoc pugnabatur loco, & propter angustias iniquo, & quod sub ipsis radicibus montis constiterant, ut nullum frustra telum in eos mitteretur: tamen virtute & patientia nitebantur, atque omnia vulnera sustinebant. Augebantur illis copiar; atque ex castris cohortes per opidum crebro submittebantur; ut integri defessis succederent. hoc idem Cæsar facere cogeatur: ut summissis in eundem locum cohortibus defessos reciperet. hoc quum esset modo pugnatum continenter horis v, nostrique gravius à multitudine premerentur; consumptis omnibus telis, gladiis districtis, impetum adversus montem in cohortes faciunt; paucisque dejectis, reliquos sese convertere cogunt. summois sub murum cohortibus, ac nonnulla parte propter terrorem in opidum compulsis, facilis est nostris receptus datus. Equitatus autem noster ab utroque latere, etsi dejectis aut inferioribus locis constiterat, tamen in summum jugum virtute connititur, atque inter duas acies per-equitans, commodiorem ac tutiorem nostris receptum dat. ita vario certamine pugnatum est. nostri in primo congressu circiter Lxx ceciderunt, in his Q. Fulginius ex primo hastato legionis xiv, qui propter eximiam virtutem, ex inferioribus ordinibus in eum locum pervenerat. vulnerantur amplius dc. Ex Afranianis interficiuntur T. Cæcilius, primi pili
cen-

centurio, &, præter eum, centuriones iv, milites amplius cc. Sed hæc ejus diei præfertur opinio, ut se utrique superiores discessisse existimarent: Afraniani, quod, quum esse omnium judicio inferiores viderentur, cominus tam diu stetissent, & nostrorum impetum sustinuissent, & initio locum tumultumque tenuissent, quæ causâ pugnandi fuerat; & nostros primo congressu terga vertere coëgissent: nostri autem, quod iniquo loco, atque impari congressi numero, v horis prælium sustinuissent, quod montem gladiis districtis adscendissent, quod ex loco superiore terga vertere adversarios coëgissent, atque in opidum compulissent. illi cum tumultum, pro quo pugnatum est, magnis operibus munierunt; præsidiumque ibi posuerunt. Accidit etiam repentinum incommodum biduo, quo hæc gesta sunt. tanta enim tempestas cooritur, ut numquam illis locis majores aquas fuisse constaret. tum autem ex omnibus montibus nives proluit, ac summas ripas fluminis superavit; pontesque ambos, quos C. Fabius fecerat, uno die interrupit. quæ res magnas difficultates exercitui Cæsaris attulit. Castra enim, ut supra demonstratum est, quum essent inter flumina duo, Sicorim, & Cingam, spatio millium xxx, neutrum horum transiri poterat, necessarioque omnes his angustis continebantur, neque civitates, quæ ad Cæsaris amicitiam accesserant, frumentum supportare; neque ii, qui pabulatum longius progressi erant, interclusi fluminibus, reverti; neque maximi comitatus, qui ex Italia Galliaque veniebant, in castra pervenire poterant. tempus autem erat anni difficillimum, quo neque frumenta in herbis erant, neque multum à maturitate aberant: ac civitates exinanitæ, quod Afranius pene omne frumentum ante Cæsaris adventum Ilerdam convexerat; reliqui si quid fuerat, Cæsar superioribus diebus consumpserat: pecora, quod secundum poterat esse inopiæ

subsidiū, propter bellum finitimæ civitates longius removerant: qui erant pabulandi aut frumentandi causa progressi, hos levis armaturæ Lusitani, peritique earum regionum cetrati citerioris Hispaniæ confestabantur, quibus erat proclive transnare flumen; quod consuetudo eorum omnium est, ut sine utribus ad exercitum non eant. At exercitus Afranii omnium rerum abundabat copia. multum erat frumentum provisum & convectum superioribus temporibus: multum ex omni provincia comportabatur: magna copia pabuli suppetebat. harum rerum omnium facultates sine ullo periculo pons Ilerdæ præbebat, & loca trans flumen integra, quo omnino Cæsar adire non poterat. eæ permanserunt aquæ dies complures. conatus est Cæsar reficere pontes, sed nec magnitudo fluminis permittebat; neque ad ripam dispositæ cohortes adversariorum perfici patiebantur: quod illis prohibere erat facile, tum ipsius fluminis natura, atque aquæ magnitudine, tum quod ex totis ripis in unum atque angustum locum tela jaciebantur: atque erat difficile, eodem tempore rapidissimo flumine opera perficere, & tela vitare. Nunciatur Afranio, magnos comitatus, qui iter habebant ad Cæsarem, ad flumen constitisse. venerant eo sagittarii ex Ruthenis; equites ex Gallia cum multis carris magnisque impedimentis, ut fert Gallica consuetudo. erant præterea cujusque generis hominum millia circiter VI, cum servis liberisque. sed nullus ordo, nullum imperium certum, quum suo quisque consilio uteretur, atque omnes sine timore iter facerent, usi superiorum temporum atque itinerum licentia. Erant complures honesti adolescentes, senatorum filii, & equestris ordinis: erant legationes civitatum: erant legati Cæsaris. hos omnes flumina continebant. ad hos opprimendos cum omni equitatu, IIII-que legionibus, Afranius de nocte proficiscitur, imprudentesque ante-

misses

missis equitibus aggreditur. celeriter tamen sese Galli equites expediunt, præliumque committunt. hi, dum pari certamine res geri potuit, magnum hostium numerum pauci sustinuerunt; sed, ubi signa legionum appropinquare cœperunt, paucis amissis sese in montes proximos conferunt. hoc pugnae tempus magnum attulit nostris ad salutem momentum. nati enim spatium, se in loca superiora receperunt. desiderati sunt eo die sagittarii circiter cc, equites pauci. calorum atque impedimentorum non magnus numerus. his tamen omnibus annona crevit: quæ fere res inopia non solum præsentis, sed etiam futuri temporis timore ingravescere consuevit. jamque ad denarios L in singulos modios annona pervenerat, & militum vires inopia frumenti diminuerat, atque incommoda in dies augebantur: & tam paucis diebus magna erat rerum facta commutatio, ac se fortuna inclinaverat, ut nostri magna inopia necessariarum rerum conficerentur; illi omnibus abundarent rebus, superioresque haberentur. Cæsar iis civitatibus, quæ ad ejus amicitiam accesserant, quo minor erat frumenti copia, pecus imperabat; calones ad longinquiores civitates dimittebat. ipse præsentem inopiam, quibus poterat subsidiiis, tuebatur. Hæc Afranius Petreiusque, & eorum amici, pleniora etiam atque uberiora Romam ad suos perscribebant. multa rumor fingeat: ut pene bellum confectum videretur. Quibus litteris nunciisque Romam perlatis, magni domum concursus ad Afranium, magnæ gratulationes fiebant, multi ex Italia ad Cn. Pompeium proficiscebantur; alii, ut principes talem nuntium attulisse; alii, ne eventum belli exspectasse, aut ex omnibus novissimi venisse viderentur. Quum in his angustiis res esset; atque omnes viæ ab Afranianis militibus equitibusque obsiderentur; nec pontes perfici possent: imperat militibus Cæsar, ut naves faciant, cujus generis eum

superioribus annis usus Britannia docuerat. carinae primum ac statumina ex levi materia fiebant: reliquum corpus navium, viminibus contextum, coriis integebatur. has perfectas carris junctis devehit noctu millia passuum à castris **XXII**. militesque his navibus flumen transportat; continentemque ripae collein improvise occupat. hunc celeriter, prius quam ab adversariis sentiatur, communit. huc legionem postea transducit; atque ex utraque parte pontem institutum perficit biduo. ita comitatus, & qui frumenti causa processerant, tuto ad se recipit, & rem frumentariam expedire incipit. Eodem die equitum magnam partem flumen transjecit: qui inopinantes pabulatores, & sine ullo dissipatos timore aggressi, quam maximum numerum jumentorum, atque hominum intercipiunt: cohortibusque cetratis subsidio missis, scienter in duas partes sese distribuunt; alii, ut praedae subsidio sint; alii, ut venientibus resistent, atque eos propellant: unamque cohortem, quae temere ante ceteras extra aciem procurrerat, seclusam à reliquis circumveniunt, atque interficiunt; incolumesque cum magna praeda eodem ponte in castra revertuntur. Dum haec ad Ilerdam geruntur, Massilienses usi **L. Domitii** consilio naves longas expediunt, numero **XVII**. quarum erant **XI** tectae. multa huc minora navigia addunt: ut ipsa multitudine nostra classis terreatur: magnum numerum sagittariorum, magnum Albicorum, de quibus supra demonstratum est, imponunt: atque hos praemiis pollicitationibusque incitant. certas sibi deposcit naves Domitius, atque has colonis, pastoribusque, quos secum adduxerat, complet. sic omnibus rebus instructa classe, magna fiducia ad nostras naves procedunt, quibus praerat **D. Brutus**. haec ad insulam, quae est contra Massiliam, stationes obtinebant. erat multo inferior numero navium Brutus: sed delectos ex omnibus legionibus fortissimos

mos viros antesignanos, centuriones Cæsar ei classi attribuerat, qui sibi id muneris depoposcerant. ii manus ferreas atque harpagones paraverant; magnoque numero pilorum, tragularum, reliquorumque telorum se instruxerant: ita, cognito hostium adventu, suas naves ex portu educunt, cum Massiliensibus conflagunt. pugnatum utrimque est fortissime, atque acerrime: neque multum Albici nostris virtute cedebant, homines asperi, & montani, exercitati in armis: atque ii modo digressi à Massiliensibus recentem eorum pollicitationem animis continebant; pastoresque indomiti, spe libertatis excitati, sub oculis domini suam probare operam studebant. ipsi Massilienses, & celeritate navium, & scientia gubernatorum confisi, nostros eludebant, impetumque eorum excipiebant: &, quoad licebat latiore spatio, producta longius acie, circumvenire nostros, aut pluribus navibus adoriri singulas, aut remos transcurrentes detergere, si possent; contendebant: quum propius erat necessario ventum, ab scientia gubernatorum atque artificii, ad virtutem montanorum confugiebant. Nostri, quod minus exercitatis remigibus, minusque peritis gubernatoribus utebantur; qui repente ex onerariis navibus erant producti, neque dum etiam vocabulis armamentorum cognitis; tum etiam gravitate & tarditate navium impediabantur. factæ enim subito ex humida materia, non eundem usum celeritatis habebant. itaque, dum locus cominus pugnandi daretur, æquo animo singulas binis navibus objiciebant. atque injecta manu ferrea, & retenta utraque nave, diversi pugnabant, atque in hostium naves transcendebant; & magno numero Albicorum & pastorum interfecto, partem navium deprimunt; nonnullas cum hominibus capiunt, reliquas in portum compellunt. Eo die naves Massiliensium, cum iis, quæ sunt captæ, intercunt ix. Hoc Cæsari ad Ilerdam nunciato, si-

mul perfecto ponte, celeriter fortuna mutatur. illi perterriti virtute equitum, minus libere, minus audacter vagabantur: alias non longo ab castris progressi spatio, ut celerem receptum haberent, angustius pabulabantur: alias, longiore circuitu, custodias stationesque equitum vitabant; aut aliquo accepto detrimento, aut procul equitatu viso, ex medio itinere, projectis sarcinis, fugiebant; postremo & plures intermittere dies, & prater consuetudinem omnium, noctu constituerant pabulari. interim Oscenses & Calagurritani, qui erant cum Oscensibus contributi, mittunt ad eum legatos, seseque imperata facturos pollicentur. hos Tarraconenses, & Jacetani, & Ausetani, & paucis post diebus Illurgavonenses, qui flumen Iberum attingunt, insequuntur. petit ab his omnibus, ut se frumento juvent. pollicentur, atque, omnibus undique conquisitis jumentis, in castra deportant. transit etiam cohors Illurgavonensis ad eum, cognito civitatis consilio; & signa ex statione transfert. magna celeriter fit commutatio rerum. perfecto ponte, magnis v civitatibus ad amicitiam adjunctis, expedita re frumentaria, extinctis rumoribus de auxiliis legionum, quæ cum Pompeio per Mauritaniam venire dicebantur, multæ longinquiores civitates ab Afranio desciscunt, & Cæsaris amicitiam sequuntur. quibus rebus perterritis animis adversariorum, Cæsar, ne semper magno circuitu per pontem equitatus esset mittendus, nactus idoneum locum, fossas pedum xxx in altitudinem complures facere instituit, quibus partem aliquam Sicoris averteret, vadumque in eo flumine efficeret. His pene effectis, magnum in timorem Afranius Petreiusque perveniunt, ne omnino frumento pabuloque intercluderentur; quod multum Cæsar equitatu valebat. itaque constituunt ipsis locis excedere, & in Celtiberiam bellum transferre. Huic consilio suffragabatur etiam

etiam illa res, quod ex duobus contrariis generibus, quæ superiore bello cum L. Sertorio steterant, civitates victæ nomen atque imperium absentis timebant: quæ in amicitia manserant, Pompeii magnis affectæ beneficiis, eum diligebant: Cæsaris autem in barbaris erat nomen obscurius. hinc magnos equitatus, magnaque auxilia exspectabant; & suis locis bellum in hiemem ducere cogitabant. hoc inito consilio, toto flumine Ibero naves conquirere, & Octogesam adduci jubent. id erat opidum positum ad Iberum, milliaque passuum à castris aberat xx. ad eum locum fluminis, navibus junctis, pontem imperant fieri: legionesque ii flumen Sicorim transducunt: castraque muniunt vallo pedum xii. qua re per exploratores cognita, summo labore militum Cæsar continuato diem noctemque opere in flumine avertendo, huc jam rem deduxerat, ut equites, etsi difficulter atque ægre fiebat, possent tamen atque auderent flumen transire; pedites vero tantummodo humeris ac summo pectore extare; & quum altitudinē aquæ, tum etiam rapiditate fluminis ad transfundendum non impedirentur. sed tamen eodem fere tempore pons in Ibero prope effectus nunciabatur; & in Sicori vadum reperiēbatur. Jam vero eo magis illi maturandum iter existimabant. Itaque ii auxiliaribus cohortibus Ilerdæ præsidio relictis, omnibus copiis Sicorim transeunt, & cum ii legionibus, quas superioribus diebus transduxerant, castra conjungunt. relinquebatur Cæsari nihil, nisi uti equitatu agmen adversariorum male haberet & carperet. Pons enim ipsius magnum circuitum habebat; ut multo breviori itinere illi ad Iberum pervenire possent. equites ab eo missi flumen transeunt; & quum de tertia vigilia Petreius atque Afranius castra movissent, repente sese ad novissimum agmen ostendunt; & magna multitudine circumfusa, morari atque iter impedire incipiunt. Prima luce ex superioribus locis.

locis, quæ Cæsaris castris erant conjuncta, cernebatur equitatus nostri prælio novissimos illorum premi vehementer, ac nonnumquam sustinere extremum agmen, atque interrumpi: alias inferri signa, & universarum cohortium impetu nostros propelli, deinde rursus conversos insequi: totis vero castris milites circulari, & dolere, hostem ex manibus dimitti, bellum necessario longius duci: centuriones tribunosque militum adire, atque obsecrare, ut per eos Cæsar certior fieret, ne labori suo, nec periculo parceret: paratos esse, sese posse & audere ea transire flumen, qua transductus esset equitatus. quorum studio & vocibus excitatus Cæsar, etsi timebat tantæ magnitudinis flumini exercitum objicere, conandum tamen atque experiendum judicat. itaque infirmiores milites ex omnibus centuriis deligi jubet, quorum aut animus aut vires videbantur sustinere non posse. hos cum legione una præsidio castris relinquit: reliquas legiones expeditas educit: magnoque numero jumentorum in flumine supra atque infra constituto, transducit exercitum. pauci ex his militibus vi fluminis abrepti ab equitatu excipiuntur ac sublevantur, interiit tamen nemo. transducto incolumi exercitu, copias instruit; triplicemque aciem ducere incipit. ac tantum fuit in militibus studium, ut, millium vi addito circuitu, magnaue ad vadum fluminis mora interposita, eos qui de tertia vigilia exissent, ante horam diei ix consequerentur. Quos ubi Afranius procul [visos] cum Petreio conspexit, nova re perterritus, locis superioribus consistit, aciemque instruit. Cæsar in campis exercitum reficit; ne defessum prælio objiciat. rursus conantes progredi insequitur & moratur. illi necessario maturius, quam constituerant, castra ponunt. suberant enim montes, atque à millibus passuum v itinera difficilia atque angusta excipiebant. hos intra montes se recipiebant, ut equitatum effugerent

gerent Cæsaris ; præfidiisque in angustiis collocatis, exercitum itinere prohiberent ; ipsi sine periculo ac timore Iberum copias transducerent. quod fuit illis conandum, atque omni ratione efficiendum : sed totius dici pugna atque itineris labore defessi, rem in posterum diem distulerunt. Cæsar quoque in proximo colle castra ponit. media circiter nocte iis, qui adaquandi causa longius à castris processerant, ab equitibus correptis, fit ab his certior Cæsar, duces adversariorum silentio copias castris educere. Quo cognito, signum dari jubet, & vasa militari more conclamari. illi exaudito clamore veriti, ne noctu impediti sub onere configere cogerentur, aut ne ab equitatu Cæsaris in angustiis tenerentur, iter supprimunt, copiasque in castris continent. postero die Petreius cum paucis equitibus occulte ad exploranda loca proficiscitur. hoc idem fit ex castris Cæsaris. mittitur L. Decidius Saxa cum paucis, qui loci naturam perspiciat. uterque idem suis renuntiat, & in illa passuum proxima intercedere itineris campestris : inde excipere loca aspera & montuosa. qui prior has angustias occupaverit, ab hoc hostem prohiberi nihil esse negotii. Disputatur in concilio à Petreio & Afranio, & tempus profectionis quaeritur. plerique censebant, ut noctu iter facerent: posse prius ad angustias venire, quam sentirentur. alii, quod pridie noctu conclamatum esset in castris Cæsaris, argumenti sumebant loco, non posse clam exiri, circumfundi noctu equitatum Cæsaris, atque omnia loca atque itinera obsideri: nocturnaque prælia esse vitanda, quod perterritus miles in civili dissensione timori magis quam religioni consulere consueverit: at lucem multum per se pudorem omnium oculis, multum etiam tribunorum mil. & centurionum præsentiam afferre, quibus rebus coerceri milites, & in officio contineri soleant. quare omni ratione esse interdum perrumpendum. etsi aliquo

quo accepto detrimento ; tamen , summâ exercitus salvâ , locum quem petant capi posse. Hæc vicit in concilio sententia ; & prima luce postridie constituunt proficisci. Cæsar, exploratis regionibus, albente cælo, omnes copias castris educit; magnoque circuitu, nullo certo itinere exercitum ducit. namque itinera, quæ ad Iberum atque Octogesam pertinebant, castris hostium oppositis tenebantur. ipsi erant transcendendæ valles maximæ ac difficillimæ : saxa multis locis prærupta iter impediabant ; ut arma per manus necessario transferrentur, militesque inermes, sublevatique alii ab aliis , magnam partem itineris conficerent. sed hunc laborem recusabat nemo, quod cum omnium laborum finem fore existimabant , si hostem Ibero intercludere , & frumento prohibere potuissent. Ac primo Afraniani milites , visendi causâ , lati ex castris procurrebant , contumeliosisque vocibus prosequabantur , necessarij viâus inopia coactos fugere , atque ad Ilerdam reverti. erat enim iter à proposito diversum; contrariamq; in partem iri videbatur. Duces vero eorum suum consilium laudibus ferebant , quod se castris tenuissent. multumque eorum opinionem adjuvabat, quod sine jumentis impedimentisque ad iter profectos videbant ; ut non posse diutius inopiam sustinere confiderent. sed, ubi paullatim retorqueri agmen ad dextram conspexerunt ; jamque primos superare regionem castrorum animadverterunt ; nemo erat adeo tardus , aut fugiens laboris , quin statim castris exeundum, atque occurrendum putaret. Conclamatur ad arma; atque omnes copiar, paucis præsidio relictis cohortibus, exeunt, rectoque ad Iberum itinere contendunt. Erat in celeritate omne positum certamen, utri prius angustias montesque occuparent; sed exercitum Cæsar's viarum difficultates tardabant ; Afranii copias equitatus Cæsar's insequens morabatur. res tamen ab Afranianis huc erat necessario deducta,

ut,

ut, si priores montes, quos petebant, attigissent, ipsi periculum vitarent, impedimenta totius exercitus, cohortesque in castris relictas servare non possent, quibus interclusis exercitu Cæsaris, auxilium ferri nulla ratione poterat. confecit prior iter Cæsar; atque ex magnis rupibus nactus planiciem, in hac contra hostem aciem instruit. Afranius, quum ab equitatu novissimum agmen premeretur, & ante se hostem videret, collem quemdam nactus, ibi constitit. ex eo loco IV cetratorum cohortes in montem, qui erat in conspectu omnium excelsissimus, mittit. hunc magno cursu concitatos jubet occupare eo consilio, uti ipse eodem omnibus copiis contenderet, &, mutato itinere, jugis Octogesam perveniret. hunc quum obliquo itinere cetrati peterent, conspiciatus equitatus Cæsaris, in cohortes impetum facit: nec minimam partem temporis equitum vim cetrati sustinere potuerunt; omnesque ab his circumventi, in conspectu utriusque exercitus interficiuntur. Erat occasio bene gerendæ rei. neque vero id Cæsarem fugiebat, tanto sub oculis accepto detrimento, perterritum exercitum sustinere non posse, præsertim circumdatum undique equitatu, quum in loco æquo atque aperto conflingeretur. idque ex omnibus partibus ab eo flagitabatur. Concurrabant legati, centuriones, tribuni que mil. ne dubitaret prælium committere: omnium esse militum paratissimos animos: Afranianos contra multis rebus sui timoris signa misisse; quod suis non subvenissent; quod de colle non decederent; quod vix equitum incursum sustinerent; collatisque in unum locum signis, conferti neque ordines neque signa servarent. quod si iniquitatem loci timeret, datum iri tamen aliquo loco pugnandi facultatem; quod certe inde decedendum esset Afranio, nec sine aqua permanere posset. Cæsar in eam spem venerat, se sine pugna & sine vulnere suorum rem conficere posse; quod

quod re frumentaria adversarios interclusisset. cur, etiam secundo prælio, aliquos ex suis amitteret? cur vulnerari pateretur optime meritos de se milites? cur denique fortunam periclitaretur? præsertim quum non minus esset imperatoris, consilio superare, quam gladio. movebatur etiam misericordia civium, quos interficiendos videbat; quibus salvis atque incolumibus rem obtinere malebat. hoc consilium Cæsaris à plerisque non probabatur. Milites vero palam inter se loquebantur; quoniam talis occasio victoriæ dimitteretur, etiam quum vellet Cæsar, sese non esse pugnaturus. ille in sua sententia perseverat; & paullum ex eo loco digreditur, ut timorem adversariis minuat. Petreius atque Afranius, oblata facultate, in castra sese referunt. Cæsar præsidii montibus dispositis, omni ad Iberum intercluso itinere, quam proxime potest hostium castris castra communit. postero die duces adversariorum perturbati, quod omnem rei frumentariæ fluminisque Iberi spem amiserant, de reliquis rebus consultabant. erat unum iter, Ilerdam si reverti vellent; alterum, si Tarraconem peterent. Hæc consiliantibus eis, nunciatur, aquatores ab equitatu premi nostro: qua re cognita, crebras stationes disponunt equitum, & cohortium alariarum; legionariasque interjiciunt cohortes; vallumque ex castris ad aquam ducere incipiunt; ut intra munitionem & sine timore & sine stationibus aquari possent. id opus inter se Petreius atque Afranius partiuntur: ipsique, perficiendi operis causa, longius progrediuntur. quorum discessu liberam nacti milites colloquiorum facultatem, vulgo procedunt: & quem plerisque in castris notum aut municipem habebat, conquirat, atque vocat. primum agunt gratias omnes omnibus, quod sibi perterritis pridie pepercissent: eorum se beneficio vivere: dein de imperatoris fide quærunt, rectene se illi sint commissuri; &, quod non ab initio fecerint,

arma-

armaque cum hominibus necessariis & consanguineis contulerint, conqueruntur. His provocati sermonibus, fidem ab imperatore de Petreii & Afranii vita petunt; ne quod in se scelus concepisse neu suos prodidisse videantur. quibus confirmatis rebus, se statim signa translaturus confirmant; legatosque de pace primorum ordinum centuriones ad Cæsarem mittunt. Interim alii suos in castra, invitandi causa, adducunt; alii ab suis abducuntur; adeo, ut una castra jam facta ex binis viderentur. compluresque tribuni militum, & centuriones ad Cæsarem veniunt, seque ei commendant. hoc idem fit à principibus Hispaniæ, quos illi evocaverant, & secum in castris habebant obsidum loco. ii suos notos hospitesque quærebant, per quem quisque eorum aditum commendationis haberet ad Cæsarem. Afranii etiam filius adolescens, de sua & parentis sui salute, cum Cæsare, per Sulpicium legatum, agebat. erant plena lætitia & gratulatione omnia; eorum, qui tanta pericula vitasse, & eorum, qui sine vulnere tantas res confecisse videbantur. magnumque fructum suæ pristinæ lenitatis omnium iudicio Cæsar ferebat; consiliumque ejus à cunctis probabatur. Quibus rebus nuntiatis Afranio, ab instituto opere discedit, seque in castra recipit; sic paratus, ut videbatur, ut, quicumque accidisset casus, hunc quieto & æquo animo ferret. Petreius vero non deserit sese; armat familiam. cum hac, & prætoriam cohortem cetratorum, barbarisque equitibus paucis, beneficiariis suis, quos suæ custodiæ causa habere consueverat, improvise ad vallum advolat; colloquia militum interrumpit; nostros repellit ab castris: quos deprehendit, interficit. reliqui cœunt inter se; & repentino periculo exterriti sinistras sagis involvunt, gladiosque distringunt; atque ita se à cetratis equitibusque defendunt, castrorum propinquitate confisi; seque in castra recipiunt; & ab iis cohortibus, quæ

erant

erant in statione ad portas, defenduntur. Quibus rebus confectis, flens Petreius manipulos circuit; militesque appellat; neu se, neu Pompeium absentem Imperatorem suum adversariis ad supplicium tradant, obsecrat. fit celeriter concursus in pratorium. Postulat, ut jurent omnes, se exercitum ducesque non deserturos, neque prodituros, neque sibi separatim à reliquis consilium capturos. Princeps in hæc verba jurat. ipse idem jusjurandum adigit Afranium. subsequuntur tribuni militum, centurionesque. centuriatim producti milites idem jurant: edicunt, penes quem quisque sit miles Cæsaris, ut producat. productos palam in pratorio interficiunt. sed plerosque ii, quos receperant, celant, noctuque per vallum emittunt. sic terror oblatus à ducibus, crudelitas in supplicio, nova religio jurisjurandi, spem præsentis deditiois sustulit, mentesque militum convertit, & rem ad pristinam belli rationem redegit. Cæsar, qui milites adversariorum in castra per tempus colloqui venerant, summa diligentia conqueri & remitti jubet. sed ex numero tribunorum militum, centurionumque, nonnulli sua voluntate apud eum remanserunt: quos ille postea magno honore habuit. centuriones in ampliores ordines, equites Romanos in Tribunicium restituit honorem. Premebantur Afraniani pabulatione, aquabantur ægre. frumenti copiam legionarii nonnullam habebant, quod dierum *xxi* ab Ilerda frumentum jussi erant efferre: cetrati auxiliaresque nullam; quorum erant & facultates ad parandum exiguæ, & corpora insueta ad onera portanda. itaque magnus eorum quotidie numerus ad Cæsarem perfugiebat. In his erat angustia res: sed ex propositis consiliis duobus explicitius videbatur Ilerdam reverti: quod ibi paullulum frumenti reliquerant. ibi se reliquum consilium explicaturos confidebant. Tarraco aberat longius: quo spatio plures rem posse

casus

casus recipere intelligebant. hoc probato consilio ,
ex castris proficiscuntur. Cæsar equitatu præmisso ,
qui novissimum agmen carperet atque impediret ,
ipse cum legionibus subsequitur. nullum intercede-
bat tempus , quin extremi cum equitibus præliaren-
tur. Genus erat hoc pugnæ : Expeditæ cohortes no-
vissimum agmen claudebant : pluriesque in locis
campestribus subsistebant. si mons erat adscenden-
dus, facile ipsa loci natura periculum repellebat: quod
ex locis superioribus, qui antecesserant, suos adscen-
dentes protegebant. quum vallis aut locus declivis
suberat , neque ii , qui antecesserant, morantibus o-
pem ferre poterant; equites vero ex loco superiore in
adversos tela conjiciebant. tum magno erat in peri-
culo res ; tum inquirebant, ut, quum ejusmodi esset
locis appropinquatum, legionum signa consistere ju-
berent, magnoque impetu equitatum repellerent; eo
summoto , repente incitato cursu sese in valles uni-
versi demittere , atque ita transgressi rursus in locis
superioribus consistere. nam tantum ab equitum
suorum auxiliis aberant , quorum numerum habe-
bant magnum, ut eos, superioribus perterritos præliis,
in medium reciperent agmen , ultroque eos tueren-
tur: quorum nulli ex itinere excedere licebat, quin ab
equitatu Cæsaris exciperetur. tali dum pugnatur mo-
do, lente ac paullatim proceditur, crebroque, ut sint
auxilio suis , subsistunt, ut tum accidit. millia enim
progressi iv, vehementiusque peragitati in equitatu,
montem excelsum capiunt: ibique una à fronte con-
tra hostem castra muniunt , neque jumentis onera
deponunt. ubi Cæsaris castra posita , tabernaculaque
constituta , & dimissos equites pabulandi causâ ani-
madvertere ; sese subito proripiunt hora circiter vi
ejusdem diei ; &, spem nacti moræ discessu nostrorū
equitum , iter facere incipiunt. qua re animadversa,
Cæsar edulis legionibus subsequitur ; præsidio im-
pedimentis paucas cohortes relinquit : hora x sub-
sequi

sequi pabulatores, equitesque revocari jubet. celeriter equitatus ad quotidianum itineris officium revertitur. pugnatur acriter ad novissimum agmen, adeo, ut pene terga convertant: compluresque milites, etiam nonnulli centuriones interficiuntur. Instabat agmen Cæsaris, atque universum imminebat. Tum vero neque ad explorandum idoneum locum castris, neque ad progrediendum data facultate, consistunt necessario, & procul ab aqua, & natura in quo loco castra ponunt. sed iisdem de causis Cæsar, quæ supra sunt demonstratæ, prælio non laceffit, & eo die tabernacula statui passus non est; quo paratiores essent ad insequendum omnes, sive noctu, sive interdiu erumperent. illi, animadverso vitio castrorum, tota nocte munitiones proferunt, castraque castris convertunt. hoc idem postero die à prima luce faciunt, totumque in ea re diem consumunt. sed, quantum opere processerant, & castra protulerant, tanto aberant ab aqua longius; & præsentī malo aliis malis remedia dabantur. prima nocte aquandi causa nemo egreditur ex castris. proximo die, præsidio in castris relicto, universas ad aquam copias educunt: pabulatum emittitur nemo. his eos supplices male haberi Cæsar, & necessariam subire deditionem, quam prælio decertare, malebat. conatur tamen eos vallo fossaque circumvenire; ut quam maxime repentinas eorum eruptiones demoretur quo necessario descensuros existimabat. ibi & inopia pabuli adducti, & quo essent ad iter expeditiores, omnia farcinaria jumenta interfici jubent. in his operibus, consiliisque, biduum consumitur. Tertio die magna jam pars operis Cæsaris processerat. Illi impediendæ rei causâ, hora circiter 11 x signo dato, legiones educunt, aciemque sub castris instruunt. Cæsar ab opere legiones revocat, equitatum omnem convenire jubet; aciem instruit. contra opinionem enim militum, famamque omnium, videri prælium

lium diffugisse, magnum detrimentum afferebat. sed eisdem de causis, quæ sunt cognitæ, quo minus dimicare vellet, movebatur; atque hoc etiam magis, quod spatii brevitatis, etiam in fugam conjectis adversariis, non multum ad summam victoriæ juvare poterat. non enim amplius pedum millibus **II** ab castris castra distabant. hinc duas partes acies occupabant. tertia vacabat, ad incursum atque impetum militum relicta. si prælium committeretur, propinquitas castrorum celerem superatis ex fuga receptum dabat. Hac de causa constituerat signa inferentibus resistere, prior prælio non lacerare. Acies erat Afraniana duplex, legio **V**, & **III**. in subsidiis locum alariæ cohortes obtinebant. Cæsaris triplex: sed primam aciem quaternæ cohortes ex **V** legione tenebant. has subsidiariæ ternæ, & rursus aliæ totidem, suæ cujusque legionis, subsequiebantur. sagittarii funditoresque media continebantur acie. equitatus latera cingebat. Tali instructa acie, tenere uterque propositum videbatur; Cæsar, ut nisi coactus, prælium non committeret; ille, ut opera Cæsaris impediret. producit tamen res, aciesque ad solis occasum continentur. inde utrique in castra discedunt. Põstero die munitiones institutas Cæsar parat perficere. illi vadum fluminis Sicoris tentare, si transire possent. qua re animadversa Cæsar Germanos levis armaturæ, equitumque partem flumen transjicit, crebrasque in ripis custodias disponit. Tandem, omnibus rebus obsessi, quartum jam diem sine pabulo rentis jumentis, aquæ, lignorum; frumenti inopia, colloquium petunt; & id si fieri possit, semoto à militibus loco. ubi id à Cæsare negatum, & palam si colloqui vellent, concessum est; datur obsidis loco Cæsari filius Afranii. venit in eum locum, quem Cæsar deligit. audiente utroque exercitu, loquitur Afranius: Non esse aut ipsi, aut militibus succensendum, quod fidem erga Imperatorem suum Cn. Pompeium

peium conservare voluerint: sed satis jam fecisse officio, satisque supplicii tulisse perpestos omnium rerum inopiam: nunc vero, pene ut feminas circummunitos, prohiberi aqua, prohiberi ingressu: neque corpore dolorem, neque animo ignominiam ferre possent: itaque se victos confiteri: orare atque obsecrare, si quis locus misericordiae relinquatur, ne ad ultimum supplicium progredi necesse habeant. Hac quam potest demississime atque subjectissime exponit. Ad ea Cæsar respondit: Nulli omnium has partes, vel querimoniae, vel miserationis, minus convenisse. reliquos enim omnes suum officium præstitisse; se, qui etiam bona conditione, & loco, & tempore æquo configere noluerit, ut quam integerrima essent ad pacem omnia; exercitum suum, qui injuria etiam accepta, suisque interfectis, quos in sua potestate habuit, conservavit, & texerit; illius denique exercitus milites, qui per se de concilianda pace egerint; qua in re omnium suorum vitæ consulendum putarunt. sic omnium ordinum partes in inisericordia constituisse: ipsos duces à pace abhorruisse: eos neque colloqui neque induciarum jura servasse; & homines imperitos & per colloquium deceptos crudelissime interfecisse. Accidisse igitur his, quod plerumque hominibus nimia pertinacia atque arrogantia accidere soleat, uti eo recurrant, & id cupidissime petant, quod paullo ante contempserint: neque nunc se illorum humilitate, neque aliqua temporis opportunitate postulare, quibus rebus augeantur opes suæ; sed eos exercitus, quos contra se multos jam annos aluerint, velle dimitti: neque enim VI legiones alia de causa missas in Hispaniam, septimamque ibi conscriptam, neque tot tantasque classes paratas neque summissos duces, rei militaris peritos. nihil horum ad pacandas Hispanias, nihil ad usum provinciae provilum, quæ, propter diuturnitatem pacis, nullum auxilium

lium desiderarit. omnia hæc jampridem contra se parari : in se novi generis imperia constitui ; ut idem ad portas urbanis præsideat rebus , & duas bellicosissimas provincias absens tot annos obtineat : in se jura magistratuum commutari , ne ex pratura & consulatu , ut semper , sed per paucos probati & electi in provincias mittantur : in se ætatis excusationem nihil valere , quod superioribus bellis probati ad obtinendos exercitus evocentur : in se uno non servari , quod sit omnibus datum semper imperatoribus , ut rebus feliciter gestis aut cum honore aliquo , aut certe sine ignominia domum revertantur , exercitumque dimittant. Quæ tamen omnia & se tulisse patienter , & esse laturum : neque nunc id agere , ut ab illis abductum exercitum teneat ipse , quod tamen sibi difficile non sit ; sed ne illi habeant , quo contra se uti possint : proinde , ut esset dictum , provinciis excederent , exercitumque dimitterent. si id sit factum , nociturum se nemini. hanc unam atque extremam pacis esse conditionem. Id vero militibus fuit pergratum , & jucundum , ut ex ipsa significatione potuit cognosci ; ut , qui aliquid victi incommodi expectavissent , ultro præmium missionis ferrent. nam quum de loco & tempore ejus rei controversia inferretur , & voce & manibus universi ex vallo , ubi constiterant , significare cœperunt , ut statim dimitterentur : neque omni interposita fide firmum esse posse , si in aliud tempus differretur. Paucis quum esset in utramque partem verbis disputatum ; res huc deducitur , ut ii , qui habeant domicilium aut possessiones in Hispania , statim ; reliqui ad Varum flumen dimittantur. ne quid eis noceretur , neve quis invitus sacramento dicere cogeretur , à Cæsare cavetur. Cæsar , ex eo tempore , dum ad flumen Varum veniatur , se frumentum daturum , pollicetur. addit etiam , ut , quid quisque eorum in bello amiserit , quæ sint penes milites

suos, iis, qui amiserint, restituatur: militibus, æqua facta æstimatione, pecuniam pro iis rebus dissolvit. quascunque postea controversias inter se milites habuerant, sua sponte ad Cæsarem intus adierunt. Petreius atque Afranius quum stipendium ab legionibus, pene seditione facta, flagitarentur, cujus illi diem nondum venisse dicerent, Cæsar ut cognosceret, postulant; eoque utrique, quod statuit, contenti fuerunt. Parte circiter tertia exercitus eo biduo dimissa, 11 legiones suas antecedere, reliquas subsequi iussit; ut non longo inter se spatio castra facerent: eique negotio Q. Fusium Kalenum legatum præfecit. hoc ejus præscripto ex Hispania ad Varum flumen est iter factum, atque ibi reliqua pars exercitus dimissa est.

L I B E R II.



Um hæc in Hispania geruntur, C. Trebonius legatus, qui ad oppugnationem Massiliæ relictus erat, duabus ex partibus aggerem, vineas, turreſque ad opidum agere instituit. una erat proxima portui navalibusq;: altera ad partem, qua est aditus [ex Gallia atq; Hispania ad id mare, quod adigit] ad ostium Rhodani. Massilia enim fere ex 111 opidi partibus mari alluitur. reliqua quarta est, quæ aditum habet à terra, hujus quoque spatii pars ea, quæ ad arcem pertinet, loci natura, & valle altissima munita longam & difficilem habet oppugnationem. ad ea perficienda opera C. Trebonius magnam jumentorum atque hominum multitudinem ex omni provincia vocat, vimina materiamque comportari jubet. quibus comparatis rebus, aggerem in altitudinem pedum Lxxx exstruit. sed tanti erant antiquitus in opido omnium rerum ad bellum apparatus, tantaque multitudo tor-
men-

mentorū, ut eorū vim nullā contextā viminibus vineā sustinere possent. Assēres enim pedum xxi cuspidibus præfixi, atque hi maximis balistis missi per iv ordines cratium [in terra] defigebantur. itaque pedalibus lignis conjunctis inter se porticus in-tegebatur; atque hac agger inter manus proferebatur. antecede-bat testudo pedum lx æquandi loci caus-sa [facta; item] ex fortissimis lignis, involuta omnibus rebus, quibus ignis jactus & lapides defen-di possent. sed magnitudo operum, altitudo muri, at-que turrium, multitudo tormentorum omnem ad-ministrationē tardabat. tum crebræ per Albicos eru-ptiones fiebant ex opido, ignesque aggeri & turribus inferebantur. quæ facile nostri repellebant milites; magnisq; ultro illatis detrimentis, eos, qui eruptio-nem fecerant, in opidum rejiciebant. Interim L. Nasidius ab Cn. Pompeio cum classe navium xvi , in quibus paucæ erant ærata; L. Domitio Massiliē-sibusque subsidio missus, freto Sicilia, imprudente atque inopinante Curione, provehitur: appulsisque Messanā navibus, atque inde, propter repentinum terrorem, principum ac Senatus fuga facta, ex nava-libus eorū unam deducit. Hac adjuncta ad reli-quas naves, cursum Massiliam versus perficit; præ-missaque clam navicula, Domitium Massiliensesque de suo adventu certiores facit; eosque magnopere hortatur, ut rursus cum Bruti classe, additis suis auxi-liis, configant. Massilienses post superius incommo-dum vèteres ad eundem numerum ex navalibus productas naves refecerant, summaque industria ar-maverant. remigum gubernatorumque magna co-pia [suppetebat.] piscatoriasque adjecerant, atque contexerant, ut essent ab ictu telorum reiniges tuti: has sagittariis tormentisque compleverant. Tali modo instructa classe, omnium seniorum, matrum-familia, virginum precibus & fletu excitati, ut ex-tremo tempore civitati subvenirent, non minore

animo ac fiducia, quam ante dimicaverant, naves conscendunt. Communi enim fit vitio naturæ, ut invisis, latitantibus atque incognitis rebus magis confidamus, vehementiusque exterreamur, ut tum accidit. adventus enim L. Nasidii summa spe & voluntate civitatem compleverat. nacti idoneum ventum ex portu exeunt, & Tauroenta, quod est castellum Massiliensium, ad Nasidium perveniunt; ibique naves expediunt: rursusque se ad confligendum animo confirmant; & consilia communicant. dextra pars Massiliensibus attribuitur, sinistra Nasidio. eodem Brutus contendit, aucto navium numero. nam ad eas, quæ factæ fuerant Arelate per Cæsarem, captivæ Massiliensium accesserant VI. has superioribus refecerat diebus, atque omnibus rebus instruxerat. itaque suos cohortatus, quos integros superavissent, ut victos contemnerent, plenus spei bonæ atque animi adversus eos profiscitur. facile erat ex castris C. Trebonii, atque omnibus superioribus locis prospicere in urbem, ut omnis juvenus, quæ in opido remanserat, omnesque superioris ætatis, cum liberis atque uxoribus, publicisque custodiis, aut ex muro ad cælum manus tenderent, aut templa Deorum immortalium adirent, & ante simulacra projecti victoriam ab Diis exposcerent. neque erat quisquam omnium, qui non in ejus diei casu suarum omnium fortunarum eventum consistere existimaret. nam & honesti ex juventute, & cujusque ætatis amplissimi, nominatim evocati atque obsecrati naves conscenderant; ut, si quid adversi accidisset, ne ad conandum quidem sibi quidquam reliqui fore viderent: si superavissent vel domesticis opibus, vel externis auxiliis de salute urbis confiderent. Commisso prælio, Massiliensibus res nulla ad virtutem defuit: sed memores eorum præceptorum, quæ paullo ante ab suis acceperant, hoc animo decertabant, ut nullum aliud tempus ad conandum habi-

habitura viderentur, &, quibus in pugna vitæ periculum accideret, non ita multo se reliquorum civium fatum antecedere existimarent, quibus urbe capta eadem esset belli fortuna patienda. deductisque nostris paullatim navibus, & artificio gubernatorum mobilitati navium locus dabatur; &, si quando nostri facultatem nacti ferreis injectis manibus navem religaverant, undiq; suis laborantibus succurrebant. Neque vero conjuncti Albicis cominus pugnando deficiebant: neque multum cedebant virtute nostris. simul ex minoribus navibus magna vis eminus missa telorum multa nostris de improvviso imprudentibus atque impeditis vulnera inferebant; conspicataeque naves triremes 11 navem D. Bruti, quæ ex insigni facile agnosci poterat, duabus ex partibus sese incam incitaverant: sed tantum re provisâ Brutus celeritate navis enisus est, ut parvo momento antecederet. illæ adeo graviter inter se incitatae conflixerunt, ut vehementissime utraq; ex concursu laborarent; altera vero, præfracto rostro, tota collabefceret. qua re animadversa, quæ proximæ ei loco ex Bruti classe naves erant, in eas impeditas impetum faciunt, celeriterque ambas depriment. Sed Nasidianæ naves nullo usui fuerunt, celeriterque pugna excesserunt. non enim has aut conspectus patriæ, aut propinquorum præcepta ad extremum vitæ periculum adire cogebant. itaque ex eo numero navium nulla desiderata est: ex Massiliensium classe v sunt depressæ, iv captæ, i cum Nasidianis profugit: quæ omnes citeriorem Hispaniam petiverunt: at ex reliquis una præmissa Massiliam, hujus nuncii perferendi gratia, quum jam appropinquaret urbi, omnis sese multitudo ad cognoscendum effudit: ac, re cognita tantus luctus excepit, ut urbs ab hostibus capta eodem vestigio videretur. Massilienses tamen nihilo sequius ad defensionem urbis reliqua apparare coeperunt. Est animadversum ab legionariis, qui dex-

teram partem operis administrabant, ex crebris hostium eruptionibus, magno sibi esse praesidio posse, si pro castello ac receptaculo, turrim ex latere sub muro fecissent: quam primo ad repentinos incursum humilem parvamque fecerant. huc se referebant: hinc, si qua major oppresserat vis, propugnabant: hinc ad repellendum & prosequendum hostem procurrebant. patebat hac quoquoversus pedes xxx, sed parietum crassitudo pedes v. postea vero, ut est rerum omnium magister usus, hominum adhibita solertia, inventum est, magno esse usui posse, si hac esset in altitudinem turris elata. id hac ratione perfectum est. ubi turris altitudo perducta est ad contabulationem: eam in parietes influerunt ita, ut capita tignorum extrema parietum structura tegerentur, ne quid emereret, ubi ignis hostium inhaeresceret. hanc insuper contignationem, quantum tectum plutei ac vinearum passum est, laterculo adstruxerunt: supraque eum locum duo tigna transversa injecerunt non longe ab extremis parietibus, quibus suspenderent eam contignationem, quae turri tegumento esset futura: supraque ea tigna directo transversas trabes injecerunt, easque axibus religaverunt. has trabes paullo longiores atque eminentiores, quam extremi parietes erant, effecerunt; ut esset, ubi tegumenta praependere possent, ad defendendos ictus ac repellendos, dum inter eam contignationem parietes exstruerentur: eamque contabulationem summam lateribus lutoque constraverunt, ne quis ignis hostium nocere posset: centonesque insuper injecerunt; ne aut tela tormentis missa tabulationem perfringerent, aut saxa ex catapultis latericium discuterent. stoeas autem ex funibus anchorariis tres in longitudinem parietum turris latas iv pedes fecerunt: easque ex iii partibus, quae ad hostes vergebant, eminentibus trabibus circum turrem praependentes, religaverunt. quod unum genus tegumenti
aliis

aliis locis erant experti nullo telo neque tormento transjici posse. ubi vero ea pars turris, quæ erat perfecta, tecta atque munita est ab omni ictu hostium: pluteos ad alia opera abduxerunt: turris tectum per se ipsum prehensionibus ex contignatione prima suspendere ac tollere cœperunt; ubi, quantum storearum demissio patiebatur, tantum elevabant. Intra hæc tegumenta abditi atque muniti parietes lateribus exstruebant: rursusque alia prehensione ad ædificandum sibi locum expediebant. ubi tempus alterius contabulationis videbatur, tigna item ut primo tectâ extremis lateribus exstruebant, exquæ ea contignatione rursus summam contabulationem storeasque elevabant. ita tuto, ac sine ullo vulnere ac periculo v i tabulatâ exstruxerunt: fenestrasque, quibus in locis visum est, ad tormenta mittenda in struendo reliquerunt. ubi ex ea turri, quæ circum essent, opera tueri se posse confisi sunt; musculum pedum L x longum ex materia bipedali, quem à turri latericia ad hostium turrem intrumque perducerent, facere instituerunt: cujus musculi hæc erat forma. Duæ primum trabes in solo æque longæ, distantes inter se pedes i v collocantur: inque eis columellæ pedum in altitudinem v defiguntur. has inter se capreolis molli fastigio conjungunt, ubi tigna, quæ musculi tegendi causâ ponant, collocentur. eo super tigna bipedalia injiciunt: eaque laminis clavisque religant. ad extremum musculi tectum, trabesque extremas, quadratas tegulas i v patentes digitos defigunt; quæ lateres, qui super musculo struantur, contineant. ita fastigiato, atque ordinatim structo, ut trabes erant in capreolis collocatæ, lateribus lutoque musculus, ut ab igne, qui ex muro jaceretur, tutus esset, contegitur. supra lateres coria inducuntur; ne canalibus aqua immissa lateres diluere posset. Coria autem, ne rursus igni ac lapidibus corrumpantur, centonibus

conteguntur. hoc opus omne tectum vineis ad ipsam turrim perficiunt, subitoque, inopinantibus hostibus, machinatione navali, palangis subiectis, ad turrim hostium admovent, ut ædificio jungatur. Quo malo perterriti subito opidani saxa quam maxima possunt, vectibus promovent, præcipitataque muro in musculum devolvunt. Ictum firmitas materiæ sustinet; &, quidquid incidit, fastigio musculi elabitur. Id ubi vident, mutant consilium: cupas tæda ac pice refertas incendunt; easque de muro in musculum devolvunt. involutæ labuntur; delapsæ ab lateribus, longuriis, furcisque ab opere removentur. interim sub musculo milites vectibus infima saxa turris hostium, quibus fundamenta continebantur, convellunt. Musculus ex turri lateritia à nostris telis tormentisque defenditur: hostesque ex muro ac turribus subinoventur. non datur libera muri defendendi facultas. Compluribus jam lapidibus ex ea, quæ suberat, turri subductis, repentina ruina pars ejus turris concidit, pars reliqua consequens præcumbebat. Tum hostes turris repentina ruina commoti, inopinato malo turbati, Deorum ira perculsi, urbis direptione perterriti, inermes cum infulis sese porta foras universi proripiunt; ad legatos atque exercitum supplices manus tendunt. Qua nova re oblata, omnis administratio belli consistit: militesque averfi à prælio ad studium audiendi & cognoscendi feruntur. ubi hostes ad legatos, exercitumque pervenerunt, universi se ad pedes projiciunt: orant, ut adventus Cæsaris expectetur: captam suam urbem videre, opera perfecta, turrem subrutam; itaque à defensione desistere: nullam exoriri moram posse, quo minus, quum venisset, si imperata non facerent, ad nutum è vestigio diriperentur. docent, si omnino turris concidisset, non posse milites contineri, quin spe prædæ in urbem irumperent, urbemque delerent. hæc, atque ejusdem

dem generis complura, ut ab hominibus doctis, magna cum misericordia fletuque pronunciantur. Quibus rebus commoti legati, milites ex opere deducunt, oppugnatione desistunt, operibus custodias relinquunt. Induciarum quodam genere misericordia facto, adventus Cæsaris expectatur. nullum ex muro, nullum à nostris mittitur telum: ut re confecta, omnes curam & diligentiam remittunt. Cæsar enim per litteras Trebonio magnopere mandaverat, ne per vim opidum expugnari pateretur; ne gravius permoti milites, & defectionis odio, & contemptione sui, & diutino labore, omnes puberes interficerent. quod se facturos minabantur. ægreque tunc sunt retenti, quin opidum irrumperent: graviterque eam rem tulerunt, quod stetisse per Trebonium, quo minus opido potirentur, videbatur. At hostes sine fide tempus atque occasionem fraudis ac doli quaerunt. Interjectisque aliquot diebus, nostris languentibus, atque animo remissis, subito, meridiano tempore, quum alius discessisset, alius ex diutino labore in ipsis operibus quieti se dedisset, arma vero omnia reposita contextaque essent; portis se foras erumpunt; secundo magnoque vento ignem operibus inferunt. hunc sic distulit ventus, uti uno tempore agger, plutei, testudo, turris, tormenta-que flammam conciperent, & prius hæc omnia consumerentur, quam, quemadmodum accidisset, animadverti posset. Nostri repentina fortuna permoti, arma, quæ possunt, accipiunt. alii ex castris sese incitant. fit in hostes imperus: sed è muro, sagittis, tormentisque fugientes persequi prohibentur. Illi sub murum se recipiunt; ibique musculum turrinque lateritiam libere incendunt. ita multorum mensium labor, hostium perfidia, & vi tempestatis, puncto temporis interiit. Tentaverunt hoc idem Massilienses postero die, eandem nacti tempestatem; majori cum fiducia ad alteram turrem, aggerem-

que,

que, eruptione pugnaverunt; multumque ignem intulerunt. sed ut superioris temporis contentionem nostri omnem remiserant; ita proximi diei casu admoniti omnia ad defensionem paraverant. itaque multis interfectis, reliquos infecta re in opidum repulerunt. Trebonius ea, quæ sunt amissa, multo majore studio militum administrare & reficere instituit. nam ubi tantos suos labores & apparatus male cecidisse viderunt, induciisque per scelus violatis suam virtutem irrisui fore perdoluerunt; quod, unde agger omnino comportari posset, nihil erat reliquum, omnibus arboribus longe lateque in finibus Massiliensium excisis, & convectis, aggerem novi generis atque inauditum ex lateritiis duobus muris, senum pedum crassitudine, atque eorum murorum contignationem facere instituerunt, æqua fere latitudine, atque ille congestus ex materia fuerat agger. ubi autem spatium inter muros, aut imbecillitas materiæ postulare videretur, pilæ interponuntur, transversaria tigna injiciuntur, quæ firmamento esse possint. & quidquid est contignatum, cratibus confertur, cratesque luto integuntur. Sub tecto miles dextera ac sinistra muro tectus, adversus plutei objecta, operi quæcunque usui sunt, sine periculo supportat. celeriter res administratur: diuturni laboris detrimentum sollertia & virtute militum brevi reconcinnatur. Portæ, quibus locis videtur, eruptionis causa in muro relinquuntur. Quod ubi hostes viderunt, ea, quæ diu longoque spatio refici non posse sperassent, paucorum dierum opera & labore ita refecta, ut nullus perfidiæ neque eruptioni locus esset; neque quidquam omnino relinqueretur, quo aut vi militibus, aut igni operibus noceri posset, eodemque exemplo sentiunt totam urbem, qua sit aditus, ab terra, muro, turribusque circumiri posse, sic, ut ipsis consistendi in suis munitionibus locus non esset; quum pene inædificata in muris ab exercitu

citu nostro moenia viderentur; ac tela manu conjicerentur; suorumque tormentorum usum, quibus ipsi magna speravissent, spatio propinquitatis interire: parique conditione è muro ac turribus bellandi data, virtute se nostris adæquare non posse intelligunt: ad easdem deditiois conditiones recurrunt. M. Varro in ulteriore Hispania initio cognitis iis rebus, quæ sunt in Italiâ gestæ, diffidens Pompeianis rebus, amicissime de Cæsare loquebatur. præoccupatum sese legatione ab Cn. Pompeio, teneri obstructum fide: necessitudinem quidem sibi nihilo minorem cum Cæsare intercedere: neq; se ignorare, quod esset officium legati, qui fiduciariam operam obtineret; quæ vires suæ, quæ voluntas erga Cæsarem totius provinciæ. Hæc omnibus ferebat sermonibus; neque se in ullam partem movebat. Postea vero, quum Cæsarem ad Massiliam distineri cognovit, copias Petreii cum exercitu Afranii esse conjunctas, magna auxilia convenisse, magna esse in spe atque expectatione, & consentire omnem citeriorem Provinciam, quæq; postea acciderant, de angustiis ad llerdam rei frumentariæ accepit; atq; hæc ad eum latius atque inflatius Afranius perscribebat: se quoque ad motum fortunæ movere cœpit. delectum habuit totâ provinciâ; legionibus completis xi cohortes circiter xxx alarias addidit, frumenti magnum numerum coëgit, quod Massiliensibus, item quod Afranio Petreioque mitteret. naves longas x Gaditanis, ut facerent, imperavit: complures præterea Hispali faciendas curavit: pecuniam omnem omniaque ornamenta ex Fano Herculis in opidum Gades contulit. eo vi cohortes, præsidii causâ, ex provincia misit: Caiumque Galloniû, equitem Romanum, familiarẽ Domitii, qui eo procurandæ hæreditatis causâ venerat missus à Domitio, opido Gadibus præfecit: arma omnia privata & publica in domum Gallonii contulit. ipse habuit graves in Cæsarem conciones. sæpe ex tribunali prædicavit

adversa Casarem praelia fecisse, magnum numerum ab eo militum ad Afranium perfugisse. hæc se certis nunciis, certis auctoribus, comperisse. Quibus rebus perterritos cives Romanos ejus provinciæ sibi ad Remp. administrandam H-S. CXC, & argenti pond. xx millia, tritici modios cxx millia polliceri cogit. quas Cæsari esse amicas civitates arbitrabatur, iis graviora onera injungebat: qui verba atque orationem adversus Remp. habuissent, eorum bona in publicum addicebat; præsidiaque eo deducebat, & judicia in privatos reddebat: provinciam omnem in sua & Pompeii verba jusjurandum adigebat. Cognitis iis rebus, quæ sunt gestæ in citeriore Hispania, parabat bellum. Ratio autem hæc erat belli, ut se cum II legionibus Gadis conferret, naves, frumentumque omne ibi contineret. provinciam enim omnem Cæsaris rebus favere cognoverat. in insula frumento navibusque comparatis, bellum duci non difficile existimabat. Cæsar, etsi multis necessariisque rebus in Italiam revocabatur; tamen constituerat nullam partem belli in Hispaniis relinquere: quod magna esse Pompeii beneficia & magnas clientelas in citeriore provincia sciebat. itaque duabus legionibus missis in ulteriorem Hispaniam cum Q. Cassio Tribuno pl. ipse cum equitibus de magnis itineribus progreditur; edictumque præmittit ad quam diem magistratus principesque omnium civitatum sibi esse præsto Cordubæ vellet. quo edicto tota provincia pervulgato, nulla fuit civitas, quin ad id tempus partem Senatûs Cordubam mitteret; nullusve civis Romanus paullo notior, quin ad diem conveniret. simul ipse Cordubæ conventus per se portas Varroni clausit; custodias vigilasque in muro turribusque disposuit. cohortes II, quæ Colonica appellabantur, quum eo casu venissent tuendi opidi causa, apud se retinuit. Iisdem diebus Carmonenses, quæ est longe firmissima totius provinciæ civitas, deducis

ctis III in arcem opidi cohortibus à Varrone præsidio, per se cohortes eiecit, portasque præcluserat. Hoc vero magis properare Varro, ut cum legionibus quamprimum Gades contenderet: ne itinere, aut transiectu intercluderetur. tanta, ac tam secunda in Cæsarem voluntate provinciæ progressu ei paullo longius litteræ à Gadibus redduntur; simul atque cognitum sit de edicto Cæsaris, consensisse Gaditanos principes cum Tribunis cohortium, quæ essent ibi in præsidio, ut Gallonium ex opido expellerent, urbem insulamque Cæsari servarent. Hoc inito consilio, denunciavisse Gallonio, ut sua sponte, dum sine periculo liceret, excederet Gadibus. si id non fecisset, sibi consilium capturos. Hoc timore adductum Gallonium Gadibus excessisse. His cognitis rebus, altera ex II legionibus, quæ Vernacula appellabatur, ex castris Varronis, adstante & inspectante ipso, signa sustulit, seseque Hispalim recepit, atque in foro & porticibus sine maleficio consedit. quod factum adeo ejus conventus cives Romani comprobaverunt, ut domum ad se quisque hospitio cupidissime reciperet. Quibus rebus perterritus Varro, quum itinere converso, sese Italicam venturum promississet, certior à suis factus est, præclusas esse portas. Tum vero, omni interclusus itinere, ad Cæsarem mittit, paratum se esse legionem, cui jussent, transdere. Ille ad eum Sex. Cæsarem mittit, atque huic transditi jubet. Transdita legione, Varro Cordubam ad Cæsarem venit: relatis ad eum publicis rationibus, cum fide, quod penes eum est pecuniæ, transdit; &, quod ubique habeat frumenti, ac navium, ostendit. Cæsar, habita concione Cordubæ, omnibus generatim gratias agit; civibus Romanis, quod opidum in sua potestate studuissent habere; Hispanis, quod præsidia expulissent; Gaditanis, quod conatus adversariorum infregissent, seseque in libertatem vindicassent; tribunis mil. cen-
turio-

turionibusque qui eo præsidii causa venerant, quod eorum consilia sua virtute confirmassent, pecunias, quas erant in publicum Varroni cives Romani polliciti, remittit; bona restituit iis, quos liberius locutos hanc poenam tulisse cognoverat, tributis quibusdam publicis privatisque præmiis: reliquos in posterum bona spe complet; biduumque Cordubæ commoratus Gades proficiscitur: pecunias monumentaque, quæ ex Fano Herculis collata erant in privatam domum, referri in templum jubet: provinciæ Q. Cassium præficit. huic IV legiones attribuit: ipse iis navibus, quas M. Varro, quasque Gaditani jussu Varronis fecerant, Tarraconem paucis diebus pervenit. Ibi totius fere citerioris provinciæ legationes Cæsaris adventum exspectabant. Eadem ratione privatim ac publice quibusdam civitatibus habitis honoribus, Tarracone discedit, pedibusque Narbonem, atque inde Massiliam pervenit. ibi legem de dictatore latam, seseque Dictatorem dictum à M. Lepido prætoris, cognoscit. Massilienses omnibus defessi malis, rei frumentariæ ad summam inopiam adducti, bis prælio navali superati, crebris eruptionibus fusi, gravi etiam pestilentia conflictati, ex diutina conclusionis, & mutatione victus (panico enim vetere atque hordeo corrupto omnes alebantur, quod ad hujusmodi casus antiquitus paratum in publicum contulerant), dejecta turri, labefacta magna parte muri, auxiliis provinciarum & exercituum desperatis, quos in Cæsaris potestatem venisse cognoverant, sese dedere sine fraude constituunt. sed paucis ante diebus L. Domitius, cognita Massiliensium voluntate, navibus IIII comparatis, ex quibus III familiaribus suis attribuerat, unam ipse conscenderat, nactus turbidam tempestatem, est profectus. Hunc conspiciatæ naves, quæ jussu Bruti consuetudine quotidiana ad portum excubabant, sublatis anchoris sequi cœperunt. ex iis unum ipsius navigium

gium contendit, & fugere perseveravit, auxilioque tempestatis ex conspectu abiit; duo perterrita concursu nostrarum navium sese in portum receperunt. Massilienses arma tormenta; ex opido, ut est imperatum, proferunt: naves ex portu navalibusque educunt: pecuniam ex publico transdunt. Quibus rebus confectis, Cæsar magis pro nomine & vetustate, quam pro meritis in se civitatis, conservans, **II** ibi legiones præsidio relinquit; ceteras in Italiam mittit: ipse ad Urbem proficiscitur. Iisdem temporibus C. Curio, in Africam profectus ex Sicilia, & jam ab initio copias P. Attii Vari despiciens, **II** legiones ex **IV**, quas à Cæsare acceperat, & **D** equites transportabat: biduoque & noctibus **III** navigatione consumptis, appellit ad eum locum, qui appellatur Aquilaria. Hic locus abest à Clupeis passuum **XXII** millia, habetque non incommodam [æstate] stationem, & duobus eminentibus promontoriis continetur. Hujus adventum L. Cæsar filius cum **X** longis navibus ad Clupeam præstolans (quas naves, Uticæ ex prædonum bello subductas, P. Attius reficiendas hujus belli causa curaverat), veritus navium multitudinem, ex alto refugerat; appulsaque ad proximum litus trireme constrata, & in litore relicta, pedibus Adrumetum profugerat. Id opidum C. Considius Longus unius legionis præsidio tuebatur. reliquæ Cæsar's naves ejus fuga Adrumetum se receperunt. Hunc secutus M. Rufus Quæstor navibus **XII**, quas præsidio onerariis navibus Curio ex Sicilia eduxerat, postquam relictam in litore navem conspexit, hanc remulco abstraxit: ipse ad Curionem cum classe redit. Curio Marcum Uticam navibus præmittit: ipse eodem cum exercitu proficiscitur; biduoque iter progressus, ad flumen Bagradam pervenit: ibi C. Caninium Rebilum legatum cum legionibus relinquit: ipse cum equitatu antecedit ad castra exploranda Corneliana; quod is locus peridoneus castris habebatur.

bebatur. Id autem est jugum directum, eminens in mare, utraque ex parte præruptum atque asperum, sed paullo tamen leniore fastigio ab ea parte, quæ ad Uticam vergit. abest directio itinere ab Utica paullo amplius passuum mille. sed hoc itinere est fons, quo mare succedit. longe lateque is locus restagnat: quem si quis vitare voluerit, VI millium circuitu in opidum perveniet. Hoc explorato loco, Curio castra Vari conspicit, muro opidoque conjuncta ad portam, quæ appellatur Bellica, admodum munita natura loci: una ex parte ipso opido Utica, altera theatro, quod est ante opidum, substructionibus ejus operis maximis, aditu ad castra difficili & angusto. simul animadvertit multa undique portari atque agi plenissimis viis, quæ repentini tumultus timore ex agris in urbem conferebantur. Huc equitatum mittit, ut diriperet, atque haberet loco prædæ. eodemque tempore his rebus subsidio ne equites Numidæ ex opido, peditesque eodem mittuntur à Varo; quos auxilii causa rex Juba paucis diebus ante Uticam miserat. huic & paternum hospitium cum Pompeio, & simulas cum Curione intercedebant; quod tribunus pl. legem promulgaverat, qua lege regnum Jubæ publicaverat. Concurrent equites inter se. neque vero primum impetum nostrorum Numidæ ferre potuerunt: sed interfectis circiter cxx reliqui se in castra ad opidum receperunt. Interim adventu longarum navium Curio pronunciari onerariis navibus jubet, quæ stabant ad Uticam numero circiter cc, se in hostium habiturum loco, qui non è vestigio ad castra Corneliana vela direxisset. Qua pronuntiatione facta, temporis puncto, sublatis anchoris, omnes Uticam relinquunt, & quo imperatum est, transeunt. quæ res omnium rerum copia complevit exercitum. His rebus gestis, Curio se in castra ad Bagradam recepit, atque universi exercitus conclamatione Imperator appellatur. postero die
Uticam

Uticam exercitum ducit, & prope opidum castra ponit. nondum opere castrorum perfecto, equites ex statione nunciant, magna auxilia equitum peditumque ab rege missa Uticam venire; eodemque tempore vis magna pulveris cernebatur; & vestigio temporis primum agmen erat in conspectu. Novitate rei Curio permotus præmittit equites, qui primum impetum sustineant ac morentur. ipse celeriter ab opere deductis legionibus aciem instruit. equites committunt prælium: & prius, quam plane legiones explicari & consistere possent, tota auxilia regis impedita ac perturbata, quod nullo ordine & sine timore iter fecerant, in fugam se conjiciunt: equitatuque omni fere incolumi, quod se per litora celeriter in opidum recepit, magnum peditum numerum interficiunt. Proxima nocte centuriones Marci II ex castris Curionis cum manipularibus suis XXII ad Attium Varum perfugiunt. ii, seu vere, quam habuerant, opinionem perferunt, sive etiam auribus Vari serviunt (nam quæ volumus, & credimus libenter, & quæ sentimus ipsi, reliquos sentire speramus); confirmant quidem certe totius exercitus animos alienos esse à Curione: maxime opus esse in conspectum exercitum venire, & colloquendi dare facultatem. Qua opinione adductus Varus postero die mane legiones ex castris educit. facit idem Curio: atque una valle non magna interjecta, suas uterque copias instruit. Erat in exercitu Vari Sext. Quintilius Varus, quem fuisse Corfinii supra demonstratum est. Hic demissus à Cæsare in Africam venerat: legionesque eas transduxerat Curio, quas superioribus temporibus Corfinio receperat Cæsar: adeo ut, paucis mutatis centurionibus, iidem ordines, manipuli que constarent. hanc nactus appellationis causam Quintilius, circumire aciem Curionis, atque obsecrare milites cœpit, ne primi sacramenti, quod apud Domitium, atque apud se Quæ-
storem

storem dixissent, memoriam deponerent; neu contra eos arma ferrent, qui eadem essent usi fortuna, eademque in obsidione perpassi: neu pro iis pugnarent, à quibus contumeliâ perfugæ appellarentur. His pauca ad spem largitionis addit, quæ ab sua liberalitate, si se atque Attium secuti essent, expectare deberent. Hac habita oratione, nullam in partem ab exercitu Curionis fit significatio: atque ita suas uterque copias reducit. At in castris Curionis magnus omnium incessit timor. nam is variis hominum sermonibus celeriter augetur. unusquisque enim opinioniones fingeat, & ad id quod ab alio audierat, sui aliquid timoris addebat. hoc ubi uno auctore ad plures permanerat, atque alius alii transdiderat, plures auctores ejus rei videbantur. civile bellum. genus hominum. quod liceret libere facere & sequi quod vellet. legiones eæ, quæ paullo ante apud adversarios fuerant (nam etiam Cæsaris beneficium mutaverat consuetudo) qua offerrentur. municipia etiam adversis partibus conjuncta. neque enim ex Maris Pelignisque veniebant, ut qui superiore nocte in contuberniis, commilitonesque nonnulli, graviores sermones militum vulgo durius accipiebant. nonnulla etiam ab iis, qui diligentiores videri volebant, fingeantur. Quibus de causis concilio convocato de summa rerum deliberare incipit. Erant sententiæ, quæ conandum omnibus modis, castraque Vari oppugnanda censerent; quod hujusmodi militum consiliis otium maxime contrarium esse arbitrarentur. postremo præstare dicebant, per virtutem in pugna belli fortunam experiri, quam desertos, & circumventos à suis gravissimum supplicium pati. porro erant, qui censerent de tertia vigilia in castra Cornelianæ recedendum; ut majore spatio temporis interjecto militum mentes sanarentur; simul si quid gravius accidisset, magna multitudo navium & tutius & facilius in Siciliam receptus daretur. Curio utrumque im-

improbans consilium, quantum alteri sententiæ de-
esset animi, tantum alteri superesse dicebat: hos tur-
pissimæ fugæ rationem habere, illos etiam iniquo
loco dimicandum putare. Qua enim, inquit, fidu-
cia, & opere & natura loci munitissima castra expu-
gnari confidimus? aut vero quid proficimus, si ac-
cepto magno detrimento ab oppugnatione castro-
rum discedimus? quasi non & felicitas rerum gesta-
rum exercitus benevolentiam imperatoribus, & res
adversæ odia concilient. Castrorum autem mutatio
quid habet nisi turpem fugam & desperationem o-
mnium, & alienationem exercitus? nam neque pru-
dentes suspicari oportet, sibi parum credi; neque im-
probos scire, sese timeri: quod illis licentiam timor
augeat, nostris studia deminuat. Quod si jam, in-
quit, hæc explorata habemus, quæ de exercitus alic-
natione dicuntur; quæ quidem ego aut omnino fal-
sa, aut certe minora opinione esse confido: quanto
hæc dissimulare, & occultare, quam per nos confir-
mari, præstat? an non uti corporis vulnera, ita exer-
citus incommoda sunt tegenda, ne spem adversariis
augeamus? at etiam, ut media nocte proficiscamur,
addunt: quo majorem, credo, licentiam habeant,
qui peccare conentur. namque hujusmodi res aut
pudore aut metu tenentur; quibus rebus nox ma-
xime adversaria est. Quare neque tanti sum animi,
ut sine spe castra oppugnanda censeam; neque tan-
ti timoris, ut ipse deficiam: atque omnia prius ex-
perienda arbitror: magnaue ex parte jam me una
vobiscum de re judicium facturum confido. Dimis-
so concilio, concionem advocat militum: comme-
morat, quo sit eorum usus studio ad Corfinium Cæ-
sar; ut magnam partem Italiæ beneficio atque aucto-
ritate eorum suam fecerit. Vos enim, vestrumque
factum, inquit, omnia deinceps municipia sunt se-
cuta, neque sine causâ & Cæsar amicissime de vo-
bis, & illi gravissime judicaverunt. Pompeius enim
nullo

nullo praelio pulsus, vestri facti prajudicio demotus Italia excessit: Cæsar me, quem sibi carissimum habuit, provinciamque Siciliam atque Africam, sine quibus Urbem atque Italiam tueri non potest, vestræ fidei commisit. Adsunt qui vos hortentur, ut à nobis desciscatis. quid enim est illis optatius, quam uno tempore & nos circumvenire, & vos nefario scelere obstringere? aut quid irati gravius de vobis sentire possunt, quam ut eos prodatis, qui se vobis omnia debere judicant? in eorum potestatem veniatis, qui se per vos perisse existimant? an vero in Hispania res gestas Cæsaris non audistis? duos pullos exercitus? duos superatos duces? duas receptas provincias? hæc acta diebus XL, quibus in conspectu adversariorum venerit Cæsar. an qui incolumes resistere non potuerunt, perditum resistant? vos autem incerta victoria Cæsarem secuti, dijudicata jam belli fortuna victum sequamini, quum vestri officii præmia percipere debeatis? Desertos enim se ac proditos à vobis dicunt, & prioris sacramenti mentionem faciunt. Vosne vero L. Domitium, an vos L. Domitius deseruit? nonne extremam pati fortunam paratos projecit ille? non sibi clam vobis salutem fuga petivit? non proditi per illum, Cæsaris beneficio estis conservati? Sacramento quidem vos tenere qui potuit? quum projectis fascibus, & deposito imperio, privatus & captus ipse in alienam venisset potestatem? Relinquitur nova religio, ut eo neglecto sacramento, quo nunc teneamini, respiciatis illud, quod deditioe ducis & capitis deminutione sublatum est. At credo, si Cæsarem probatis, in me offenditis, qui de meis in vos meritis prædicaturus non sum, quæ sunt adhuc & mea voluntate & vestra exspectatione leviora: sed tamen sui laboris milites semper, eventu belli, præmia petiverunt: qui qualis sit futurus, ne vos quidem dubitatis. Diligentiam

gentiam quidem nostram, aut quem ad finem adhuc res processit, fortunamque cur præteream? Ah poenitet vos, quod saluum atque incolumem exercitum, nulla omnino nave desiderata, transduxerim? quod classem hostium primo impetu adveniens profligaverim? quod bis per biduum equestri prælio superaverim? quod ex portu, sinuque adversariorum, et naves onerarias adduxerim? eoque illos compulerim, ut neque pedestri itinere, neque navibus commeatu juvari possint? Hac vos fortuna, atque his ducibus repudiatis, Corfiniensem ignominiam, [an] Italiæ fugam, [an] Hispaniarum deditionem, [an] Africi belli præjudicia sequimini? Equidem me Cæsaris militem dici volui: vos me Imperatoris nomine appellavistis. Cujus si vos poenitet; vestrum vobis beneficium remitto; mihi meum restituite nomen; ne ad contumeliam honorem dedisse videamini. Qua oratione permoti milites crebro etiam dicentem interpellabant; ut magno cum dolore infidelitatis suspicionem sustinere viderentur. discedentem vero ex concione universi cohortantur, magno sit animo, neu dubitet prælium committere, & suam fidem virtutemque experiri. Quo facto commutata omnium voluntate, & opinione, consensu summo constituit Curio, quum primum sit data potestas, prælio rem committere. Postero die productos loco eodem, quo superioribus diebus constiterat, in acie collocat. ne Varus quidem Attius dubitat copias producere; sive sollicitandi milites, sive æquo loco dimicandi detur occasio; ne facultatem prætermittat. Erat vallis inter duas acies, ut supra demonstratum est, non ita magno, ac difficili, & arduo adscensu. hanc uterque si adversariorum copiarum transire conarentur, exspectabat; quo æquiore loco prælium committeret. simul à sinistro cornu P. Attii equitatus
omnis,

omnis, & una levis armaturæ interjecti complures, quum se in vallem demitterent, cernebantur. ad eos Curio equitatum, & duas Marrucinatorum cohortes mittit: quorum primum impetum equites hostium non tulerunt: sed, admissis equis, ad suos refugerunt: relictæ ab iis, qui una procurrerant, levis armaturæ, circumveniebantur, atque interficiebantur ab nostris. Huc tota Vari conversa acies suos fugere & concidi videbat. Tum Rebilus legatus Cæsaris, quem Curio secum ex Sicilia duxerat, quod magnum habere usum in re militari sciebat, Perterritum, inquit, hostem vides, Curio. quid dubitas uti temporis opportunitate? Ille unum elocutus, ut memoria tenerent milites ea, quæ pridie sibi confirmassent, sequi sese jubet, & præcurrit ante omnes: adeoque erat impedita vallis, ut in adscensu, nisi sublevati à suis, primi non facile eniterentur. sed præoccupatus animus Attianorum militum timore, & fuga, & cade suorum, nihil de resistendo cogitabat; omnesque jam se ab equitatu circumveniri arbitrabantur. itaque prius, quam telum adjici posset, aut nostri propius accederent, omnis Vari acies terga vertit, seque in castra recepit. qua in fuga Fabius Pelignus quidam, ex infimis ordinibus, de exercitu Curionis, primum agmen fugientium consecutus, magna voce Varum nomine appellans requirebat; uti unus esse ex ejus militibus, & monere aliquid velle, ac dicere videretur. ubi ille sæpius appellatus adspexit ac restitit, & quis esset, aut quid vellet, quæsit, humerum apertum gladio appetit; paulumque abfuit, quin Varum interficeret. quod ille periculum, sublato ad ejus conatum scuto, vitavit. Fabius à proximis militibus circumventus interficitur, ac fugientium multitudine ac turba portæ castrorum occupantur, atque iter impeditur; pluresque in eo loco sine vulnere, quam in prælio aut fuga, intereunt. neque multum abfuit, quin etiam castris

stris expellerentur; ac nonnulli protinus eodem cursu in opidum contenderunt. sed quum loci natura, tum munitio castrorum aditum prohibebat: quod ad prælium egressi Curionis milites iis rebus indigebant, quæ ad oppugnationem castrorum erant usui. itaque Curio exercitum in castra reducit, suis omnibus præter Fabium incolumibus, ex numero adversariorum circiter DC interfectis, ac ∞ vulneratis: qui omnes discessu Curionis, multique præterea, per simulationem vulnerum, ex castris in opidum, propter timorem, sese recipiunt. Qua re animadversa, Varus, & terrore exercitus cognito, buccinatore in castris, & paucis ad speciem tabernaculis relictis, de tertia vigilia silentio exercitum in opidum reducit. Postero die Curio Uticam obsidere, & vallo circummunire instituit. Erat in opido multitudo insolens belli, diuturnitate otii; Uticenses pro quibusdam Cæsaris in se beneficiis illi amicissimi; conventus, qui ex variis generibus constaret; terror ex superioribus præliis magnus. itaque de deditioe omnes palam loquebantur, & cum P. Attio agebant, ne suâ pertinaciâ omnium fortunas perturbari vellet. Hæc quum agerentur, nuntii præmissi ab rege Juba venerunt: qui illum cum magnis copiis adesse dicerent, & de custodia ac defensione urbis hortarentur. quæ res eorum perterritos animos confirmavit. Nunciabantur hæc eadem Curioni, sed aliquamdiu fides fieri non poterat. tantam habebat suarum rerum fiduciam. Jamque Cæsaris in Hispania res secundæ in Africam nuntiis ac literis perferebantur. quibus omnibus rebus sublatus nihil contra se Regem nisurum existimabat. sed ubi certis auctoribus comperit, minus v & xx millibus [longe] ab Utica ejus copias abesse; relictis munitionibus, sese in castra Corneliana recepit. huc frumentum comportare, castra munire, materiam conferre cœpit, statimque in Siciliam misit, uti I I legiones, reli-

N

quosque

quusque equitatus ad se mitteretur. castra erant ad bellum ducendum aptissima, natura, & loci munitione, & maris propinquitate, & aquæ & salis copia: cujus magna vis jam ex proximis erat salinis eo congesta. non materia multitudine arborum, non frumentum, cujus erant plenissimi agri, deficere poterat. itaque suorum omnium consensu Curio reliquas copias expectare, & bellum ducere parabat. His constitutis rebus, probatisque consiliis, ex perfugis quibusdam opidanis audit, Jubam revocatum finitimo bello, & controversiis Leptitanorum restitisse in regno; Saburam ejus præfectum cum mediocribus copiis missum Uticæ appropinquare. his auctoribus temere credens consilium commutat, & prælio rem committere constituit. multum ad hanc rem probandam adjuvat adolescentia, magnitudo animi, superioris temporis proventus, fiducia rei bene gerendæ. His rebus impulsus equitatum omnem prima nocte ad castra hostium mittit, ad flumen Bagradam, quibus præerat Sabura, de quo ante erat auditum. Sed rex omnibus copiis insequabatur, & vii millium passuum intervallo à Sabura confederat. Equites missi nocte iter conficiunt. imprudentes, atque inopinantes hostes aggrediuntur. Numidæ enim quadam barbara consuetudine nullis ordinibus passim confederant. hos oppressos somno, & dispersos adorti magnum eorum numerum interficiunt. multi perterriti profugiunt. quo facto ad Curionem equites revertuntur, captivosque ad eum reducunt. Curio cum omnibus copiis quæta vigilia exierat, cohortibus vi castris præsidio relictis. Progressus millia passuum vii equites convenit; rem gestam cognovit; ex captivis quærit, quis castris ad Bagradam præsit. respondent, Saburam. reliqua, studio itineris conficiendi, quærere prætermittit; proximaque respiciens signa, Videtisne, inquit, milites, captivorum orationem cum perfugis convenire? abesse regem;

gem; exiguas esse copias missas, quæ paucis equitibus pares non esse potuerunt. proinde ad prædam, ad gloriam, properate; ut jam de præmiis vestis, & de referenda gratia cogitare incipiamus. Erant per se magna, quæ gesserant equites, præsertim quum eorum exiguus numerus cum tanta multitudine Numidarum conferretur. hæc tamen ab ipsis inflatius commemorabantur; ut de suis homines laudibus libenter prædicant. multa præterea spolia præferbantur. capti homines, equitesque producebantur: ut, quidquid intercederet temporis, hoc omne victoriam morari videretur. ita spei Curionis militum studia non deerant. Equites sequi jubet sese; iterque accelerat, ut quammaxime ex fuga perterritos adoriri posset. At illi itinere totius noctis confecti subsequi non poterant: atque alii alio loco resistebant. ne hæc quidem res Curionem ab spe morabatur. Juba certior factus à Sabura de nocturno prælio 11 millia Hispanorum & Gallorum equitum, quos suæ custodiæ causâ circum se habere consueverat, & peditum eam partem, cui maxime confidebat, Saburæ submittit, ipse cum reliquis copiis, elephantisque XL lentius subsequitur; suspicatus, præmissis equitibus, ipsum affore Curionem. Sabura copias equitum peditumque instruit: atque his imperat, ut simulatione timoris paulatim cedant, ac pedem referant: sese quum opus esset, signum prælii daturum, &, quod rem postulare cognovisset, imperaturum. Curio ad superiorem spem addita præsentis temporis opinione, hostes fugere arbitratus, copias ex locis superioribus in campum deducit. Quibus ex locis quum longius esset progressus, confecto jam labore exercitu XVI millium spatio, consistit. dat signum suis Sabura, aciem constituit, & circuire ordines, atque hortari incipit. sed peditatu duntaxat procul ad speciem utitur; equites in aciem mittit. Non deest negotio Curio; suosque hortatur, ut spem

omnem in virtute reponant. nec militibus quidem, ut defessis; neque equitibus, ut paucis, & labore confectis, studium ad pugnandum virtusque deerat, sed ii erant numero cc. reliqui in itinere subliterant. hi quamcumque in partem impetum fecerant, hostes loco cedere cogeabant. sed neque longius fugientes prosequi, nec vehementius equos incitare poterant. At equitatus hostium ab utroque cornu circumire aciem nostram, & averfos proterere incipit. Quum cohortes ex acie procurrissent, Numidæ integri celeritate impetum nostrorum effugiebant; rursusque ad ordines suos se recipientes circumibant; & ab acie excludebant. sic neque in loco manere, ordinesque servare, neque procurtere, & casum subire, tutum videbatur. Hostium copiarum summis ab rege auxiliis crebro augebantur. nostros vires lassitudine deficiebant. simul ii, qui vulnera acceperant, neque acie excedere, neque in locum tutum referri poterant; quod tota acies equitatu hostium circumdata tenebatur. hi de sua salute desperantes, ut extremo vitæ tempore homines facere consueverunt, aut suam mortem miserabantur, aut parentes suos commendabant, si quos ex eo periculo fortuna servare potuisset. plena erant omnia timoris & luctus. Curio, ubi perterritis omnibus neque cohortationes suas, neque preces audiri intelligit, unam, ut in miseris rebus, spem reliquam salutis esse arbitratus, proximos colles capere universos, atque eo inferri signa jubet. hos quoque præoccupat missus à Sabura equitatus. tum vero ad summam desperationem nostri perveniunt: & partim fugientes ab equitatu interficiuntur, partim integri procumbunt. Hortatur Curionem Cn. Domitius præfectus equitum, cum paucis equitibus circumstans, ut fuga salutem petat, atque in castra contendat: & se ab eo non discessurum pollicetur. At Curio, nunquam amisso exercitu, quem à Cæsare fidei suæ
com-

commisſum acceperit, ſe in ejus conſpectum reverſum, confirmat; atque ita prælians interficitur. Equites perpauci ex prælio ſe recipiunt. ſed ii, quos ad noviffimum agmen, equorum reficiendorum cauſſa, ſubſtitiffe demonſtratum eſt, fuga totius exercitus procul animadverſa, ſeſe incolumes in caſtra conferunt. Milites ad unum omnes interficiuntur. His rebus cognitis, M. Rufus quæſtor in caſtris relictus à Curione cohortatur ſuos, ne animo deficient. Illi orant, atque obſecrant, ut in Siciliam navibus reportentur. pollicetur: magiſtrisque imperat navium, ut primo veſpere omnes ſcaphas ad litus apuſſas habeant. ſed tantus fuit omnium terror, ut alii adeſſe copias Juba dicerent, alii cum legionibus inſtare Varum, jamque ſe pulverem venientum cernere; quarum rerum nihil omnino acciderat; alii claſſem hoſtium celeriter advolaturam ſuſpicarentur. itaque perterritis omnibus, ſibi quiſque conſulebat. qui in claſſe erant, proficiſci properabant. horum fuga navium onerariarum magiſtros incitabat. pauci lenunculi ad officium imperiumque conveniebant. ſed tanta erat completis litoribus contentio; qui potiffimum ex magno numero conſcenderent; ut multitudine atque onere nonnulli deprimerentur, reliqui ob timorem propius adire tardarentur. Quibus rebus accidit, ut pauci milites, patreſque familia, qui aut gratia aut miſericordia valerent, aut naves adnare poſſent, recepti in Siciliam incolumes pervenirent. reliquæ copia, miſſis ad Varum noctu legatorum numero centurionibus, ſeſe ei dediderunt. quorum cohortes militum Juba poſtero die ante opidum conſpicatus, ſuam eſſe prædicans prædam, magnam partem eorum interfici juſſit: paucos electos in regnum remiſit. cum Varus ſuam fidem ab eo lædi quereretur, neque reſiſtere auderet; ipſe equo in opidum veſtus, proſequentibus compluribus ſenatoribus, quo in numero erat Ser. Sulpicius,

& Licinius Damasippus, paucis diebus, quæ fieri vellet, Uticæ constituit atque imperavit: diebusque post paucis se in regnum cum omnibus copiis recepit.

LIBER III.



Dictatore habente comitia Cæsare, consules creantur [Julius] Cæsar & P. Servilius. is enim erat annus, quo per leges ei consulem fieri liceret. His rebus confectis, quum fides tota Italia esset angustior, neque creditæ pecuniæ solverentur: constituit, ut arbitri darentur: per eos fierent æstimationes possessionum & rerum, quanti quæque earum ante bellum fuissent, atque eæ creditoribus transferrentur. hoc & ad timorem novarum tabularum tollendum minuendumque, qui fere bella & civiles dissensiones sequi consuevit, & ad debitorum tuendam existimationem esse aptissimum existimavit. item, prætoribus, tribunisque pl. rogationes ad populum ferentibus, nonnullos ambitus Pompeia lege damnatos, illis temporibus, quibus in urbe præsidia legionum Pompeius habuerat, quæ judicia, aliis audientibus iudicibus, aliis sententiam ferentibus, singulis diebus erant perfecta, in integrum restituit, qui se illi initio civilis belli obtulerant, si sua opera in bello uti vellet; perinde æstimans, ac si usus esset, quoniam sui fecissent potestatem. statuerat enim hos prius iudicio populi debere restitui, quam suo beneficio videri receptos; ne aut ingratus in referenda gratia, aut arrogans in præripiendo populi beneficio videretur. His rebus, & feriis Latinis, comitiisque omnibus perficiendis XI dies tribuit, dictaturaque se abdicat, & ab urbe proficiscitur, Brundisiumque pervenit. eo legiones XII, equitatum omnem venire jusserat. sed tantum navium reperit, ut anguste XX millia

millia legionariorum militum , & de equites transportare possent. hoc unum [inopia navium] Casari ad conficiendi belli celeritatem defuit. atque ex copiæ ipsæ hoc infrequentiores imponuntur , quod multi Gallicis tot bellis defecerant , longumque iter ex Hispania magnum numerum deminuerat , & gravis autumnus in Apulia circumque Brundisium , ex saluberrimis Galliæ & Hispaniæ regionibus omnem exercitum valetudine tentaverat. Pompeius annum spatium ad comparandas copias nactus , quod vacuum à bello , atque ab hoste otiosum fuerat , magnam ex Asia , Cycladibusque insulis , Corcyra , Athenis , Ponto , Bithynia , Syria , Cilicia , Phœnice , & Ægypto classem coëgerat , magnam omnibus locis ædificandam curaverat ; magnam imperatam Asiæ , Syriæ , regibusque omnibus , & dynastis , & tetrarchis , & liberis Achaïæ populis pecuniam exegerat , magnam societates earum provinciarum , quas ipse obtinebat , sibi numerare coëgerat. Legiones effecerat civium Romanorum **IX**. **v** ex Italia , quas transfuderat , unam ex Sicilia veteranam , quam factam ex duabus gemellam appellabat ; unam ex Creta & Macedonia , ex veteranis militibus , qui dimissi à superioribus imperatoribus in iis provinciis confederant ; **II** ex Asia , quas Lentulus conscribendas curaverat. Præterea magnum numerum ex Thessalia , Bœotia , Achaia , Epiroque , supplementi nomine in legiones distribuerat. His Antonianos milites admiscuerat. Præter has expectabat cum Scipione ex Syria legiones **II**. sagittarios ex Creta , Lacedæmone , Ponto , atque Syria , reliquisque civitatibus **III** millia numero habebat : funditorum cohortes **VI** , mercenarias **II** : equites **VII** millia : ex quibus **DC** Gallos Deiotarus adduxerat , **D** Ariobarzanes ex Cappadocia : ad eundem numerum Catus ex Thracia dederat , & Sadalem filium miserat. Ex Macedonia **CC** erant , quibus Rascipolis præerat ,

excellenti virtute. de ex Gabinianis Alexandria, Gallos Germanosque, quos ibi A. Gabinius præsidii causa apud regem Ptolemaum reliquerat, Pompeius filius cum classe adduxerat: dccc, quos ex servis suis, pastorumque suorum, coegerat: ccc Tarcundarius Castor, & Donilaus ex Gallogræcia dederant. horum alter una venerat, alter filium miserat. cc ex Syria à Comageno Antiocho, cui magna præmia Pompeius tribuit, missi erant. in his plerique hippotoxotæ. Huc Dardanos, Bessos, partim mercenarios, partim imperio aut gratia comparatos, item Macedonas, Thessalos, & reliquarum gentium & civitatum adjecerat; atque eum, quem supra demonstravimus, numerum expleverat. Frumenti vim maximam ex Thessalia, Asia, Ægypto, Creta, Cyrenis, reliquisque regionibus comparaverat. hiemare Dyrhachii, Apolloniæ, omnibusque opidis maritimis constituerat, ut mare Cæsarem transire prohiberet. ejus rei causa omni ora maritima classem disposuerat. Præerat Ægyptiis navibus Pompeius filius; Asiaticis D. Lælius, & C. Triarius; Syriacis G. Cassius; Rhodiis C. Marcellus cum C. Coponio; Liburnicæ atque Achaicæ classi Scribonius Libo, & M. Octavius. toti tamen officio maritimo M. Bibulus præpositus cuncta administrabat. ad hunc summa imperii respiciebat. Cæsar, ut Brundisium venit, concionatus apud milites, quoniam prope ad finem laborum ac periculorum esset perventum, æquo animo mancipia atque impedimenta in Italia relinquerent; ipsi expediti naves conscenderent, quo major numerus militum posset imponi; omniaque ex victoria, & ex sua liberalitate sperarent; conclamantibus omnibus, Imperaret, quod vellet; quodcumque imperavisset, se æquo animo esse facturos; pridie Non. Jan. naves solvit, impositis, ut supra demonstratum est, legionibus VII. postridie terram attigit Cerauniorum, saxa inter & alia loca peri-

periculosa quietam nactus stationem : & portus omnes timens , quos teneri ab adversariis arbitratur , ad eum locum , qui appellatur Pharsalus , omnibus navibus ad unam incolumibus , milites exposuit . Erat Orici Lucretius Vespillo , & Minucius Rufus cum Asiaticis navibus **x i i x** ; quibus jussu D. Lælii præerant : M. Bibulus cum navibus **c x** Corcyræ . sed neque ii sibi confisi ex portu prodire sunt ausi ; quum Cæsar omnino **x i i** naves longas præsidio duxisset ; in quibus erant constratæ **i i i i** . Bibulus , impeditis navibus , dispersisque remigibus , satis mature occurrit , quod prius ad continentem visus est Cæsar , quam de ejus adventu fama omnino in eas regiones perferretur . Expositis militibus , naves eadem nocte Brundisium à Cæsare remittuntur , ut reliquæ legiones , equitatusque transportari possent . Huic officio præpositus erat Fufius Kalenus legatus , qui celeritatem in transportandis legionibus adhiberet . sed serius à terrâ provectæ naves , neque usæ nocturna aura , in redeundo offenderunt . Bibulus enim Corcyræ certior factus de adventu Cæsaris , sperans se alicui parti onustarum navium occurrere posse , inanibus occurrit ; & nactus circiter **xxx** in eas indiligentiæ suæ ac doloris iracundiâ erupit , cœnesque incendit : eodemque igne nautas dominosque navium interfecit , magnitudine pœnæ reliquos deterrere sperans . Hoc confecto negotio , à Salonis ad Orici portum stationes litora que omnia longe lateque clasibus occupavit : custodiisque diligentius dispositis , ipse gravissima hieme in navibus excubabat , neque ullum laborem aut munus despicies , neque subsidium exspectans , si in Cæsaris complexum venire posset . Sed post discessum liburnarum , ex Illyrico M. Octavius cum iis , quas habebat , navibus Salonas pervenit ; ibique concitatis Dalmatis , reliquisque barbaris , Isthm à Cæsaris amicitia avertit : conventum Salonas quum ne-

que pollicitationibus, neque denunciatione periculi permovere posset, opidum oppugnare instituit. est autem opidum & loci natura & colle munitum. sed celeriter cives Romani, ligneis effectis turribus, iis sese munierunt: &, quum essent infirmi ad resistendum propter paucitatem hominum, crebris confecti vulneribus, ad extremum auxilium descenderunt: servosque omnes puberes liberaverunt: &, præfectis omnium mulierum criminibus, tormenta effecerunt. Quorum cognita sententia, Octavius quinis castris opidum circumdedit, atque uno tempore obsidione & oppugnationibus eos premere coepit. Illi omnia perpeti parati, maxime à re frumentaria laborabant. quare missis ad Cæsarem legatis, auxilium ab eo petebant: reliqua, utpoterant, per se incommoda sustinebant: & longo interposito spatio, quum diuturnitas oppugnationis negligentiores Octavianos effecisset, nacti occasionem meridiani temporis, discessu eorum, pueris mulieribusque in muro dispositis, ne quid quotidianæ consuetudinis desideraretur, ipsi, manu facta, cum iis, quos nuper manumissos liberaverant, in proxima Octavii castra irruperunt. His expugnatis, eodem impetu altera sunt adorti, inde tertia, & quarta, & deinceps reliqua: omnibusque eos castris expulerunt; &, magno numero interfecto, reliquos atque ipsum Octavium in naves confugere coegerunt. Hic fuit oppugnationis exitus. Jamque hiems appropinquarebat, &, tantis detrimentis acceptis Octavius, desperata oppugnatione opidi, Dyrrhachium sese ad Pompeium recepit. Demonstratum est L. Vibullium Rufum Pompeii præfectum bis in potestatem pervenisse Cæsaris, atque ab eo esse dimissum, semel ad Confinium, iterum in Hispania. Hunc pro suis beneficiis Cæsar judicaverat idoneum, quem cum mandatis ad Cn. Pompeium mitteret: eundemque apud Cn. Pompeium auctoritatem habere intelligebat.

Erat

Erāt autem hęc summa mandatorum : debere utrumque pertinacię finem facere , & ab armis discedere , neque amplius fortunam periclitari : satis esse magna utrumque incommoda accepta ; quę pro disciplina & pręceptis habere possent , ut reliquos casus timerent. illum ab Italia expulsum , amissā Sicilia ; & Sardinia , duabusque Hispaniis , & cohortibus in Italia atque Hispania civium Romanorum c atque xxx. se, morte Curionis , & detrimento Africani exercitus tanto , militumque deditioe ad Corcyram. proinde sibi ac reip. parcerent , quantumque in bello fortuna posset , jam ipsi incommodis suis satis essent documento : hoc unum esse tempus de pace agendi , dum sibi uterque confideret , & pares ambo viderentur : si vero alteri paulum modo tribuisset fortuna ; non esse usurum conditionibus pacis eum , qui superior videretur , neque fore æqua parte contentum , qui se omnia habiturum confideret : conditiones pacis , quoniam antea convenire non potuissent , Romę à senatu & à populo peti debere : interea & reip. & ipsis placere oportere , si uterque in concione statim juravisset , se triduo proximo exercitum dimissurum : depositis armis , auxiliisque , quibus nunc confiderent , necessario populi senatusque judicio fore utrumque contentum : hęc quo facilius Pompeio probari possent , omnes suas terrestres urbiumque copias dimissurum. Vibullius , his expositis à Cæsare , non minus necessarium esse existimavit , de repentino adventu Cæsaris Pompeium fieri certiores , uti ad id consilium capere posset , antequam de mandatis agi inciperet : atque ideo , continuato & nocte & die itinere , atque mutatis ad celeritatem jumentis , ad Pompeium contendit ; ut adesse Cæsarem omnibus copiis nunciaret. Pompeius erat eo tempore in Candavia ; iterque ex Macedonia in hiberna , Apolloniam , Dyrrhachiumque habebat. sed , re

nova perturbatus, majoribus itineribus Apolloniam petere cœpit; ne Cæsar ora maritimæ civitates occuparet. At ille expositis militibus, eodem die Oricum proficiscitur. Quo quum venisset, L. Torquatus, qui jussu Pompeii opido præerat, præsidiumque ibi Parthinorum habebat, conatus portis clausis opidum defendere, Græcos murum adscendere atque arina capere jubet. illi autem quum se contra imperium populi R. pugnaturos esse negarent; opidani autem sua sponte Cæsarem recipere conarentur; desperatis omnibus auxiliis, portas aperuit, & se atque opidum Cæsari dedit, incolumisque ab eo conservatus est. Recepto Cæsar Orico, nulla interposita mora, Apolloniam proficiscitur. Ejus adventu audito, L. Staberius, qui ibi præerat, aquam comportare in arcem, atque eam munire, obsidescque ab Apolloniatis exigere cœpit. Illi vero daturos se negare, neque portas consuli præclusuros, neque sibi judicium sumpturos, contra atque omnis Italia populusque R. judicavisset. Quorum cognita voluntate, clam profugit. Apolloniatæ ad Cæsarem legatos mittunt, opidoque recipiunt. Hos sequuntur Bullidenses, Amantiani, & reliquæ finitimæ civitates, totaque Epirus; & legatis ad Cæsarem missis, quæ imperaret, facturos pollicentur. At Pompeius, cognitis iis rebus, quæ erant Orici atque Apolloniæ gestæ, Dyrrhachio timens, diurnis eo nocturnisque itineribus contendit. simul ac Cæsar appropinquare dicebatur, tantus terror incidit ejus exercitui, quod properans noctem diei conjunxerat, neque iter intermiserat, ut pene omnes in Epiro finitimisque regionibus signa relinquerent, complures arma projicerent, ac fugæ simile iter videretur. sed, quum prope Dyrrhachium Pompeius constitisset, castraque metari jussisset; perterrito etiam tum exercitu, princeps Labienus procedit; juratque, se eum non deserturum, eundemque casum subiturum, quem-

cun.

cunque ei fortuna tribuisset. Hoc idem reliqui jurant legati. hos tribuni mil. centurionesque sequuntur; atque idem omnis exercitus jurat. Cæsar præoccupato itinere ad Dyrrhachium, finem prope-
randi facit: castraque ad flumen Apsum ponit in finibus Apolloniatis; ut vigiliis castellisque bene-
meritarum civitates tutæ essent præsidio: ibique reliqua-
rum ex Italia legionum adventum expectare, & sub
pellibus hiemare constituit. hoc idem Pompeius fa-
cit; & trans flumen Apsum positis castris, eo copias
omnes auxiliaque conduxit. Kalenus, legionibus e-
quitibusque Brundisii in naves positus, ut erat præ-
ceptum à Cæsare, quantum navium [facultatem]
habebat, naves solvit; paulumque à portu progressus,
litteras à Cæsare accipit: quibus est certior factus,
portus litoraque omnia classibus adversariorum te-
neri. Quo cognito, se in portum recipit, navesque
omnes revocat. una ex iis, quæ perseveravit, ne-
que imperio Kaleni obtemperavit, quod erat sine
militibus, privatoque consilio administrabatur, de-
lata Oricum, atque à Bibulo expugnata est: qui de
servis liberisque omnibus ad impuberes supplicium
sumit, & ad unum interficit. ita, exiguo tempore,
magno casu totius exercitus salus constitit. Bibulus,
ut supra demonstratum est, erat cum classe ad Ori-
cum: &, sicut mari portibusque Cæsarem prohibe-
bat, ita ipse omni terra earum regionum prohibeba-
tur. præsidii enim dispositis omnia litora à Cæsare
tenebantur; neque lignandi, neque aquandi, neque
naves ad terram religandi potestas fiebat. erat res in
magna difficultate: summisque angustiis rerum ne-
cessariarum premebantur; adeo ut cogerentur, si-
cuti reliquum commeatum, ita ligna atque aquam
Corcyra navibus onerariis supportare: atque uno
etiam tempore accidit, ut, difficilioribus usi tem-
pestatibus, ex pellibus, quibus erant tectæ naves,
nocturnum excipere rorem cogerentur: quas ta-

men difficultates patienter & æquo animo ferebant; neque sibi nudanda litora & relinquendos portus existimabant. Sed quum essent in quibus demonstravi angustiis; ac se Libo cum Bibulo conjunxisset; loquuntur ambo ex navibus cum M. Acilio & Statio Murco legatis, quorum alter opidi muris, alter prædiis terrestribus præerat; velle se de maximis rebus cum Cæsare loqui, si sibi ejus facultas detur. huc addunt pauca rei confirmandæ causâ, ut de compositione acturi viderentur. Interim postulant, ut sint induciæ; atque ab iis impetrant. magnum enim, quod afferebant, videbatur; & Cæsarem id summe sciebant cupere; & profectum aliquid Bibuli mandatis existimabatur. Cæsar eo tempore cum legione una profectus ad recipiendas ulteriôres civitates, & rem frumentariam expediendam, qua anguste utebatur, erat ad Buthrotum oppositum Corcyræ. Ibi ab Acilio certior & Murco per litteras factus de postulatis Libonis & Bibuli legionem relinquit; ipse Oricum revertitur. eo quum venisset, evocantur illi ad colloquium. prodit Libo, atque excusat Bibulum, quod is iracundia summa erat, inimicitiasque habebat etiam privatas cum Cæsare ex ædilitate & prætura conceptas: ob eam rem colloquium vitasse, ne res maximæ spei maximæque utilitatis ejus iracundia impedirentur. Pompeii summam esse ac fuisse semper voluntatem, ut componeretur, atque ab armis discederetur: sed potestatem se ejus rei nullam habere, propterea quod de consilii sententia summam belli rerumque omnium Pompeio permiserint: sed postulatis Cæsaris cognitis, missuros ad Pompeium, atque illum reliqua per se acturum, hortantibus ipsis: interea manerent induciæ, dum ab illo rediri posset; neve alter alteri noceret. huc addit pauca de causâ, & de copiis auxiliisque suis. Quibus rebus neque tum respondendum Cæsar existimavit, neque nunc, ut memoriæ prodatur, satis causæ
puta-

putamus. Postulabat Cæsar, ut legatos sibi ad Pompeium sine periculo mittere liceret; idque ipsi fore reciperent, aut acceptos per se ad eum perducerent. quod ad inducias pertineret, sic belli rationem esse divisam; ut illi classe naves auxiliaque sua impedirent; ipse ut aqua terraque eos prohiberet: & si hoc sibi remitti vellent, remitterent ipsi de maritimis custodiis; sin illud tenerent, se quoque id retenturum: nihilominus tamen agi posse de compositione, ut hæc non remitterentur; neque hanc rem esse impedimenti loco. Illi neque legatos Cæsar's recipere, neque periculum præstare eorum, sed totam rem ad Pompeium rejicere: unum instare de induciis, vehementissimeque contendere. Quos ubi Cæsar intellexit præsentis periculi atque inopiæ vitandæ causâ omnem orationem instituisse, neque ullam spem, aut conditionem pacis afferre; ad reliquam cogitationem belli sese recepit. Bibulus multos dies terra prohibitus, & graviore morbo ex frigore ac labore implicitus, quum neque curari posset, neque susceptum officium deferere vellet, vim morbi sustinere non potuit. Eo mortuo, ad neminem unum summa imperii redit, sed separatim suam quisque classẽ ad arbitrium suum administrabat. Vibullius, sedato tumultu, quem repentinus adventus Cæsar's concitaverat, ubi primum rursus adhibito Libone, & L. Luceio, & Theophane, quibus communicare de maximis rebus Pompeius consueverat, de mandatis Cæsar's agere instituit, eum ingressum in sermonem Pompeius interpellavit, & loqui plura prohibuit. Quid mihi, inquit, aut vita aut civitate opus est, quam beneficio Cæsar's habere videbor? cujus rei opinio tolli non poterit, quum in Italiam, ex qua profectus sum, reductus existimabor, bello perfectò. Ab iis Cæsar hæc dicta cognovit, qui sermoni interfuerunt. conatus tamen nihilo minus est aliis rationibus per colloquia de pace agere. Inter bina
castra

castra Pompeii atque Cæsaris unum flumen tantum intererat Apfus : crebraque inter se colloquia milites habebant : neque ullum interim telum per passionem colloquentium transjiciebatur. Mittit P. Vatinium legatum ad ripam ipsam fluminis , qui ea , quæ maxime ad pacem pertinere viderentur , ageret ; & crebro magna voce pronunciaret , liceretne civibus ad cives de pace legatos mittere ? quod etiam fugitivis ab saltu Pyrenæo , prædonibusque licuisset ; præsertim ut id agerent , ne cives cum civibus armis decertarent. Multa suppliciter locutus , ut de sua atque omnium salute debebat , silentioque ab utrisque militibus auditus , responsum est ab altera parte , A. Varronem profiteri se altera die ad colloquium venturum ; atque unà etiam utrimque admodum tuto legati venire , & , quæ vellent , exponere possent : certumque ei rei tempus constituitur. Quo quum esset postero die ventum ; magna utrimque multitudo convenit ; magnaque erat ejus rei expectatio : atque omnium intenti animi ad pacem esse videbantur. Qua ex frequentia T. Labienus prodiit ; summissa oratione loqui de pace , atque altercari cum Vatinio incipit. quorum mediam orationem interrumpunt undique subito tela immissa ; quæ ille obtectus armis militum vitavit. vulnerantur tamen complures : in his Cornelius Balbus , M. Plotius , L. Tiburtius centuriones , militesque nonnulli. Tum Labienus, Desinite ergo de compositione loqui. nam nobis , nisi Cæsaris capite relato , pax esse nulla potest. Iisdem temporibus Romæ M. Cælius Rufus prætor , causâ debitorum suscepta , initio magistratus tribunal suum juxta C. Trebonii prætoris urbani sellam collocavit ; & , si quis appellasset de æstimatione , & de solutionibus quæ per arbitrum fierent , ut Cæsar præsens constituerat , fore auxilio pollicebatur. sed fiebat æquitate decreti , & humanitate Trebonii , qui his temporibus clementer & moderate

rate jus dicendum existimabat , ut reperiri non posset , à quibus initium appellandi nasceretur. nam fortasse inopiam excusare , & calamitatem aut propriam suam aut temporum queri , & difficultates auctionandi proponere , etiam mediocris est animi : integras vero tenere possessiones , qui se debere fateantur , cujus animi , aut cujus imprudentiæ est ? itaque , qui hoc postularet , reperiebatur nemo. atque ipsis , ad quorum commodum pertinebat , durior inventus est Cælius. & ab hoc profectus initio , ne frustra ingressus turpem causam videretur , legem promulgavit , * * ut sexies seni dies sine usuris creditæ pecuniæ solvantur. Quum resisteret Servilius consul , reliquique magistratus : & minus opinione sua efficeret ; ad hominum excitanda studia , sublata priore lege , duas promulgavit ; unam , qua mercedes habitationum annuas conductoribus donavit ; alteram tabularum novarum : impetuque multitudinis in C. Trebonium facto , & nonnullis vulneratis , eum de tribunali deturbavit : de quibus rebus Servilius Consul ad Senatum retulit : Senatusque Cælium ab Rep. removendum censuit. Hoc decreto eum Consul Senatu prohibuit , & concionari conantem de Rostris deduxit. Ille ignominia & dolore permotus palam se proficisci ad Cæsarem simulavit , clam nuncijs ad Milonem missis , qui Clodio interfecto , eo nomine erat damnatus ; atque eo in Italiam evocato , quod magnis muneribus datis gladiatoria familiae reliquias habebat , sibi conjunxit ; atque eum in Turinum ad sollicitandos pastores præmisit. Ipse , quum Casilinum veniret , unoque tempore signa ejus militaria atque arma Capuæ essent comprehensa , familia Neapoli visa , atque proditio opidi appareret ; patefactis consiliis , exclusus Capua , & periculum veritus , quod conventus arma ceperat , atque eum hostis loco habendum existimabat , consilio destitit , atque eo itinere sese avertit. Interim

riin Milo, dimissis circum municipia litteris, ea, quæ faceret, jussu atque imperio facere Pompeii, quæ mandata ad se per Bibulum delata essent: quos ex ære alieno laborare arbitrabatur, sollicitabat. apud quos quum proficere nihil posset, quibusdam solutis ergastulis, Cosam in agro Turino oppugnare cepit. eo quum à Q. Fedio prætore cum legione * * lapide ictus esset ex muro, periit: & Cælius profectus, ut dictitabat, ad Cæsarem, pervenit Thurios: ubi, quum quosdam ejus municipii sollicitaret, equitibusque Cæsaris Gallis atque Hispanis, qui eo præsidii causa missi erant, pecuniam polliceretur, ab iis est interfectus. itaque magnarum initia rerum, quæ occupatione magistratuum & temporum sollicitam Italiam habebant, celerem & facilem exitum habuerunt. Libo profectus ab Orico, cum classe, cui præerat, navium L, Brundisium venit, insulamque, quæ contra Brundisium portum est, occupavit, quod præstare unum locum arbitrabatur, qua necessarius nostris erat egressus, quam omnium litora ac portus custodia clausos teneri. hic repentino adventu naves onerarias quasdam nactus incendit; & unam frumento onustam abduxit; magnumque nostris terrorem injecit, & noctu militibus & sagittariis in terram expositis, præsidium equitum dejecit; & adeo loci opportunitate profecit, ut ad Pompeium litteras mitteret, naves reliquas, si vellet, subduci & refici juberet; sua classe auxilia sese Cæsaris prohibiturum. Erat eo tempore Antonius Brundisii; qui virtuti militum consilium, scaphas navium magnarum circiter 1 x cratibus pluteisque contexit; eoque milites delectos imposuit; atque eas in litore pluribus locis separatim disposuit; navesque triemes 11, quas Brundisii faciendas curaverat, per causam exercendorum remigum ad fauces portus prodire jussit. has quum audacius progressas Libo vidisset, sperans intercipi posse, quadriemes v ad

eas misit. quæ quum navibus nostris appropinquassent, nostri veterani in portum refugerunt; illi studio incitati incautius sequebantur. Jam ex omnibus partibus subito Antonianæ scaphæ, signo dato: se in hostes incitaverunt; primoque impetu unam ex his quadriremem cum remigibus defensoribusque suis ceperunt; reliquas turpiter fugere coëgerunt. Ad hoc detrimentum accessit, ut equitibus per oram maritimam ab Antonio dispositis aquari prohiberentur. qua necessitate & ignominia permotus Libo, discessit à Brundisio, obsessionemque nostrorum omisit. Multi jam menses transierant; & hiems jam præcipitaverat; neque Brundisio naves legionesque ad Cæsarem veniebant; ac nonnullæ ejus rei prætermisæ occasiones Cæsari videbantur; quod certe sæpe flaverant venti, quibus necessario committendum existimabat. quantoq; ejus amplius processerat temporis, tanto erant alacriores ad custodias qui classibus præerant, majoremque fiduciam prohibendi habebant: & crebris Pompeii litteris castigabantur, quoniam primo venientem Cæsarem non prohibuissent, ut reliquos ejus exercitus impedirent. duriusq; quotidie tempus ad transportandum lenioribus ventis exspectabant. Quibus rebus permotus Cæsar, Brundisiū ad suos severius scripsit, ut nacti idoneum ventum, ne occasionem navigandi dimitterent, si vel ad litora Apolloniatium cursum dirigerent; quod eo naves ejicere possent. Hæc à custodiis classium loca maxime vacabant; quod se longius portibus committere non auderent. Illi adhibita audacia & virtute, administrantibus M. Antonio, & Fusio Kaleno; multum ipsis militibus hortantibus, neq; ullum periculum pro salute Cæsaris recusantibus, nacti Austrum, naves solvunt; atque altera die Apolloniam Dyrrhachiumque prætervehuntur. qui quum essent ex continenti visi, Q. Coponius, qui Dyrrhachii classis Rhodiæ præerat, naves ex portu educit; & quum
jam

jam nostri remissiore vento appropinquassent, idem Auster increbuit, nostrisque præsidio fuit. Neque vero ille ob eam causam conatu desistebat; sed labore & perseverantia nautarum se vim tempestatis superare posse sperabat; prætervectosque Dyrrhachium magna vi venti nihilo secius sequebatur. nostri usi fortunæ beneficio, tamen impetum classis timebant, si forte ventus remisisset. nacti portum, qui appellatur Nymphaum, ultra Lissum millia passuum 111, eo naves introduxerunt: qui portus ab Africo regebatur, ab Austro non erat tutus: leviusque tempestatis quam classis periculum æstimaverunt. Quo simul atque intus est itum, incredibili felicitate Auster, qui per biduum flaverat, in Africum se vertit. Hic subitam commutationem fortunæ videre licuit. qui modo sibi timuerant, hos tutissimus portus recipiebat: qui nostris navibus periculum intulerant, de suo timere cogeantur. itaque tempore commutato tempestas & nostros texit, & naves Rhodias afflixit, ita ut ad unam confractæ omnes numero XVI eliderentur & naufragio interirent; & ex magno remigum propugnatorumque numero pars ad scopulos allisa interficeretur, pars à nostris distraheretur: quos omnes conservatos Cæsar domum remisit. nostræ naves 11 tardius cursu confecto, in noctem conjectæ, quum ignorarent quem locum reliquæ cepissent, contra Lissum in anchoris constitierunt. has scaphis minoribusque navigiis compluribus summissis, Otacilius Crassus, qui Lissi præerat, expugnare parabat: simul de deditioe eorum agebat, & incolumitatem deditis pollicebatur. Horum altera navis ducentos viginti ex legione tironum sustulerat: altera ex veterana paullo minus ducentis [se compleverat.] Hic cognosci licuit quantum esset hominibus præsidii in animi firmitudine. Tirones enim multitudine navium perterriti, & salo nausæque confecti, jurejurando accepto, nihil iis nocituros hostes,

hostes, se Otacilio dediderunt: qui omnes ad eum perducti contra religionem jurisjurandi in ejus conspectu crudelissime interficiuntur. At veteranae legionis milites item conflictati & tempestatis & sentinae vitiis, non ex pristina virtute remittendum aliquid putaverunt; sed tractandis conditionibus, & simulatione deditiois extracto primo noctis tempore, gubernatorem in terram navem ejicere cogunt: ipsi idoneum locum nacti reliquam noctis partem ibi confecerunt, & luce prima, missis ad eos ab Otacilio equitibus, qui eam partem orae maritimae asservabant, circiter eo, quique eos armati ex praesidio secuti sunt, se defenderunt: & nonnullis eorum interfectis, incolumes ad nostros sese receperunt. Quo facto, conventus civium Romanorum qui Lissum obtinebat, quod opidum iis antea Caesar attribuerat, muniendumque curaverat, Antonium recepit, omnibusque rebus juvit. Otacilius sibi timens opido fugit, & ad Pompeium pervenit. Ex omnibus copiis Antonius, quarum erat summa, veteranorum III legionum, uniusque tironum, & equitum DCCC, plerasque naves in Italiam remittit, ad reliquos milites equitesque transportandos: pontones, quod est genus navium Gallicarum, Lissi reliquit; hoc consilio, ut, si forte Pompeius vacuum existimans Italiam eo transjecisset exercitum, quae opinio erat edita in vulgus, aliquam Caesar ad insequendum facultatem haberet; nunciosque ad eum celeriter mittit, quibus regionibus exercitum exposuisset, & quid militum transvexisset. Haec eodem fere tempore Caesar atque Pompeius cognoscunt. nam praetervectas Apolloniam Dyrrhachiumque naves viderant: ipsi iter secundum eas terra direxerant: sed quo essent ex delatae, primis diebus ignorabant: cognitaque re, diversa sibi ambo consilia capiunt; Caesar, ut quamprimum se cum Antonio conjungeret; Pompeius, ut venientibus in itinere se opponeret, &
si ini-

si imprudentes ex insidiis adoriri posset. Eodemque die uterque eorum ex castris stativis à flumine Apso exercitum educunt: Pompeius clam & noctu, Cæsar palam atque interdiu. sed Cæsari circuitu majore iter erat longius, adverso flumine, ut vado transire posset. Pompeius, quia expedito itinere flumen ei transeundum non erat, magnis itineribus ad Antonium contendit; atque, ubi eum appropinquare cognovit, idoneum locum nactus ibi copias collocavit: suosque omnes castris continuit, ignesque fieri prohibuit; quo occultior esset ejus adventus. Hæc ad Antonium statim per Græcos deferuntur. Ille missis ad Cæsarem nunciis unum diem sese castris tenuit, altero die ad eum pervenit Cæsar. Cujus adventu cognito Pompeius, ne duobus circum clauderetur exercitibus, ex eo loco discedit: omnibusque copiis ad Asparagium Dyrrhachinorum pervenit, atque ibi idoneo loco castra ponit. His temporibus Scipio detrimentis quibusdam circa montem Amanum acceptis sese Imperatorem appellaverat. Quo facto, civitatibus tyrannisque magnas imperaverat pecunias: item à publicanis suæ provinciæ debitam biennii pecuniam exegerat, & ab eisdem insequentis anni mutuam præceperat; equitesque toti provinciæ imperaverat. Quibus coactis, finitimis hostibus Parthis post se relictis, qui paullo ante M. Crassum imperatorem interfecerant, & M. Bibulum in obsidione habuerant, legiones equitesque ex Syria deduxerat: summaque in sollicitudine ac timore Parthici belli in provinciam quum venisset, ac nonnullæ militum voces audirentur, sese, contra hostem si ducerentur, ituros; contra civem & consulem arma non laturus; deductis Pergamum atque in locupletissimas urbes in hiberna legionibus, maximas largitiones fecit; & confirmandorum militum causa, diripiendas iis civitates dedit. Interim acerbissime imperatæ pecuniæ tota provincia exigebantur. Mul-

ta præterea generatim ad avaritiam excogitabantur. in capita singula servorum ac liberorum tributum imponebatur. Columnaria, ostiaria, frumentum, milites, remiges, arma, tormenta, vecturæ imperabantur. cujus modo rei nomen reperiri poterat, hoc satis esse ad cogendas pecunias videbatur. non solum urbibus, sed pene vicis castellisque singulis cum imperio præficiiebantur. qui horum quid acerbissimè & crudelissimeque fecerat, is & vir, & civis optimus habebatur. erat plena licitorum & imperiorum provincia, diffusa præfectis atque exactoribus: qui, præter imperatas pecunias, suo etiam privato compendio serviebant. dictitabant enim, se domo patriaque expulsos, omnibus necessariis egere rebus, ut honesta præscriptione rem turpissimam tegerent. Accedebant ad hæc gravissimæ usuræ, quod in bello plerumque accidere consuevit, universis imperatis pecuniis: quibus in rebus prolationem diei donationem esse dicebant. Itaque æs alienum provinciæ co biennio multiplicatum est. nec minus ob eam causam civibus Romanis ejus provinciæ, sed in singulos conventus, singulasque civitates certæ pecuniæ imperabantur: mutuasque illas ex SC. exigere dictitabant: publicanis; uti in sorte fecerant, insequentis anni vectigal promutuum. præterea Ephesi à Fano Dianæ depositas antiquitus pecunias Scipio tolli jubebat, ceterasque ejus deæ statuas. Quum in Fanum ventum esset, adhibitis compluribus Senatorii ordinis, quos advocaverat Scipio, litteræ ei redduntur à Pompeio, mare transisse cum legionibus Cæsarem; properaret ad se cum exercitu venire, omniaque posthaberet. His litteris acceptis, quos advocaverat, dimittit: ipse iter in Macedoniam parare incipit: paucisque post diebus est profectus. hæc res Ephesiæ pecuniæ salutem attulit. Cæsar Antonii exercitu conjuncto, deducta Orico legione, quam tuendæ oræ maritimæ causâ posuerat, ter-

tandas

tandas sibi provincias, longiusque procedendum existimabat; &, quum ad eum legati venissent ex Thessalia, Ætoliaque, qui præsidio inisso pollicerentur earum gentium civitates imperata facturas, L. Cassium Longinum cum legione Tironum, quæ appellabatur xxvii, atque equitibus cc in Thessaliam, C. Calvisium Sabinum cum cohortibus v, paucisque equitibus in Ætoliā misit. maxime eos, quod erant propinquæ regiones, de re frumentaria, ut providerent, hortatus est. Cn. Domitium Calvinum cum legionibus ii, xi, & xii, & equitibus d, in Macedoniam proficisci jubet. Cujus provinciæ ab ea parte, quæ Libera appellabatur, Menedemus princeps earum regionum inissus legatus, omnium suorum excellens studium profitebatur. Ex his Calvisius, primo adventu summa omnium Ætolorum receptus voluntate, præsidiis adversariorum Calydone & Naupacto rejectis, omni Ætolia potitus est. Cassius in Thessaliam cum legione pervenit. hic quum essent factiones duæ, varia voluntate civitatum utebatur. Egesaretus veteris hominis potentia Pompeianis rebus studebat. Petreius summæ nobilitatis adolescens suis ac suorum opibus Cæsarem enixe juvabat. Eodemque tempore Domitius in Macedoniam venit: &, quum ad eum frequentes civitatum legationes convenire cœpissent, nunciatum est adesse Scipionem cum legionibus magna & opinione & fama omnium. nam plerumque in novitate fama antecedit. Hic nullo in loco Macedoniæ moratus, magno impetu contendit ad Domitium; &, quum ab eo millia passuum xx abfuisset, subito se ad Cassium Longinum in Thessaliam convertit. hoc adeo celeriter fecit, ut simul adesse; & venire nunciaretur. &, quo iter expeditius faceret, M. Favonium ad flumen Haliacmonem, quod Macedoniam à Thessalia dividit, cum cohortibus iix præsidio impedimentis legionum reliquit,
castel-

castellumque ibi muniri iussit. Eodem tempore equitatus Regis Cotti ad castra Cassii advolavit, qui circum Thessaliam esse consueverat. Tum timore perterritus Cassius, cognito Scipionis adventu, visisque equitibus, quos Scipionis esse arbitrabatur, ad montes se convertit, qui Thessaliam cingunt; atque ex his locis Ambraciam versus iter facere coepit. At Scipionem properantem sequi litteræ sunt consecutæ à M. Favonio, Domitium cum legionibus adesse, nec se præsidium, ubi constitutus esset, sine auxilio Scipionis tenere posse. Quibus litteris acceptis, consilium Scipio iterque commutat; Cassium sequi desistit; Favonio auxilium ferre contendit. Itaque die ac nocte continuato itinere ad eum pervenit, tam opportuno tempore, ut simul Domitiani exercitus pulvis cerneretur, & primi antecursores Scipionis viderentur. Ita Cassio industria Domitii, Favonio Scipionis celeritas salutem attulit. Scipio in castris stativis biduum moratus ad flumen, quod inter eum & Domitii castra fluebat, Haliacmonem, tertio die prima luce exercitum vado transducit, & castris positis, postero die mane copias ante frontem castrorum instruit. Domitius tum quoque sibi dubitandum non putavit, quin productis legionibus prælio decertaret. sed quum esset inter bina castra campus circiter millium passuum VI, castris Scipionis aciem suam subiecit. ille à vallo non discedere perseveravit. attamen ægre retentis Domitianis militibus est factum, ne prælio contenderetur; & maxime, quod rivus difficilibus ripis castris Scipionis subjectus progressus nostrorum impediabat. quorum studium alacritateinque pugnandi quum cognovisset Scipio, suspicatus fore, ut postero die aut invitus dimicare cogeretur, aut magna cum infamia castris se continere, qui magna expectatione venisset; temere progressus turpem habuit exitum; & noctu, ne conclamatis quidem vasibus, flumen transit, atque in eandem

dem patrem, ex qua venerat, rediit: ibique prope flumen edito natura loco castra posuit. Paucis diebus interpositis, noctu insidias equitum collocavit: quo in loco superioribus fere diebus nostri pabulari consueverant. & quum quotidiana consuetudine Q. Varus præfectus equitum Domitii venisset; subito illi ex insidiis consurrexerunt. sed nostri fortiter eorum impetum tulerunt, celeriterque ad suos quisque ordines rediit, atque ultro universi in hostes impetum fecerunt. ex his circiter LXXX interfectis, reliquis in fugam coniectis, nostri duobus amissis, in castra se receperunt. His rebus gestis Domitius sperans Scipionem ad pugnam elici posse, simulavit sese angustiis rei frumentariæ adductum castra movere; vasisque militari more conclamatis, progressus millia passuum III, loco idoneo & occulto omnem exercitum equitatumque collocavit. Scipio ad sequendum paratus equitatum magnamque partem levis armaturæ ad explorandum iter Domitii, & cognoscendum præmisit. qui quum essent progressi, primæque turmæ insidias intravissent, ex fremitu equorum illata suspicione, ad suos se recipere cœperunt; quique hos sequebantur, celerem eorum receptum conspicati restiterunt. nostri cognitis hostium insidiis, ne frustra reliquos expectarent, duas nacti hostium turmas exceperunt. in his fuit M. Opimius præfectus equitum. reliquos omnes earum turmarum aut interfecerunt, aut captos ad Domitium deduxerunt. Deductis oræ maritimæ præsiidiis Cæsar, ut supra demonstratum est, III cohortes Orici, opidi tuendi causâ, reliquit, iisque custodiam navium longarum transdidit, quas ex Italia transduxerat. huic officio opidoque præerat Acilius legatus. Is naves nostras in interiorem partem post opidum reduxit, & ad terram deligavit, faucibusque portus navem onerariam submersam objecit, & huic alteram conjunxit, super qua turrim effectam ad

ad ipsum introitum portus opposuit, & militibus complevit, tuendamque ad omnes repentinos casus transdidit. Quibus cognitis rebus Cn. Pomp. filius, qui Classi Ægyptiæ præerat, ad Oricum venit; submersamque navim remulco, multisque contendens funibus abduxit: atque alteram navem, quæ erat ad custodiam ab Acilio posita, pluribus aggressus navibus, in quibus ad libram fecerat turres, ut ex superiori pugnans loco, integrosque semper defatigatis summittens, & reliquis partibus simul ex terra scalis, & classe mœnia opidi tentans, ut adversariorum manus diduceret, labore, & multitudine telorum nostros vicit: dejectisque defensoribus, qui omnes scaphis excepti refugerunt, etiam navem expugnavit: eodemque tempore ex altera parte molem tenuit naturalem objectam, quæ pene insulam contra opidum effecerat: 1 v biremes subjectis scutulibus impulsas vectibus in interiorem partem transduxit. ita ex utraque parte naves longas aggressus, quæ erant deligatæ ad terram, atque inanes, 1 v ex his abduxit, reliquas incendit. Hoc confecto negotio, D. Lælius ab Asiatica classe abductum reliquit, qui comatus Bullide atque Amantia importari in opidum prohibebat; ipse Lissum profectus naves onerarias xxx à M. Antonio relictas intra portum aggressus omnes incendit: Lissum expugnare conatus, defendentibus civibus Romanis, qui ejus erant conventus, militibusque, quos præsidii causa miserat Cæsar, triduum moratus, paucis in oppugnatione amissis, re infecta inde discessit. Cæsar, postquam Pompeium ad Asparagium esse cognovit, eodem cum exercitu profectus, & expugnato in itinere opido Parthinorum, in quo Pompeius præsidium habebat, 111 die in Macedoniam ad Pompeium pervenit, juxtaque eum castra posuit; & postmodum, eductis omnibus copiis, acie instructa, decernendi potestatem Pompeio fecit. ubi eum suis locis se tenere

nere animadvertit; reducto in castra exercitu, aliud sibi consilium capiendum existimavit. itaque postero die omnibus copiis, magno circuitu, difficili angustoque itinere, Dyrrhachium profectus est, sperans Pompeium aut Dyrrhachium compelli, aut ab eo intercludi posse, quod omnem comitatum, totiusque belli apparatus is eo contulisset; ut accidit. Pompeius enim primo ignorans ejus consilium, quod diverso ab ea regione itinere profectum videbat, angustiis rei frumentariae compulsus discessisse existimabat: postea per exploratores certior factus postero die castra movit; breviori itinere se occurrere ei posse sperans. quod fore suspicatus Caesar, militesque adhortatus, ut æquo animo laborem ferrent, parva parte noctis itinere intermisso, mane Dyrrhachium venit, quum primum agmen Pompeii procul cerneretur; atque ibi castra posuit. Pompeius interclusus Dyrrhachio, ubi propositum tenere non potuit, secundo usus consilio, edito loco, qui appellatur Petra, aditumque habet navibus mediocrem, atque eas à quibusdam protegit ventis, castra communit. eo partem navium longarum convenire, frumentum comitatumque ab Asia atque omnibus regionibus, quas tenebat, comportari iussit. Caesar longius bellum ductum in existimans, & de Italicis comitatibus desperans, quod tanta diligentia omnia litora à Pompeianis tenebantur, classesque ipsius, quas hieme in Sicilia, Gallia, Italia fecerat, morabantur, in Epirum rei frumentariae causa L. Canuleium legatum misit: quodque hæc regiones aberant longius, locis certis horrea constituit; vecturasque frumenti finitimis civitatibus descripsit. item Lissò, Parthinisque, & omnibus castellis, quod esset frumenti, conquiri iussit. id erat perexiguum; quum ipsius agri natura, quod sunt loca aspera & montuosa, ac plerumque utuntur frumento importato; tum quod Pompeius hæc providerat, & superioribus diebus

prædæ loco Parthinos habuerat; frumentumque omne conquistum, spoliatis effossisque eorum domibus, per equites comportaverat. Quibus rebus cognitis Cæsar consilium capit ex loci natura. erant enim circum castra Pompeii permulti editi atque asperi colles. hos primum prædiis tenuit; castellaque ibi communit. inde, ut loci cujusque natura ferebat, ex castello in castellum perducta munitione, circumvallare Pompeium instituit: hæc spectans, quod angusta re frumentaria utebatur; quod Pompeius multitudine equitum valebat, quo minore periculo undique frumentum commeatumque exercitui supportare posset: simul, ut pabulatione Pompeium prohiberet, equitatumque ejus ad rem gerendam inutilem efficeret: tertio ut auctoritatem, qua ille maxime apud exterarum nationes niti videbatur, minueret; quum fama per orbem terrarum percrebuisset, illum à Cæsare obsideri, neque audere prælio dimicare. Pompeius neque à mari Dyrrhachioque discedere volebat; quod omnem apparatus belli, tela, arma, tormenta ibi collocaverat, frumentumque exercitui navibus supportabat; neque munitiones Cæsaris prohibere poterat, nisi prælio decertare vellet; quod eo tempore statuerat non esse faciendum. Relinquebatur, ut extremam rationem belli sequens quam plurimos colles occuparet, & quam latissimas regiones prædiis teneret, Cæsarisque copias, quam maxime posset, distineret. idque accidit: castellis enim **xxi** effectis, **xv** millia passuum circuitu amplexus, hoc spatio pabulabatur; multaque erant inter eum locum manu sata, quibus interim jumenta pasceret. atque ut nostri, qui perpetuas munitiones habebant, perductas ex castellis in proxima castella, ne quo loco erumperent Pompeiani, & nostros post tergum adorirentur, timebant: ita illi interiore spatio perpetuas munitiones efficiebant; ne quo loco nostri intrare, atque ipsos à tergo

circumvenire, possent. sed illi operibus vincebant; quod & numero militum præstabant, & interiore spatio minorem circuitum habebant. Quæ quum erant loca Cæsari capienda, etsi prohibere Pompeius totis copiis & dimicare non constituerat; tamen suis locis sagittarios funditoresque mittebat, quorum magnum habebat numerum; multique ex nostris vulnerabantur. magnusque incesserat timor sagittarum; atque omnes fere milites aut ex coactis, aut ex centonibus, aut ex coriis tunicas aut tegmenta fecerant, quibus tela vitarent. In occupandis præsidiis magna vi uterque utebatur. Cæsar, ut quam angustissime Pompeium contineret; Pompeius, ut quam plurimos colles quam maximo circuitu occuparet. crebraque ob eam causam prælia fiebant. In his quum legio Cæsaris IX præsidium quoddam occupavisset, & munire cœpisset; huic loco propinquum & contrarium collem Pompeius occupavit, nostrosque opere prohibere cœpit: & quum una ex parte prope æquum aditum haberet, primum sagittariis funditoribusque circumjectis, postea levis armaturæ magna multitudo missa, tormentisque prolatis, munitiones impediabat. neque erat facile nostris uno tempore propugnare & munire. Cæsar, quum suos omnibus partibus vulnerari videret, recipere se statuit, & loco excedere. erat per declive receptus: illi autem hoc acrius instabant, neque regredi nostros patiebantur, quod timore adducti locum relinquere videbantur. Dicitur eo tempore glorians apud suos Pompeius dixisse, Non recusare se, quin nullius usus Imperator existimaretur, si sine maximo detrimento legiones Cæsaris sese recepissent inde, quo temere essent progressæ. Cæsar receptui suorum timens crates ad extremum tumulum contra hostem proferri, & adversas locari; intra has mediocri latitudine fossam, testis militibus, obduci iussit, locumque in omnes partes quam maxime impediri.

pediri. ipse idoneis locis funditores instruxit, ut præsidio nostris se recipientibus essent. His rebus completis legiones reduci iussit. Pompeiani hoc insolentius atque audacius nostros premere & instare cœperunt; cratesque pro munitione objectas propulerunt, ut fossas transcenderent. Quod quum animadvertisset Cæsar, veritus, ne non reducti, sed reiecti viderentur, majusque detrimentum caperetur, à medio fere spatio suos per Antonium, qui ei legioni præerat, cohortatus, tuba signum dari, atque in hostes impetum fieri iussit. Milites legionis ix subito constipati pila conjecerunt; & ex inferiore loco adversus clivum incitati cursu, præcipientes Pompeianos egerunt, & terga vertere cœgerunt. Quibus ad recipiendum crates directæ, longurique objecti, & institutæ fossæ magno impedimento fuerunt. Nostri vero, qui satis habebant sine detrimento discedere, compluribus interfectis, v. omnino suorum amissis, quietissime se receperunt, paulloque citra eum locum, aliis comprehensis collibus, munitiones perfecerunt. Erat nova & inusitata belli ratio, quum tot castellorum numero, tantoque spatio, & tantis munitionibus, & toto obsidionis genere, tum etiam reliquis rebus. nam, quicumque alterum obsidere conati sunt, perculosos atque infirmos hostes adorti, aut prælio superatos, aut aliqua offensione permotos continuerunt, quum ipsi numero militum equitumque præstarent. Causa autem obsidionis hæc fere esse consuevit, ut frumento hostes prohibeantur. at contra integras atque incolumes copias Cæsar inferiore militum numero continebat; quum illi omnium rerum copia abundarent. quotidie enim magnus undique navium numerus conveniebat, quæ com meatum supportarent: neque ullus flare ventus poterat, quin aliqua ex parte secundum cursum haberet. ipse autem, consumptis omnibus longe lateq; frumentis, summis erat in angustiis. sed tamen

hæc singulari patientia milites ferebant. recordabantur enim, eadem se superiore anno in Hispania perpeſſos, labore & patientia maximum bellum confeſſiſſe. Meminerant, ad Aleſiam, magnam ſe inopiam perpeſſos, multo etiam maiorem ad Avaricum, maximarum ſe gentium victores diſceſſiſſe. non, illis hordeum quum daretur, non legumina recuſabant: pecus vero, cujus rei ſumma erat ex Epiro copia, magno in honore habebant. Eſt etiam genus radicis inventum ab iis, qui fuerant cum Valerio, quod appellatur Chara: quod admixtum lacte multum inopiam levabat, id ad ſimilitudinem panis efficiebant. ejus erat magna copia. ex hoc effectos panes, quum in colloquiis Pompeiani famem noſtris objectarent, vulgo in eos jaciebant, ut ſpem eorum minuerent. Jamque frumenta matureſcere incipiebant; atque ipſa ſpes inopiam ſuſtinebat; quod celeriter ſe habituros copiam confidebant. crebroque voces militum in vigiliis colloquiisque audiebantur, prius ſe cortice ex arboribus victuros, quam Pompeium è manibus dimiſſuros. frequenter etiam ex perfugis cognoſcebant, equos eorum vix tolerari, reliqua vero jumenta interiſſe: uti autem ipſos valetudine non bona, quum anguſtiis loci, & odore tetro, & multitudine cadaverum, & quotidianis laboribus; inſuetos operum, tum aquæ ſumma inopia [affectos.] omnia enim flumina, atque omnes rivus, qui ad mare pertinebant, Cæſar aut averterat, aut magnis operibus obſtruxerat. atque, ut erant loca montuoſa, & ad ſpecus anguſtiæ vallium, has ſublicis in terram dimiſiſis præſepſerat, terramque aggeſſerat; ut aquam continerent: itaque illi neceſſario loca ſequi deſmiſſa, ac paluſtria, & puteos fodere, cogebantur: atque hunc laborem ad quotidiana opera addebant: qui tamen fontes à quibuſdam præſidiis aberant longius, & celeriter æſtibus exareſcebant. At Cæſaris exercitus optima valetudine, ſummaque

inque aquæ copia utebatur ; tum commeatus omni genere præter frumentum abundabat : quibus quotidie melius succedere tempus , majoremque spem maturitate frumentorum proponi videbant. In novo genere belli novæ ab utrisque bellandi rationes reperiiebantur. illi, quum animadvertissent ex ignibus, noctu cohortes nostras ad munitiones excubare , silentio adversi universas intra multitudinem sagittas conjiciebant , & se confestim ad suos recipiebant. Quibus rebus nostri , usu docti , hæc reperiiebant remedia , ut alio loco ignes facerent , alio excubarent.

Desunt.

Interim certior factus P. Sulla , quem discedens castris præfecerat Cæsar , auxilio cohorti venit cum legionibus 11. cujus adventu facile sunt repulsi Pompeiani. neque vero conspectum aut impetum nostrorum tulerunt : primisque dejectis , reliqui se venterunt , & loco cesserunt. sed insequentes nostros, ne longius prosequerentur , Sulla revocavit. At plerique existimant , si acrius insequi voluisset , bellum eo die potuisse finiri. cujus consilium reprehendendum non videtur. aliæ enim sunt legati partes atque Imperatoris. alter [omnia] agere ad præscriptum ; alter libere ad summam rerum consulere debet. Sulla à Cæsare castris relictus, liberatis suis, hoc fuit contentus, neque prælio decertare voluit; quæ res tamen fortasse aliquem reciperet casum ; ne imperatorias sibi partes sumpsisse videretur. Pompeianis magnam res ad receptum difficultatem afferebat. nam ex iniquo progressi loco in summo constiterant. si per declivem sese reciperent, nostros ex superiore insequentes loco verebantur. neque multum ad solis occasum temporis supererat. spe enim conficiendi negotii , prope in noctem rem deduxerant. ita , necessario , atque ex tempore capto consilio , Pompeius tumulum quendam occupavit: qui tantum aberat à nostro

castello, ut telum tormentumve missum adjici non posset. Hoc confedit loco, atque eum communit: omnesque ibi copias continuit. Eodem tempore duobus præterea locis pugnatum est. nam plura castella Pompeius pariter, distinendæ manus causâ, tentaverat; ne ex proximis præsidiis succurri posset. uno loco Volcatius Tullus impetum legionis sustinuit cohortibus III, atque eam loco depulit. altero Germani munitiones nostras egressi, compluribus interfectis, sese ad suos incolumes receperunt. ita uno die VI præliis factis, III ad Dyrrhachium, III ad munitiones, quum horum omnium ratio haberetur, ad duorum millium numero ex Pompeianis cecidisse reperiëbamus, evocatos centurionesq; complures. in eo fuit numero Valerius Flaccus L. filius, ejus qui prætor Asiam obtinuerat: signaque sunt VI militaria relata. nostri non amplius XX omnibus sunt præliis desiderati. sed in castello nemo fuit omnino militum, quin vulneraretur; quatuorque ex una cohorte centuriones oculos amiserunt. & quum laboris sui periculique testimonium afferre vellent, millia sagittarum circiter XXX in castellum conjecta Cæsari remuneraverunt: scutoque ad eum relato Scævæ centurionis, inventa sunt in eo foramina CCXXX. quem Cæsar, ut erat de se meritis, & de Rep. donatum millibus ducentis [æris] ab octavis ordinibus ad Primipilum se transducere pronuntiavit. ejus enim opera castellum conservatum esse magna ex parte constabat. cohortemque [postea] duplici stipendio, frumento, * ut speciaris militaribusque donis amplissime donavit. Pompeius noctu magnis additis munitionibus, reliquis diebus turres extruxit; & in altitudinem pedum XV effectis operibus, vineis eam partem castrorum obtexit; & V intermissis diebus, alteram noctem subnubilam nactus, extructis omnibus castrorum portis, & ad impediendum objectis, tertia inita vigilia, silentio exercitum eduxit, &

& se in antiquas munitiones recepit. Ætolia, Acarnania, Amphilochois per Cassium Longinum & Calvisium Sabinum, ut demonstravimus, receptis, tentandam sibi Achaïam, ac paullo longius progrediendum, existimabat Cæsar: itaque eo Fusium Kalenum misit: & Q. Sabinum & Cassium cum cohortibus adjungit. Quorum cognito adventu, Rutilius Lupus, qui Achaïam missus à Pompeio obtinebat, Isthmum præmunire instituit, ut Achaïa Fusium prohiberet. Kalenus Delphos, Thebas, Orchomenum voluntate ipsarum civitatum recepit: nonnullas per vim expugnavit: reliquas civitates, circummissis legationibus, amicitia Cæsaris conciliare studebat. In his rebus fere erat Fusius occupatus. Omnibus deinceps diebus Cæsar exercitum in aciem æquum in locum præduxit, si Pompeius prælio decertare vellet; ut pene castris Pompeii legiones subjiceret: tantumque à vallo ejus prima acies aberat, uti ne in eam telum tormentumve adjici posset. Pompeius autem ut famam & opinionem hominum teneret, sic pro castris exercitum constituebat, ut tertia acies vallum contingeret: omnisq; ejus instructus exercitus telis ex vallo adjectis protegi posset. Hæc quum in Achaïa, atque apud Dyrrhachium gererentur, Scipionemq; in Macedoniam venisse constaret; non oblitus pristini instituti Cæsar, mittit ad eum Clodium, suum atque illius familiarem: quem ab illo transditum initio, & commendatum in suorum necessariorum numero habere instituerat. Huic dat literas, mandataque ad eum: quorum hæc erat summa: Sese omnia de pace expertum nihil adhuc arbitrari factum, vitio eorum, quos esse auctores ejus rei voluisset: quod sua mandata perferre non opportuno tempore ad Pompeium vererentur: Scipionem ea auctoritate esse, ut non solum libere, quæ probasset, exponere; sed etiam ex magna parte compellere, atque errantem regere posset: præesse autem suo nomine exercitui; ut, præ-

ter auctoritatem, vires quoque ad coercendum haberet: quod si fecisset, quietem Italiae, pacem provinciarum, salutem imperii, uni omnes acceptam relatu- ros. Hac ad eum mandata Clodius refert. ac primis diebus, ut videbatur, libenter auditus, reliquis ad colloquium non admittitur; castigato Scipione à Favonio, ut postea confecto bello reperiebamus; infectaque re, sese ad Caesarem recepit. Caesar, quo facilius equitatum Pompeianum ad Dyrrhachium contineret & pabulatione prohiberet, aditus duos, quos esse angustos demonstravimus, magnis operibus praemunivit, castellaque his locis posuit. Pompeius, ubi nihil profici equitatu cognovit: paucis intermissis diebus, rursus eum navibus ad se infra munitiones recipit. Erat summa inopia pabuli, adeo, ut foliis ex arboribus strictis, & teneris arundinum radicibus contusis equos alerent. frumenta enim, quae fuerant intra munitiones sata, consumpserant: & cogebantur Corcyra, atque Acarnania, longo interjecto navigationis spatio, pabulum supportare; quoque erat ejus rei minor copia, hordeo adaugere, atque his rationibus equitatum tolerare. Sed postquam non modo hordeum pabulumque omnibus in locis, herbaeque defecta, sed etiam fructus ex arboribus deficiebat, corruptis equis macie, conandum sibi aliquid Pompeius de eruptione existimavit. Erant apud Caesarem ex equitum numero Allobroges duo fratres, Roscillus & Aegus, Adbucilli filii, qui principatum in civitate multis annis obtinuerat, singulari virtute homines, quorum opera Caesar omnibus Gallicis bellis optima fortissimaque erat usus. his domi ob has causas amplissimos magistratus mandaverat; atque eos extra ordinem in senatum legendos curaverat: agrosque in Gallia ex hostibus captos, praemiaque rei pecuniariae magna tribuerat; locupletesque ex gentibus effecerat. hi propter virtutem non solum apud Caesarem in honore erant,

sed

sed etiam apud exercitum cari habebantur. Sed freti amicitia Cæsaris, & stulta ac barbara arrogantia elati despiciebant suos, stipendiumque equitum fraudabant, & prædam omnem domum avertabant. Quibus illi rebus permoti universi Cæsarem adierunt, palamque de eorum injuriis sunt questi; & ad cætera addiderunt, falsum ab his equitum numerum deferri, quorum stipendium averterent. Cæsar neque tempus illud animadversionis esse existimans; & multa virtuti eorum concedens, rem distulit totam; illos secreto castigavit, quod quæstui equites haberent; monuitque ut ex sua amicitia omnia expectarent, & ex præteritis suis officiis [reliqua spectarent.] Magnam tamen hæc res illis offensionem, & contemptionem ad omnes attulit. idque ita esse, quum ex aliorum objectationibus, tum etiam ex domestico judicio atque animi conscientia intelligebant. Quo pudore adducti, & fortasse se non liberari, sed in aliud tempus reservari arbitrati, discedere à nobis, & novam tentare fortunam, novasque experiri amicitias constituerunt: & cum paucis colloqui clientibus suis, quibus tantum facinus committere audebant, primum conati sunt præfectum equitum C. Volusenum interficere, ut postea, bello confecto, cognitum est; ut cum munere aliquo perfugisse ad Pompeium viderentur. postquam id difficilius visum est, neque facultas perficiendi dabatur, quam maximas potuerunt pecunias mutuati, perinde ac satisfacere, & fraudata restituere vellent, multis coëmptis equis, ad Pompeium transierunt cum iis quos sui consilii participes habebant. quos Pompeius, quod erant honesto loco nati, & instructi liberaliter, magnoque comitatu & multis jumentis venerant, virique fortes habebantur, & in honore apud Cæsarem fuerant, quodque novum & præter consuetudinem acciderat, omnia sua præsidia circumduxit, atque ostentavit. nam ante id tempus

nemo aut miles aut eques à Cæsare ad Pompeium transferat; quum pene quotidie à Pompeio ad Cæsarem perfugerent, vulgo vero in Epiro atque Ætolia conscripti milites, earumque regionum omnium, quæ à Cæsare tenebantur. Sed hi, cognitis omnibus rebus, seu quid in munitionibus perfectum non erat, seu quid à peritioribus rei militaris desiderari videbatur, temporibusque rerum, & spatiis locorum, & custodiarum varia diligentia animadversa, prout cuiusque eorum, qui negotiis præerant, aut natura aut studium ferebat, hæc ad Pompeium omnia detulerunt. Quibus ille cognitis, eruptionisque jam ante capto consilio, ut demonstratum est, tegmenta galeis milites ex viminibus facere, atque aggerem comportare jubet. His paratis rebus, magnum numerum levis armaturæ & sagittariorum, aggeremque omnem noctu in scaphas, & naves actuarias imponit; & de media nocte cohortes LX ex maximis castris præsidiiisque deductas, ad eam partem munitionum ducit, quæ pertinebant ad mare, longissimeque à maximis castris Cæsaris aberant. Eodem naves, quas demonstravimus, aggere & levis armaturæ militibus completas, quasque ad Dyrrhachium naves longas habebat, mittit; & quid à quoque fieri velit, præcipit. Ad eas munitiones Cæsar Lentulum Marcellinum quæstorem cum legione IX positum habebat. huic, quod valetudine minus comoda utebatur, Fulvium Postumum adiutorem summiserat. Erat eo loco fossa pedum XV, & vallus contra hostem in altitudinem pedum X: tantundemque ejus valli agger in altitudinem patebat. ab eo, intermisso spatio pedum DC, alter conversus in contrariam partem erat vallus, humiliore paullo munitione. hoc enim superioribus diebus timens Cæsar, ne navibus nostri circumvenirentur, duplicem eo loco fecerat vallum, ut, si ancipiti prælio dimicaretur, posset resisti. sed operum magnitudo, & continens

tinens

tinens omnium dierum labor, quod millia passuum in circuitu x i x munitiones erat complexus, perficiendi spatium non dabat. Itaque contra mare transversum vallum, qui has duas munitiones contingeret, nondum perfecerat. quæ res nota erat Pompeio, delata per Allobroges perfugas; magnumque nostris attulit incommodum. nam, ut ad mare nostræ cohortes i x legionis excubuerant, accessere subito prima luce Pompeiani [exercitus:] novusque eorum adventus exstitit: simulque navibus circumvecti milites in anteriorem vallum tela jaciebant: fossæque aggere complebantur: & legionarii, interioris munitionis defensores, scalis admotis, tormentisque cujusque generis, telisque terrebant, magnaque multitudo sagittariorum ab utraque parte circumfunde-
batur. multum autem ab ictu lapidum, quod unum nostris erat telum, viminea tegumenta galeis imposita defendebant. Itaque, quum omnibus rebus nostri premerentur, atque agrè resisterent; animadversum est vitium munitionis, quod supra demonstratum est: atque inter duos vallos qua perfectum opus non erat, per mare navibus expositi in aversos nostros impetum fecerunt; atque ex utraque munitione dejectos terga vertere coegerunt. Hoc tumultu nunciato, Marcellinus cohortes subsidio nostris laborantibus summisit; quæ ex castris fugientes conspicatæ neque illos suo adventu confirmare potuerunt, neque ipsæ hostium impetum tulerunt. itaque quodcumque addebatur subsidio, id corruptum timore fugientium, terrorem & periculum augebat. hominum enim multitudine receptus impedi-
ebatur. in eo prælio, quum gravi vulnere esset affectus Aquilifer, & viribus deficeretur, conspicatus equites nostros, Hanc ego, inquit, & vivus multos per annos magna diligentia defendi, & nunc moriens eadem fide Cæsari restituo. nolite, obsecro, committere, quod ante in exercitu Cæsaris non acci-
dit,

dit, ut rei militaris dedecus admittatur; incolu-
memque ad eum referte. Hoc casu Aquila conser-
vatur, omnibus primæ cohortis centurionibus in-
terfectis. præter principem priorem. Jamque Pom-
peiani magna cæde nostrorum castris Marcellini ap-
propinquabant, non mediocri terrore illato reliquis
cohortibus. & M. Antonius, qui proximum locum
tenebat præsidiorum, ea re nunciata, cum cohorti-
bus XII descendens ex loco superiore cernebatur,
cujus adventus Pompeianos compressit, nostrosque
firmavit, ut se ex maximo timore colligerent. ne-
que multo post Cæsar, significatione per castella su-
mo facta, ut erat superioris temporis consuetudo,
deductis quibusdam cohortibus ex præsidiis, eodem
venit. qui cognito detrimento, quum animadver-
tisset Pompeium extra munitiones egressum; castra
secundum mare, ut libere pabulari posset, nec mi-
nus aditum navibus habere, commutata ratione
belli, quoniam propositum non tenuerat, juxta
Pompeium munire jussit. Qua perfecta munitione,
animadversum est à speculatoribus Cæsaris, cohortes
quasdam, quod instar legionis videretur, esse post
silvam, & in vetera castra duci. Castrorum hic situs
erat. Superioribus diebus, quum se IX legio Cæ-
saris objecisset Pompeianis copiis, atque opere, *
ut demonstravimus, circuminuniret, castra eo loco
posuit. Hæc silvam quandam contingebant, neque
longius à mari passibus CD aberant: post mutato
consilio quibusdam de causis, Cæsar paullo ultra
eum locum castra transtulit: paucisque intermissis
diebus, hæc eadem Pompeius occupaverat; &, quod
eo loco plures erat legiones habiturus, relicto inte-
riore vallo, majorem adjecerat munitionem. ita
minora castra inclusa majoribus castelli atque arcis
locum obtinebant. Item ab angulo castrorum sini-
stro munitionem ad flumen perduxerat, circiter
passus CD, quo liberius ac sine periculo milites
aqua-

aquarentur. sed is quoque, mutato consilio quibusdam de causis, quas commemorari necesse non est, eo loco excefferat. ita complures dies manserunt castra. munitiones quidem integræ omnes erant. eo signo legionis illato, speculatores Cæsari renuntiarent. hoc idem visum ex superioribus quibusdam castellis confirmaverant. Is locus aberat à novis Pompeii castris circiter passus D. hanc legionem sperans Cæsar se opprimere posse, & cupiens ejus diei detrimentum sarcire, reliquit in opere cohortes II, quæ speciem munitionis præberent; ipse diverso itinere, quam potuit occultissime reliquas cohortes numero XXXIII, in quibus erat legio IX, multis amissis centurionibus, diminutoque militum numero, ad legionem Pompeii castraque minora duplici acie duxit. neque eum prima opinio fefellit. nam & pervenit prius, quam Pompeius sentire posset; &, tametsi erant munitiones castrorum magnæ, tamen sinistro cornu, ubi erat ipse, celeriter aggressus, Pompeianos ex vallo deturbavit. erat objectus portis eritius. hic paullisper est pugnatum, quum irrupere nostri conarentur, illi castra defenderent: fortissime T. Pulcione, cujus opera proditum exercitum C. Antonii demonstravimus, è loco propugnante. sed tamen nostri virtute vicerunt: excisoque eritio, primo in majora castra, post etiam in castellum, quod erat inclusum majoribus castris, irruerunt, &, quod eo pulsa legio sese receperat, nonnullos ibi repugnantes interfecerunt. sed fortuna, quæ plurimum potest, quum in reliquis rebus, tum præcipue in bello, parvis momentis magnas rerum commutationes efficit; ut tum accidit. Munitionem, quam pertingere à castris ad flumen supra demonstravimus, dextri Cæsaris cornu cohortes ignorantia loci sunt secutæ, quum portam quærent, castrorumque eam munitionem esse arbitrarentur. Quod quum esset animadversum, conjunctam esse flumini;

mini; protinus his munitionibus, defendente nullo, transcenderunt: omnisque noster equitatus eas cohortes estsecutus. Interim Pompeius, hac longa satis interjecta mora, & re nunciata, v legionem ab opere deductam subsidio suis duxit: eodemque tempore equitatus ejus nostris equitibus appropinquabat, & acies instructa à nostris, qui castra occupaverant, cernebatur: omniaque sunt subito mutata. Pompeiana enim legio celeris spe subsidii confirmata ab Decumana porta resistere conabatur, atque ultro in nostros impetum faciebat. equitatus Cæsaris, quod angusto itinere per aggeres adscendebat, receptui suo timens initium fugæ faciebat. dextrum cornu, quod erat à sinistro seclusum, terrore equitum animadverso, ne intra munitionem opprimeretur, ex parte, qua proruebat, sese recipiebat: ac plerique ex iis; ne in angustias inciderent, & pedum munitionis sese in fossas præcipitabant: primisque oppressis, reliqui per horum corpora salutem sibi atq; exitum pariebant. Sinistro cornu milites, quum ex vallo Pompeium adesse, & suos fugere cernebant, veriti, ne angustis intercluderentur, quum extra & intus hostem haberent, eodem, quo venerant, receptui consulebant: omniaque erant tumultus, timoris, fugæ plena; adeo, ut, quum Cæsar signa fugientium manu prehenderet, & consistere juberet, alii, dimissis equis, eundem cursum conficerent; alii ex metu etiam signa dimitterent, neq; quisquam omnino consisteret. His tantis malis hæc subsidia succurrebant, quo minus omnis deleretur exercitus, quod Pompeius insidias timens, credo, quod hæc præter spem acciderant, ejus, qui paullo ante ex castris fugientes suos conspexerat, munitionibus appropinquare aliquandiu non audebat; equitesque ejus, angustis, portisque à Cæsaris militibus occupatis, ad insequendum tardabantur. ita parvæ res magnum in utramque partem momentum habuerunt. Mun-

nitio-

munitiones enim à castris ad flumen perductæ, expugnatis jam castris Pompeii, propriam & expeditam Cæsaris victoriam interpellaverunt. eadem res, celeritate insequentium tardata, nostris salutem attulit. Duobus his unius diei præliis Cæsar desideravit milites DCCCCLX, & notos equites R. * Felginatem Tuticanum Gallum, Senatoris filium; C. Felginatem Placentia; A. Graviu[m] Puteolis; M. Sacrativirum Capua; tribunos mil. & centuriones xxx. Sed horum omnium pars magna in fossis, munitionibusque, & fluminis ripis oppressa suorum terrore ac fuga sine ullo vulnere interiit, signaque sunt militaria xxxi amissa. Pompeius eo prælio Imperator est appellatus. hoc nomen obtinuit, atque ita se postea salutari passus est. sed neque in litteris, quas scribere est solitus, neque in fascibus insignia laureæ prætulit. At Labienus, quum ab eo impetravisset, ut sibi captivos transdi juberet, omnes productos ostentationis, ut videbatur, causâ, quo major perfugæ fides haberetur, commilitones appellans, & magna verborum contumelia interrogans, solerentne veterani milites fugere, in omnium conspectu interficit. His rebus tantum fiduciæ ac spiritus Pompeianis accessit, ut non de ratione belli cogitarent, sed vicisse jam sibi viderentur. Non illi paucitatem nostrorum militum, non iniquitatem loci, atque angustias præoccupatis castris, & ancipitem terrorem intra extraque munitiones, non abscissum in duas partes exercitum, quum alter alteri auxilium ferre non posset, causâ fuisse cogitabant. non adhæc addebant, non ex concursu acri facto, non prælio dimicatum; sibi que ipsos multitudine atque angustis majus attulisse detrimentum, quam ab hoste accepissent. non denique communes belli casus recordabantur, quam parvulæ sæpe causæ vel falsæ suspicionis vel terroris repentini, vel objectæ religionis, magna detrimenta intulissent: quoties
vel

vel culpa ducis , vel tribuni vitio in exercitu esset
offensum : sed proinde, ac si virtute vicissent, neque
ulla commutatio rerum posset accidere , per orbem
terrarum , fama ac litteris victoriam ejus diei conce-
lebrabant. Cæsar à superioribus consiliis depulsus,
omnem sibi commutandam belli rationem existi-
mavit. itaque uno tempore , præsidis omnibus de-
ductis, & oppugnatione dimissa, coactoque in unum
locum exercitu , concionem apud milites habuit;
hortatusque est , ne ea, quæ accidissent , graviter fer-
rent ; neve his rebus terrentur, multisque secundis
præliis unum adversum , & id mediocre oppone-
rent : habendam fortunæ gratiam , quod Italiam
sine aliquo vulnere cepissent ; quod duas Hispanias,
bellicosissimorum hominum peritissimis atque exer-
citatissimis ducibus , pacavissent ; quod finitimas
frumentariasque provincias in potestatem redegis-
sent : denique recordari debere , qua facilitate inter
medias hostium classes , oppletis non solum portu-
bus , sed etiam litoribus , omnes incolumes essent
transportati : si non omnia caderent secunda , fortu-
nam esse industria sublevandam : quod esset acce-
ptum detrimenti , ejus juri potius , quam suæ culpæ
debere tribui : locum se tum ad dimicandum de-
disse : potitum esse hostium castris ; expulisse ac su-
perasse pugnantes : sed, sive ipsorum perturbatio, sive
error aliquis , sive etiam fortuna partem jam præsen-
temque victoriam interpellassent, dandam omnibus
operam, ut acceptum incommodum virtute sarcire-
tur : quod si esset factum , detrimentum in bonum
verteret , uti ad Gergoviam accidisset ; atque ii , qui
ante dimicare timuissent , ultro se prælio offerrent.
Hac habita concione nonnullos signiferos ignomi-
nia notavit , ac loco movit. Exercitui quidem omni
tantus incessit ex incommodo dolor , tantumque
studium infamiæ sarcientiæ , ut nemo aut tribuni
aut centurionis imperium desideraret ; & sibi quis-
que

que etiam poenæ loco graviores imponeret labores, simulque omnes arderent cupiditate pugnandi; quum superioris etiam ordinis nonnulli oratione permoti, manendum eo loco, & rem prælio committendam existimarent. Contra ea Cæsar neque satis militibus perterritis confidebat, spatiumque interponendum ad recreandos animos putabat; reliquisque munitionibus magnopere rei frumentariæ timebat. itaque nulla interposita mora, sauciorum modo & agrorum habita ratione, impedimenta omnia silentio prima nocte ex castris Apolloniam præmisit, ac conquiescere ante iter confectum vetuit. his una legio missa præsidio est. His explicitis rebus, duas in castris legiones retinuit, reliquas de iv vigilia compluribus portis eductas eodem itinere præmisit; parvoque spatio intermisso, ut & militare institutum servaretur, & quam serissime ejus profectio cognosceretur, conclamari jussit; statimque egressus, & novissimum agmen consecutus, celeriter e conspectu castrorum discessit. Neque vero Pompeius, cognito consilio ejus, moram ullam ad insequendum intulit: sed eadem spectans, si itinere impeditos & perterritos deprehendere posset, exercitum e castris eduxit, equitatumque præmisit ad novissimum agmen demorandum: neque consequi potuit, quod multum expedito itinere antecesserat Cæsar. sed quum ventum esset ad flumen Genusum, quod ripis erat impeditis, consecutus equitatus novissimos prælio detinebat. Huic suos Cæsar equites opposuit; expeditosque antesignanos admisit c. d., qui tantum profecere, ut, equestri prælio commisso, pellerent omnes, compluresque interficerent, ipsi incolumes se ad agmen reciperent. Confecto justo itinere ejus diei, quod proposuerat Cæsar, transductoque exercitu flumen Genusum, veteribus suis in castris contra Asparagium consedit, militesque omnes intra vallum continuit; equitatumque per
cau.

causam pabulandi emissum confectum Decumana porta in castra se recipere iussit. Simili ratione Pompeius, confecto ejusdem diei itinere, in suis veteribus castris ad Asparagium consedit, ejusque milites, quod ab opere, integris munitionibus, vacabant, alii lignandi pabulandique causa longius progrediebantur, alii, quod subito consilium profectionis ceperant, magna parte impedimentorum & sarcinarum relicta, ad hæc repetenda invitati propinquitate superiorum castrorum, depositis in contubernio armis, vallum relinquebant. Quibus ad sequendum impeditis, Cæsar, quod fore providerat, meridiano fere tempore, signo profectionis dato, exercitum educit, duplicatoque ejus diei itinere, **xxx** millibus passuum ex eo loco procedit, quod facere Pompeius discessu militum non potuit. Postero die Cæsar similiter præmissis prima nocte impedimentis, de **iv** vigilia ipse egreditur; ut, si qua imposita esset dimicandi necessitas, subitum casum expedito exercitu subiret. Hoc idem reliquis fecit diebus. Quibus rebus perfectum est, ut altissimis fluminibus, atque impeditissimis itineribus nullum acciperet incommodum. Pompeius enim, primi diei mora illata, & reliquorum dierum frustra labore suscepto, quum se magnis itineribus extenderet, & progressos consequi cuperet, **iv** die finem sequendi fecit, atque aliud sibi consilium capiendum existimavit. Cæsari ad faucios deponendos, stipendium exercitui dandum, socios confirmandos, præsidium uribus relinquendum, necesse erat adire Apolloniam. sed his rebus tantum temporis tribuit, quantum erat properanti necesse: timensque Domitio, ne adventu Pompeii præoccuparetur, ad eum omni celeritate & studio incitatus ferebatur. Totius autem rei consilium his rationibus explicabat, ut, si Pompeius eodem contenderet, abductum illum à mari, atque ab iis copiis, quas Dyrrhachii comparaverat, frumento

mento ac commeatu abstractum pari conditione belli secum decertare cogeret: si in Italiam transferet, conjuncto exercitu cum Domitio per Illyricum Italiae subsidio proficisceretur: sin Apolloniam Oricumque oppugnare, & se omni maritima ora excludere conaretur, obseſſo tamen Scipione, necessario illum suis auxilium ferre cogeret. itaque praemissis nunciis ad Cn. Domitium Caesar scripsit; ecquid fieri vellet, ostendit: praesidioque Apolloniae cohortibus IV, Lisi I, III Orici relictis, quique erant ex vulneribus agri, depositis; per Epirum atque Acarnaniam iter facere coepit. Pompeius quoque de Caesaris consilio conjectura judicans, ad Scipionem properandum sibi existimabat, si Caesar iter illo haberet, ut subsidium Scipioni ferret: si ab ora maritima Corcyraque discedere nollet, quod legiones equitatumque ex Italia exspectaret, ipse ut omnibus copiis Domitium aggrediretur. Iis de causis uterque eorum celeritati studebat, ut suis esset auxilio, & ad opprimendos adversarios, ne occasione temporis deesset. Sed Caesarem Apollonia directo itinere averterat. Pompeius per Candaviam iter in Macedoniam expeditum habebat. Accessit etiam improvise aliud incommodum, quod Domitius, qui dies complures castris Scipionis castra collata habuisset, rei frumentariae causa ab eo discesserat, & Heracleam Senticam, quae est subiecta Candaviae, iter fecerat; ut ipsa fortuna illum objicere Pompeio videretur. Haec ad id tempus Caesar ignorabat. simul à Pompeio litteris per omnes provincias civitatesque dimissis, de praelio ad Dyrrhachium facto elatius inflatusque multo, quam res erat gesta, fama percrebuerat: pulsum fugere Caesarem pene omnibus copiis amissis. haec itinera infesta reddiderant: haec civitates nonnullas ab ejus amicitia averterant. Quibus accidit rebus, ut, pluribus dimissi itineribus à Caesare ad Domitium, &

Ab Domitio ad Cæsarem, nulla ratione iter conficere possent. Sed Allobroges, Roscelli atque Ægi familiares, quos perfugisse ad Pompeium demonstravimus, conspicati in itinere exploratores Domitii, seu pristina sua consuetudine, quod unà in Gallia bella gesserant; seu gloria elati, cuncta, ut erant acta, exposuerunt, & Cæsaris profectionem, & adventum Pompeii docuerunt. à quibus Domitius certior factus, vix 1 v horarum spatio antecedens, hostium beneficio periculum vitavit: & ad Æginium, quod est objectum oppositumque Thessaliæ, Cæsari venienti occurrit. Coniuncto exercitu, Cæsar Gomphos pervenit; quod est opidum primum Thessaliæ venientibus ab Epiro: quæ gens paucis ante mensibus ultro ad Cæsarem legatos miserat, ut suis omnibus facultatibus uteretur; præsidiumque ab eo militum petierat. sed eo fama jam præcucurrerat, quam supra docuimus, de prælio Dyrrhachino; quod multis auxerat partibus. itaque Androsthenes prætor Thessaliæ, quum se victoriæ Pompeii comitem esse mallet, quam socium Cæsaris in rebus adversis, omnem ex agris multitudinem servorum ac liberorum in opidum cogit, portasque præcludit, & ad Scipionem Pompeiumque nuncios mittit, ut sibi subsidio veniant: se confidere munitionibus opidi, si celeriter succurratur: longinquam oppugnationem sustinere non posse. Scipio discessu exercituum à Dyrrhachio cognito, Larissam legiones adduxerat. Pompeius nondum Thessaliæ appropinquabat. Cæsar castris munitis scalas musculosque ad repentinam oppugnationem fieri, & crates parari iussit. Quibus rebus effectis, cohortatus milites, docuit quantum usum haberet ad sublevandum omnium rerum inopiam, potiri opido pleno atque opulento; simul reliquis civitatibus urbis hujus exemplo inferre terrorem; & id fieri celeriter, prius quam auxilia concurrerent. itaque usus singulari militum

tum studio, eodem, quo venerat, die post horam ix
opidum altissimis mœnibus oppugnare aggressus,
ante solis occasum expugnavit, & ad diripiendum
militibus concessit; statimque ab opido castra mo-
vit, & Metropolim venit, sic, ut nuncios expugnati
opidi, famamque antecederet. Metropolitæ, eodem
primum usi consilio, iisdem permoti rumoribus,
portas clauferunt, nturosque armatis compleverunt.
sed postea casu civitatis Gomphensis ex captivis co-
gnito, quos Cæsar ad murum producendos curave-
rat, portas aperuerunt. Quibus diligentissime con-
servatis, collata fortuna Metropolitum cum casu
Gomphensium, nulla Thessaliæ fuit civitas præter
Larissæos, qui magnis exercitibus Scipionis tene-
bantur, quin Cæsari pareret, atque imperata face-
ret. ille segetis idoneum locum in agris nactus, quæ
prope jam matura erat, ibi adventum expectare
Pompeii, coque omnem rationem belli conferre
constituit. Pompeius paucis post diebus in Thessa-
liam pervenit: concionatusque apud cunctum exer-
citum suis agit gratias: Scipionis milites cohorta-
tur, ut parta jam victoria prædæ ac præmiorum ve-
lint esse participes: receptisque omnibus in una ca-
stra legionibus, suum cum Scipione honorem par-
titur; classicumque apud eum cani, & alterum illi
jubet prætorium tendi. Auctis copiis Pompeii, duo-
busque magnis exercitibus junctis, pristina o-
mnium confirmatur opinio, & spes victoriæ auge-
tur adeo, ut, quidquid intercederet temporis, id mo-
rari reductum in Italiam videretur; & si quando quid
Pompeius tardius aut consideratius faceret, unius
esse negotium diei, sed, illum delectari imperio, &
consulares prætoriosque servorum habere numero,
dicerent. Jamque inter se palam de præmiis ac sa-
cerdotiis contendebant; in annosque consulatum
desinebant. alii domos bonaque eorum, qui in ca-
stris erant Cæsaris, petebant; magnaque inter eos

in consilio fuit controversia, oporteretne, L. Hirri, quod is à Pompeio ad Parthos missus esset, proximis comitiis pratoris absentis rationem haberi: quum ejus necessarii fidem implorarent Pompeii, prætaret, quod proficiscenti recepisset, ne per ejus auctoritatem deceptus videretur; reliqui, in labore pari ac periculo, ne unus omnes antecederet, recusarent. Jam de sacerdotio Cæsaris Domitius, Scipio, Spintherque Lentulus quotidianis contentionibus ad gravissimas verborum contumelias palam descenderunt: quum Lentulus ætatis honorem ostentaret; Domitius urbanam gratiam, dignitatemque jactaret; Scipio affinitate Pompeii confideret. Postulavit etiam L. Afranium prodicionis exercitus Atius Rufus apud Pompeium, quod gestum in Hispania diceret. & L. Domitius in consilio dixit, placeere sibi bello confecto ternas tabellas dari ad judicandum iis, qui ordinis essent senatorii, belloque una cum ipsis interfuissent, sententiasque de singulis ferrent, qui Romæ remansissent, quique intra præsidia Pompeii fuissent, neque operam in re militari præstitissent. unam fore tabellam qui liberandos omni periculo censerent; alteram, qui capitis damnarent; tertiam, qui pecunia multarent. postremo omnes aut de honoribus suis, aut de præniis pecuniæ, aut de persequendis inimicis agebant. nec quibus rationibus superare possent, sed, quemadmodum uti victoria deberent, cogitabant. Re frumentaria præparata, confirmatisque militibus, & satis longo spatio temporis à Dyrrhachinis præliis intermisso, quum satis perspectum militum animum habere videretur, tentandum Cæsar existimavit, quidnam Pompeius propositi aut voluntatis ad dimicandum haberet. itaque ex castris exercitum eduxit, aciemque instruit, primum suis locis, paulloque à castris Pompeii locis; continentibus vero diebus, ut progrediretur à castris suis, collibusque Pompeianis aciem subjiceret. Quæ

res in dies confirmatiorem ejus efficiebat exercitum. superius tamen institutum in equitibus, quod demonstravimus, servabat, ut, quoniam numero multis partibus esset inferior, adolescentes atq; expeditos ex antesignanis electos milites ad pernicitatem armis inter equites præliari juberet, qui quotidiana consuetudine usum quoque ejus generis præliorum perciperent. his erat rebus effectum, ut equites ∞ apertioribus etiam locis VII millium Pompeianorum impetum, quum adesset usus, sustinere auderent, neque magnopere eorum multitudine terrentur. namque etiam per eos dies prælium secundum equestre fecit, atque unum Allobrogem ex duobus, quos perfugisse ad Pompeium supra docuimus, cum quibusdam interfecit. Pompeius, quia castra in colle habebat, ad infimas radices montis aciem instruebat; semper, ut videbatur, spectans, si iniquis locis Cæsar se subjiceret. Cæsar nulla ratione ad pugnam elici posse Pompeium existimans, hanc sibi commodissimam belli rationem judicavit, uti castra ex eo loco moveret, semperque esset in itineribus; hoc sperans, ut, movendis castris, pluribusque adeundis locis, commodiore frumentaria re uteretur; simulque, in itinere ut aliquam occasionem dimicandi nancisceretur, & insolitum ad laborem Pompeii exercitum quotidianis itineribus defatigaret. His constitutis rebus, signo jam profectiois dato, tabernaculisque detensis, animadversum est, paullo ante, extra quotidianam consuetudinem, longius à vasso esse aciem Pompeii progressam; ut non iniquo loco posse dimicari videretur. Tunc Cæsar apud suos, quum jam esset agmen in portis, Differendum est, inquit, iter in præsentia nobis, & de prælio cogitandum, sicut semper depoposcimus: animo simus ad dimicandum parati: non facile occasionem postea reperiemus. confestimque expeditas copias educit. Pompeius quoque, ut postea cognitum est, suorum omnium hortatu

statuerat prælio decertare. namque etiam in concilio superioribus diebus dixerat, prius, quam concurrerent acies, fore, ut exercitus Cæsaris pelleretur. id quum essent plerique admirati, Scio me, inquit, pene incredibilem rem polliceri: sed rationem consilii mei accipite, quo firmiore animo in prælium prodeatis. persuasi equitibus nostris, idque mihi se facturos confirmaverunt, ut, quum propius sit accessum, dextrum Cæsaris cornu ab latere aperto aggredierentur, ut, circumventa ab tergo acie, prius perturbatum exercitum pellerent, quam à nobis telum in hostem jaceretur. ita sine periculo legionum, & pene sine vulnere bellum conficiemus. id autem difficile non est, quum tantum equitatu valeamus. simul denunciavit, ut essent animo parati in posterum; &, quoniam fieret dimicandi potestas, ut sæpe cogitavissent, ne usu manuque reliquorum opinionem fallerent. Hunc Labienus excepit, ut, quum Cæsaris copias despiceret, Pompeii consilium summis laudibus efferret. Noli, inquit, existimare, Pompei, hunc esse exercitum, qui Galliam Germaniamque devicerit. omnibus interfui præliis. neque temere incognitam rem pronuncio. perexigua pars illius exercitus superest; magna pars deperiit; quod accidere tot præliis fuit necesse. multos Autumni pestilentia in Italia consumpsit: multi domum discesserunt: multi sunt relictæ in continenti. an non audistis ex iis, qui per causam valetudinis remanserunt, cohortes esse Brundisii factas? hæc copiar, quas videtis, ex delectibus horum annorum in citiore Gallia sunt resectæ; & pleræque sunt ex colonis Transpadanis. attamen, quod fuit roboris, duobus præliis Dyrrhachinis interiit. Hæc quum dixisset, juravit, se, nisi victorem, in castra non reversurum: reliquosque, ut idem facerent, hortatus est. Hoc laudans Pompeius, idem juravit. nec vero ex reliquis fuit quisquam, qui jurare dubitaret. Hæc
quam

quum facta essent in concilio, magna spe & latitia omnium discessum est. ac jam animo victoriam præcipiebant, quod de re tanta & à tam perito Imperatore nihil frustra confirmari videbatur. Cæsar, quum Pompeii castris appropinquasset, ad hunc modum aciem ejus instructam animadvertit. Erant in sinistro cornu legiones duæ, transditæ à Cæsare initio dissensionis ex SC. quarum una prima, altera tertia appellabatur. in eo loco ipse erat Pompeius. mediam aciem Scipio cum legionibus Syriacis tenebat. Ciliciensis legio conjuncta cum cohortibus Hispanis, quas transductas ab Afranio docuimus, in dextro cornu erant collocatæ. has firmissimas se habere Pompeius existimabat. reliquas inter aciem mediam cornuaque interjecerat: numeroque cohortes ex expleverat. hæc erant millia XLV. evocatorum circiter duæ, quæ ex beneficiariis superiorum exercituum ad eum convenerant: quæ tota acie dispersæ erant. reliquas cohortes VII castris, propinquisque castellis præsidio disposuerat. dextrum cornu ejus rivus quidam impeditis ripis muniebat. quam ad caussam cunctum equitatum, sagittarios funditoresque omnes in sinistro cornu objecerat. Cæsar, superius institutum servans, X legionem in dextro cornu, IX in sinistro collocaverat, tametsi erat Dyrhachinis præliis vehementer attenuata: & huic sic adjunxit XIX, ut pene unam ex duabus efficeret; atque alteram alteri præsidio esse jusserat. Cohortes in acie LXXX constitutas habebat. quæ summa erat CXXI. cohortes II castris præsidio reliquerat. Sinistro cornu Antonium, dextro P. Sullam, media acie Cn. Domitium præposuerat. ipse contra Pompeium consistit. Simul his rebus animadversis, quas demonstravimus, timens, ne à multitudine equitum dextrum cornu circumveniretur, celeriter ex tertia acie singulas cohortes detraxit; atque ex his quartam instituit, equitatuque opposuit; & quid fieri

fieri vellet, ostendit : monuitque, ejus diei victoriam in earum cohortium virtute constare ; simul tertiæ aciei, totique exercitui imperavit, ne injussu suo concurreret : se, quum id fieri vellet, vexillo signum daturum. Exercitum quum militari more ad pugnam cohortaretur, suæque in eum perpetui temporis officia prædicaret, in primis commemoravit, testibus se militibus uti posse, quanto studio pacem petisset ; quæ per Vatinium in colloquiis, quæ per A. Clodium cum Scipione egisset ; quibus modis ad Onicum cum Libone de mittendis legatis contendisset : neque se unquam abuti militum sanguine, neque Remp. alterutro exercitu privare voluisse. Hac habita oratione, exposcentibus militibus, & studio pugnae ardentibus, tuba signum dedit. Erat Crastinus evocatus in exercitu Cæsaris, qui superiore anno apud eum primum pilum in legione x duxerat, vir singulari virtute. Hic, signo dato, Sequimini me, inquit, manipulares mei qui fuistis, & vestro Imperatori, quam constituistis, operam date. unum hoc prælium superest : quo confecto, & ille suam dignitatem, & nos nostram libertatem recuperabimus. simul respiciens Cæsarem, Faciam, inquit, hodie, Imperator, aut ut vivo mihi, aut mortuo gratias agas. Hæc quum dixisset, primus ex dextro cornu procurrit : atque eum milites electi circiter cxx voluntarii ejusdem centuriæ sunt persecuti. Inter duas acies tantum erat relictum spatium, ut satis esset ad concursum utriusque exercitus. sed Pompeius suis prædixerat, ut Cæsaris impetum exciperent, neve se loco moverent; aciemque ejus distrahi paterentur. idque admonitu C. Triarii fecisse dicebatur, ut primus excursus visque militum infringeretur; aciesque distenderetur ; atque suis ordinibus dispositi dispersos adorirentur : levius quoque casura pila sperabat, in loco retentis militibus, quam si ipsi immissis telis occurrissent : simul fore, ut, duplicato cursu,

Cæsa-

Cæsaris milites exanimarentur, & lassitudine conficerentur. quod nobis quidem nulla ratione factum à Pompeio videtur: propterea quod est quædam animi incitatio atque alacritas naturaliter innata omnibus, quæ studio pugnae incenditur. hanc non reprimere, sed augere Imperatores debent. neque frustra antiquitus institutum est, ut signa undique concinerent, clamoremque universi tollerent: quibus rebus & hostes terreri, & suos incitari existimaverunt. Sed nostri milites dato signo, quum infestis pilis procucurrissent, atque animadvertissent non concurrì à Pompeianis, usu periti, ac superioribus pugnis exercitati, sua sponte cursum represserunt, & ad medium fere spatium constiterunt, ne consumptis viribus appropinquarent; parvoque intermisso temporis spatio, ac rursus renovato cursu, pila miserunt; celeriterque, ut erat præceptum à Cæsare, gladios strinxerunt. neque vero Pompeiani huic rei defuerunt. nam & tela missa exceperunt, & impetum legionum tulerunt, & ordines conservaverunt; pilisque missis ad gladios redierunt. Eodem tempore equites à sinistro Pompeii cornu, ut erat imperatum, universi procucurrerunt: omnisque multitudo sagittariorum se profudit: quorum impetum noster equitatus non tulit, sed paullum loco motus cessit: equitesque Pompeiani hoc acrius instare, & se turmatim explicare, aciemque nostram à latere aperto circumire cœperunt. quod ubi Cæsar animadvertit, IV aciei, quam instituerat sex cohortium numero, signum dedit. illi celeriter procucurrerunt; infestisque signis tanta vi in Pompeii equites impetum fecerunt, ut eorum nemo consisteret, omnesque conversi non solum loco excederent, sed protinus incitati, fuga montes altissimos peterent. quibus summo-
tis, omnes sagittarii funditoresque destituti inermes sine præsidio, interfecti sunt. Eodem impetu cohortes sinistrum cornu, pugnantibus etiam tum

ac resistentibus in acie Pompeianis, circumiecerunt, eosque à tergo sunt adorti. Eodem tempore tertiam aciem Cæsar, quæ quæta fuerat, & se ad id tempus loco tenuerat, procurrare iussit. ita, quum recentes atque integri defessis successissent, alii autem à tergo adorirentur, sustinere Pompeiani non potuerunt, atque universi terga verterunt. Neque vero Cæsarem fefellit, quin ab iis cohortibus, quæ contra equitatum in iv acie collocatæ essent, initium victoriæ oriretur, ut ipse in hortandis militibus pronuntiaverat. ab his enim primum equitatus est pulsus: ab iisdem facta cædes sagittariorum atque funditorum: ab iisdem acies Pompeiana à sinistra parte erat circumventa, atque initium fugæ factum. sed Pompeius, ut equitatum suum pulsum vidit, atque eam partem, cui maxime confidebat, perterritam animadvertit, aliis diffusus acie excessit, protinusque se in castra equo contulit, & iis centurionibus, quos in statione ad prætoriam portam posuerat, clare, ut milites exaudirent, Tueamini, inquit, castra, & defendite diligenter, si quid durius acciderit. ego reliquas portas circumeo, & castrorum præsidia confirmo. Hæc quum dixisset, se in prætorium contulit summæ rei diffidens, & tamen eventum expectans. Cæsar, Pompeianis ex fuga intra vallum compulsis, nullum spatium perterritis dare oportere æstimans milites cohortatus est, ut beneficio fortunæ uterentur, castraque oppugnarent: qui, etsi magno æstu fatigati (nam ad meridiem res erat perducta), tamen, ad omnem laborem animo parati, imperio paruerunt. Castra à cohortibus, quæ ibi præsidio erant relictæ, industrie defendebantur, multo etiam acrius à Thracibus, barbarisque auxiliis. nam qui acie refugerant milites, & animo perterriti & lassitudine confecti, missis plerique armis, signisque militaribus, magis de reliqua fuga, quam de castrorum defensione cogitabant. neque vero diutius, qui in vallo consti-

terant,

terant , multitudinem telorum sustinere potuerunt ; sed confecti vulneribus locum reliquerunt ; protinusque omnes, ducibus usi centurionibus, tribunisque mil. in altissimos montes , qui ad castra pertinebant , confugerunt. In castris Pompeii videre licuit triclinia strata , magnum argenti pondus expositum, recentibus cespitibus tabernacula constrata, L. etiam Lentuli , & nonnullorum tabernacula protecta edera , multaque præterea , quæ nimiam luxuriam , & victoriæ fiduciam designarent ; ut facile æstimari posset, nihil eos de eventu ejus dici timuisse, qui non necessarias conquirerent voluptates , atque ii miserrimo ac patientissimo exercitui Cæsaris luxuriam obiciebant, cui semper omnia ad necessarium usum defuissent. Pompeius jam, quum intra vallum nostri versarentur , equum nactus , detractis insignibus Imperatoris , Decumana porta se ex castris eiecit ; protinusque equo citato Larissam contendit. neque ibi constitit ; sed eadem celeritate paucos suorum ex fuga nactus , nocturno itinere non intermisso , comitatu equitum xxx ad mare pervenit , navemque frumentariam conscendit ; sæpe , ut dicebatur, quærens , tantum se opinionem fefellisse , ut à quo genere hominum victoriam sperasset , ab eo initio fugæ facto , pene proditus videretur. Cæsar castris potitus à militibus contendit , ne in præda occupati reliqui negotii gerendi facultatem dimitterent. Quare impetrata , montem opere circumvenire instituit. Pompeiani , quod is mons erat sine aqua , diffisi ei loco, relicto monte , universi [juris ejus] Larissam versus se recipere cœperunt. qua re animadversa, Cæsar copias suas divisit ; partemque legionum in castris Pompeii remanere jussit , partem in sua castra remisit : iv secum legiones duxit ; commodioreque itinere Pompeianis occurrere cœpit : & progressus millia passuum vi aciem instruxit. Qua re animadversa , Pompeiani in quodam monte constiterunt.

hunc montem flumen sublebat. Cæsar, milites cohortatus, etsi totius diei continenti labore erant confecti, noxque jam suberat, tamen munitione flumen à monte seclusit, ne noctu Pompeiani aquari possent. Quo jam perfecto opere, illi de deditione, missis legatis, agere cœperunt. pauci ordinis Senatorii, qui se cum iis conjunxerant, nocte fuga salutem petierunt. Cæsar prima luce omnes eos, qui in monte confederant, ex superioribus locis in planiciem descendere, atque arma projicere jussit. quod ubi sine recusatione fecerunt; passisque palmis, projecti ad terram, flentes ab eo petierunt salutem: consolatus consurgere jussit; & pauca apud eos de lenitate sua locutus, quo minore essent timore, omnes conservavit; militibusque suis jussit, ne qui eorum violarentur, neu quid sui desiderarent. Hac adhibita diligentia, ex castris sibi legiones alias occurrere, & eas quas secum duxerat, invicem requiescere, atque in castra reverti jussit: eodemque die Larissam pervenit. in eo prælio non amplius cc milites desideravit, sed centuriones; fortes viros, circiter xxx amisit. Interfectus est etiam fortissime pugnans Crastinus, cujus mentionem supra fecimus, gladio in os adversum coniecto. neque id fuit falsum, quod ille in pugnam proficiscens dixerat. sic enim Cæsar existimabat, eo prælio excellentissimam virtutem Crastini fuisse, optimeque eum de se meritum judicabat. Ex Pompeiano exercitu circiter millia xv cecidisse videbantur: sed in deditionem venerunt amplius millia xxiv. namque etiam cohortes, quæ præsidio in castellis fuerant, sese Sullæ dediderunt. multi præterea in finitimas civitates refugerunt. Signaque militaria ex prælio ad Cæsarem sunt relata clxxx, & Aquilæ ix. L. Domitius ex castris in montem refugiens, quum vires eum lassitudine defecissent, ab equitibus est interfectus. Eodem tempore D. Lælius cum classe ad

Brun-

Brundisium venit; eademque ratione qua factum à Libone antea demonstravimus, insulam objectam portui Brundisino tenuit. Similiter Vatinius, qui Brundisio præerat, tectis instratisque scaphis elicuit naves Lælianas; atque ex his longius productam unam quinquagemam, & minores duas, in angustiis portus cepit: itemque per equites dispositos aqua prohibere classiarios instituit. sed Lælius tempore anni commodiore, usus ad navigandum onerariis navibus, Corcyra Dyrrhachioq; aquam suis supportabat; neque à proposito deterrebat; neque ante prælium in Thessalia factum cognitum, aut ignominia amissarum navium, aut necessariarum rerum inopia, ex portu insulaque expelli potuit. Iisdem fere temporibus Cassius cum classe Syrorum & Phœnicum & Cilicum in Siciliam venit: & quum esset Cæsaris classis divisa in duas partes, & dimidiæ parti præesset P. Sulpicius prætor Libo que ad fretum, dimidiæ M. Pomponius ad Messaniam, prius Cassius ad Messaniam navibus advolavit, quam Pomponius de ejus adventu cognosceret: perturbatumque eum nactus, nullis custodiis, neque ordinibus certis, magno vento & secundo completas onerarias naves tæda, & pice, & stupa, reliquisque rebus, quæ sunt ad incendia, in Pomponianam classem immisit, atque omnes naves incendit xxxv, in quibus erant xx contratæ: tantusque eo facto timor incessit, ut, quum esset legio præsidio Messanæ, vix opidum defenderetur: & nisi eo ipso tempore nuncii de Cæsaris victoria per dispositos equites essent allati, existimabant plerique futurum fuisse ut amitteretur. sed opportunissime nunciis allatis opidum fuit defensum; Cassiusque ad Sulpicianam inde classem profectus est & Libonem: applicatisque nostris ad terram navibus, propter eundem timorem, pari, atque antea, ratione egit. secundum nactus ventum, onerarias naves circiter xl præparatas ad

incendium immisit: & flamma ab utroque cornu comprehensa, naves sunt combustæ v. quumque ignis magnitudine venti latius serperet; milites, qui ex veteribus legionibus erant relictī præsidio navibus, ex numero agrorum, ignominiam non tulerunt, sed sua sponte naves conscenderunt, & à terra solverunt; impetuque facto in Cassianam classē, quinquereμες 11, in quarum altera erat Cassius, ceperunt. sed Cassius exceptus scapha refugit. Præterea duæ sunt deprehensæ triremes. neque multo post de prælio facto in Thessalia cognitum est; ut ipsis Pompeianis fides fieret. nam ante id tempus fingi à legatis amicisque Cæsaris arbitrabantur. Quibus rebus cognitis, ex iis locis Cassius cum classe discessit. Cæsar omnibus rebus relictis persequendum sibi Pompeium existimavit, quascumque in partes ex fuga se recepisset; ne rursus copias comparare alias, & bellum renovare posset: & quantum itineris equitatu efficere poterat, quotidie progrediebatur: legionemque unam minoribus itineribus subsequi iussit. Erat edictum Pompeii nomine Amphipoli propositum, uti omnes ejus provinciæ juniores, Græci, civesque R. jurandi causâ convenirent. sed ntrum avertendæ suspicionis causâ Pompeius proposuisset, ut quam diutissime longioris fugæ consilium occultaret, an novis delectibus, si nemo premeret, Macedoniam tenere conaretur, existimari non poterat. Ipse ad anchoram una nocte constitit; & vocatis ad se Amphipoli hospitibus, & pecunia ad necessarios sumptus corrogata, cognito Cæsaris adventu, ex eo loco discessit, & Mytilenas paucis diebus venit. Biduum tempestate retentus, navibusque aliis additis ætuariis, in Ciliciam, atque inde Cyprum pervenit. ibi cognoscit, consensu omnium Antiochenſium, civiumque Romanorum, qui illic negotiarentur, arcem ante captam esse excludendi sui causâ; nunciosque dimissos ad eos, qui se ex fuga

in finitimas civitates recepisse dicerentur, ne Antiochiam adirent: id si fecissent, magno eorum capitis periculo futurum. Idem hoc L. Lentulo, qui superiore anno consul fuerat, & P. Lentulo consulari, ac nonnullis aliis acciderat Rhodi, qui quum ex fuga Pompeium sequerentur, atque in insulam venissent, opido ac portu recepti non erant: missisque ad eos nunciis, ut ex iis locis discederent, contra voluntatem suam naves solverunt. Jamque de Cæsaris adventu fama ad civitates perferebatur. Quibus cognitis rebus, Pompeius, deposito adeunda Syria consilio, pecunia societatis sublata, & à quibusdam privatis sumpta, & æris magno pondere ad militarem usum in naves imposito, duobusque millibus hominum armatis, partim quos ex familiis societatum delegerat, partim à negotiatoribus coëgerat, quosque ex suis quisque ad hanc rem idoneos existimabat, Pelusium pervenit. ibi casu rex erat Ptolemæus, puer ætate, magnis copiis, cum sorore Cleopatra gerens bellum; quam paucis ante mensibus per suos propinquos atque amicos regno expulerat: castraque Cleopatrarum non longo spatio ab ejus castris distabant. Ad eum Pompeius misit, ut pro hospitio atque amicitia patris Alexandria reciperetur, atque illius opibus in calamitate tegeretur. Sed qui ab eo missi erant, confecto legationis officio, liberius cum militibus regis colloqui coeperunt, eosque hortari, ut suum officium Pompeio præstarent, neve ejus fortunam despicerent. In hoc erant numero complures Pompeii milites; quos ex ejus exercitu acceptos in Syria Gabinius Alexandriam transduxerat, belloque confecto apud Ptolemæum patrem pueri reliquerat. His tunc cognitis rebus, amici regis, qui propter ætatem ejus in procuratione erant regni; sive timore adducti, ut postea prædicabant, ne, sollicitato exercitu regio, Pompeius Alexandriam Ægyptumque occuparet; sive despecta ejus fortuna; ut plerumque in

calamitate ex amicis inimici existunt, iis, qui erant ab eo missi, palam liberaliter responderunt, eumque ad regem venire iusserunt. ipsi clam consilio inito Achillam præfectum regium, singulari hominem audacia, & L. Septimium tribunum mil. ad interficiendum Pompeium miserunt. Ab his liberaliter ipse appellatus, & quadam notitia Septimii productus, quod bello prædonum apud eum ordinem duxerat, naviculam parvulam conscendit cum paucis suis; & ibi ab Achilla & Septimio interficitur. Item L. Lentulus comprehenditur à rege, & in custodia necatur. Cæsar, quum in Asiam venisset, reperiebat, T. Ampium conatum esse tollere pecunias Epheso ex Fano Dianæ; ejusque rei causâ senatores omnes ex provincia vocasse, ut iis testibus in summa pecuniâ uteretur; sed interpellatum adventu Cæsaris profugisse. ita duobus temporibus Ephesiæ pecuniæ Cæsar auxilium tulit. Item constabat, Elide in templo Minervæ, repetitis atque enumeratis diebus, quo die prælium secundum fecisset Cæsar, simulacrum Victoriæ, quod ante ipsam Minervam collocatum erat, & ante ad simulacrum Minervæ spectabat, ad valvas se templi limenque convertisse. Eodemque die Antiochiæ in Suria bis tantus exercitus clamor & signorum sonus exauditus est, ut in muris armata civitas discurreret. Hoc idem Ptolemaide accidit. Pergami in occultis ac remotis templi, quo, præter sacerdotes, adire fas non est, quæ Græci Ἄδυτæ appellant, tympana sonuerunt. Item Trallibus in Templo Victoriæ, ubi Cæsaris statuam consecraverant, palma per eos dies in tecto inter coagmenta lapidum ex pavimento existisse ostendebatur. Cæsar paucos dies in Asia moratus, quum audisset Pompeium Cypri visum, conjectans eum in Ægyptum iter habere, propter necessitudines regni, reliquasque ejus loci opportunitates, cum legionibus, una, quam ex Thesalia se sequi jusserat, & altera, quam ex Achaia à

Fusio

Fufio legato evocaverat, equitibusque DCCC, & habibus longis Rhodiis x, & Afaticis paucis, Alexandriam pervenit. In his erant legionibus hominum III millia CC. reliqui vulneribus ex præliis, & labore, ac magnitudine itineris confecti confequi non potuerant. Sed Cafar confifus fama rerum geftarum, infirmis auxiliis proficifci non dubitaverat, atque omnem fibi locum tutum fore exiftimabat. Alexandria de Pompeii morte cognofcit: atque ibi primum è navi egrediens clamorem militum audit, quos rex in opido præfidii cauffa reliquerat, & concursum ad fe fieri videt, quod fafcès anteferrentur. In hoc omnis multitudo majefatem regiam minui prædicabat. Hoc fedato tumultu, crebræ continuis diebus ex concursu multitudinis concitationes fiebant: compluresque milites hujus urbis omnibus partibus interficiebantur. Quibus rebus animadverfis legiones fibi alias ex Asia adduci juffit, quas ex Pompeianis militibus confecerat. ipfe enim neceffario Etefiis tenebatur; qui Alexandria navigantibus funt adverfiffimi venti. Interim controverfias regum ad populum R. & ad fe, quod effet conful, pertinere exiftimans, atque eo magis officio fuo convenire, quod fuperiore confulatu cum patre Ptolemæo, & lege & SC. focietas erat facta; oftendit, fibi placere, regem Ptolemæum, atque sororem ejus Cleopatram exercitus, quos haberent, dimittere; & de controverfiis jure apud fe potius, quam inter fe armis, difceptare. Erat in procuratione regni propter ætatem pueri nutritius ejus, eunuchus, nomine Pothinus. is primum inter fuos queri atque indignari cœpit, regem ad dicendam cauffam evocari: deinde adjutores quofdam confcios fui naftus ex regiis amicis, exercitum à Pelufio clam Alexandriam evocavit; atque eundem Achillam, cujus fupra meminimus, omnibus copiis præfecit. hunc incitatum fuis, & regis inflatum pollicitationibus, quæ fieri vellet,

litte-

litteris nunciisque edocuit. In testamento Ptolemæi patris hæredes erant scripti ex duobus filiis major, & ex duabus ea quæ ætate antecedebat. Hæc uti fierent, per omnes deos, perque fœdera, quæ Romæ fecisset, eodem testamento Ptolemæus populum R. obtestabatur. Tabulæ testamenti, unæ per legatos ejus Romam erant allatæ, ut in arario ponerentur, (eæ, quum propter publicas occupationes poni non potuissent, apud Pompeium sunt depositæ:) alteræ, eodem exemplo, relictæ, atque obliغاتæ Alexandriæ proferebantur. De his rebus quum ageretur apud Cæsarem; isque maxime vellet pro communi amico atque arbitro controversias regum componere: subito exercitus regius equitatusque omnis venire Alexandriam nunciatur. Cæsaris copiæ nequaquam erant tantæ, ut eis extra opidum, si esset dimicandum, confideret. relinquebatur, ut se suis locis opido teneret, consiliumque Achillæ cognosceret. Milites tamen omnes in armis esse jussit: Regemque hortatus est; ut ex suis necessariis, quos haberet maximæ auctoritatis, legatos ad Achillam mitteret; & quid esset suæ voluntatis, ostenderet. A quò missi Dioscorides, & Serapion, qui ambo legati Romæ fuerant, magnamque apud patrem Ptolemæum auctoritatem habuerant, ad Achillam pervenerunt. Quos ille, quum in conspectum ejus venissent, prius, quam audiret, aut, cujus rei causâ missi essent, cognosceret, corripere ac interficere jussit. Quorum alter accepto vulnere occupatus, per suos pro occiso sublatus, alter interfectus est. Quo factò, regem ut in sua potestate haberet, Cæsar effecit; magnamque regium nomen apud suos auctoritatem habere existimans, & ut potius privato paucorum & latronum consilio quam regio susceptum bellum videretur. Erant cum Achilla copiæ, ut neque numero, neque genere hominum; neque usu rei militaris contemnendæ viderentur. millia enim xx in armis habebat.

habebat. Hæ constabant ex Gabinianis militibus : qui jam in consuetudinem Alexandrinæ vitæ atque licentiæ venerant , & nomen disciplinamque populi R. dedidicerant, uxoresque duxerant, ex quibus plerique liberos habebant. Huc accedebant collecti ex prædonibus latronibusque Suriæ, Ciliciæque provinciæ, finitimarumque regionum. Multi præterea, capitis damnati, exsulesque convenerant : fugitivisque omnibus nostris certus erat Alexandria receptus ; certa que vitæ conditio, ut dato nomine, militum essent numero : quorum si quis à domino comprehenderetur, concursu militum eripiebatur, qui vim suorum, quod in simili culpa versabantur, ipsi pro suo periculo defendebant. Hi regum amicos ad mortem deposcere ; hi bona locupletum diripere stipendii augendi causa, regis domum obsidere, regno expellere alios, alios accersere, veterem quodam Alexandrini exercitus instituto consueverant. Erant præterea equitum millia II, qui inveteraverant compluribus Alexandria bellis. Hi Prolemæum patrem in regnum reduxerant, Bibuli filios duos interfecerant, bella cum Ægyptiis gesserant. hunc usum rei militaris habebant. His copiis fidens Achilles, paucitatemque militum Cæsaris despiciens, occupat Alexandriam : præterea opidi partem, quam Cæsar cum militibus tenebat. Primo impetu domum ejus irrumperé conatus est. Sed Cæsar dispositis per vias cohortibus impetum ejus sustinuit. Eodemque tempore pugnatum est ad portum : ac longe maximam ea res attulit dimicationem. simul enim, diductis copiis, pluribus viis pugnabatur : & magna multitudine naves longas occupare hostes conabantur : quarum erant auxilio L. missæ ad Pompeium : quæ, prælio in Thessalia facto, domum redierant. illæ triremes omnes & quinqueremes erant, aptæ instructæque omnibus rebus ad navigandum. præter has, XXI erant, quæ præsidii causa Alexandria esse con-

consueverant, constrata omnes. quas si occupassent, classe Cæsari erepta, portum ac mare totum in sua potestate haberent: commeatu, auxiliisque Cæsarem prohiberent. itaque tanta est contentione actum, quanta agi debuit, quum ille celerem in ea re victoriam, hi salutem suam consistere viderent. sed rem obtinuit Cæsar; omnesque eas naves, & reliquas, quæ erant in navalibus, incendit; quod tam late tueri tam parva manu non poterat; confestimque ad Pharum navibus milites exposuit. Pharus est in insula turris, magna altitudine, mirificis operibus exstructa, quæ nomen ab insula accepit. Hæc insula objecta Alexandria portum efficit: sed à superioribus regionibus in longitudinem passuum DCCCC in mare jactis molibus, angusto itinere & ponte cum opido conjungitur. In hac sunt insula domicilia Ægyptiorum, & vicus, opidi magnitudine: quæque ubique naves imprudentia aut tempestate paullulum suo cursu decesserint, has more prædonum diripere consueverunt. Iis autem invitis, à quibus Pharus tenetur, non potest esse, propter angustias, navibus introitus in portum. Hoc tum veritus Cæsar, hostibus in pugna occupatis, militibusque expositis, Pharum apprehendit, atque ibi præsidium posuit. Quibus est rebus effectum, uti tuto frumentum, auxiliaque navibus ad eum supportari possent. dimisit enim circum omnes propinquas regiones, atque inde auxilia evocavit: reliquis opidi partibus sic est pugnatum, ut æquo prælio discederetur, & neutri pellerentur (id efficiebant angustia loci): paucisque utrimque interfectis, Cæsar loca maxime necessaria complexus, noctu præmunit: hoc tractu opidi pars erat regiae exigua, in quam ipse habitandi causa initio erat inductus, & theatrum conjunctum domui, quod arcis tenebat locum, aditusque habebat ad portum, & ad reliqua navalia. Has munitiones insequentibus auxit diebus, ut pro muro objectas haberet,

beret, neu pugnare invitus cogeretur. Interim Filia minor Ptolemæi regis vacuum possessionem regni sperans, ad Achillam se ex regia transiecit, unaque bellum administrare cœpit. sed celeriter est inter eos de principatu controversia orta, quæ res apud milites largitiones auxit. magnis enim iacturis sibi quisque eorum animos conciliabat. Hæc dum apud hostes geruntur, Pothinus, nutritius pueri, & procurator regni in parte Cæsaris, quum ad Achillam nuncios mitteret, hortareturque, ne negotio desisteret, neve animo deficeret, indicatis deprehensisque internunciis, à Cæsare est interfectus. Hæc initia belli Alexandrini fuerunt.

A. HIRTII PANSÆ
COMMENTARIORUM
DE BELLO ALEXANDRINO,

LIBER UNUS.

Bello Alexandrino conflato, Cæsar Rhodo, atque ex Suria Ciliciaq; omnem classem accersit, ex Creta sagittarios, equites ab rege Nabatæorum Malco evocat; tormenta undique conqueri & frumentum mitti, auxiliaque adduci jubet. Interim munitiones quotidie operibus augentur: atq; omnes opidi partēs, quæ minus firmæ esse viderentur, testudinibus atque musculis aptantur: ex ædificiis autem per foramina in proxima ædificia arietes immittuntur; quantumque aut ruinis dejicitur, aut per vim recipitur loci, in tantum munitiones proferuntur. nam incendio fere tuta est Alexandria; quod sine contignatione ac materia sunt ædificia, & structuris atq; fornicibus continentur, testæque sunt rudere aut pavimentis. Cæsar studebat maxime, ut, quam angustissimam partem

tem opidi palus à meridie interjecta efficiebat, hanc operibus vineisque agendis, à reliqua parte urbis excluderet; illud sperans, primum, ut, quum esset in duas partes urbs divisa, acies uno consilio atque imperio administraretur; deinde, ut laborantibus succurri, atque ex altera opidi parte auxilium ferri posset; in primis vero, ut aqua pabuloque abundaret: quarum alterius rei copiam exiguam, alterius nullam omnino facultatem habebat: quod utrumque palus large præbere poterat. Neque vero Alexandrinis in gerendis negotiis cunctatio ulla, aut mora, inferebatur. nam in omnes partes, per quas fines Ægyptii regnumque pertinet, legatos, conquistoresque delectus habendi causa miserant, magnumque numerum in opidum telorum atque tormentorum convexerant, & innumerabilem multitudinem adduxerant. nec minus in urbe maximæ armorum erant institutæ officinæ. servos præterea puberes armaverant: quibus domini locupletiores victum quotidianum stipendiumque præbebant. hac multitudine disposita, munitiones semotarum partiumuebantur. veteranas cohortes vacuas in celeberrimis urbis locis habebant; ut, quacumque regione pugnaretur, integris viribus ad auxilium ferendum opportunæ essent. omnibus viis atque angiportis triplicem vallum obduxerant. erat autem quadrato constructus saxo; nec minus XL pedes altitudinis habebat. quæque partes urbis inferiores erant, has altissimis turribus denorum tabulætorum munierant. Præterea alias ambulatorias totidem tabulætorum confixerant; subjectisque eas rotis, funibus jumentisque [objectis,] directis plateis in quamcumque erat visum partem movebant. urbs fertilissima & copiosissima omnium rerum apparatus suggerebat. ipsi homines ingeniosissimi atque acutissimi, quæ à nobis fieri viderant, ea sollertia efficiebant, ut nostri illorum opera imitari viderentur: & sua sponte multa
repe-

reperiebant: unoque tempore & nostras munitiones infestabant, & suas defendebant: atque hæc principes in consiliis concionibusque agitabant, populum Rôm. paullatim in consuetudinem ejus regni venire occupandi: paucis annis antea Gabinium cum exercitu fuisse in Ægypto: Pompeium se ex fuga eodem recepiſſe; ac Cæsarem veniſſe cum copiis; neque morte Pompeii quidquam profectum, quo minus Cæſar apud se commoraretur: quem si non expuliſſent, futuram ex regno provinciam: idque agendum mature. namque eum, intercluſum tempeſtatibus propter anni tempus, recipere transmarina auxilia non poſſe. Interim, diſſenſione orta inter Achillam, qui veterano exercitui præerat, & Arſinoën Regis Ptolemæi minorem filiam, ut ſupra demonſtratum eſt, quum uterque utrique inſidiaretur, & ſummam imperii ipſe obtinere vellet; præoccupat Arſinoë per Ganymedem eunuchum nutritium ſuum, atque Achillam interficit. hoc occiſo ipſa ſine ullo ſocio & cuſtode omne imperium obtinebat. Exercitus Ganymedi tranſditur. iſ ſuſcepto officio largitionem in milites auget, reliqua pari diligentia adminiſtrat. Alexandria eſt fere tota ſuſſoſa, ſpecuſque habet ad Nilum pertinentes, quibus aqua in privatas domos inducitur, quæ paullatim ſpatio temporis liqueſcit ac ſubſidit. hac uti domini ædificiorum atque eorum familia conſueverunt. nam quæ flumine Nilo fertur, adeo eſt limoſa atque turbida, ut multos variosque morbos efficiat. ſed eâ plebes ac multitudo contenta eſt neceſſario, quod fons urbe tota nullus eſt. hoc tamen flumen in ea parte urbis erat, quæ ab Alexandrinis tenebatur. quo factò eſt admonitus Ganymedes poſſe noſtros aqua intercludi; qui diſtributi munitionum tuendarum cauſſa viciatim ex privatis ædificiis, ſpecubus & puteis extracta aqua utebantur. Hoc probato conſilio, magnum ac difficile opus aggreſſitur. interſectis enim ſpecubus, atque omnibus

urbis partibus exclusis, quæ ab ipso tenebantur, aquæ magnam vim ex mari rotis ac machinationibus exprimere contendit. hanc locis superioribus fundere in partem Cæsaris non intermittebat. quamobrem falsior paullo præter consuetudinem aqua trahebatur ex proximis ædificiis, magnamque hominibus admirationem præbebat, quam ob causam id accidisset; nec satis sibi ipsi credebant; quum se inferiores ejusdem generis ac saporis aqua dicerent uti, atque ante consueissent: vulgoque inter se conferebant, & degustando, quantum inter se differrent aquæ, cognoscebant. parvo vero temporis spatio, hæc propior bibi non poterat omnino, illa inferior corruptior jam falsiorque reperiebatur. Quo factò dubitatione sublata, tantus incessit timor, ut ad extremum casum omnes deducti viderentur; atque alii morari Cæsarem dicerent, quin naves conscendere juberet; alii multo graviolem extimescerent casum; quod neque celari Alexandrinos possent in appa-
randa fuga, quum hi tam parvo spatio distarent ab ipsis; neque, illis imminentibus atq; insequentibus, ullus in naves receptus daretur. Erat autem magna multitudo opidanorum in parte Cæsaris, quam domiciliis ipsorum non moverat; quod ea se fidelem palam nostris esse simulabat, & descivisse à suis videbatur: ut, si mihi defendendi essent Alexandrini, quod neq; fallaces essent, neq; temerarii, multa oratio frustra absumeretur. quum vero uno tempore & natio eorum & natura cognoscatur; aptissimum esse hoc genus ad proditionem, nemo dubitare potest. Cæsar suorum timorem consolatione & ratione minuebat. nam puteis fossis aquam dulcem posse reperiri affirmabat. omnia enim litora naturaliter aquæ dulcis venas habere. quod si alia esset litoris Ægyptii natura, atque omnium reliquorum; tamen, quoniam mare libere tenerent, neque hostes classẽ haberent, prohiberi sese non posse, quo minus quotidie

tidie aquam navibus peterent, vel à sinistra parte à
 Parætenio, vel à dextra ab insula; quæ diversæ navi-
 gationes nunquam uno tempore adversis ventis præ-
 cluderentur: fugæ vero nullum esse consilium non
 solum iis, qui primam dignitatem haberent, sed ne
 iis quidem, qui nihil, præterquam de vita cogitarent:
 magno negotio impetus hostium adversos ex muni-
 tionibus sustineri: quibus relictis, nec loco, nec nu-
 mero pares esse posse: magnam autem moram &
 difficultatem adscensum in naves habere, præsertim
 ex scaphis: summam esse contra in Alexandrinis ve-
 locitatem, locorumque & ædificiorum notitiam.
 hos præcipue in victoria insolentes, præcursuros, &
 loca excelsiora atque ædificia occupaturos: ita fuga
 navibusque nostros prohibitueros. proinde ejus con-
 silii obliviscerentur, atque omni ratione esse vincen-
 dum cogitarent. Hac oratione apud suos habita,
 atque omnium mentibus excitatis, dat centurioni-
 bus negotium, ut, reliquis operibus intermissis, ad
 fodiendos puteos animum conferant; neve quam
 partem nocturni temporis intermittant. Quo susce-
 pto negotio, atque omnium animis ad laborem in-
 citatis, magna una nocte vis aquæ dulcis inventa est.
 ita operosis Alexandrinorum machinationibus ma-
 ximisque conatibus, non longi temporis labore oc-
 cursum est. Eo biduo legio xxxvi ex dedititiis Pom-
 peianis militibus, cum frumento, armis, telis, tor-
 mentis imposita in naves à Domitio Calvino, ad li-
 tora Africæ, paullo supra Alexandriam, delata est.
 hæ naves Euro, qui multos dies continenter flabat,
 portum capere prohibebantur. sed loca sunt egregia
 omni illa regione ad tenendas anchoras. hi, quum
 diu retinerentur, atque aquæ inopia premerentur,
 navigio actuario Cæsarem faciunt certiozem. Cæsar
 ut per se consilium caperet, quid faciendum vider-
 etur, navim conscendit, atque omnem classẽ
 sequi iussit, nullis nostris militibus impositis;
 quod

quod, quum longius paullo discederet, munitiones nudare nolebat; quumque ad eum locum accessisset, qui appellatur Cherronesus, aquandique caussa remiges in terram exposuisset, nonnulli ex numero, quum longius à navibus prædatum processissent, ab equitibus hostium sunt excepti: ex iis cognoverunt, Cæsarem ipsum in classe venisse, nec ullos milites in navibus habere. Qua re comperta, magnam sibi facultatem fortunam obrulisse bene gerendæ rei crediderunt. itaque naves omnes, quas paratas habuerant ad navigandum, propugnatoribus instruxerunt, Cæsarique redeunti cum classe occurrerunt: qui duabus de causis eo die dimicare nolebat; quod & nullos milites in navibus habebat: & post horam x diei res agebatur: nox autem allatura videbatur maiorem fiduciam illis, qui locorum notitia confidebant: sibi etiam hortandi suos auxilium defuturum; quod nulla satis idonea esset hortatio, qua neque virtutem posset notare, neque inertiam. Quibus de causis naves, quas potuit, Cæsar ad terram detrahit: quem in locum illos successuros non existimabat. erat una navis Rhodia in dextro Cæsaris cornu longe ab reliquis collocata. hanc conspicati hostes non tenuerunt sese: magnoque impetu iv ad eam constratæ naves & complures apertæ contenderunt. cui coactus est Cæsar ferre subsidium: ne turpiter in conspectu contumeliam acciperet; quanquam, si quid gravius illi accidisset, merito casurum iudicabat. Prælium commissum est magna contentione Rhodiorum: qui quum in omnibus dimicationibus & scientia & virtute præstitissent, tum maxime illo tempore totum onus sustinere non recusabant; ne quod suorum culpa detrimentum acceptum videretur. ita prælium secundissimum est factum. capta est una hostiū quadriremis: depressa est altera. deinde omnes epibatis nudatæ: magna præterea multitudo in reliquis navibus propugna-

pugnatorum est interfecta. quod nisi nox prælium diremisset, tota classe hostium Cæsar potitus esset. Hac calamitate perterritis hostibus, adverso vento leniter flante, naves onerarias Cæsar remulco victri-
cibus suis Alexandriam deducit. Eo detrimento ad-
eo sunt fracti Alexandrini, quum non jam virtute
propugnatorum, sed scientia classiariorum se victos
viderent. * quibus, & superioribus locis sublevaban-
tur, ut ex ædificiis defendi possent: & materiam
cunctam objicerent, quod nostræ classis oppugna-
tionem etiam ad terram verebantur. iidem, postea
quam Ganymedes in concilio confirmavit, sese &
eas, quæ essent amissæ, restitutum, & numerum
adaucturum, magna spe. & fiducia veteres efficere
naves, accuratiusque huic rei studere atque inservire
instituerunt: ac, tametsi amplius ex navibus longis
in portu navalibusque amiserant, non tamen repa-
randæ classis cogitationem deposuerunt. videbant
enim non auxilia Cæsari, non commeatus suppor-
tari posse, si classe ipsi valerent. Præterea nautici
homines, & urbis & regionis maritimæ, quotidia-
noque usu à pueris exercitati, ad naturale ac dome-
sticum bonum refugere cupiebant; & quantum par-
vulis navigiis profecissent, sentiebant: itaque omni
studio ad parandam classem incubuerunt. Erant o-
mnibus ostiis Nili custodiæ exigendi portorii causâ
dispositæ. Naves veteres erant in occultis regiæ na-
valibus, quibus multis annis ad navigandum non
erant usi. has reficiebant; illas Alexandriam revoca-
bant. deerant remi: porticus, gymnasia, ædificia pu-
blica detegebant: asseres remorum usum obtine-
bant. aliud naturalis sollertia, aliud urbis copia sub-
ministrabat. Postremo non longam navigationem
parabant, sed præsentis temporis necessitati servie-
bant, & in ipso portu confligendum videbant. ita-
que paucis diebus, contra omnium opinionem, qua-
driremes xxii, quinquereimes v confecerunt, ad has

minores apertasque complures adjecerunt : & , in portu periclitati remigio , quid quæque earum efficere posset , idoneos milites imposuerunt , seque ad configendum omnibus rebus paraverunt. Cæsar Rhodias naves IX habebat (nam , X missis , una in cursu litore Ægyptio defecerat) , Ponticas XIX , Lycias V , ex Asia XII . ex his quinquereemes V erant , & quadriremes X . reliquæ infra hanc magnitudinem , & pleræque apertæ . tamen virtute militum confusus , cognitis hostium copiis , se ad dimicandum parabat . Postquam eo ventum est , ut sibi uterque eorum confideret ; Cæsar Pharon classē circumvehitur , adversasque naves hostibus constituit : in dextro cornu Rhodias collocat , in sinistro Ponticas . inter has spatium CD passuum relinquit , quod satis esse ad explicandas naves videbatur . post hunc ordinem reliquas naves subsidio distribuit : quæ quamque earum sequatur , & cui subveniat , constituit atque imperat . Non dubitanter Alexandrini classē producunt , atque instruunt ; in fronte collocant XXII . reliquas subsidiarias in secundo ordine constituunt . magnum præterea numerum minorum navigiorum & scapharum producunt cum malleolis ignibusque ; si quid ipsa multitudo , & clamor , & flamma nostris terroris afferre possent . Erant inter duas classes vada transitu angusto , quæ pertinent ad regionem Africæ . sic enim prædicant , partem esse Alexandria dimidiam Africæ . Satisque diu inter ipsos est expectatum , ab utris transeundi fieret initium : propterea quod , eo qui intrassent , & ad explicandam classē , & ad receptum , si durior accidisset casus , impeditiores fore videbantur . Rhodiis navibus præerat Euphranor , animi magnitudine ac virtute magis cum nostris hominibus , quam cum Græcis , comparandus . hic ob notissimam scientiam atque animi magnitudinem delectus est ab Rhodiis , qui imperium classis obtineret . qui ubi Cæsaris animum advertit ,

Vide-

Videris mihi, inquit, Cæsar, vereri, si hæc vada primus navibus intraveris, ne prius dimicare cogaris quam reliquam classem possis explicare. nobis rem committe. nos prælium sustinebimus. neque tuum iudicium fallemus; dum reliqui subsequantur. hos quidem diutius in nostro conspectu gloriari magno nobis & dedecori & dolori est. Cæsar illum adhortatus atq; omnibus laudibus prosecutus dat signum pugnae. progressas ultra vadum IV Rhodias naves circumfistunt Alexandrini; atque in eas impetum faciunt. sustinent illi, atque arte sollertiaque se explicant: ac tantum doctrina potuit, ut in dispari numero nulla transversa hosti objiceretur, nullius remi detergerentur, sed semper venientibus adversæ occurrerent. interim sunt reliquæ subsecutæ. tum necessario discessum ab arte est propter angustias loci, atque omne certamen in virtute constitit. neque vero Alexandria fuit quisquam aut nostrorum, aut opidanorum, qui aut in opere, aut in oppugnatione occupatum animum haberet, quin altissima tecta peteret, atque ex omni prospectu locum spectaculo caperet, precibusque & votis victoriam suis ab diis immortalibus exposceret. Minime autem erat prælii certamen. nostris enim prorsus neque terra, neque mari effugium dabatur victis: omniaque victoribus erant futura in incerto. illi, si superassent navibus, omnia tenerent; si inferiores fuissent, reliquam tamen fortunam periclitarentur. simul illud grave ac miserum videbatur, perpaucos de summa rerum ac de salute omnium decertare: quorum si quis aut animo aut virtute cessisset, reliquis etiam esset cavendum, quibus pro se pugnandi facultas non fuisset. Hæc superioribus diebus sæpenumero Cæsar suis exposuerat, ut hoc majori animo contenderent, quod omnium salutem sibi commendatam viderent. eadem suum quisque contubernalem, amicum, notum prosequens erat obtestatus, ne suam atque

omnium falleret opinionem, quorum iudicio delectus ad pugnam profisceretur. itaque hoc animo est decertatum, ut neque maritimis nauticisque solertia atque ars præsidium ferret; neque numero navium præstantibus multitudo prodesset, neque flexi ad virtutem ex tanta multitudine viri virtuti nostrorum possent adæquari. Capitur hoc prælio quinqueremis una, & biremis cum defensoribus remigibusque; & deprimuntur tres, nostris incolumibus omnibus. reliquæ propinquam fugam ad opidum capiunt; quas protexerunt ex molibus atque ædificiis imminuentibus, & nostros adire propius prohibuerunt. Hoc ne sibi sæpius accidere posset, omni ratione Cæsar contendendum existimavit, ut insulam molemq; ad insulam pertinentem in suam redigeret potestatem. perfectis enim magna ex parte munitionibus in opido, & illam, & urbem uno tempore tentari posse confidebat. Quo capto consilio, cohortes x, & levis armaturæ electos, quos idoneos ex equitibus Gallis arbitrabatur, in navigia minora scaphasque imponit: alteram insulæ partem distinendam manus caussa cum constratis navibus aggreditur, præmiis magnis propositis, qui primus insulam cepisset. ac primo impetum nostrorum pariter sustinuerunt. uno enim tempore & ex tectis ædificiorum propugnabant, & litora armati defendebant, quo propter asperitatem loci non facilis nostris aditus dabatur: & scaphis navibusque longis v mobiliter & scienter angustias loci tuebantur. sed ubi locis primum cognitis, vadisque pertentatis, pauci nostri in litore constiterunt, atque hos sunt alii subsecuti; constanterque in eos, qui in littore æquo institerant, impetum fecerunt; omnes Pharitæ terga verterunt. his pulsas, custodia portus relicta, ad litora & vicum applicaverunt; seque ex navibus ad tuenda ædificia eiecerunt. neque vero diutius ipsi [ex] munitione se continere potuerunt. etsi erat non dissimile, atque

que Alexandria, genus ædificiorum (ut minora in majoribus conferantur): turreſque editæ & conjunctæ muri locum obtinebant. neque noſtri aut ſcalis, aut cratibus, aut reliquis rebus parati venerant ad oppugnandum, ſed terror hominibus mentem conſiliumque eripit, & membra debilitat; ut tunc accidit. qui ſe in æquo loco ac plano pares eſſe confidebant, iidem perterriti fuga ſuorum, & cæde paucorum, x x x pedum altitudine in ædificiis conſiſtere auſi non ſunt, ſequæ per molem in mare præcipitaverunt, & dccc paſſuum intervallum ad opidum enataverunt. Multi tamen ex iis capti interfectique ſunt, ſed numerus captivorum omnino fuit dc. Cæſar, præda militibus conceſſa, ædificia diripi juſſit; caſtellumque ad pontem, qui propior erat Pharo, communivit; atque ibi præſidium poſuit. hunc fuga Phariæ reliquerant; fortiorem illum propioremque opido Alexandrini tuebantur. ſed eum poſtero die ſimili ratione aggreditur; quod, his obtentis duobus, omnem navigiorum excuſſum & repentina latrocinia ſublato iri videbatur. jamque eos, qui præſidio eum locum tenebant, tormentis è navibus ſagittis que depulerat, atque in opidum redegerat; & cohortium i i i iſtar in terram expoſuerat. non enim plures conſiſtere anguſtiæ loci patiebantur. reliquæ copiæ in navibus ſtationem obtinebant. Quo factò imperat pontem adverſus hoſtem prævallari, & qua exitus navibus erat, fornice exſtructo, quo pons ſuſtinebatur lapidibus oppleri atque obſtrui: quorum altero opere effecto, nulla omnino ſcapha egredi poſſet; altero inſtituto, omnes Alexandrinorum copiæ ex opido ſe eiecere, & contra munitiones pontis latiore loco conſtiterunt; eodemque tempore, quæ conſueverant navigia per pontes ad incendia onerariarum emittere, ad molem conſtituerunt. Pugnabatur à noſtris ex ponte, è mole; ab illis ex area, quæ erat adverſus pontem, & ex navibus contra

molem. In his rebus occupato Cæsare, militesque hortante, remigum magnus numerus & classiario-
rum ex longis navibus nostris in molem se ejecit.
Pars eorum studio spectandi ferebatur; pars etiam cupiditate pugnandi. Hi primum navigia hostium lapidibus ac fundis à mole repellebant; ac multum proficere multitudine telorum videbantur. sed postquam ultra eum locum ab latere eorum aperto ausi sunt egredi ex navibus Alexandrini pauci, ut sine signis certisque ordinibus, sine ratione prodierant, sic temere in naves refugere cœperunt. quorum fuga incitati Alexandrini ex navibus egrediebantur, nostrosque acrius perturbatos insequiebantur. simul qui in navibus longis remanserant, scalas rapere, navesque à terra repellere properabant; ne hostes navibus potirentur. Quibus omnibus rebus perturbati milites nostri cohortium trium, quæ in ponte, ac prima mole constiterant, quum post se clamorem exaudirent, fugam suorum viderent, magnam vim telorum adversi sustinerent, veriti ne ab tergo circumvenirentur, & discessu navium omnino reditu intercluderentur, munitionem in pontem institutam reliquerunt, & magno cursu incitati ad naves contenderunt. quorum pars proximas nacta naves multitudine hominum atque onere depressa est: pars resistens & dubitans, quid esset capiendum consilii, ab Alexandrinis interfecta est: nonnulli feliciore exitu expeditas ad ancoram naves consecuti incolumes discesserunt: pauci allevati scutis, & animo ad conandum nixi, ad proxima navigia adnatarunt. Cæsar, quoad potuit, cohortando suos ad pontem & munitiones contendere, eodem in periculo versatus est: postquam universos cedere animadvertit, in suum navigium se recepit. quo multitudo hominum insecuta quum inrumperet, neque administrandi neque repellendi à terra facultas daretur; fore, quod accidit, suspicatus, sese ex navigio ejecit, atque

que ad eas, quæ longius constiterant, naves adnata-
vit. hinc suis laborantibus subsidio scaphas mittens,
nonnullos conservavit. navigium quidem ejus mul-
titudine depressum militum, una cum hominibus
interiit. hoc prælio desiderati sunt ex numero legio-
narium militum circiter eo, & paullo ultra eum
numerum classiarii & remiges. Alexandrini eo loco
castellum magnis munitionibus, multisque tormen-
tis confirmaverunt, atque, egestis ex mari lapidibus,
libere sunt usi postea ad mittenda navigia. Hoc de-
trimento milites nostri tantum abfuerunt ut pertur-
barentur, ut incensi potius atque incitati magnas ac-
cessionem fecerint in operibus hostium expugnandis,
in præliis quotidianis, quandocumque fors obtulerat
procurrentibus & erumpentibus Alexandrinis * ma-
num comprehendi multum operibus, & ardentibus
studiis militum nec divulgata Cæsaris cohortatio
subsequi legionum aut laborem, aut pugnandi pote-
rat cupiditatem: ut magis deterrendi & continendi
à periculosissimis essent dimicationibus, quam inci-
tandi ad pugnandum. Alexandrini, quum Roma-
nos & secundis rebus confirmari, & adversis incitari
viderent, neque ullum belli tertium casum nossent,
quo possent esse firmiores; ut conjectura consequi
possumus, aut admoniti à regis amicis, qui in Cæsa-
ris erant præsidiiis, aut suo priore consilio, per occul-
tos nuncios regi probato; legatos ad Cæsarem mise-
runt, ut dimitteret regem, transireque ad suos pate-
retur: paratam enim omnem multitudinem esse
confectam tadio puellæ, fiduciario regno, domina-
tione crudelissima Ganymedis; facere id, quod rex
imperasset: quo si auctore in Cæsaris fidem amici-
tiamque venturi essent, nullius periculi timorem
multitudini fore impedimento, quo minus se dede-
rent. Cæsar, etsi fallacem gentem, semperque alia
cogitantem, alia simulantem, bene cognitam habe-
bat, tamen petentibus dare veniam utile esse statuit:

quod si quo pacto sentirent ea, quæ postularent, mansurum in fide dimissum regem credebatur; sin, id quod magis illorum naturæ conveniebat, ducem ad bellum gerendum regem habere vellent, splendidius atque honestius sese contra regem, quam contra convenarum ac fugitivorum manum, bellum esse gesturum. itaque regem cohortatus, ut consuleret regno paterno, parceret præclarissimæ patriæ, quæ turpissimis incendiis & ruinis esset deformata, cives suos primum ad sanitatem revocaret, deinde conservaret, fidem populo R. ubique præstaret; quum ipse tantum ei crederet, ut ad hostes armatos eum mitteret; dextera dexteram tenens dimittere cœpit adulta jam ætate puerum. at regius animus disciplinis fallacissimis eruditus, ne à gentis suæ moribus degeneraret, flens orare contra Cæsarem cœpit, ne se dimitteret. non enim regnum ipsum sibi conspectu Cæsaris esse jucundius. Compressis pueri lacrimis Cæsar ipse commotus celeriter, si illa sentiret, fore eum secum affirmans, ad suos dimisit. Ille, ut ex carceribus in liberum cursum emissus, adeo contra Cæsarem acriter bellum gerere cœpit, ut lacrimas, quas in colloquio projecerat, gaudio videretur profudisse. Accidisse hoc complures Cæsaris legati, amici, centuriones militesque lætabantur; quod nimia bonitas ejus fallaciis pueri elusa esset. quasi vero id Cæsar bonitate tantum adductus, ac non prudentissimo consilio fecisset. Quum duce assumpto Alexandrini nihilo se firmiores factos, aut languidiores Romanos animadverterent; eludentibusque militibus regis ætatem atque infirmitatem, magnum dolorem acciperent, neque se quidquam proficere viderent; rumoresque existerent, magna Cæsari præsidia, terrestri itinere, Suria Ciliciaque adduci, quod nondum Cæsari auditum erat; interea commeatum, qui nostris mari supportabatur, intercipere statuerunt. itaque expeditis navigiis, locis idoneis ad Canopum
in

in statione dispositis navibus, insidiabantur nostris commeatibus. quod ubi Cæsari nunciatum est, classem jubet expediri atque instrui. præficitur Ti. Nero. proficiscuntur in ea classe Rhodiæ naves, atque in his Euphranor, sine quo nulla unquam dimicatio maritima, nulla etiam parum feliciter confecta erat. At fortuna, quæ plerumque eos, quos plurimis beneficiis ornavit, ad duriores casum reservat, superiorum temporum dissimilis, Euphranorem prosequabatur. nam quum ad Canopum ventum esset; instructaque utrimque classis confixisset, & sua consuetudine Euphranor primus prælium commisisset; & illic triremem hostium perforasset ac demersisset; proximam longius insecutus, parum celeriter insequentibus reliquis, circumventus ab Alexandrinis est. cui subsidium nemo tulit: sive quod in ipso satis præsidii pro virtute ac felicitate ejus putarent esse; sive quod ipsi sibi timebant. itaque unus ex omnibus eo prælio bene rem gessit, solus cum sua quadriremi victrice periit. Sub idem tempus Mithridates Pergamenus magnæ nobilitatis domi, scientiæque in bello, & virtutis, fidei dignitatisque in amicitia Cæsaris, missus in Suriam Ciliciamque initio belli Alexandrini ad auxilia accersenda, cum magnis copiis quas celeriter & propensissima civitatum voluntate & sua diligentia confecerat, itinere pedestri, quo conjungitur Ægyptus Suria, Pelusium adduxit: idque opidum firmo præsidio occupatum ab Achilla propter opportunitatem loci, (namque tota Ægyptus maritimo accessu Pharo, pedestri Pelusio, velut claustris, munita existimatur), repente magnis circumdatum copiis, multiplici præsidio pertinaciter propugnantibus, & copiarum magnitudine, quas integras vulneratis defessisque subiciebat, & perseverantia constantiaque oppugnandi, quo die est aggressus, in suam redegit potestatem, præsidiumque ibi suum collocavit. Inde re bene ge-

ita Alexandriam ad Cæsarein contendit; omnesque eas regiones, per quas iter faciebat, auctoritate ea, quæ plerumque adest victori, pacarat, atque in amicitiam Cæsaris redegerat. Locus est fere regionum illarum nobilissimus non ita longe ab Alexandria, qui nominatur Delta, quod nomen à similitudine litteræ cepit. nam pars quædam fluminis Nili, [mi-
re] derivata inter se, duobus itineribus paullatim, medium inter se spatium relinquens, diversissimo ad litus intervallo [à] mari conjungitur. cui loco quum appropinquare Mithridatem Rex cognovisset; & transeundum ei flumen sciret; magnas adversus eum copias misit, quibus vel superari delerique Mithridatem, vel sine dubio retineri posse credebat. quemadmodum autem optabat eum vinci; sic satis habebat interclusum à Cæsare à se retineri. quæ primæ copię flumen à Delta transire, & Mithridati occurrere potuerunt, prælium commiserunt, festinantes præripere subsequenter victoriæ societatem. quorum impetum Mithridates magna cum prudentia, consuetudine nostra castris vallatis, sustinuit. quum vero incaute atque insolenter succedere eos munitionibus videret; eruptione undique facta, magnum numerum eorum interficit, quod nisi locorum notitia reliqui se texissent, partimque in naves, quibus flumen transierant, recepissent, funditus deleti essent. qui ut paullulum ab illo timore se recrearunt, adjunctis iis, qui subsequebantur, rursus Mithridatem oppugnare cœperunt. Mittitur à Mithridate nuncius Cæsari, qui rem gestam perferret. cognoscit ex suis eadem hæc accidisse Rex. ita pene sub idem tempus & rex ad opprimendum Mithridatem proficiscitur, & Cæsar ad recipiendum. celeriore fluminis Nili navigatione Rex est usus, in qua magnam & paratam classem habebat. Cæsar eodem itinere uti noluit; ne navibus in flumine dimicaret: sed, circumvectus eo mari, quod Africæ
partis

partis esse dicitur, sicuti supra demonstravimus, prius tamen Regis copiis occurrit, quam is Mithridatem aggredi posset, eumque ad se victorem incolumi exercitu recepit. Confederat cum copiis rex loco natura munito, quod erat ipse excelsior; planitia ex omnibus partibus subiecta. tribus autem ex lateribus variis genere munitionibus tegebatur. unum latus erat adiectum flumini Nilo; alterum editissimo loco ductum, ut partem castrorum obtineret; tertium palude cingebatur. Inter castra Regis & Cæsaris iter flumen intercedebat angustum, altissimis ripis; quod in Nilum influebat. aberat autem ab Regis castris millia passuum circiter VII. Rex, quum hoc itinere venire Cæsarem comperisset, equitatum omnem, expeditosque delectos pedites ad id flumen misit, qui transitu Cæsarem prohiberent, & eminus ex ripis prælium impar inirent. nullum enim processum virtus habebat, aut periculum ignavia subibat. quæ res incendit dolore milites equitesque nostros; quod tam diu pari prælio cum Alexandrinis certaretur. itaque eodem tempore equites Germani dispersi vada fluminis quærentes, partim demissioribus ripis flumen transierunt; & legionarii, magnis arboribus excisis, quæ longitudine utramque ripam contingerent, projectis, repentinoque aggere injecto, flumen transierunt. quorum impetum adeo pertimuerunt hostes, ut in fuga spem salutis collocarent. sed id frustra. namque ex ea fuga pauci ad regem refugerunt, pene omni reliqua multitudine interfecta. Cæsar, re præclarissime gesta, quum subitum adventum suum iudicaret magnum terrorem Alexandrinis injecturum, protinus victor ad regis castra pertendit. hæc quum & opere magno vallata, & loci natura munita adverteret; confertamque armatorum multitudinem collocatam in vallo videret: lassos itinere, ac præliando milites ad oppugnanda castra succedere noluit; itaque,

que, non magno intervallo relicto ab hoste, castra posuit. Postero die castellum, quod rex in proximo vico non longe à suis castris muniverat, brachiisque cum opere castrorum conjunxerat vici obtinendi causa, Cæsar aggressus, omnibus copiis expugnat; non quo id minori numero militum consequi difficile factu putaret; sed ut ab ea victoria, perterritis Alexandrinis, protinus castra regis oppugnaret. itaque eo cursu, quo refugientes Alexandrinos ex castello in castra sunt milites insecuti, munitionibus successerunt, acerrimeque eminus præliari cœperunt. duabus ex partibus aditus oppugnationis nostris dabatur; una, quam liberum accessum habere demonstravi; altera, quæ mediocri intervallum inter castra & flumen Nilum habebat. maxima & electissima Alexandrinorum multitudo defendebat eam partem, quæ facillimum aditum habebat. plurimum autem proficiebant hostes in repellendis vulnerandisque nostris, qui in regione fluminis Nili propugnabant. diversis enim telis nostri figebantur, adversi ex vallo castrorum, aversi ex flumine, in quo multe naves instructæ funditoribus & sagittariis, nostros impugnabant. Cæsar, quum videret milites acrius præliari non posse, nec tamen multum profici propter locorum difficultatem; quumque animum adverteret excelsissimum locum castrorum relictum esse ab Alexandrinis; quod & per se munitus esset, & studio partim pugnandi, partim spectandi, decucurrissent in eum locum, in quo pugnabatur; cohortes illo circuire castra, & summum locum aggredi, jussit; hisque Carfulenum præfecit & animi magnitudine, & rei militaris scientia virum præstantem. Quo ut ventum est, paucis defendentibus munitionem, nostris contra militibus acerrime pugnantis, diverso clamore & prælio perterriti Alexandrini, trepidantes in omnes partes discurrere cœperunt. quorum perturbatione, no-

stro-

strorum animi adeo sunt incitati, ut pene eodem tempore ex omnibus partibus, primi tamen editissimum locum castrorum caperent: ex quo decurrentes magnam multitudinem hostium in castris interfecerunt. quod periculum plerique Alexandrini fugientes acervatim se de vallo præcipitaverunt in eam partem, quæ flumini erat adjuncta. horum primis in ipsa fossa munitionis magna vi oppressis, ceteri faciliorem fugam habuerunt. constat fugisse ex castris regem ipsum, receptumque in navem, & multitudine eorum, qui ad proximas naves adnabant, demerso navigio perisse. Re felicissime celerissimeque gesta, Cæsar, magnæ victoriæ fiducia proximo terrestri itinere Alexandriam cum equitibus contendit; atque ea parte opidi victor introiit, quæ præsidio hostium tenebatur. neque eum consilium suum fefellit, quin hostes, eo prælio audito, nihil jam de bello essent cogitaturi. Dignum adveniēns fructum virtutis & animi magnitudinis tulit. omnis enim multitudo opidanorum, armis projectis, munitionibusque suis relictis, veste ea sumpta, qua supplices dominantes deprecari consueverunt, sacrisque omnibus prolatis, quorum religione precari offensos iratosque animos regum erant soliti, adveniēti Cæsari occurrerunt, seque ei dediderunt. Cæsar in fidem receptos consolatus, per hostium munitiones in suam partem opidi magna gratulatione venit suorum; qui non tantum bellum ipsum ac dimicationem, sed etiam talem adventum ejus felicem fuisse lætabantur. Cæsar Ægypto atque Alexandria potitus reges constituit, quos Ptolemæus testamento scripserat, atque obtestatus erat populum Ro. ne mutarentur. nam majore ex duobus pueris rege amisso, minori transdidit regnum, majorique ex duabus filiis Cleopatraz, quæ manserat in fide præfidiisque ejus. minorem Arsinoën, cujus nomine diu regnasse impotenter Ganymeden docuimus, dedu-

cere ex regno statuit ; ne qua rursus nova dissensio, prius quam diuturnitate confirmarentur regis imperia , per homines seditiosos nasceretur. Legione veterana VI secum deducta , ceteras ibi relinquit ; quo firmitus esset eorum regum imperium : qui neque amorem suorum habere poterant, quod fideliter permanferant in Cæsaris amicitia ; neque vetustatis auctoritatem, paucis diebus reges constituti. simul ad imperii nostri dignitatem utilitatemque publicam pertinere existimabat , si permanerent in fide reges : præfidiis eos nostris esse tutos , & hos , si essent ingrati, posse iisdem præfidiis coerceri. sic rebus omnibus confectis & collocatis , ipse itinere terrestri profectus est in Suriam. Dum hæc in Ægypto geruntur, rex Deiotarus ad Domitium Calvinum, cui Cæsar Asiam , finitimasque provincias administrandas transfuderat, venit, oratum, ne Armeniam minorem, regnum suum, neque Cappadociam, regnum Ariobarzanis, possideri vastarique pateretur à Pharnace : quo malo nisi liberarentur , imperata sibi facere , pecuniamque promissam Cæsari non posse se persolvere. Domitius , non tantum ad explicandos sumtus rei militaris , quum pecuniam necessariam esse iudicaret , sed etiam turpe populo Rom. & Cæsari victori, sibi infame esse statueret , regna sociorum atque amicorum ab externo rege occupari ; nuncios confestim ad Pharnacem misit, Armenia Cappadociaque decederet, neve occupatione belli civilis, populi Rom. jus maiestatemque tentaret. hanc denunciationem quum maiorem vim habituram existimaret, si propius eas regiones cum exercitu accessisset ; ad legiones profectus , unam ex tribus XXXVI secum ducit , II in Ægyptum ad Cæsarem mittit, literis ejus evocatas : quarum altera in bello Alexandrino non occurrit ; quod itinere terrestri per Suriam erat missa. adjungit Cn. Domitius legioni XXXVI duas à Deiotaro , quas ille disciplina atque armatura nostra

com-

complures annos constitutas habebat, equitesque centum; totidemque ab Ariobarzane sumit. mittit P. Sextium ad C. Platorium quaestorem, ut legionem adduceret, quæ ex tumultuariis militibus in Ponto confecta erat; Quintumque Patisium in Ciliciam ad auxilia accersenda. quæ copiæ celeriter omnes jussu Domitii Comanæ convenerunt. Interim legati à Pharnace responsa referunt, Cappadocia se decessisse, Armeniam minorem recepisse, quam paterno nomine jure obtinere deberet; denique ejus regni causâ integra Cæsari servaretur: paratum enim se facere, quod is statuisset. Cn. Domitius, quum animadverteret eum Cappadocia decessisse non voluntate adductum, sed necessitate, quod facilius Armeniam defendere posset subjectam suo regno, quam Cappadociam longius remotam; quodque omnes III legiones adducturum Domitium putasset; ex quibus cum II ad Cæsarem missas audisset, audaciusque in Armenia substitisset; perseverare cœpit, ut eo quoque regno decederet: neque enim aliud jus esse Cappadociæ atque Armeniæ: nec juste eum postulare, ut in Cæsaris adventum res integra differretur: id enim esse integrum, quod ita esset, ut fuisset. His responsis datis, cum iis copiis, quas supra scripsi, profectus est in Armeniam, locisque superioribus iter facere instituit. nam ex Ponto à Comanis jugum editum silvestre est pertinens in Armeniam minorem, quo Cappadocia finitur ab Armenia. cujus itineris has esse [certas] opportunitates, quod in locis superioribus nullus impetus repentinus accidere hostium poterat, & quod Cappadocia his jugis subjecta magnam com meatu copiam erat subministratura. Complures interim legationes Pharnaces ad Domitium mittit, quæ de pace agerent, regiaque munera Domitio ferrent. ea constanter omnia aspernabatur: nec sibi quidquam fore antiquius, quam dignitatem populi R. & re-
gna

gna sociorum recuperare , legatis respondebat. Magnis & continuis itineribus confectis , quum adven-
taret Nicopolim , quod opidum in Armenia mino-
re positum est plano ipsum loco , montibus tamen
altis ab duobus lateribus objectis , satis magno inter-
vallo ab opido remotis , castra posuit longe à Nico-
poli circiter millia passuum VII. Quibus ex castris,
quum locus angustus atque impeditus esset trans-
eundus, Pharnaces in insidiis delectos pedites omnes-
que pene disposuit equites. magnam autem multi-
tudinem pecoris intra eas fauces dissipari iussit ; pa-
ganosque & opidanos in iis locis obversari : ut , si a-
micus Domitius eas angustias transiret , nihil de in-
sidiis suspicaretur , quum in agris & pecora & homi-
nes animadverteret versari, tamquam amicorum ad-
ventu : sin vero ut in hostium fines veniret , præda
diripienda milites dissiparentur , dispersique cade-
rentur. Hæc quum administraret , nunquam tamen
intermittebat legatos de pace atque amicitia mit-
tere ad Domitium : quum hoc ipso crederet eum fa-
cilius decipi posse. At contra , spes pacis Domitio
in iisdem castris morandi attulit causam. ita Phar-
naces , amissâ proximi temporis occasione , veritus,
ne cognoscerentur insidiæ , suos in castra revocavit.
Domitius postero die propius Nicopolim accessit, ca-
straque opido contulit. quæ dum muniunt nostri ,
Pharnaces aciem instruxit suo more atque instituto.
in fronte enim , simplici directâ acie , cornua trinis
firmabantur subsidiis. eadem ratione hæc media
collocabantur acie , duobus dextra sinistraque in-
tervallis , simplicibus ordinibus instructis. perfecit
inceptum castrorum opus Domitius , parte copiarum
pro vallo instructa. Proxima nocte Pharnaces , in-
terceptis tabellariis , qui de Alexandrinis rebus lit-
teras ad Domitium ferebant , cognoscit Cæsarem
magno in periculo versari , flagitareque à Domitio ,
ut quamprimum sibi subsidia mitteret , propiusque
ipse

ipse Alexandriam per Suriam accederet. Qua cognita re, Pharnaces victoriæ loco ducebat, si trahere tempus posset: quum discedendum celeriter Domitio putaret. itaque ab opido, qua facillimum accessum & æquissimum ad dimicandum nostris videbat, fossas *II* directas, non ita magno medio intervallo relicto, *IV* pedum altitudinis in eum locum deduxit, quo longius constituerat suam non producere aciem. inter has fossas aciem semper instruebat. equitatum autem ab lateribus omnem extra fossam collocabat: qui neque aliter utilis esse poterat, & multum numero anteibat nostrum equitatum. Domitius autem, quum Cæsaris magis periculo, quam suo, commoveretur; neque se tuto discessurum arbitraretur, si condiciones, quas rejecerat, rursus appeteret, aut sine causa discederet; ex propinquis castris in aciem exercitum eduxit. *XXXVI* legionem in dextro cornu collocavit; Ponticam in sinistro; Deiotari legiones in mediam aciem contulit, quibus tamen angustissimum frontis reliquit interval- lum, reliquis cohortibus in subsidiis collocatis. sic utrimque acie instructa, processum est ad dimican- dum. Signo sub idem tempus ab utroque dato, con- curritur: acriter varieque pugnatur. nam *XXXVI* le- gio, quum extra fossam in equitatum regis impe- tum fecisset, adeo secundum prælium fecit, ut mœ- nibus opidi succederet, fossamque transiret, adver- sosque hostes aggrediretur. at Pontica ex altera par- te legio, quum paullulum averfa hostibus cessisset, fossam autem circuire [acies] secundo conata esset, ut aperto latere aggrediretur hostem, in ipso transitu fossæ confixa, & oppressa est. Deiotari vero legio- nes vix impetum sustinuerunt. ita victrices regis copiarum cornu suo dextro, mediaque acie converte- runt se ad *XXXVI* legionem: quæ tamen fortiter vin- centium impetum sustinuit; magnis copiis hostium circumdata, præsentissimo animo pugnans in or-
bem

hem se recepit ad radices montium : quo Pharnaces insequi, propter iniquitatem loci, noluit. ita, Pontica legione pene tota amissa, magna parte Deiotari militum interfecta, xxxvi legio in loca se superiora contulit, non amplius ccl desideratis. ceciderunt eo praelio splendidi ac illustres viri nonnulli equites Romani. Quo tamen incommodo Domitius accepto, reliquias exercitus dissipati collegit, itineribusque tutis per Cappadociam se in Asiam recepit. Pharnaces rebus secundis elatus, quum de Casare ea, quæ optabat, speraret, Pontum omnibus copiis occupavit : ibique & victor, & crudelissimus rex, quum sibi fortunam paternam feliciore eventu destinaret, multa opida expugnavit ; bona civium Romanorum Ponticorumque diripuit : supplicia constituit in eos, qui aliquam formæ atque ætatis commendationem habebant, ea quæ morte essent miseriora ; Pontumque nullo defendente, paternum regnum se recepisse glorians, obtinebat. Sub idem tempus in Illyrico est incommodum acceptum : quæ provincia superioribus mensibus retenta non tantum sine ignominia, sed etiam cum laude erat. namque eo missus æstate cum 11 legionibus Q. Cornificius Casaris quæstor pro prætore, quamquam erat provincia minime copiosa ad exercitus alendos, & finitimo bello ac dissensionibus vastata & confecta, tamen prudentia ac diligentia sua, quod magnam curam suscipiebat, ne quo temere progredieretur, & recepit, & defendit. namque & castella complura locis editis posita, quorum opportunitas castellanos impellebat ad decursiones faciendas, & bellum inferendum, expugnavit ; eaque præda milites donavit : quæ etsi erat tenuis, tamen in tanta provinciæ desperatione erat grata, præsertim virtute parta. & quum Octavius ex fuga Pharsalici prælii magna classe in illum se sinum contulisset, paucis navibus Jaderitiorum, quorum semper in Remp. singulare con-

constiterat officium, dispersis, Octavianis navibus erat potitus; ut vel classe dimicare posset, adjunctis captivis, navibus sociorum. & quum diversissima parte orbis terrarum Cn. Pompeium victor Cæsar sequeretur; compluresque adversarios in Illyricum, propter Macedoniæ propinquitatem, se, reliquiis ex fuga collectis, contulisse audiret; litteras ad Gabinium mittit, uti cum legionibus tironum, quæ nuper erant conscriptæ, proficisceretur in Illyricum, conjunctisque copiis cum Q. Cornificio, si quod periculum provinciæ inferretur, depelleret: sin ea non magnis copiis tuta esse posset, in Macedoniam legiones adducerent. omnem enim illam partem regionemque vivo Cn. Pompeio bellum instauraturam esse credebat. Gabinius, ut in Illyricum venit, hiberno tempore anni, ac difficili; siue copiosorem provinciam existimans, siue multum fortunæ victoris Cæsaris tribuens, siue virtute & scientia sua confusus, quam sæpe in bellis periclitatus magnas res & secundas ductu ausuque suo gesserat; neque provinciæ facultatibus sublevabatur, quæ partim erat exinanita, partim infidelis, neque navibus, intercluso mari tempestatibus, com meatu supportari poterat; magnisque difficultatibus coactus non ut volebat, sed ut necesse erat, bellum gerebat. ita, quum durissimis tempestatibus, propter inopiam, castella aut opida expugnare cogeretur, crebra incommoda accipiebat: adeoque est à barbaris contemptus, ut, Salonam se recipiens in opidum maritimum, quod cives Romani fortissimi fidelissimique incolebant, in agmine dimicare sit coactus. Quo prælio duobus millibus militum amplius amissis, centurionibus xxxix, tribunis xv, cum reliquis copiis Salonam se recepit; summaque ibi difficultate rerum omnium pressus paucis mensibus morbo periit. cujus & infelicitas vivi, & subita mors in magnam spem Octavium adduxit provinciæ potiundæ: quem tamen diutius

tius in rebus secundis & fortuna, quæ plurimum in bellis potest, diligentiaque Cornificii, & virtus Vatinii versari passâ non est. Vatinius, Brundisii quum esset, cognitis rebus, quæ gestæ erant in Illyrico, quum crebris litteris Cornificii ad auxilium provinciæ ferendum evocaretur: & M. Octavium audiret cum barbaris fœdera percussisse, compluribusque locis nostrorum militum oppugnare præsidia, partim classe per se, partim pedestribus copiis per barbaros: etsi gravi valetudine affectus, vix corporis viribus animum sequebatur; tamen virtute vicit incommodum naturæ, difficultatesque hiemis & subitæ præparationis. nam quum ipse paucas in portu naves longas haberet, litteras in Achaiam ad Q. Kalenum misit, uti sibi classem mitteret. Quod quum tardius fieret, quam periculum nostrorum flagitabat, qui sustinere impetum Octavii non poterant; navibus actuariis, quarum numerus erat satis magnus, magnitudine quamquam non satis justa ad præliandum, rostra imposuit. his adjunctis navibus longis, & numero classis aucto, militibus veteranis impositis, quorum magnam copiam habebat, ex omnibus legionibus, qui numero agrorum relictæ erant Brundisii, quum exercitus in Græciam transportaretur, profectus est in Illyricum, maritimasque nonnullas civitates, quæ defecerant, Octavioque se transdiderant, partim recipiebat, partim remanentes in suo consilio prætervehebatur: nec sibi ullius rei moram necessitatemque injungebat, quin, quam celerrime posset, ipsum Octavium persequeretur. hunc oppugnantem Epidaurum terra marique, ubi nostrum erat præsidium, adventu suo discedere ab oppugnatione coëgit, præsidiumque nostrum recepit. Octavius, quum Vatinium classem magna ex parte confectam ex naviculis actuariis habere cognovisset, confusus sua classe, substitit ad insulam Tauridem; qua regione Vatinius insequens navigabat;

bat; non quod Octavium ibi restitisse sciret; sed quod cum longius progressum insequi decreverat. Quum propius Tauridem accessisset, distensis suis navibus, quod & tempestas erat turbulenta, & nulla suspicio hostis, repente adversam ad se venientem navem, antennis ad medium malum demissis, instructam propugnatoribus animadvertit. Quod ubi conspexit, celeriter vela subduci, demittique antennis jubet, & milites armari; & vexillo sublato, quo pugnandi dabat signum, quæ primæ naves subsequerentur, idem ut facerent, significabat. Parabant se Vatiniani repente oppressi: parati deinceps Octaviani ex portu procedebant. Instruitur utrimque acies: ordine disposita magis Octaviana; paratior militum animis Vatiniana. Vatinius, quum animadverteret neq; navium se magnitudine, neque numero parem esse futuræ dimicationi, fortunæ rem committere maluit. itaque primus sua quinquereimi in quadriremem ipsius Octavii impetum fecit. celerrime fortissimeq; contra illo remigante, naves adversæ rostris concurrunt adeo vehementer, ut navis Octaviana, rostro discusso, ligno contineretur. Committitur acriter reliquis locis prælium, concurriturque ad duces maxime. nam quum suo quisque auxilium ferret, magnum cominus in angusto mari prælium factum est: quantoque conjunctis magis navibus configendi potestas dabatur, tanto superiores erant Vatiniani: qui admiranda virtute ex suis navibus in hostium naves transilire non dubitabant; & dimicatione æquata, longe superiores virtute rem feliciter gerebant. deprimitur ipsius Octavii quadriremis: multæ præterea capiuntur, aut rostris perforatæ merguntur: propugnatores Octaviani partim in navibus jugulantur, partim in mare precipitantur. ipse Octavius se in scapham confert: in quam plures quum confugerent, depressa scapha, vulneratus tamen adnatat ad suum myoparonem. Eo receptus, quum prælium

lium nox dirimeret, tempestate magna velis profugit. sequuntur hunc suæ naves nonnullæ, quas casus ab illo periculo vindicarat. At Vatinius re bene gesta receptui cecinit; suisque omnibus incolumibus in eum se portum victor recepit, quod ex portu classis Octaviana ad dimicandum processerat. capit ex eo prælio penterem 1, triremes 11, dicrotas 11x; compluresque remiges Octavianos: posteroque ibi die fuit, dum suas, captivasque naves reficeret. Post diem 111 contendit in insulam Issam; quod eo se recepisse ex fuga credebatur Octavium. erat nobilissimum regionum earum opidum, conjunctissimumque Octavio. quo ut pervenit, opidani supplices se Vatinio dediderunt: comperitque, ipsum Octavium, parvis paucisque navigiis vento secundo regionem Græciæ petisse, inde ut Siciliam, deinde Africam, caperet. Ita brevi spatio re præclarissime gesta, provincia recepta, & Cornificio reddita, classe adversariorum ex illo toto sinu expulsa, victor se Brundisium, incolumi exercitu & classe, recepit. Iis autem temporibus, quibus Cæsar ad Dyrrhachium Pompeium obsidebat, & Palæpharsali rem feliciter gerebat, Alexandriaque cum periculo magno, tum etiam majore periculi fama dimicabat, Cassius Longinus in Hispania proprætor provinciæ ulterioris obtinendæ causâ relictus, sive consuetudine naturæ suæ, sive odio, quod in illam provinciam susceperat quæstor, ex insidiis ibi vulneratus magnas odii sui fecerat accessiones: quod vel ex conscientia sua, quum de se mutuo sentire provinciam crederet, vel multis signis, & testimoniis eorum, qui difficulter odia dissimulant, animadvertere poterat; & compensare offensionem provinciæ exercitus amore cupiebat. itaque quum primum in unum locum exercitum conduxit, his centenos militibus est pollicitus: nec multo post, quum in Lusitania Medobregam opidum, montemque Herminium, expugnasset, quo Medobregenses confugerant; ibique

que Imperator esset appellatus ; iterum h-s centenis milites donavit. Multa præterea & magna præmia singulis concedebat : quæ speciosum reddebant præsentem exercitus amorem ; paulatim tamen & occulte militarem disciplinam severitatemque minuebant. Cassius legionibus in hiberna dispositis ad jus dicendum Cordubam se recepit , contractumque in ea æs alienum gravissimis oneribus provinciæ constituit exsolvere ; & , ut largitionis postulat consuetudo , per causam liberalitatis speciosam plura largitori quærebantur ; pecuniæ locupletibus imperabantur ; quas Longinus sibi expensas ferri non tantum patiebatur , sed etiam cogebat : in gregem locupletium simultatum causæ tenues conjiciebantur. neq; ullum genus quæstus , aut magni & evidentis , aut minimi & sordidi , prætermittebatur , quo domus & tribunal imperatoris vacaret. nemo erat , qui modo aliquam jacturam facere posset , quin aut vadium teneretur , aut in reos referretur. ita etiam magna sollicitudo periculorum ad jacturas & detrimenta rei familiaris adjungebatur. Quibus de causis accidit , ut , quum Longinus Imperator eadem faceret , quæ fecerat quæstor , similia rursus de morte ejus provinciales consilia inirent. horum odium confirmabant nonnulli familiares ejus : qui , quum in illa societate versarentur rapinarum , nihilo minus oderant eum , cujus nomine peccabant : sibi que , quod rapuerant , acceptum ferebant ; quod interciderat , aut erat interpellatum , Cassio assignabant. v legionem novam conscribit. augetur odium & ex ipso delectu , & sumptu additæ legionis. complentur equitum 111 millia : maximisque onerantur impensis : nec provinciæ datur ulla requies. Interim litteras accepit à Cæsare , ut in Africam exercitum transjiceret , perque Mauritaniam ad fines Numidiæ perveniret : quod magna Cn. Pompeio Juba rex miserat auxilia , majoraque missurus exi-

stima-

stimabatur. Quibus litteris acceptis, insolenti voluptate efferebatur, quod sibi novarum provinciarum & fertilissimi regni tanta oblata esset facultas. Itaque ipse in Lusitaniam proficiscitur, ad legiones accersendas, auxiliaque adducenda. certis hominibus dat negotium, ut frumentum navesque c prępararentur, pecunięque describerentur atque imperarentur, ne qua res, quum redisset, moraretur. reditus ejus fuit celerior omnium opinione; non enim labor aut vigilantia cupienti pręsertim aliquid Cassio deerat. Exercitu coacto in unum locum, castris ad Cordubam positis, pro concione militibus exponit, quas res Cæsaris jussu gerere deberet: polliceturque iis, quum in Mauritaniam transjecisset, H. S. centenos se daturum: v fore in Hispania legionem. ex concione se Cordubam recepit. eoque ipso die, meridiana hora, quum in Basilicam iret, quidam Minutius Silo cliens L. Racilii libellum, quasi aliquid ab eo postularet, ut miles ei transdit: deinde post Racilium (nam is latus Cassii tegebat) quasi responsum ab eo peteret, celeriter dato loco, quum se insinuasset, sinistra corripit eum, dextraque bis ferit pugione. Clamore sublato, fit à conjuratis impetus universis. Munatius Plancus proximum gladio transjicit lictorem. hoc interfecto, Q. Cassium legatum vulnerat. Ibi T. Vasius, & L. Mergilio simili confidentia Plancum municipem suum adjuvant. erant enim omnes Italicenses. Ad ipsum Longinum L. Licinius Squillus involat, jacentemque levibus sauciat plagis. Concurritur ad Cassium defendendum. semper enim berones compluresque evocatos cum telis secum habere consueverat. à quibus ceteri intercluduntur, qui ad eadem faciendam subsequabantur. Quo in numero fuit Calpurnius Salvianus, & Manilius Tuscus. Minutius inter saxa, quę jaciebant in itinere, fugiens opprimitur, & relato domum Cassio, ad eum deducitur. Racilius in proximam

nam se domum familiaris sui confert, dum certum cognosceret, confectusne Cassius esset. L. Laterensis, quum id non dubitaret, accurrit latus in castra; militibus vernaculis, & secundæ legionis, quibus odio sciebat præcipue Cassium esse, gratulatur. tollitur à multitudine in tribunal. prætor appellatur. nemo enim in provincia natus, aut vernaculæ legionis miles, aut diuturnitate jam factus provincialis, quo in numero erat 11 legio, non cum omni provincia consenserat in odio Cassii. nam legiones xxx & xxi paucis mensibus in Italia scriptas, Cæsar attribuerat Longino. v legio ibi nuper erat confecta. Interim nunciatur Laterensi vivere Cassium. Quo nuncio, dolore magis permotus, quam animo perturbatus reficit celeriter sese, & ad Cassium visendum proficiscitur. Re cognita, xxx legio signa Cordubam infert, ad auxilium ferendum imperatori suo. facit hoc idem xxi. subsequitur has v. quum 11 legiones reliquæ essent in castris, secundani veriti, ne soli relinquerentur, atque ex eo, quid sensissent, indicaretur, secuti sunt factum superiorum. Permanfit in sententia legio vernacula, nec ullo timore de gradu dejecta est. Cassius eos, qui nominati erant conscii cædis, jubet comprehendi: legionem v in castra remittit, cohortibus xxx retentis. indicio Minutii cognoscit, L. Racilium, & L. Laterensem, & Annium Scapulam maximæ dignitatis & gratiæ provincialem hominem, sibi que tam familiarem, quam Laterensem & Racilium, in eadem fuisse conjuratione. nec diu moratur dolorem suum, quin eos interfici jubeat. Minutium libertis transdit excrucians: item Calpurnium Salvianum, qui profitetur indicium, conjuratorumque numerum auget, vere, ut quidam existimant, ut nonnulli queruntur, coactus. hisdem cruciatibus affectus L. Mergilio Squillus nominat plures: quos Cassius interfici jubet, exceptis iis, qui se pecunia redemerunt. nam palam h-s x

cum Calpurnio paciscitur, & cum Q. Sextio quinquaginta, qui etsi maxime nocentes sunt multati, tamen periculum vitæ, dolorque vulnerum pecunia remissus, crudelitatem cum avaritia certasse significabat. Aliquot post diebus litteras à Cæsare missas accipit; quibus cognoscit Pompeium in acie victum amissis copiis fugisse. Qua re cognita, mistam dolori voluptatem capiebat. victoriæ nuncius lætitiā exprimebat: confectum bellum licentiam temporum intercludebat. sic erat dubius animi, utrum nihil timere, an omnia licere mallet. Sanatis vulneribus, accersit omnes, qui sibi pecunias expensas tulerant; acceptasque eas jubet referri. quibus parum videbatur imposuisse oneris, ampliorem pecuniam imperat. æqua autem ratione delectum instituit: quos ex omnibus conventibus coloniisque conscriptos transmarina militia perterritos ad sacramenti redemptionem vocabat. magnum hoc fuit vectigal, majus tamen creabat odium. His rebus confectis, totum exercitum lustrat. Legiones, quas in Africam ducturus erat, & auxilia mittit ad Trajectum; ipse classē, quam parabat, ut inspiceret, Hispalim accedit: ibique moratur: propterea quod edictum tota provincia proposuerat, ut, quibus pecunias imperasset, neque contulissent, se adirent. Quæ evocatio vehementer omnes turbavit. Interim L. Titius, qui eo tempore tribunus mil. legionis vernaculæ fuerat, nunciat fama, legionem xxx, quam Q. Cassius legatus simul ducebat, quum Ilurgim ad opidum castra haberet, seditione facta, centurionibus aliquot occisis, qui signa tolli non patiebantur, discessisse, & ad i i legionem contendisse, quæ ad fretum alio itinere ducebatur. Cognita re, noctu cum v cohortibus undevicesimanorum egreditur. mane pervenit. ibi cum diem, ut quid ageretur, perspiceret, inoratus, Carmonam contendit. hic, quum legio xxx, & xxi, & cohortes i v, & v legio, totusque

tusque convenisset equitatus, audit, IV cohortes a vernaculis oppressas ad Obuculam, cum his ad secundam pervenisse legionem, omnesque ibi se conjunxisse, & T. Thorium Italicensem ducem delegisse. Celeriter habito concilio, Marcellum Cordubam, ut eam in potestate retineret, Q. Cassium legatum Hispalim mittit. paucis ei diebus affertur, conventum Cordubensem ab eo defecisse, Marcellumque aut voluntate, aut necessitate adductum (namque id varie nunciabatur) consentire cum Cordubensibus: II cohortes legionis V, quæ fuerant Cordubæ in præsidio, idem facere. Cassius his rebus incensus movet castra, & postero die Segoviam ad flumen Silicense venit. Ibi habita concione, militum tentat animos: quos cognoscit non sua sed Cæsaris absentis causâ sibi fidelissimos esse, nullumque periculum deprecaturus, dum per eos Cæsari provincia restitueretur. Interim Thorius ad Cordubam veteres legiones adducit: ac, ne dissensionis initium natum seditiosa militum suæque videretur natura; simul ut contra Q. Cassium, qui Cæsaris nomine majoribus viribus uti videbatur, æque potentem opponeret dignitatem; Cn. Pompeio se provinciam recuperare velle palam dictitabat. & forsitan etiam hoc fecerit odio Cæsaris, & amore Pompeii: cujus nomen multum poterat apud eas legiones, quas M. Varro obtinuerat: sed id qua mente commotus fecerit, conjectura sciri non potest. Certe hoc præ se Thorius ferebat: milites adeo fatebantur, ut Cn. Pompeii nomen in scutis inscriptum haberent. frequens legionibus conventus obviam prodit, neque tantum virorum, sed etiam matrum familias, ac prætextatorum. deprecaturque, ne hostili adventu Cordubam diriperent: nam se contra Cassium sentire cum omnibus; contra Cæsarem ne facere cogerentur, orare. Tantæ multitudinis precibus & lacrimis exercitus commotus, quum videret,

ret ad Cassium persequendum nihil opus esse Cn. Pompeii nomine & memoria, tamque omnibus Cæsarianis, quam Pompeianis Longinum esse in odio, neque se conventum, neque M. Marcellum contra Cæsaris causam posse perducere, nomen Pompeii ex scutis detraxerunt; Marcellum, qui se Cæsaris causam defensurum profitebatur, ducem adsciverunt, prætoremque appellarunt; & sibi conventum adjunxerunt; castraque ad Cordubam posuerunt. Cassius eo biduo circiter XV millia passuum à Corduba, citra flumen Bætis in opidi conspectu loco excelso facit castra: litteras ad regem Bogudem in Mauritaniam, & ad M. Lepidum proconsulem in Hispaniam citeriorem mittit, subsidio sibi provinciaeque Cæsaris causa quamprimum veniret. Ipse hostili modo Cordubensium agros vastat, ædificia incendit. Cujus rei deformitate atque indignitate legiones, quæ Marcellum sibi ducem ceperant, ad eum concurrerunt. ut in aciem educerentur, orant, priusque configendi sibi potestas fieret, quam cum tanta contumelia nobilissimæ carissimæque possessiones Cordubensium in conspectu suo rapinis, ferro, flammaque consumerentur. Marcellus, quum configere miserrimum putaret, quod & victoris & victi detrimentum ad eundem Cæsarem esset redundaturum, neque suæ potestatis esse, legiones Bætis transducit, atque aciem instruit. Quum Cassium contra pro castris suis aciem instruxisse loco superiore videret, causâ interposita, quod is in æquum non descenderet, Marcellus militibus persuadet, ut se in castra recipiant. itaque copias reducere cœpit. Cassius, quo bono valebat, Marcellumque infirmum esse sciebat, aggressus equitatu legionarios se recipientes, complures novissimos in fluminis ripis interficit. Quum hoc detrimento, quid transitus fluminis vitii difficultatisque haberet, cognitum esset, Marcellus castra Bætis transfert: crebroque uterque

que legiones in aciem educit ; neque tamen confli-
gitur , propter locorum difficultates. Erat copiis pe-
destribus multo firmior Marcellus. habebat enim
veteranas legiones , multisque præliis expertas. Cas-
sius fidei magis , quam virtuti legionum , confidebat.
itaque quum castra castris collata essent , & Marcel-
lus locum idoneum castello cepisset , quo prohi-
bere aqua Cassianos posset , Longinus veritus , ne
genere quodam obsidionis clauderetur in regioni-
bus alienis sibi que infestis , noctu silentio ex castris
proficiscitur , celeriq; itinere Ullam contendit ; quod
sibi fidele esse opidum credebatur. Ibi adeo conjuncta
ponit moenibus castra , ut & loci natura (namque Ul-
la in edito monte posita est) & ipsa munitione ur-
bis , undique ab oppugnatione tutus esset. hunc
Marcellus insequitur , & quam proxime potest Ul-
lam castra castris confert : locorumque cognita na-
tura , quo maxime rem deducere volebat , neces-
sitate est adductus , ut neque conflingeret , cujus si rei
facultas esset , resistere incitatis militibus non pote-
rat , neque vagari Cassium latius pateretur ; ne plu-
res civitates ea paterentur , quæ passi erant Cordu-
benses. Castellis idoneis locis collocatis , operibus-
que in circuitu opidi continuatis , Ullam , Cassium-
que munitionibus clausit : quæ prius quam perfice-
rentur , Longinus omnem suum equitatum emisit :
quem magno sibi usui fore credebatur , si pabulari fru-
mentarique Marcellum non pateretur ; magno au-
tem impedimento , si clausus obsidione & inutilia
necessarium consumeret frumentum. Paucis die-
bus litteris Cassii acceptis , rex Bogud cum copiis ve-
nit ; adjungitque ei legionem , quam secum adduxe-
rat , compluresque cohortes auxilias Hispano-
rum. namque , ut in civilibus dissensionibus accidere
consuevit , ita temporibus illis in Hispania nonnul-
læ civitates rebus Cassii studebant ; plures Marcello
favebant. Accedit cum copiis Bogud ad exteriores

Marcelli munitiones. pugnatur utrimque acriter crebroque, ut accidit, fortuna sæpe ad utrumque transferente victoriam; nec tamen umquam ab operibus depellitur Marcellus. Interim Lepidus ex citeriore provincia cum cohortibus legionariis xxxv, magnoque numero equitum, & reliquorum auxiliorum, venit ea mente Ullam, ut sine ullo studio contentiones Cassii Marcellique componeret. huic venienti sine dubitatione Marcellus se credit atque offert. Cassius contra suis se tenet præsiidiis, sive eo quod plus sibi juris deberi quam Marcello existimabat, sive eo quod, ne præoccupatus animus Lepidi esset obsequio adversarii, verebatur. ponit ad Ullam castra Lepidus; neque habet à Marcello quidquam divisi. ne pugnetur, interdicat. ad exeundum Cassium invitat; fidemque suam in re omni interponit. Quum diu dubitasset Cassius, quid sibi faciendum, quidve Lepido esset credendum; neque ullum exitum consilii sui reperiret, si permaneret in sententia; postulat, uti munitiones disjicerentur, sibi que liber exitus daretur. non tantum induciis factis, sed prope jam constituta opera quum complanarent, custodiæque munitionum essent deductæ, auxilia regis in id castellum Marcelli, quod proximum erat regiis castris, neque opinantibus omnibus, si tamen in omnibus fuit Cassius (nam de hujus conscientia dubitabatur), impetum fecerunt, compluresque ibi milites oppresserunt. quod nisi celeriter, indignatione & auxilio Lepidi, prælium esset diremptum; major calamitas esset accepta. Quum iter Cassio patefactum esset; castra Marcellus cum Lepido conjungit. Lepidus eodem tempore Marcellusque Cordubam cum suis proficiscitur: Cassius Carmonam. Sub idem tempus Trebonius proconsul ad provinciam obtinendam venit. de cujus adventu ut cognovit Cassius, legiones, quas secum habuerat, equitatumque in hiberna distribuit: ipse, omnibus suis rebus

rebus celeriter correptis, Malacam contendit; ibique adverso tempore navigandi naves conscendit, ut ipse prædicabat, ne se Trebonio, & Lepido, & Marcello committeret: ut amici ejus dictitabant, ne per eam provinciam minore cum dignitate iter faceret, cujus magna pars ab eo defecerat: ut cæteri existimabant, ne pecunia illa ex infinitis rapinis confecta in potestatem cujusquam veniret. Progressus secunda, ut hiberna, tempestate, quum in Iberum flumen noctis vitandæ causâ se contulisset, inde paullo vehementiore tempestate nihilo periculosius se navigaturum credens, profectus, adversis fluctibus occurrentibus ostio fluminis, in ipsis faucibus, quum neque flectere navem propter vim fluminis, neque directam tantis fluctibus tenere posset, demersa navi periit.

Quum in Suriam Cæsar ex Ægypto venisset, atque ab iis, qui Roma venerant ad eum, cognosceret, litterisque urbanis animadverteret, multa Romæ male & inutiliter administrari, neque ullam partem Reipublicæ satis commode geri; quod & contentionibus Tribunitiis perniciosæ seditiones orirentur; & ambitione atque indulgentia Tribunorum militum, & qui legionibus præerant, multa contra morem consuetudinemque militarem fierent, quæ dissolvendæ disciplinæ severitatisque essent; eaque omnia flagitare adventum suum videret; tamen præferendum existimavit, quas in provincias regionesque venisset, eas ita relinquere constitutas, ut domesticis dissensionibus liberarentur, jura legesque acciperent, & externorum hostium metum deponerent. Hæc in Suria, Cilicia, Asia celeriter se confecturum sperabat; quod hæ provinciæ nullo bello premiebantur. In Bithynia ac Ponto plus oneris videbat impendere sibi. Non enim excessisse Ponto Pharnacem audierat, neque excessurum putabat, quum secundo prælio esset vehemen-

ter inflatus, quod contra Domitium Calvinum fecerat. Commoratus fere in omnibus civitatibus, quæ majore sunt dignitate, præmia benemeritis & viritim & publice tribuit: de controversiis veteribus cognoscit ac statuit. reges, tyrannos, dynastas provinciæ, finitimosque, qui omnes ad eum concurrerant, receptos in fidem, conditionibus impossibilis provinciæ tuendæ ac defendendæ dimittit & sibi & populo R. amicissimos. Paucis diebus in ea provincia consumptis, Sex. Cæsarem amicum & necessarium suum legionibus Suriæque præficit. ipse eadem classe, qua venerat, proficiscitur in Ciliciam. Cujus provinciæ civitates omnes evocat Tarsum: quod opidum fere totius Ciliciæ nobilissimum fortissimumque est. ibi, rebus omnibus provinciæ & finitimarum civitatum constitutis, cupiditate proficiscendi ad bellum gerendum non diutius moratur; magnisque itineribus per Cappadociam confectis, biduum Mazacæ commoratus, venit Comana, vetustissimum & sanctissimum in Cappadocia Bellonæ templum, quod tanta religione colitur, ut sacerdos ejus deæ majestate, imperio & potentia secundus à rege consensu gentis illius habeatur. id homini nobilissimo Nicomedi Bithynio adjudicavit: qui regio Cappadocum genere ortus, propter adversam fortunam majorum suorum mutationemque generis, jure minime dubio, vetustate tamen intermisso, sacerdotium id repetebat. fratrem autem Ariobarzanis Ariaraten, quum bene meritis uterque eorum de Rep. esset, ne aut regni hereditas Ariaraten sollicitaret, aut heres regni terreret, Ariobarzani attribuit, qui sub ejus imperio ac ditione esset: ipse iter cœptum simili velocitate conficere cœpit. Quum propius Pontum finesque Gallogræciæ accessisset, Deiotarus tetrarches Gallogræciæ tunc quidem pene totius, quod ei neque legibus, neque moribus concessum esse ceteri tetrarchæ contendebant, sine

sine dubio autem rex Armeniæ minoris ab Senatu appellatus, depositis regiis insignibus, neque tantum privato vestitu, sed etiam reorum habitu, supplex ad Cæsarem venit oratum, ut sibi ignosceret, quod in ea parte positus terrarum, quæ nulla præsidia Cæsaris habuisset, exercitibus imperiisque in C. Pompeii castris fuisset: neque enim se iudicem debuisse esse controversiarum populi Romani, sed parere præsentibus imperiis. Contra quem Cæsar, quum plurima sua commemorasset officia, quæ consul ei decretis publicis tribuisset; quinque defensionem ejus nullam posse excusationem ejus imprudentiæ recipere coarguisset; quod homo tantæ prudentiæ ac diligentiæ scire potuisset, quis urbem Italiamque teneret; ubi Senatus populusque Romanus, ubi Resp. esset, quis deinde post L. Lentulum, C. Marcellum consul esset: sed tamen se concedere id factum superioribus suis beneficiis, veteri hospitio atque amicitia, dignitati ætatiue hominis, precibus eorum, qui frequentes concurrissent hospites atque amici Deiotari ad deprecandum: de controversiis tetrarcharum postea se cogniturum esse dixit: regium vestitum ei restituit. Legionem autem, quam ex genere civium suorum Deiotarus armatura disciplinaque nostra constitutam habebat, equitatumque omnem ad bellum gerendum adducere jussit. quum in Pontum venisset, copiasque omnes in unum locum cogerisset; quæ numero, atque exercitatione bellorum mediocres erant (excepta enim legione VI, quam secum adduxerat Alexandria veteranam, multis laboribus periculisque functam, multisque militibus partim difficultate itinerum ac navigationum, partim crebritate bellorum adeo deminutam, ut minus hominum in ea esset; reliquæ erant III legiones, una Deiotari, duæ, quæ in eo prælio, quod Cn. Domitium fecisse cum Pharnace scripsimus, fuerant); legati à Pharnace missi Cæsarem adcunt, at-

que in primis deprecantur, ne ejus adventus hostilis esset. faciurum enim omnia Pharnacen, quæ imperata essent. maximeque commemorabant nulla Pharnacem auxilia contra Cæsarem Pompeio dare voluisse; quum Deiotarus, qui dedisset, tamen ei satis fecisset. Cæsar respondit se fore æquissimum Pharnaci, si, quæ polliceretur, repræsentaturus esset. inonuit autem ut solebat, mitibus verbis, legatos, ne aut Deiotarum sibi objicerent, aut nimis eo gloriantur beneficio, quod auxilia Pompeio non misissent. nam se neque libentius facere quidquam, quam supplicibus ignoscere; neque provinciarum publicas injurias condonare iis posse, qui non fuissent in se officiosi: id ipsum, quod commemorassent, officium utilius Pharnaci fuisse, qui providisset, ne vinceretur, quam sibi, cui Dii immortales victoriam tribuissent. itaque se magnas & graves injurias civium Romanorum, qui in Ponto negotiati essent, quoniam in integrum restituere non posset, concedere Pharnaci. nam neque interfectis amissam vitam, neque exsectis virilitatem restituere posse; quod quidem supplicium gravius morte cives Romani subissent: Ponto vero decederet confestim; familiasque publicanorum remitteret; ceteraque restitueret sociis civibusque Romanis, quæ penes eum essent. si fecisset, jam tunc sibi mitteret munera, ac dona, quæ bene rebus gestis imperatores ab amicis accipere consueissent. miserat enim Pharnaces coronam auream. His responsis datis legatos remisit. At Pharnaces omnia liberaliter pollicitus; quum festinantem ac properantem Cæsarem speraret libentius etiam crediturum suis promissis, quam res patetur; quo celerius honestiusque ad res magis necessarias proficisceretur (nemini enim erat ignotum, plurimis de causis ad Urbem Cæsarem revocari), lentius agere, decedendi diem postulare longiorem, pactiones interponere, in summa frustrari coepit.

pit. Cæsar cognita calliditate hominis, quod aliis temporibus natura facere consueverat, tunc necessitate fecit adductus, ut celerius omnium opinione manum confereret. Ziela est opidum in Ponto positum ipso, ut in plano loco, satis munitum. tumulus enim naturalis, velut manu factus, excelsiore undique fastigio sustinet murum. circumpositi sunt huic opido magni multique intercisi vallibus colles: quorum editissimus unus, qui propter victoriam Mithridatis, & infelicitatem Triarii, detrimentumque exercitus nostri, superioribus locis atque itineribus pene conjunctus opido, magnam in illis partibus habet nobilitatem; nec multo longius millibus passuum III abest ab Ziela. hunc locum Pharnaces, veteribus paternorum feliciū castrorum relictis operibus, copiis omnibus suis occupavit. Cæsar, quum ab hoste millia passuum V castra posuisset; videretque eas valles, quibus regia castra munirentur, eodem intervallo sua castra munituras; si modo ea loca hostes priores non cepissent, quæ multo erant propiora regis castris; aggerem comportari jubet intra munitiones. Quo celeriter collato, proxima nocte, vigilia quarta, legionibus omnibus expeditis, impedimentisque in castris relictis, prima luce, neque opinantibus hostibus, cum ipsum locum cepit, in quo Mithridates secundum prælium adversus Triarium fecerat. huc omnem comportare aggerem è castris servitia, quæ ageret, jussit; ne quis ab opere miles discederet; quum spatium non amplius 80 passuum intercisa vallis castra hostium divideret ab opere incepto Cæsaris castrorum. Pharnaces, quum id repente prima luce animadvertisset, copias suas omnes pro castris instruxit; quas, interposita tanta locorum iniquitate, consuetudine magis pervulgata militari credebat instrui Cæsar, vel ad opus suum tardandum, quo plures in armis tenerentur, vel ad ostentationem regis fiduciam, ne munitione magis quam manu defendere locum

Pharnaces videretur. itaque deterritus non est, quo minus prima acie pro vallo instructa, reliqua pars exercitus opus faceret. At Pharnaces impulsus sive loci felicitate, sive auspiciis & religionibus inductus, quibus obtemperasse eum postea audiebamus; sive paucitate nostrorum, qui in armis erant, comperita, quum more operis quotidiani magnam illam servorum multitudinem, quæ aggerem portabat, militum esse credidisset; sive etiam veterani fiducia exercitus sui, quem [cum legione] *xxi* in acie conflixisse, & vicisse, legati ejus gloriabantur; simul contemptu exercitus nostri, quem pulsum à se, Domitio duce, sciebat; inito consilio dimicandi, descendere prærupta valle cœpit. cujus aliquandiu Cæsar irridebat inanem ostentationem, & eo loco militum coarctationem. quem in locum nemo sanus hostis subiturus esset: quum interim Pharnaces eodem gradu, quo præruptam descenderat in vallem, ascendere adversus arduum collem instructis copiis cœpit. Cæsar incredibili ejus vel temeritate vel fiducia motus, neque opinans imparatusque oppressus eodem tempore milites ab operibus vocat, arma capere jubet, legiones opponit, aciem instruit. cujus rei subita trepidatio magnum terrorem attulit nostris, nondum ordinibus instructis. falcatae regiae quadrigæ permixtos milites perturbant, quæ tamen celeriter multitudine telorum opprimuntur. insequitur has acies hostium; & clamore sublato configitur, multum adjuvante natura loci, plurimum Deorum immortalium benignitate: qui quum omnibus casibus belli intersunt, tum præcipue eis, quibus nihil ratione potuit administrari. Magno atque acri cominus prælio facto, dextro cornu, quo veterana legio *vi* erat collocata, initium victoriæ natum est ab ea parte, quum in proclive detruderentur hostes; multo tardius, sed tamen iisdem Diis adjuvantibus, sinistro cornu, mediaque acie, totæ profligantur copiae regis.

gis. quæ quam facile subierant iniquum locum, tam celeriter gradu pulsa premebantur loci iniquitate. itaque multis militibus partim interfectis, partim suorum ruina oppressis, qui velocitate effugere poterant, armis tamen projectis, vallem transgressi, nihil ex loco superiore incrimine proficere poterant. at nostri victoria elati subire iniquum locum, munitionesque aggredi non dubitarunt. defendentibus autem iis cohortibus castra, quas Pharnaces præsidio reliquerat, celeriter castris hostium sunt potiti. interfecta multitudo omni, aut capta suorum, Pharnaces cum paucis equitibus profugit. cui nisi castrorum oppugnatio facultatem attulisset liberius profugiendi, vivus in Cæsaris potestatem adductus esset. Tali victoria toties victor Cæsar, incredibili est lætitia affectus, quod maximum bellum tanta celeritate confecerat: eratque subiti periculi recordatione latior, quod victoria facilis ex difficillimis rebus acciderat. Ponto recepto, præda omni regia militibus condonata, postero die cum expeditis equitibus ipse proficiscitur: legionem VI decedere ad præmia atque honores accipiendos in Italiam jubet: auxilia Deiotari domum remittit: II legiones cum Cælio Vinciano in Ponto reliquit. ita per Gallogræciam Bithyniamque in Asiam iter facit: omniumque earum provinciarum de controversiis cognoscit & statuit: jura in tetrarchas, reges, civitates distribuit. Mithridaten Pergamenum, à quo rem feliciter celeriterque gestam in Ægypto supra scripsimus, regio genere ortum, disciplinis etiam regis educatum (nam eum Mithridates rex Asiæ totius propter nobilitatem Pergamæ parvulum secum asportaverat in castra, multosque tenuerat annos), regem Bosphori constituit, quod sub imperio Pharnacis fuerat; provinciasque populi R. à barbaris atque inimicis regibus, interposito amicissimo rege, munivit. Eisdem tetrarchiam [legibus] Gallogræcorum, jure

gentis & cognationis adjudicavit, occupatam & possessam paucis ante annis à Deiotaro. Neque tamen usquam diutius moratus est, quam necessitas urbanarum seditionum pati videbatur. Rebus felicissime celerrimeque confectis, in Italiam celerius omnium opinione venit.

A. HIRTII PANSÆ
COMMENTARIORUM
DE BELLO AFRICANO,

LIBER UNUS.



Æsar, itineribus justis confectis, nullo die intermisso, ad xiv Cal. Jan. in Lilybæum pervenit: statimque ostendit, sese naves velle conscendere; quum non amplius legionem tironum haberet unam, equitesque vix dc. Tabernaculum secundum litus ipsum constituit, ut prope fluctus verberaret. Hoc eo consilio fecit, ne quis sibi moræ quidquam fore speraret, & ut omnes in dies horâsque parati essent. Incidit per id tempus, ut tempestates ad navigandum idoneas non haberet. nihilo tamen minus in navibus remiges militesque continere, & nullam prætermittere occasionem profectionis. quum præsertim ab incolis ejus provinciae nunciarentur adversariorum copiae, equitatus infinitus, legiones regiae xv, levis armaturæ magna vis, Scipionis legiones x, elephanti cxx, classesque esse complures; tamen non deterrebat, animoque & spe confidebat. Interim in dies & naves longæ adaugeri, & onerariæ complures eodem concurrere, & legiones tironum convenire; in his veterana legio v, equitum ad ii millia. Legionibus collectis vi, & equitum ii millibus, ut quæque
prima

prima legio venerat, in naves longas imponebatur, equites autem in onerarias. ita maiorem partem navium antecedere iussit, & insulam petere Aponianam, quæ non abest à Lilybæo. ibique commoratus bona paucorum vendit publice: deinde Allieno prætori, qui Siciliam obtinebat, de omnibus rebus præcipit, & de reliquo exercitu celeriter imponendo. Datis mandatis, ipse navem conscendit a. d. vi. Kal. Jan. & reliquas naves statim est consecutus. ita vento certo, celerique navigio vectus, post diem quartam cum longis paucis navibus in conspectum Africæ venit. namque onerariæ reliquæ, præter paucas, vento dispersæ atque errabundæ diversa loca petierunt. Clupeam classē prætervehitur, inde Neapolim. complura præterea castella & opida non longe à mari relinquit. Postquam Adrumetum accessit, ibi præsidium erat adversariorum, cui præerat C. Confidius. & à Clupeis secundum oram maritimam cum equitatu Adrumeti Cn. Piso cum Maurorum circiter III millibus apparuit. Ibi paulisper Cæsar ante portum commoratus, dum reliquæ naves convenirent, exponit exercitum. cuius numerus in præsentia fuit peditum III millium, equitum CL. castrisque ante opidum positis, sine injuria cujusquam confedit; cohibetque omnes à præda. Opidani interim muros armatis complent. ante portam frequentes confidunt ad se defendendum. quorum numerus II legionum intus erat. Cæsar circum opidum vectus, natura loci perspecta, redit in castra. non nemo culpæ ejus imprudentiæque assignabat, quod neque certum locum gubernatoribus præfectisque, quem peterent, præceperat: neque, ut mos ipsius consuetudoque superioribus temporibus fuerat, tabellas signatas dederat, ut in tempore iis perlectis, locum certum peterent universi. quod minime Cæsarem fefellerat. namque nullum portum terræ Africæ, quo classes decurrerent, pro certo tutum

ab hostium præsidio fore suspicabatur: sed fortuito oblata occasione egressus aucupabatur. L. Plancus interim legatus petit à Cæsare, ut sibi daret facultatem cum Confidio agendi, si posset aliqua ratione perducere ad sanitatem. itaque data facultate litteras conscribit, & eas captivo dat perferendas in opidum ad Confidium. Quo simul atque captivus pervenisset, litterasque, ut erat mandatum, Confidio porrigere cœpisset, prius quam acciperet ille, Unde inquit, istas? Tum captivus, [Venio] à Cæsare. Tunc Confidius, Unus est, inquit, Scipio Imperator hoc tempore populi R. Deinde in conspectu suo captivum statim interfici jubet: litterasque nondum perlectas, sicut erant signatæ, dat homini certo ad Scipionem perferendas. Postquam una nocte & die ad opidum consumpta, neque responsum ullum à Confidio dabatur; neque ei reliquæ copiæ succurrebant; neque equitatu abundabat; & ad opidum oppugnandum non satis copiarum habebat, & eas tiro- num; neque primo adventu convulnerari exercitum volebat; & opidi egregia munitio, difficilisque ad oppugnandum erat accessus; & nunciabantur auxilia magnæ equitatus opidanis suppetias venire: non est visa ratio ad oppugnandum opidum commorandi; ne, dum in ea re Cæsar esset occupatus, circumventus à tergo ab equitatu hostium laboraret. itaque castra quum movere vellet, subito ex opido erupit multitudo: atque equitatus subsidio, uno tempore eis casu succurrit, qui erat missus ab Juba ad stipendium accipiendum: castraque, unde Cæsar egressus iter facere cœperat, occupant: & ejus agmen extremum insequi cœperunt. Quæ res quum animadversa esset, subito legionarii consistunt; & equites, quamquam erant pauci, tamen contra tantam multitudinem audacissime concurrunt. Accidit res incredibilis, ut equites minus xxx Galli Maurorum equitum ii millia loco pellerent, urgerentque in opidum.

dum. Postquam repulsi & coniecti erant intra munitiones, Cæsar iter constitutum ire contendit. quod quum sæpius facerent; & modo insequerentur, modo rursus ab equitibus in opidum repellerentur: cohortibus paucis ex veteranis, quas secum habebat, in extremo agmine collocatis, & parte equitatus, inter leniter cum reliquis facere cœpit. ita, quanto longius ab opido discedebatur, tanto tardiores ad insequendum erant Numidæ. interim in itinere ex opidis & castellis legationes venire, polliceri frumentum, paratosque esse, quæ imperasset, facere. itaque eo die castra posuit ad opidum Ruspina. Kalendis Januar. inde movit, & pervenit ad opidum Leptin liberam civitatem & immunem. Legati ex opido veniunt obviam; libenter se omnia facturos, quæ vellet, pollicentur. Itaque, centurionibus ad portas opidi, & custodiis impositis, ne quis miles in opidum introiret, aut injuriam faceret cuipiam incolæ, non longe ab opido secundum litus facit castra. eodem naves onerariæ & longæ nonnullæ casu advenerunt. reliquæ, ut est ei nunciatum, incertæ locorum, Uticam versus petere visæ sunt. Interim Cæsar à mari non digredi, neque mediterranea petere, propter navium errorem; equitatumque in navibus omnem continere, ut arbitror, ne agri vastarentur; aquam in naves jubet comportari. Remiges interim, qui aquatum è navibus exierant, subito equites Mauri, neque opinantibus Cæsarianis, adorti multos jaculis convulneraverunt, nonnullos interfecerunt. latent enim in insidiis cum equis inter convalles, & subito existunt, non ut in campo cominus depugnent. Cæsar interim in Sardiniam nuncios cum literis, & in reliquas provincias finitimas dimittit, ut sibi auxilia, commeatus, frumentum, simul atque litteras legissent, mittenda curarent: exonerationisque partim navibus longis, Rabirium Postumum in Siciliam ad secundum commeatum accersendum mit-

mittit. Interim cum x navibus longis ad reliquas naves onerarias conquirendas, quæ decerassent, & simul mare tuendum ab hostibus, jubet proficisci. Item C. Sallustium Crispum prætorem ad Cercinam insulam versus, quam adversarii tenebant, cum parte navium ire jubet; quod ibi magnum numerum frumenti esse audiebat. Hæc ita imperabat, itaque unicuique præcipiebat, ut, fieri posset, necne, locum nullum excusatio haberet, nec moram tergiversatio. ipse interea ex perfugis & incolis, cognitis conditionibus Scipionis, & qui cum eo contra se bellum gerebant, miserari (Regium enim equitatum in provincia Africa Scipio alebat), tanta homines esse dementia, ut mallerent regis esse vestigales, quam cum civibus in patria in suis fortunis esse incolumes. Cæsar ad 111 Non. Jan. castra movet: Leptique vi cohortium præsidio cum Saserna relicto, ipse rursus, unde pridie venerat, Ruspinam cum reliquis copiis convertit: ibique sarcinis exercitus relictis, ipse cum expedita manu proficiscitur circum villas frumentatum; opidanisque imperat, ut plaustra jumentaque omnia sequantur. Itaque magno frumenti invento numero, Ruspinam redit. Hoc eum iccirco existimo fecisse, ne maritima opida post se vacua relinqueret, præsidioque firmata ad classim receptacula muniret. Itaque, ibi relicto P. Saserna, fratre ejus, quem Lepti proximo opido reliquerat cum legione, jubet comportari ligna in opidum quamplurima: ipse cum cohortibus vii, quæ ex veteranis legionibus in classe cum Sulpicio & Vatinio rem gesserant, ex opido Ruspina egressus; proficiscitur ad portum, qui abest ab opido millia passuum 11; ibique classem sub vesperum cum ea copia conscendit. omnibus in exercitu insciis, & requirentibus Imperatoris consilium; magno metu ac tristitia sollicitabantur. Parva enim cum copia, & ea tironum, neque omni exposita, in Africa contra magnas copias, & insidiosæ

natio-

nationis, equitatumque innumerabilem, se expositos videbant: neque quidquam solatii in praesentia, neque auxilium in suorum consilio animadvertabant, nisi in ipsius Imperatoris vultu, vigore, mirabilique hilaritate. animum enim altum & erectum praese gerebat. Huic acquiescebant homines, & in ejus scientia & consilio omnia sibi proclivia omnes fore sperabant. Caesar in navibus una nocte consumpta, jam caelo albente quum proficisci conaretur, subito navium pars, de qua timebat, ex errore eodem conferebatur. Hac re cognita Caesar celeriter de navibus imperat omnes egredi, atque armatos in litore reliquos advenientes milites expectare. Itaque sine mora navibus eis in portum receptis, & advectis militum equitumque copiis, rursus ad opidum Ruspinae redit, atque ibi castris constitutis, ipse cum cohortibus expeditis xxx frumentatum est profectus. ex eo est cognitum Caesaris consilium: illum cum classe navibus onerariis, quae deerrassent, subsidio ire clam hostibus voluisse; ne casu imprudentes suae naves in classem adversariorum inciderent: neque eam rem eos voluisse scire, qui in praesidiis relictis sui milites fuissent; ne illi propter suorum paucitatem, & hostium multitudinem, metu deficerent. Interim quum jam Caesar progressus esset à castris circiter millia passuum **III**, per speculatores & antecessores equites nunciatur ei, copias hostium haud longe à se visas. Et hercle cum eo nuncio pulvis ingens conspici coeptus est. Hac re cognita Caesar celeriter jubet equitatum universum, cujus copiam habuit in praesentia non magnam, & sagittarios, quorum parvus è castris exierat numerus, accersi, atque ordinatim signa se leniter consequi: ipse antecedere cum paucis armatis. Jamque quum procul hostis conspici posset, milites in campo jubet galeari, & ad pugnam parari. quorum omnino numerus fuit xxx cohortium cum equitibus **CD**, & sagittariis **. Hostes interim,

terim, quorum dux erat Labienus, & duo Pacidii, aciem dirigunt mirabili longitudine, non peditum, sed equitum confertam: & inter eos levis armaturæ Numidas & sagittarios pedites interposuerant: & ita condensaverant, ut procul Cæsariani pedestres copias arbitrarentur: & dextrum ac sinistrum cornu magnis equitum copiis firmaverant. Interim Cæsar aciem dirigit simplicem, ut poterat, propter paucitatem. sagittarios ante aciem constituit: equites dextro sinistroque cornu opponit: & ita præcipit, ut providerent, ne multitudine equitatus hostium circumvenirentur, existimabat enim se cum pedestribus copiis, acie instructa, dimicaturum. Quum utrimque expectatio fieret; neque Cæsar se moveret; & cum suorum paucitate contra magnam vim hostium artificio magis, quam viribus, decernendum videret; subito adversariorum equitatus sese extendere, & in latitudinem promovere, collesque complecti, & Cæsaris equitatum extenuare, simulque ad circumeundum comparare se cœperunt. Cæsariani equites eorum multitudinem ægre sustinebant. Acies interim mediæ quum concurrere conarentur, subito ex condensis turmis pedites Numidæ levis armaturæ cum equitibus procurrunt; & inter legionarios pedites jaculâ conjiciunt. hic quum Cæsariani in eos impetum fecissent; illorum equites refugiebant: pedites interim resistebant, dum equites rursus, cursu renovato, peditibus suis succurrerent. Cæsar novo genere pugnæ oblato, quum animadverteret ordines suorum in procurrendo turbari (pedites enim, dum equites longius à signis persequuntur, latere nudato, à proximis Numidis jaculis vulnerabantur, equites autem hostium pilum militis cursu facile vitabant), edicit per ordines, ne quis miles à signis xv pedes longius procederet. Equitatus interim Labieni suorum multitudine confusus, Cæsaris paucitatem circumire conatur. equites Juliani pauci, multitudine

ne hostium defessi, equis convulneratis, paullatim cedere: hostis magis magisque instare. ita puncto temporis omnibus legionariis ab hostium equitatu circumventis, Cæsarisque copiis in orbem compulsis, intra cancellos omnes coniecti pugnare cogebantur. Labienus in equo, capite nudo, versari in prima acie, simul suos cohortari, nonnumquam legionarios Cæsaris ita appellare: Quid tu, inquit, miles tiro, tam feroculus es? vos quoque iste verbis infatuavit. in magnum mehercule vos periculum impulit. misereor vestri. Tum miles, Non sum, inquit, tiro, Labiene, sed de legione x veteranus. Tum Labienus, Non agnosco, inquit, signa Decumanorum. Tum miles, Jam me, quis sim, intelliges. Simul cassidem de capite dejecit, ut cognosci ab eo posset; atque ita pilum viribus contortum dum in Labienum mittere contendit, equi graviter adverso pectori affixit; & ait: Labiene, Decumanum militem, qui te petit, scito esse. omnium tamen animi in terrorem coniecti, & maxime tironum. circumspicere enim Cæsarem, neque amplius facere, nisi hostium jacula vitare. Cæsar interim, consilio hostium cognito, jubet aciem in longitudinem quam maximam porrigi, & alternis converfis cohortibus, ut una post alteram ante signa tenderet. ita coronam hostium dextro sinistroque cornu mediam dividit; & unam partem ab altera exclusam, equitibus intrinsecus adortus, cum peditatu telis coniectis in fugam vertit: neque longius progressus, veritus insidias, se ad suos recipit. Idem altera pars equitum peditumque Cæsaris facit. His rebus gestis, & procul hostibus repulsis, convulneratisque, ad sua præsidia sese, sic, ut erat, instructus, recipere cœpit. Interim M. Petreius, & Cn. Piso cum equitibus Numidis & electis peditatuque ejusdem generis satis grandi, ex itinere recta subsidio suis occurrunt. At hostes, suis ex terrore firmatis, rursusque renovatis animis, legionarios con-

versis equitibus se recipientes novissimos adoriti , & impedire cœperunt , quo minus se in castra reciperent. Hac re animadversa, Cæsar jubet signa converti, & in medio campo redintegrari prælium. Quum ab hostibus eodem modo pugnaretur ; nec cominus ad manus rediretur ; Cæsariq; equites jumenta ex nausea recenti, siti, languore, paucitate, vulneribus defatigata , ad insequendum hostem perseverandumque cursum tardiora haberent ; dieique pars exigua jam reliqua esset ; cohortibus equitibusque circumdatis imperat , ut uno ictu contenderent , neque remitterent, donec ultra ultimos colles hostes repulissent, atque eorum essent potiti. itaque , signo dato , quum jam hostes languide negligerentque tela mitterent , subito immittit cohortes turmasque suorum : atque puncto temporis, hostibus nullo negotio campo pulsus, post collemque dejectis, nactus locum , atque ibi paullisper commorati , ita ut erant instructi , leniter se ad suas recipiunt munitiones. itemque adversarii male accepti tum demum se ad sua præsidia contulerunt. Interim ea re gesta , & prælio dirempto, ex adversariis perfugæ plures ex omni hominum genere, & præterea intercepti hostium complures equites peditesque : ex quibus cognitum est hostium consilium, eos hac mente & conatu venisse , ut novo atque inusitato genere prælii tirones , legionarii que pauci perturbati , Curionis exemplo ab equitatu circumventi opprimerentur: & ita Labienum dixisse pro concione ; tantam sese multitudinem auxiliorum adversariis subministraturum , ut etiam cadendo in victoria fatigati vincerentur , atque à suis superarentur: quippe qui in illorum sibi confideret multitudine; primum, quod audierat, Romæ legiones veteranas dissentire, neque in Africam velle transire; deinde, quod triennio in Africa suos milites consuetudine retentos fideles jam sibi effecisset ; maxima autem auxilia haberet Numidarum equitum levisque arma-

armaturæ. præterea ex fuga, prælioque Pompeiano, quos secum à Brundisio transportaverat; equites Germanos Gallosque, ibique postea ex hybridis libertinis servisque conscripserat, armaverat, equoque frenato uti condocuerat. præterea regia auxilia, elephantes cxx, equitatusque innumerabilis, deinde legiones conscriptæ ex cujusquemodi generis amplius xii millibus. Hac spe atque ea audacia inflammatus Labienus, cum equitibus Gallis Germanisque ∞ dc, Numidarum sine fienis iix millibus, præterea Petreiano auxilio adhibito equitibus ∞ c, peditum ac levis armaturæ quater tantis, sagittariis ac funditoribus, hippotoxotisque compluribus; his copiis pridie Non. Jan. post diem tertium quam Africam attigit, in campis planissimis purissimisque, ab hora diei quinta ad solis occasum est decertatum. In eo prælio Petreius graviter ictus ex acie recessit. Caesar interim castra munire diligentius, præsidia firmare majoribus copiis, vallumque ab opido Ruspina usque ad mare deducere, & à castris alterum eodem; quo tutius ultro citroque commeari, auxiliaque sine periculo sibi succurrere possent: tela tormentaque ex navibus in castra comportare, remigum partem ex classe Gallorum, Rhodiorumque, Epibatarumque, armare, & in castra evocare; uti, si posset, eadem ratione, qua adversarii, levis armatura interjecta inter equites suos interponeretur. sagittariisque ex omnibus navibus Ityreis, Suriis, & cujusque generis ductis in castra compluribus, frequentabat suas copias. audiebat enim, Scipionem post diem tertium ejus diei, quo prælium factum erat, appropinquare, copias suas cum Labieno & Petreio conjungere. cujus copiarum legionum iix, & equitum iv millium esse nunciabantur. officinas ferrarias instruere; sagittasque & tela uti fierent complura, curare; glandes fundere, sudes comparare; litteras in Siciliam nuncios-

ciosque mittere , ut sibi crates materiemque congererent , ad arietes , cujus inopia in Africa esset : præterea ferrum plumbumque mitteretur. & animum etiam advertibat , frumento se in Africa nisi importatio uti non posse. priore enim anno , propter adversariorum delectus , quod stipendiarii aratores milites essent facti , messem non esse factam : præterea ex omni Africa frumentum adversarios in pauca opida & bene munita comportasse, omnemq; regionem Africæ exinanisse frumento : opida , præter pauca quæ ipsi suis præsidiis tueri poterant , reliqua dirui atque deleri, & eorum incolas intra sua præsidia coëgisse commigrare , agros desertos ac vastatos esse. Hac necessitate Cæsar coactus privatos ambiendo & blande appellando aliquantulum frumenti numerum in sua præsidia congesserat; & eo parce utebatur. Opera interim ipse quotidie circumire , & alternas cohortes in statione habere propter hostium multitudinem. Labienus saucios suos, quorum numerus maximus fuit , jubet in plostris deligatos Adrumetum deportari. Naves interim Cæsaris onerariæ errundæ male vagabantur, incertæ locorum atque castrorum suorum: quas singulas scaphæ adversariorum complures adortæ incenderant atque expugnaverant. Hac re nunciata Cæsari , classes circum insulas portusq; disposuit; quo tutius comineatus supportari posset. M. Cato interim, qui Uticæ præerat, Cn. Pompeium filium multis verbis, assidueq; objurgare non desistebat. Tuus , inquit, pater, istuc ætatis quum esset , & animadvertisset Remp. ab audacibus sceleratisque civibus oppressam , bonosque aut interfectos aut exilio multatos patria civitateque carere; gloria & animi magnitudine elatus, privatus, atque adolescentulus, paterni exercitus reliquiis collectis , pene oppressam funditus & deletam Italian, urbemque Romanam , in libertatem vindicavit : idemque Siciliam , Africam , Numidiam,

Mau-

Mauritaniam mirabili celeritate armis recepit. Quibus ex rebus sibi eam dignitatem, quæ est per gentes clarissima notissimæque, conciliavit; adolescentulusque, atque eques Romanus triumphavit. atque ille non ita amplis rebus patris gestis, neque tam excellenti majorum dignitate [parta,] neque tantis clientelis, nominisque claritate præditus, in Reimp. est ingressus. tu contra & patris nobilitate & dignitate, & per te ipse satis animi magnitudine diligentiaque præditus nonne eniteris, & proficisceris ad paternas clientelas, auxilium tibi, Reique publicæ, atque optimo cuique efflagitatum? His verbis hominis gravissimi incitatus adolescentulus cum naviculis cujusquemodi generis xxx, inibi paucis rostratis, profectus ab Utica est in Mauritaniam, regnumque Bogudis est ingressus: expeditoque exercitu, numero servorum, liberorum, 11 millium, cujus partem inermem, partem armatam habuerat, ad opidum Ascurum accedere cœpit: in quo opido præsidium fuit regium. Pompeio adveniente, opidani usque eo passi propius eum accedere, donec ad ipsas portas ac murum appropinquaret, subito eruptione facta prostratos perterritosque Pompeianos in mare passim navesque compulerunt. Ita re male gesta Cn. Pompeius filius naves inde avertit, neque postea litus attigit; classemque ad insulas Baleares versus convertit. Scipio interim cum iis copiis, quas paullo ante demonstravimus, Uticæ grandi præsidio relicto, profectus primum Adrumeti castra ponit: deinde ibi paucos dies commoratus, noctu itinere facto, cum Petreii & Labieni copiis se conjungit; atque unis castris factis, 111 millia passuum longe confidunt. Equitatus interim eorum circum Cæsaris munitiones vagari, atque eos, qui pabulandi aut aquandi gratia extra vallum progressi essent, excipere. ita omnes adversarios intra munitiones continere. qua re Cæsariani gravi annona sunt conflictati;

ideo quod nondum neque ab Sicilia, neque ab Sardinia commectus supportatus erat; neque per anni tempus in mari classes sine periculo vagari poterant; neque amplius millia passuum VI terræ Africæ quoquo versus tenebant, pabulique inopia premebantur. Qua necessitate coacti veterani milites, equitesque, qui multa terra marique bella confecerant, & periculis inopiaque tali sæpe essent conflictati, alga è litore collecta, & aqua dulci eluta, & ita jumentis esurientibus data, vitam eorum producebant. Dum hæc ita fierent, rex Juba, cognitis Cæsaris difficultatibus, copiarumque paucitate, non est visum dari spatium convalescendi, augendarumque ejus opum. itaque comparatis equitum magnis peditumque copiis, subsidio suis, egressus è regno, ire contendit. P. Silius interim, & rex Bogud, conjunctis suis copiis, cognito regis Jubæ egressu, propius ejus regnum copias suas admove: Cirtamque opidum ejus regni opulentissimum adorti paucis diebus pugnando capiunt; & præterea duo opida Getulorum. quibus quum conditionem ferrent, ut opido excederent, idque sibi vacuum transferrent, conditionemque repudiascent, postea ab eis capti interfectique sunt omnes. inde progressi agros opidamque vexare non desistunt. Quibus rebus cognitis Juba, quum jam non longe à Scipione atque ejus ductibus abesset, capit consilium, satius esse sibi suoque regno subsidio ire, quam dum alios adjuturus proficisceretur, ipse suo regno expulsus, forsitan utraque re expelleretur. itaque rursus se recepit, atque auxilia à Scipione etiam abduxit, sibi suisque rebus timens: elephantisque xxx relictis, suis finibus opidisque suppetias profectus est. Cæsar, quum de suo interim adventu dubitatio in provincia esset; neque quisquam crederet ipsum, sed aliquem legatum cum copiis in Africam venisse; conscriptis litteris circum provinciam, omnes civitates facit de suo adven-

adventu certiores. Interim nobiles homines ex suis opidis profugere, & in castra Cæsaris devenire, & de adversariorum ejus acerbitate crudelitatemque commemorare cœperunt. quorum lacrimis querelisque Cæsar commotus, quum antea constitisset in stativis castris, æstate inita cunctis copiis auxiliisque accitis bellum cum adversariis gerere instituit; litterisque celeriter in Siciliam ad Allienum & Rabinum Postumum conscriptis, & per catastropum missis, ut sine mora, aut ulla excusatione hiemis ventorumque, exercitus sibi quam celerrime transportaretur: Africam provinciam perire, funditusque everti à suis inimicis: quod nisi celeriter sociis foret subventum, præter ipsam Africam terram nihil, ne tectum quidem, quo se reciperent, ab illorum scelere insidiisque reliquum futurum. atque ipse in tanta erat festinatione & expectatione, ut postero die quam misisset litteras nunciumque in Siciliam, classem exercitumque morari diceret, noctes diesque oculos mentemque ad mare dispositos directosque haberet. nec mirum. animadvertibat enim villas exuri, agros vastari, pecus diripi trucidarique, opida castellaque dirui deserique, principesque civitatum aut interfici, aut in catenis teneri, liberos eorum obsidum nomine in servitute abripi. Iis se in miseriis, suamque fidem implorantibus auxilio propter copiarum paucitatem esse non posse. Milites interim in opere exercere, castra munire, turres, castella facere, molesque jacere in mare non intermittere. Scipio interim elephantes hoc modo condocere instituit. II instruxit acies: unam funditorum contra elephantos, quæ quasi adversariorum locum obtineret, & contra eorum frontem adversam lapillos minutos mitteret: deinde in ordinem elephantos constituit. post illos autem aciem suam instruxit; ut, quum ab adversariis lapides mitti cœpissent, & elephanti perterriti se ad suos convertissent, rursus à

sua acie lapidibus missis eos converterent adversum hostem; quod ægre tardeque fiebat. rudes enim elephanti multorum annorum doctrina, usuque vetusto vix edocti, tamen communi periculo in aciem producuntur. Dum hæc ad Ruspina ab utrisque ducibus administrantur, C. Virgilius Prætorius, qui Thapso opido maritimo præerat, quum animadvertisset naves singulas cum exercitu Cæsaris incertas locorum atque castrorum suorum vagari, occasionem nactus, navem, quam ibi habuit actuariam, complet militibus & sagittariis: eidem scaphas de navibus adjungit; ac singulas naves Cæsarianas confectari cœpit: & quum plures adortus, pullus fugatusque inde discessisset, nec tamen desisteret periclitari, forte incidit in navem, in qua erant duo Titi Hispani adolescentes, tribuni legionis v, quorum patrem Cæsar in senatum legerat, & cum his T. Sallienus centurio legionis ejusdem, qui M. Messallam legatum obsederat Messanæ, & seditiosissima oratione apud eum est usus: ideoque & pecuniam, & ornamenta triumphi Cæsaris retinenda & custodienda curaverat: & ob has causas timebat sibi. hic propter conscientiam peccatorum suorum persuasit adolescentibus ne repugnarent, seseque Virgilio transferrent. itaque deducti à Virgilio ad Scipionem, custodiibus traditi, & post diem III sunt interfecti. Qui quum ducerentur ad necem, petisse dicitur major Titus à centurionibus, uti se priorem, quam fratrem, interficerent; idque ab eis facile impetrasse, atque ita esse interfectos. Turmæ interim equitum, quæ pro vallo in stationibus esse solebant, ab utrisque ducibus quotidie minutis præliis inter se pugnare non intermittunt. nonnunquam etiam Germani Gallique Labieniani cum Cæsaris equitibus, fide data, inter se colloquebantur. Labienus interim cum parte equitatus Leptim opidum, cui præerat Saserena cum cohortibus III, oppugnare, ac vi irrumpe-

re, conabatur: quod à defensoribus propter egregiam munitionem opidi, & tormentorum multitudinem, facile & sine periculo defendebatur. quod ubi ejus facere equitatus sapius non intermittebat; & quum forte ante portam turma densa adstitisset; scorpione accuratius misso, atque eorum decurione percusso, & * ad Decumanam defixo, reliqui perterriti, fuga se in castra recipiunt. Quo facto postea sunt deterriti opidum tentare. Scipio interim fere quotidie non longe à suis castris passibus ccc instruere aciem, ac majore diei parte consumpta, rursus se in castra recipere. Quod quum sapius fieret, neque ex Cæsaris castris quisquam prodiret, neque propius ejus copias accederet: despecta patientia Cæsaris exercitusque ejus, universis copiis productis, elephantisq; turritis xxx ante aciem instructis, quam latissime potuit porrecta equitum peditumque multitudine, uno tempore progressus, haud ita longe à Cæsaris castris constitit in campo. Quibus rebus cognitis Cæsar jubet milites, qui extra munitiones processerant, quique pabulandi, aut lignandi, aut etiam muniendi gratia vallum petierant, quæque ad eandem rem opus erant, omnes intra munitiones minutatim modesteque sine tumultu aut terrore se recipere, atque in opere consistere: equitibus autem, qui in statione fuerant, præcipit, ut usque eo locum obtinerent, in quo paullo ante constitissent, donec ab hoste missum telum ad se perveniret: quod si propius accederetur, quam honestissime se intra munitiones reciperent. alii quoque equitatui edicit, uti quisque suo loco paratus armatusque præsto esset. at hæc non ipse per se coram, quum de vallo perspecularetur, sed mirabili peritus scientia bellandi, in pratorio sedens, per speculatores & nuncios imperabat, quæ fieri volebat. animadvertēbat enim, quamquam magnis essent copiis adversarii freti, tamen sæpe à se fugatis, pulsis, perterritisque & con-

cellam vitam, & ignota peccata. quibus rebus numquam tanta suppeteret ex ipsorum inertia conscientiaque animi victoriæ fiducia, ut castra sua adoriri auderent. præterea ipsius nomen auctoritasque magna ex parte eorum exercitus minuebat audaciam. tum egregiæ munitiones castrorum, & valli fossarumque altitudo, & extra vallum styli cæci, mirabilem in modum confiti, vel sine defensoribus aditum adversariis prohibebant. scorpionum, catapultarum, ceterorumque telorum, quæ ad defendendum solent parari, magnam copiam habebat. atque hæc propter exercitus sui præsentis paucitatem & tirocinium præparaverat, non hostium vi & metu commotus. patientem se, timidumque hostium opinioni præbebat. neque iccirco copias, quamquam erant paucae, tironumque, non educebat in aciem, quod victoriæ suorum diffideret: sed referre arbitrabatur cujuscumque victoria esset futura. turpe enim sibi existimabat, tot rebus gestis, tantisque exercitibus devictis, tot tam clavis victoriis partis, ab reliquis copiis adversariorum suorum ex fuga collectis, se cruentam adeptum existimari victoriam. itaque constituerat gloriam exultationemque eorum pati, donec sibi veteranarum legionum pars aliqua in secundo comœatu occurrisset. Scipio interim paulisper, ut ante dixi, in eo loco commoratus, ut quasi despexisse Cæsarem videretur, paullatim reducit suas copias in castra, & concione advocata, de terrore suo, desperationeque exercitus Cæsaris verba facit; & cohortatus suos, victoriam propriam se eis brevi datum pollicetur. Cæsar jubet milites rursus ad opus redire, & per causam munitionum, tirones in labore defatigare non intermittit. interim Numidæ Getulique diffugere quotidie ex castris Scipionis, & partim in regnum se conferre, partim, quod ipse majoresque eorum beneficio C. Marii usi fuissent, Cæsaremque ejus affinem esse audiebant, in ejus castra per-

perfugere catevati non intermittunt. quorum ex numero electis hominibus, illustriores Getulos, litteris ad suos cives datis cohortatus, ut manu facta, se suosque defenderent, & ne suis inimicis adversariisque dicto audientes essent, mittit. Dum hæc ad Ruspinam fiunt, legati ex Acilla civitate libera, etiam undique ad Cæsarem veniunt; seque paratos, quæcumque imperasset, & libenti animo facturos pollicentur: tantum orare & petere ab eo, ut sibi præsidium daret, quo tutius id, & sine periculo facere possent: se & frumentum, & quæcumque res eis suppeteret, communis salutis gratia subministraturos. Quibus rebus facile à Cæsare impetratis, præsidioque dato, C. Messium ædilitia functum potestate Acillam jubet proficisci. Quibus rebus cognitis Confidius Longus, qui Adrumeti cum 11 legionibus, & equitibus dec præerat, celeriter, ibi parte præsidii relicta, cum 11 cohortibus Acillam ire contendit. Messius celerius itinere confecto prior Acillam cum cohortibus pervenit. Confidius interim, quum ad urbem cum copiis accessisset, & animadvertisset præsidium Cæsaris ibi esse, non ausus periculo suo rem facere, nulla re gesta pro multitudine hominum, rursus Adrumetum se recipit: deinde paucis post diebus, equestribus copiis à Labieno adductis, rursus Acillanos castris positos obsidere cœpit. Per id tempus C. Sallustius Crispus, quem paucis ante diebus missum à Cæsare cum classe demonstravimus, Cercinnam pervenit. cujus adventu C. Decimius quæstorius, qui ibi cum grandi familiæ suæ præsidio præerat com meatui, parvulum navigium nactus conscendit, ac se fugæ commendat. Sallustius interim prætor à Cercinnatibus receptus, magno numero frumenti invento, naves onerarias, quarum ibi satis magna copia fuit, complet, atque in castra ad Cæsarem mittit. Allienus interim proconsul è Lilybæo in naves onerarias imponit legiones XIIII, &

XIV, & equites Gallos DCCC; funditorum, sagittariorumque mille, ac secundum commeatum in Africam mittit ad Cæsarem: quæ naves, ventum secundum noctæ, IV die in portum ad Ruspina, ubi Cæsar castrâ habuerat, incolumes pervenerunt. ita Cæsar duplici latitia ac voluptate uno tempore actus, frumento auxiliisque, tandem suis exhilaratis, annonæque levata sollicitudine, deponit legiones; equitesque ex navibus egressos jubet ex languore nauseaque reficere; dimissos in castella munitionesque disponit. Quibus rebus Scipio, quique cum eo essent comites, mirari, & requirere: C. Cæsarem, qui ultro consueffet bellum inferre, ac laceessere prælio, subito commutatum non sine magno consilio suspicabantur. itaque ex ejus patientia in magnum timorem conjecti ex Getulis duos, quos arbitrabantur suis rebus amicissimos, magnis præmiis pollicitationibusque propositis, pro perfugis speculandi gratia in Cæsaris castra mittunt. qui simul ad eum sunt deducti, petierunt, ut sibi liceret sine periculo verba proloqui. Potestate facta, sæpenumero, inquiunt, Imperator, complures Getuli; qui sumus clientes C. Marii, & propemodum omnes cives Romani, qui sunt in legione IV & VI, ad te voluimus, in tuaque præsidia confugere; sed custodiis equitum Numidarum, quo id sine periculo minus faceremus, impediēbamur: nunc data facultate pro speculatoribus missi à Scipione ad te cupidissime venimus, ut perspiceremus, num quæ fossæ, aut insidiæ elephantis ante castra portasque valli factæ essent; simulque consilia vestra contra easdem bestias, comparationemque pugnæ cōnosceremus, atque ei renunciaremus. Qui collaudati à Cæsare, stipendioque donati, ad reliquos perfugas deducuntur. quorum orationem eeleriter veritas comprobavit. namque postero die ex legionibus iis, quas Getuli nominaverunt, milites legionarii complures à Scipione in castra Cæsaris per-

fuge-

fugerunt. Dum hæc ad Ruspinam geruntur, M. Cato, qui Uticæ præerat, delectus quotidie libertinorum, Afrorum, servorum denique, & cujusque modi generis hominum, qui modo per ætatem arma ferre poterant, habere, atque sub manum Scipionis in castra submittere non intermittit. Legati interim ex opido Tisdro, in quo tritici modium millia ccc. composita fuerant à negotiatoribus Italicis, aratoribusque, ad Cæsarem venire; quantaque copia frumenti apud se sit, docent; simulque orant, ut sibi præsidium mittat, quo facilius & frumentum, & copię suæ conserventur. Quibus Cæsar in præsentia gratias agit; præsidiumque brevi tempore se missurum dicit; cohortatusque ad suos cives jubet proficisci. P. Silius interim cum copiis Numidiæ fines ingressus, castello in montis loco munito locato, in quod Juba belli gerendi gratia & frumentum, & res ceteras, quæ ad bellum usui solent esse, compositaverat, vi expugnando, est potitus. Cæsar, postquam legionibus veteranis 11, equitatu levique armatura copias suas ex secundo comineatu auxerat, naves vi onerarias statim jubet Lilybaeum ad reliquum exercitum transportandum proficisci: ipse vi Kal. Febr. circiter vigilia prima imperat speculatores apparitoresque omnes ut sibi præsto essent: itaque, omnibus insciis, neque suspicantibus, vigilia tertia jubet omnes legiones ex castris educi, atque se consequi ad opidum Ruspinam versus, in quo ipse præsidium habuit, & quod primum ad amicitiam ejus accessit: inde parvulam proclivitatem digressus, sinistra parte campi propter mare legiones ducit. hic campus mirabili planicie patet millia passuum xv: quem jugum ingens à mari ortum, neque ita præaltum, velut theatri efficit speciem. in hoc jugo colles sunt excelsi pauci; in quibus singulæ turres speculæque singulæ perveteres erant collocatæ; quarum apud ultimam præsidium & statio fuit Scipionis. Postquam Cæsar ad jugum, de quo docui, ascendit; atque in

unumquemque collem turres castellaque facere cœpit; atque ea minus semihora efficit; & postquam non ita longe ab ultimo colle turrique fuit, quæ proxima fuit castris adversariorum, in qua docui esse præsidium stationemque Numidarum; paulisper commoratus, perspectaque natura loci, equitatu in statione disposito, legionibus opus attribuit; brachiumque medio jugo ab eo loco, ad quem pervenerat, usque ad eum, unde egressus erat, jubet dirigi ac muniri. quod postquam Scipio Labienusque animadverterunt, equitatu omni ex castris educto, acieque equestri instructa, à suis munitionibus circiter passus ∞ progrediuntur, pedestremque copiam in secunda acie minus passus ∞ à castris suis constituunt. Cæsar in opere milites adhortari, neque adversariorum copiis moveri. jam quum non amplius passuum MD inter hostium aciem suasque munitiones esse animadvertisset; intellexissetque ad impediendos milites suos, & ab opere depellendos hostem propius accedere; necesseque haberet legiones à munitionibus deducere; imperat turmæ Hispanorum, ut ad proximum collem propere accurrerent, præsidiumque inde deturbarent, locumque caperent; eodemque jubet levis armaturæ paucos consequi subsidio. qui missi celeriter, Numidas adorti partim vivos capiunt, nonnullos equites fugientes convulneraverunt, locoque sunt potiti. Postquam id Labienus animadvertit, quo celerius iis auxilium ferret, ex acie instructa equitatus sui prope totum dextrum cornu avertit, atque suis fugientibus suppetias ire contendit. quod ubi Cæsar conspexit, Labienum ab suis copiis longius abscessisse; equitatus sui alam sinistram ad intercludendos hostes immisit. Erat in eo campo, ubi ea res gerebatur, villa permagna turribus exstructa, quæ Labieni prospectum impediebat, ne posset animadvertere ab equitatu Cæsaris se intercludi. itaque non prius vidit turmas Julianas, quam

quam suos cædi à tergo sensit. ex qua re subito in terrorem converso equitatu Numidarum, recta in castra fugere contendit. Galli Germanique, qui restiterant, ex superiore loco & post tergum circumventi, fortiterque resistentes conciduntur universi. Quod ubi legiones Scipionis, quæ pro castris erant instructæ, animadverterunt; metu ac terrore obcæcatæ, omnibus portis in sua castra fugere cœperunt. Postea Scipione ejusque copiis campo collibusque exturbatis, atque in castra compulsis, quum receptui Cæsar cani jussisset, equitatumque omnem intra suas munitiones recepisset, campo purgato, animadvertit mirifica corpora Gallorum Germanorumque, qui partim ejus auctoritatem erant ex Gallia secuti, partim pretio pollicitationibusque adducti ad eum se contulerant: nonnulli qui ex Curionis prælio capti conservatique parem gratiam in fide partienda præstare voluerunt. horum corpora mirifica specie amplitudineque, cæsa toto campo, ac prostrata diverse jacebant. His rebus gestis, postero die Cæsar ex omnibus præsidiis cohortes deducit, atque omnes suas copias in campo instruxit. Scipio, suis male acceptis, occisis vulneratisque, intra suas continere se munitiones cœpit. Cæsar instructa acie secundum infimas jugi radices propius munitiones leniter accessit. jamque minus ^{est} passuum ab opido Uzita, quod Scipio tenebat, aberant legiones Julianæ: quum Scipio veritus, ne opidum amitteret, unde aquari, reliquisque rebus sublevari ejus exercitus consueverat; eductis omnibus copiis, quadruplici acie instructa, ex instituto suo, prima equestri turmatim directâ, elephantisque turritis interpositis, armatisque, suppetias ire contendit. Quod ubi Cæsar animadvertit, arbitratus Scipionem ad dimicandum paratum ad se certo animo venire, in eo loco, quo paullo ante commemoravi, ante opidum constitit, suamque aciem mediam eo opido

textit. dextrum sinistrumque cornu, ubi elephanti erant, in conspectu patenti adversariorum constituit. Quum jam prope solis occasum Cæsar exspectavisset, neque ex eo loco, quo constiterat, Scipionem progredi propius se animadvertisset, locoque se magis defendere, si res coëgisset, quam in campo cominus consistere audere; non est visa ratio propius accedendi eo die ad opidum; quoniam ibi præsidium grande Numidarum esse cognoverat, hostesque mediam aciem suam opido texisse; sibi que difficile factu esse intellexit, simul & opidum uno tempore oppugnare, & in acie in cornu dextro, & sinistro; ex iniquiore loco, pugnare. præsertim quum milites à mane diei jejuni sub armis stetissent defatigati. itaque reductis suis copiis in castra, postero die propius eorum aciem instituit exporrigere munitiones. Interim Confidius, qui Acillam, & 11x cohortes stipendiarias Numidis Getulisque obsidebat, ubi C. Messius cohortibus præerat, diu multumque expertus, magnisque operibus sæpe admotis, & iis ab opidanis incensis, quum proficeret nihil, subito nuncio de equestri prælio allato commotus, frumento, cujus in castris copiam habuerat, incenso, vino, oleo, ceterisque rebus, quæ ad victum parari solent, corruptis, Acillam, quam obsidebat, deseruit; atque itinere per regnum Jubæ facto, copias cum Scipione partitus Adrumetum se recipit. interea ex secundo commeatu, quem à Sicilia miserat Allienus, navis una, in qua fuerat Q. Cominius, & L. Ticide eques Romanus, ab residua classe quum erravisset, delataque esset vento ad Thapsum, à Virgilio scaphis naviculisque actuariis excepta est, & ad Scipionem deducta. Item altera navis triremis ex eadem classe errabunda, ac tempestate ad Ægimurum delata à classe Vari & M. Octavii est capta: in qua milites veterani cum uno centurione, & nonnulli tirones fuerunt: quos Varus asservatos sine

con-

contumelia deducendos curavit ad Scipionem. qui, postquam ad eum pervenerunt, & ante suggestum ejus constiterunt, Non vestra, inquit, sponte vos, certo scio, sed illius scelerati vestri imperatoris impulsu & imperio coactos, cives & optimum quemque nefarie consecrari. quos quoniam fortuna in nostram detulit potestatem, si, id quod facere debetis, Rempublicam cum optimo quoque defenditis, certum est vobis vitam & pecuniam donare: quapropter, quid sentiat, proloquimini. Hac habita oratione, Scipio, quum existimasset pro suo beneficio sine dubio ab iis gratias sibi actum iri, potestatem iis dicendi fecit. Ex eis Centurio legionis XIV, Pro tuo, inquit, summo beneficio, Scipio, tibi gratias ago (non enim imperatorem te appello), quod mihi vitam incolunitatemque belli jure capto polliceris: & forsan isto uterer beneficio, si non ei summum scelus adjungeretur. Egone contra Cæsarem imperatorem meum, apud quem ordinem duxi, ejusque exercitum, pro cuius dignitate victoriaque amplius xxxvi annis depugnavi, adversus armatusque consistam? Neque ego istud facturum sum, & te magnopere, ut de negotio desistas, adhortor. contra cuius enim copias contendas, si minus antea expertus es, licet nunc cognoscas: elige ex tuis cohortem unam, quam putas esse firmissimam, & constitue contra me. ego autem ex meis commilitonibus, quos nunc in tua tenes potestate, non amplius x sumam. tunc ex virtute nostra intelliges, quid ex tuis copiis sperare debeas. Postquam hæc centurio præsentis animo adversus opinionem ejus est locutus; ira percitus Scipio, atque animo dolore incensus annuit centurionibus quid fieri vellet: atque ante pedes centurionem interfecit, reliquosque veteranos à tironibus jubet secerari. Abducite, inquit, istos, nefario scelere contaminatos, & cæde civium saginatos. sic extra vallum deducti sunt, & cruciabiliter interfecti. Tirones

nes autem jubet inter legiones dispersi , & Cominium cum Tida in conspectum suum prohibet adduci. Qua ex re Cæsar commotus , eos, quos in stationibus cum longis navibus apud Thapsum custodiæ causâ in salvo esse jusserat , ut suis onerariis longisque navibus præsidio essent , ob negligentiam ignominie causâ dimittendos ab exercitu , gravissimumque in eos edictum proponendum curavit. Per id tempus fere Cæsaris exercitui res accidit incredibilis auditu. namque Virgiliarum signo confecto, circiter vigilia secunda noctis , nimbus cum saxea grandine subito est exortus ingens. Ad hoc autem incommodum accesserat , quod Cæsar , non more superiorum imperatorum , in hibernis exercitum continebat , sed in tertio quartoque die procedendo , propiusque hostem accedendo , castra communiebat ; opereque faciendo, milites se circumspiciendi non habebant facultatem. Præterea ita ex Sicilia exercitum transportaverat , ut præter ipsum militem & arma , neque vas , neque mancipium , neque ullam rem, quæ usu militi esse consuevit, in navem imponi pateretur. in Africam autem non modo sibi quidquam non adquisierant aut paraverant ; sed etiam , propter annonæ caritatem , ante parata consumpserant. Quibus rebus attenuati, opido perquam pauci sub pellibus acquiescebant. reliqui ex vestimentis tentoriolis factis , atque arundinibus scopisque contextis , permanebant. itaque , subito imbre grandineque consecuta , gravati pondere , tenebris, aquaque omnes subruti disiectique , nocte intempesta , ignibus extinctis , rebusque ad victum pertinentibus omnibus corruptis , per castra passim vagabantur , scutisque capita contegebant. Eadem nocte v legionis pilorum cacumina sua sponte arserunt. Rex interim Juba de equestri prælio Scipionis certior factus , evocatusque ab eodem litteris , præfecto Sabura cum parte exercitus contra Sitium relicto,

relictò, ut sic, quum ipse aliquid auctoritatis haberet, exercitus Scipionis à terrore Cæsaris liberaretur, cum IIII legionibus, equitibusque frenatis DCCC, Numidis sine frenis, peditibusque ejus armaturæ grandi numero, elephantisque xxx, egressus è regno ad Scipionem est profectus. Postquam ad eum pervenit, castris regiis scorsum positis, cum eis copiis, quas commemoravi, haud ita longe à Scipione consedit. Erat in castris Cæsaris superiori tempore magnus terror, & exspectatione copiarum regiarum, exercitus ejus magis suspensiore animo ante adventum Jubæ commovebatur. Postquam vero castra castris contulit; despectis ejus copiis, omnem terrorem deponit. ita, quam antea absens habuerat auctoritatem, eam omnem præsens dimiserat. quo factò facile fuit intellectu, Scipioni additum animum fiduciamque regis adventu. nam postero die universas suas regisque copias cum elephantis LX productas in aciem, quam speciosissime potuit, instruxit; ac paullo longius progressus à suis munitionibus, haud ita diu commoratus, se recepit in castra. Cæsar postquam animadvertit Scipioni auxilia fere, quæ expectasset, omnia convenisse, neque moram pugnandi ullam fore, per jugum summum cum copiis progredi cœpit, & brachia protinus ducere, & castella munire, propiusque Scipionem capiendo loca excelsa occupare contendit. Adversarii magnitudine copiarum confisi proximum collem occupaverunt, atque ita longius sibi progrediendi eripuerunt facultatem. ejusdem collis occupandi gratia Labienus consilium ceperat; &, quo propiore loco fuerat, eo celerius occurrerat. Erat convallis satis magna latitudine, altitudine prærupta, crebris locis speluncæ in modum subruis: quæ erant transgrediendæ Cæsari ante, quam ad eum collem, quem capere volebat, perveniretur: ultraque eam convallem olive-

tum vetus crebris arboribus condensum. Hic quum Labienus animadvertisset, Cæsarem, si vellet eum locum occupare, prius necesse esse convallem olivetumque transgredi, eorum locorum peritus in insidiis cum parte equitatus, levique armatura confedit: & præterea post montem collesque, equites in occulto collocaverat; ut, quum ipse ex improvviso legionarios adortus esset, ex colle se equitatus ostenderet, & re duplici perturbatus Cæsar, ejusque exercitus, neq; retro regrediundi, neque ultra procedendi oblata facultate, circumventus concideretur. Cæsar, equitatu ante præmissio, inscius insidiarum, quum ad eum locum venisset, abusi, sive obliti præceptorum Labieni, sive veriti, ne in fossa ab equitibus opprimerentur, rari, ac singuli de rupe prodire, & summa petere collis. Quos Cæsaris equites consecuti partim interfecerunt, partim vivorum sunt potiti. deinde protinus collem petere contenderunt, atque cum, decusso Labieni præsidio, celeriter occupaverunt. Labienus cum parte equitum vix fuga sibi peperit salutem. Hac re per equites gesta, Cæsar legionibus opera distribuit, atque in eo colle, quo erat potitus, castra munivit. deinde ab suis maximis castris per medium campum, è regione opidi Uzitæ, quod inter sua castra, & Scipionis, in planitia positum erat, tenebaturque à Scipione, duo brachia instituit duci, & ita erigere, ut ad angulum dextrum sinistrumque ejus opidi convenirent. id hac ratione opus instruebat, ut, quum propius opidum copias admovisset, oppugnareque cœpisset, testa latera suis munitionibus haberet, ne ab equitatus multitudine circumventus ab oppugnatione detereretur: præterea, quo facilius colloquia fieri possent, & si qui perfrugere vellet, id quod antea sæpe accidebat magno cum eorum periculo, tum facile & sine periculo fieret. voluit etiam experiri, quum propius hostem accessisset, haberetne in animo dimicare. Accedebat etiam
ad

ad reliquas cauſſas , quod is locus depreſſus erat, puteique ibi nonnulli fieri poterant. Aquatione enim longa & anguſta utebatur. Dum hæc opera, quæ ante dixi, fiebant à legionibus, interim pars aciei ante opus inſtructa ſub hoſte ſtabat. Equites barbari leuiſque armaturæ, præliis minâtiſ cominus dimicabant. Cæſar ab eo opere quum jam ſub veſperum copias in caſtra reduceret; magno incurſu, cum omni equitatu, leuiq; armatura, Juba, Scipio, Labienus in legionarios impetum fecerunt. Equites Cæſariani vi uniuerſæ ſubitaque hoſtium multitudinis pulſi parumper ceſſerunt. quæ res aliter aduerſariis cecidit. namq; Cæſar ex medio itinere copiis reductis, equitibus ſuis auxilium tulit. Equites autem, adventu legionum animo addito, conuerſis equis in Numidas cupide inſequentes diſperſosque impetum fecerunt, atque eos convulneratos uſque in caſtra regia repulerunt, multosque ex iis interfecerunt. quod ni in noctem prælium eſſet coniectum; pulviſque vento flatuſ omnium proſpectu offeciſſet; Juba cum Labieno capti in poteſtatem Cæſaris veniſſent; equitaſque cum levi armatura funditus ad interneccionem deletus eſſet. Interim incredibiliter ex legionibus **IV** & **VI** Scipionis milites diffugere, partim in caſtra Cæſaris, partim in quas quiſque poterat legiones pervenire. itemque equites Curiani diſſiſi Scipioni ejusque copiis, complures ſe eodem conferebant. Dum hæc circum Uzitam ab utriſque ducibus adminiſtrantur, legiones duæ, **IX** & **X**, ex Sicilia navibus onerariis proſectæ, quum jam non longe à portu Ruſpinæ abeſſent, conſpicatæ naves Cæſarianas, quæ in ſtatione apud Thapſum ſtabant, veriti, ne in aduerſariorum, ut inſidiandi gratia ibi commorantium, claſſem inciderent, imprudentes vela in altum dederunt; ac diu multumque jaçtati tandem multis poſt diebus ſiti inopiaque confecti ad Cæſarem pervenerunt. Quibus legionibus expoſitis, memor

in

in Italia pristinae licentiae militaris ac rapinarum certorum hominum , parvulam modo caussulam nactus Cæsar , quod C. Avienus Tribunus mil. x legionis navem commeatu , familia sua atque jumentis occupavisset , neque militem unum ab Sicilia sustulisset ; postero die de suggestu , convocatis omnium legionum tribunis centurionibusque , Maxime vellem , inquit , homines suæ petulantiae , nimiaeque libertatis , aliquando finem fecissent , meæque lenitatis , modestiae , patientiaeque rationem habuissent. sed quoniam ipsi sibi neque modum , neque terminum constituunt , quo ceteri dissimiliter se gerant ; egomet ipse documentum more militari constituam. C. Aviene , quod in Italia milites populi R. contra reimp. instigasti ; rapinasque per municipia fecisti ; quodque mihi rei que pub. inutilis fuisti ; & pro militibus tuam familiam jumenta que in naves imposuisti : tuaque opera , militibus tempore necessario resp. caret : ob eas res , ignominiae causa , ab exercitu meo te removeo : hodieque ex Africa abesse , & quantum potest , proficisci jubeo. itemque te , A. Fonteius , quod tribunus mil. seditiosus , masusque civis fuisti , ab exercitu dimitto. T. Saliene , M. Tiro , C. Clusinas , quum ordines in meo exercitu beneficio , non virtute consecuti , ita vos gesseritis , ut neque bello fortes , neque pace boni aut utiles fueritis , & magis in seditione concitandi milites adversus vestrum imperatorem , quam pudoris , modestiaeque fueritis studiosiores ; indignos vos esse arbitror , qui in meo exercitu ordines ducatis ; missosque facio , & quantum potest , abesse ex Africa jubeo. Itaque transdidit eos centurionibus ; & singulis non amplius singulis additis , servos in navi imponendos separatim curavit. Getuli interim perfugæ : quos cum litteris mandatisque à Cæsare missos supra docuimus , ad suos cives perveniunt : quorum auctoritate facile adducti , Cæsarisque nomine persuasi , à rege Ju-
ba

ba desciscunt, celeriterque cuncti arma capiunt; contraque regem facere non dubitant. Quibus rebus cognitis Juba distentus triplici bello, necessitate coactus, de suis copiis, quas contra Cæsarem adduxerat, vi cohortes in fines regni sui mittit, quæ essent præsidio contra Getulos. Cæsar brachiis perfectis, promotisque eo usque, ut telum ex opido adjici non posset, castra munit; ballistis scorpionibusque crebris ante frontem castrorum, contraque opidum collocatis, defensores muri detertere non intermitit: eoque v legiones ex superioribus castris deducit. Qua facultate oblata, illustriores notissimique, conspectum amicorum propinquorumque efflagitabant, atque inter se colloquebantur. quæ res quid utilitatis haberet, Cæsarem non fallebat. namque Getuli ex equitatu regio nobiliores, equitumque præfecti, quorum patres cum Mario ante meuerant, ejusque beneficio agris finibusque donati, post Sullæ victoriam sub Hiempsalis regis erant potestate dati, occasione capta, nocte jam luminibus accensis, cum equis calonibusque suis circiter ∞ perfugiunt in Cæsaris castra, quæ erant in campo proxime Uzitæ locata. Quod postquam Scipio, quique cum eo erant, cognoverunt, quum commoti ex tali incommodo essent, fere per id tempus M. Aquinium cum C. Sæferna colloquentem viderunt. Scipio mittit ad Aquinium, nil attinere eum cum adversariis colloqui. quum nihilo minus ejus sermonem nuncius ad se referret, restaretque, ut reliquæ, quæ vellet, perageret, viator postea ab Juba ad eum est missus, qui diceret, audiente Sæferna, Vetat te rex colloqui. Quo nuncio perterritus discessit; & dicto audiens fuit regi. Usu venisse hoc civi Romano miror, & ei, qui à populo R. honores accepisset, incolumi patria, fortunisque omnibus, Juba barbaro potius obedientem fuisse, quam aut Scipionis obtemperasse nuncio, aut, cæsis ejusdem partis civibus, incolumem reverti malle. Atque

que etiam superbius Jubæ factum, non in M. Aquinium hominem novum, parvumque Senatorem, sed in Scipionem hominem illa familia, dignitate, honoribusque præstantem. nam quum Scipio sagulo purpureo ante regis adventum uti solitus esset, dicitur Juba cum eo egisse, non oportere illum eodem uti vestitu, atque ipse uteretur. itaque factum est, ut Scipio ad album sese vestitum transferret, & Jubæ homini superbissimo inertissimoque obtemperaret. Postero die universas omnium copias de castris omnibus deducunt; & supercilium quoddam excelsum nacti non longe à Cæsaris castris aciem constituunt; atque ibi consistunt. Cæsar item producit copias, celeriterque iis instructis, ante suas munitiones, quæ erant in campo, constitit; sine dubio existimans, ultro adversarios, quum tam magnis copiis auxiliisque regis essent præditi, promptiusque profiluissent, ante se concursuros, propiusque se accessuros. equo circumvectus, legionesque cohortatus, signo dato, accessum hostium aucupabatur. ipse enim à suis munitionibus longius non sine ratione non procedebat; quod in opido Uzitæ, quod Scipio tenebat, hostium erant cohortes armatæ. Eidem autem opido ad dextrum latus ejus cornu erat oppositum. verebaturque, ne, si prætergressus esset, ex opido eruptione facta, ab latere eum adorti conciderent. præterea hæc quoque eum causâ tardavit, quod erat locus quidam perimpeditus ante aciem Scipionis, quem suis impedimento ad ultro occurrendum fore existimabat. Non arbitror esse prætermittendum, quemadmodum exercitus utriusque fuerunt in aciem instructi. Scipio hoc modo aciem direxit. Collocabat in fronte suas & Jubæ legiones; postea autem Numidas in subsidaria acie ita extenuatos, & in longitudinem directos, ut procul simplex esse acies media à legionariis militibus videretur; in cornibus autem duplex esse existimabatur. Elefantos dextro sinistroque
cornu

cornu collocaverat, æqualibus inter eos intervallis interjectis. post autem elephantos, armaturas leves, Numidasque substituerat auxiliares. Equitatum frenatum universum in suo dextro cornu disposuerat. sinistrum enim cornu opido Uzita claudebatur, neque erat spatium equitatus explicandi: propterea Numidas, levisque armaturæ infinitam multitudinem ad dextram partem suæ aciei opposuerat, fere interjecto non minus ∞ passuum spatio, & ad collis radices magis appulerat, longiusque ab adversariorum, suisque copiis promoverat: id hoc consilio, ut, quum acies II inter se concurrissent initio certaminis, paullo longius ejus equitatus circumvestus ex improviso clauderet multitudine sua exercitum Cæsaris, atque perturbatum jaculis configeret. Hæc fuit ratio Scipionis ea die præliandi. Cæsaris autem acies hoc modo fuit collocata, ut ab sinistro ejus cornu ordiar, & ad dextrum perveniam. Habuit in sinistro cornu legionem IX, VII: in dextro cornu XXX, XXIX: XIII, XIV, XXIIX, XXVI, in media acie: ipsum autem dextrum cornu, secundam aciem fere, in earum legionum parte cohortium collocaverat. Præterea extironum legionibus paucas adjecerat. Tertiam autem aciem in sinistrum suum cornu contulerat, & usque ad aciei suæ mediam legionem porrexerat, & ita collocaverat, uti sinistrum suum cornu triplex esset. id eo consilio fecerat, quod suum dextrum latus munitionibus adjuvabat; sinistrum autem ut equitatus hostium multitudini resistere posset laborabat. eodemque suum omnem contulerat equitatum: & quod ei parum confidebat, præsidio his equitibus legionem V præmiserat; levemque armaturam inter equites interposuerat. Sagittarios varie passimque, locis certis, maximeque in cornibus collocaverat. Sic utrorumque exercitus instructi non plus passuum CCC interjecto spatio, quod forte ante id tempus acciderat numquam quin dimicaretur,

à mane

à mane usque ad horam x diei perfliterunt. Jamque Cæsar duin exercitum reducere intra munitiones suas cœpisset; subito universus equitatus ulterior Numidarum Getulorumque sine frenis ad dextram partem se movere, propiusque Cæsar's castra, quæ erant in colle, se conferre cœpit; frenatus autem Labieni eques in loco permanere, legionesque distingere: quum subito pars equitatus Cæsar's cum levi armatura contra Getulos injussu ac temere longius progressi, paludemque transgressi, multitudinem hostium sustinere pauci non potuerunt, levique armatura deserti, ac pulsi, convulneratique, uno equite amisso, multis equis sauciis, levis armaturæ xxvi occisis, ad suos refugerunt. Quo secundo equestri prælio factò Scipio latus in caltra nocte copias reduxit. [quod] proprium gaudium bellantibus fortuna tribuere non decrevit. namque postero die Cæsar cum parte equitatus sui Leptim, frumenti gratia, misit. in itinere prædatores equites Numidas Getulosque ex improvise adorti circiter centum partim occiderunt, partim vivorum potiti sunt. Cæsar interim quotidie legiones in campum deducere, atque opus facere, vallumque & fossam per medium campum ducere, adversariorumque excursionibus iter officere non intermittit. Scipio item munitiones contra facere, & ne jugo à Cæsare excluderetur, appropere. Ita duces utrique & in operibus occupati erant, & nihilo minus equestribus præliis inter se quotidie dimicabant. Interim Varus classẽ, quam antea Uticæ hiemis gratia subduxerat, cognito legionis vii & iix ex Sicilia adventu, celeriter deducit; ibique Getulis remigibus epibatisque complet; insidiandique gratia progressus Adrumetum cum lv navibus pervenit. Cujus adventus inscius Cæsar L. Cispium cum classe xxvi navium Thapsum versus in stationem, præsidii gratia commeatus sui, mittit: itemque Q. Aquilam cum xiii navibus longis

Adru-

Adrumetum eadem de causa præmittit. Cispus, quo erat missus, celeriter pervenit. Aquila tempestate jactatus, promontorium superare non potuit, atque angulum quendam tutum à tempestate nactus, cum classe se longius à prospectu removit. reliqua classis in falo ad Leptim, egressis remigibus, passimque in litore vagantibus, partim in opido victus sui mercandi gratia progressis, vacua à defensoribus stabat. Quibus rebus Varus ex perfugis cognitis, occasionem nactus, vigilia secunda Adrumeto ex Cothone egressus, primo mane Leptim universa classe vectus, naves onerarias, quæ longius à portu in falo stabant, incendit, & penteres duas, vacuas à defensoribus, nullo repugnante cepit. Cæsar interim celeriter per nuncios in castris, quum opera circuiret, certior factus, quæ aberant à portu millia passuum vi, equo admisso, omissis omnibus rebus, celeriter pervenit Leptim: ibique moratus, omnes ut se naves consequerentur, primum ipse navigiolum parvum conscendit; in cursu Aquilam multitudinem navigiorum perterritum atque trepidantem nactus, hostium classem sequi cœpit. Interim Varus celeritate Cæsaris audaciaque motus, cum universa classe, conversis navibus, Adrumetum versus fugere contendit. Quem Cæsar in millibus passuum xv consecutus, recuperata quinquere mi cum omnibus suis epibatis, atque etiam hostium custodibus cxxx in ea nave captis, triremem hostium proximam, quæ in repugnando erat commorata, onustam remigum epibatarumque, cepit. reliquæ naves hostium promontorium superarunt, atque Adrumetum in Cothonem se universæ contulerunt. Cæsar eodem vento promontorium superare non potuit; atque in falo in anchoris ea nocte commoratus, prima luce Adrumetum accedit; ibique navibus onerariis, quæ erant extra Cothonem, incensis, omnibusque reliquis aliis aut subductis, aut in Cothonem compulsis, paullisper commoratus, si forte

forte vellent classe dimicare, rursus se recepit in castra. In ea nave captus est P. Vestrius eques Romanus, & P. Ligarius Afranianus, quem Cæsar in Hispania cum reliquis dimiserat, & postea se ad Pompeiū contulerat; inde ex prælio effugerat, in Africamq; ad Varum venerat. Quem ob perjurium perfidiamque Cæsar iussit necari. P. Vestrio autem, quod ejus frater Romæ pecuniam imperatam numeraverat, & quod ipse suam causam Cæsari probaverat, se Nasidii classe captum, quum ad necem duceretur, beneficio Vari esse servatum, postea facultatem sibi nullam datam transeundi, ignovit. Est in Africa consuetudo incolarum, ut in agris, & in omnibus fere villis, sub terra specus, condendi frumenti gratia, clam habeant, atque id propter bella maxime, hostiumq; subitum adventum præparent. Qua de re Cæsar certior per indicem factus, tertia vigilia legiones I I cum equitatu mittit à castris suis millia passuum X; atque inde magno numero frumenti onustos recepit in castra. Quibus rebus cognitis Labienus progressus à suis castris millia passuum V I I, per jugum & collem, per quem Cæsar pridie iter fecerat, ibi castra duarum legionum facit; atque ibi ipse quotidie existimans Cæsarem eadem sæpe frumentandi gratia commeatuum, cum magno equitatu levique armatura insidiaturus locis idoneis consedit. Cæsar interim de insidiis Labieni ex perfugis certior factus, paucos dies ibi commoratus, dum hostes quotidiano instituto, sæpe idem faciendo, in negligentiam adducerentur, subito mane imperat porta Decumana legiones se I I X veteranas cum parte equitatus sequi: atque, equitibus præmissis, neque opinantes insidiatores subito in convallibus latentes levi armatura concidit circiter D. reliquos in fugam turpissimam conjecit. Interim Labienus cum universo equitatu fugientibus suis suppetias occurrit. cujus vii multitudinis quum equites pauci Cæsariani jam sustinere non possent, Cæsar instru-

instructas legiones hostium copiis ostendit. Quo facto perterrito Labieno, ac retardato, suos equites recepit incolumes. Postero die Juba Numidas eos, qui loco amisso fuga se receperant in castra, in cruce omnes suffixit. Cæsar interim, quoniam frumenti inopia premebatur, copias omnes in castra conducit; atque præsidio Lepti, Ruspinæ, Acillæ relicto, Cispio, Aquilæque classe transdita, ut alter Adrumetum, alter Thapsum mari obsiderent, ipse castris incensis, I V noctis vigilia, acie instructa, impedimentis in sinistra parte collocatis, ex eo loco proficiscitur, & pervenit ad opidum Agar, quod à Getulis sæpe antea oppugnatum, summaque vi per ipsos opidands erat defensum. ibi in campo castris unis positus, ipse frumentatum circum villas cum parte exercitus profectus, magno invento hordei, olei, vini, fici numero, paucis tritici, atque recreato exercitu, rediit in castra. Scipio interim, cognito Cæsaris discessu, cum universis copiis per jugum Cæsarem subsequi cœpit; atque ab ejus castris millia passuum VI longe trinis castris, dispartitis copiis, consedit. Opidum erat Zetta, quod aberat à Scipione millia passuum X, ad ejus regionem, & partem castrorum collocatum, à Cæsare autem diversum ac remotum, quod erat ab eo longe millia passuum XIIX. huc Scipio legiones II frumentandi gratia misit. Quod postquam Cæsar ex perfuga cognovit, castris ex campo in collem ac tutiora loca collocatis, atque ibi præsidio relicto, ipse IV vigilia egressus præter hostium castra proficiscitur cum copiis, & opido potitur. legiones Scipionis comperit longius in agris frumentari: &, quum eo contendere conaretur, animadvertit copias hostium iis legionibus occurrere suppetias. quæ res ejus impetum retardavit. Itaque, capto C. Mutio Regino equite R. Scipionis familiarissimo, qui ei opido præerat, & P. Atrio equite R. de conventu Uticensi, & camelis XXI I regis adductis,

ductis, præsidio ibi cum Oppio legato relicto, ipse se recipere cœpit ad castra. Quum jam non longe à castris Scipionis abesset, quæ cum necesse erat prætergredi; Labienus, Afraniusque cum omni equitatu, levique armatura, ex insidiis adorti agmini ejus extremo se offerunt, atque ex collibus primis exsistunt. Quod postquam Cæsar animadvertit, equitibus suis hostium vi oppositis, sarcinas legionarios in acervum jubet comportare, atque celeriter signa hostibus inferre. Quod postquam cœptum est fieri; primo impetu legionum equitatus & levis armatura hostium nullo negotio loco pulsa & dejecta est de colle. Quum jam Cæsar existimasset hostes pulsos deterritosque finem lacescendi facturos; & iter cœptum pergere cœpisset; iterum celeriter ex proximis collibus erumpunt, atque eadem ratione, qua ante dixi, in Cæsaris legionarios impetum faciunt Numidæ, levisque armaturæ, mirabili velocitate præditi; qui inter equites pugnabant, & una pariterque cum equitibus accurrere & refugere consueverant. Quum hoc sæpius facerent, & Julianos proficiscentes insequerentur, & refugerent instantes, propius non accederent, & singulari genere pugnæ uterentur; eosque jaculis convulnerare satis esse existimarent; Cæsar intellexit nihil aliud illos conari, nisi, ut se cogerent castra in eo loco ponere, ubi omnino aquæ nihil esset; ut exercitus ejus jejunos, qui à quarta vigilia, usque ad horam x diei, nihil gustasset, ac jumenta siti perirent. Quum jam ad solis occasum esset, & non totos c passus in horam xv esset progressus, equitatu suo, propter equorum interitum, extremo agmine remoto, legiones invicem ad extremum agmen evocabat. ita vim hostium, placide leniterque procedens, per legionarium militem commodius sustinebat. Interim equitum Numidarum copiarum dextra sinistraque per colles præcurrere, coronæque in modum cingere multitudine sua Cæ-

saris

faris copias, pars agmen extremum insequi. Cæsaris autem non amplius tres aut quatuor milites veterani, si se convertissent, & pila viribus contorta in Numidas infestos coniecissent, amplius 11 millium numero ad unum terga vertebant; ac rursus ad aciem passim, conversis equis, se colligebant, atque in spatio consequebantur, & jacula in legionarios coniciebant. Ita Cæsar, modo procedendo, modo resistendo, tardius itinere confecto, noctis hora prima omnes suos ad unum in castris incolumes, sauciis & faâis, reduxit. Labienus, circiter ccc amissis, multis vulneratis, ac defessis, instando omnibus, ad suos se recepit. Scipio interim legiones productas cum elephantis, quos ante castra in acie, terroris gratia, in conspectu Cæsaris collocaverat, reducit in castra. Cæsar contra ejusmodi hostium genera copias suas, non ut Imperator exercitum veteranum, victoremque maximis rebus gestis, sed ut lanista tirones gladiatores condocere facere: quo pede se reciperent ab hoste, & quemadmodum obversi adversariis, & in quantulo spatio resisterent, modo procurrerent, modo recederent, comminarenturque impetum, ac prope quo loco, & quemadmodum tela mitterent, præcipit. mirifice enim hostium levis armatura anxium exercitum nostrum atque sollicitum habebat: quia & equites deterrebat prælium inire, propter equorum interitum; quod eos jaculis interficiebat; & legionarium militem defatigabat propter velocitatem. gravis enim armaturæ miles simul atque ab his infectatus constiterat, in eosque impetum fecerat, illi veloci cursu facile periculum vitabant. Quibus ex rebus Cæsar vehementer commovebatur: quia, quodcumque prælium, quoties erat commissum, equitatu suo, sine legionario milite, hostium equitatu, levique armaturæ eorum, nullo modo par esse poterat. sollicitabatur autem his rebus, quod nondum hostium legiones cogno-

verat, & quoniam modo sustinere se posset ab eorum equitatu, levique armatura, quæ erat mirifica, si legiones quoque accessissent. Accedebat etiam hæc causâ, quod elephantorum magnitudo multitudoque militum animos detinebat in terrore. cui uni rei tamen invenerat remedium. namque elephantos ex Italia transportari jusserat, quo & miles noster speciemque & virtutem bestię cognosceret, & cui parti corporis ejus telum facile adjici posset. ornatusque ac loricated elephantus quum esset, quæ pars ejus corporis nuda sine tegmine relinqueretur, ut eo tela conjicerentur. præterea, ut jumenta bestiarum odorem, stridorem, speciem, consuetudine captarum non reformidarent. [Quibus ex rebus] largiter erat consecutus. nam & milites bestias manibus pertractabant, earumque tarditatem cognoscebant: equitesque in eos pila præpilata conjiciebant atque in consuetudinem equos patientia bestiarum adduxerat. Ob has causas, quas supra commemoravi, sollicitabatur Cæsar, tardiorque & consideratior erat factus, & ex pristina bellandi consuetudine celeritateque excesserat. nec mirum. copias enim habebat in Gallia bellare consuetas locis campestribus, & contra Gallos homines apertos minimeque insidiosos; qui per virtutem, non per dolum, dimicare consueverunt. tum autem erat ei laborandum, ut consuefaceret milites, hostium dolos, insidias, artificia cognoscere, & quid sequi, quid vitare conveniret. itaque quo hæc celerius conciperent, dabat operam, ut legiones non in uno loco contineret, sed per causam frumentandi, huc atque illuc raptaret: ideo quod hostium copias ab se, suoque vestigio non discessuras existimabat. atque post diem IIII productas accuratius suas copias, sicut instruxerat, propter hostium castra prætergressus, a quo loco invitat ad dimicandum. Postquam eos abhorere videt, reducit sub vesperum legiones in castra.

Legati interim ex opido Vacca, quod finitimum fuit Zettæ, cuius Cæsarem potitum esse demonstravimus, veniunt. petunt & obsecrant, ut sibi præsidium mittat. se res complures, quæ utiles bello sint, administraturos. Per id tempus de eorum voluntate studioque erga Cæsarem transfuga suos cives facit certiores: Jubam regem celeriter cum copiis suis, antequam Cæsaris præsidium eo perveniret, ad opidum adcurrisse, atque adveniente multitudine circumdata, eo potitum; omnibusque ejus opidi incolis ad unum interfectis, dedisse opidum diripiendum delendumque militibus. Cæsar interim, lustrato exercitu a. d. x i i Kal. Apr. postero die productis universis copiis, processus à suis castris millia passuum v, à Scipionis circiter x i millium interjecto spatio, in acie constitit. Postquam satis diuque adversarios à se ad dimicandum invitatos superfedere pugnae animadvertit, reducit copias. Postero die castra movet, atque iter ad opidum Sarsuram, ubi Scipio Numidarum habuerat præsidium, frumentumque comportaverat, ire contendit. quod ubi Labienus animadvertit, cum equitatu levique armatura agmen ejus extremum carpere coepit: atque ita lixarum mercatorumque, qui plostris merces portabant, interceptis sarcinis, addito animo, propius audaciusque accedit ad legiones, quod existimabat, milites sub onere ac sub sarcinis defatigatos pugnare non posse. Quæ res Cæsarem non fefellerat: namque expeditos ex singulis legionibus tricenos milites esse jusserat. itaque eos in equitatum Labieni immissos turmis suorum suppetias mittit. Tum Labienus, conversis equis, signorum conspectu perterritus, turpissime contendit fugere; multis ejus occisis, compluribus vulneratis. Milites legionarii ad sua se recipiunt signa, atque iter inceptum ire coeperunt. Labienus per jugum summum collis dextrorsus procul milites subsequi non desistit. Postquam

Cæsar ad opidum Sarsuram venit, inspectantibus ad-
 versariis, interfecto præsidio Scipionis, quum suis
 auxilium ferre non auderent, fortiter repugnante
 P. Cornelio Scipionis evocato, qui ibi præerat, atque
 à multitudine circumvento interfectoque, opido
 potitur; atque ibi frumento exercitui dato, postero
 die ad opidum Tisdram pervenit, in quo Confidius
 per id tempus fuerat cum grandi præsidio, cohorte-
 que sua gladiatorum. Cæsar opidi natura perspecta,
 atque inopia ab oppugnatione ejus deterritus, proti-
 nus profectus circiter millia passuum *iv* ad aquam
 fecit castra; atque, inde *iv* die egressus, redit rur-
 sus ad ea castra, quæ ad Agar habuerat. Idem facit
 Scipio, atque in antiqua castra copias reducit. Tha-
 benenses interim, qui sub ditione & potestate Jubæ
 esse consueverant, in extrema ejus regni regione mari-
 tima locati, interfecto regio præsidio, legatos ad
 Cæsarem mittunt; rem à se gestam docent. petunt
 orantque, ut suis fortunis, de populo R. quod bene
 meriti essent, auxilium ferret. Cæsar, eorum con-
 silio probato, M. Crispum tribunum cum cohorte,
 & sagittariis, tormentisque compluribus præsidio
 Thabenam mittit. Eodem tempore ex legionibus
 omnibus milites, qui aut morbo impediti, aut, com-
 meatu dato, cum signis non potuerant ante transire
 in Africam, ad millia *iv*, equites *cd*, funditores
 sagittarii que ∞ , uno com meatu Cæsari occurrerunt.
 Itaque tum his copiis, & omnibus legionibus edu-
 ctis, sicut erat instructus, *ix* millibus passuum à
 suis castris, ab Scipionis vero *iv* millibus passuum
 longe constitit in campo. Erat opidum infra castra
 Scipionis nomine Tegea, ubi præsidium equestre
 circiter *cd* habere consueverat. eo equitatu dextra
 sinistraque directo ab opidi lateribus, ipse, legioni-
 bus ex castris eductis, atque in jugo inferiore instru-
 ctis, non longius fere ∞ passus ab suis munitioni-
 bus progressus, in acie constitit. Postquam diutius
 in

in uno loco Scipio commorabatur; & tempus diei in otio consumebatur; Cæsar equitum turmas suorum jubet in hostium equitatum, qui ad opidum in statione erat, facere impressionem; levemque armaturam, sagittarios funditoresque eodem submittit. Quod ubi cœptum est fieri, & equis concitatis Juliani impetum fecissent; Pacidius suos equites exporrigere cœpit in longitudinem, ut haberent facultatem turmas Julianas circumfundere, & nihilo minus fortissime acerrimeque pugnare. quod ubi Cæsar animadvertit, ccc, quos ex legionibus habere expeditos consueverat, ex proxima legione, quæ ei prælio in acie constiterat, jubet equitatu succurrere. Labienus interim suis equitibus auxilia equestria summittere, sauciisque ac defatigatis integros, recentioribusque viribus equites subministrare. Postquam equites Juliani cō vim hostium ad iv millia numero sustinere non poterant, & à levi armatura Numidarum vulnerabantur, minutatimque cedebant; Cæsar alteram alam mittit, qui satagentibus celeriter occurrerent. Quo facto sui sublatis universi in hostes impressione facta, in fugam adversarios dederunt, multis occisis, compluribus vulneratis. insecuti per iii millia passuum, usque in colles hostibus adactis, se ad suos recipiunt. Cæsar in horam x commoratus, sicut erat instructus, se ad sua castra recepit, omnibus incolumibus. in quo prælio Pacidius graviter pilo per cassidem caput ictus, compluresque duces, ac fortissimus quisque interfecti vulneratique sunt. Postquam nulla conditione cogere adversarios poterat, ut in æquum locum descenderent, legionumque periculum facerent; neque ipse propius hostem castra ponere propter aquarum penuriam se posse animadverteret; adversarios non eorum virtute confidere, sed aquarum inopia fretos, despiciere se intellexit: pridie Non. Apr. tertia vigilia egressus, ab Agar xvi millia passuum nocte progressus,

sus, ad Thapsum, ubi Vergilius cum grandi præsidio præerat, castra ponit, opidumque eo die circummunire cœpit, locaque idonea opportunaque complura præsidiis occupare; ne hostes intrare ad se, ac loca interiora capere possent. Scipio interim, cognitis Cæsaris consiliis, ad necessitatem adductus dimicandi, ne per summum dedecus fidissimos suis rebus Thapsitanos & Vergilium amitteret; confestim Cæsarem per superiora loca consecutus, millia passuum **11x** à Thapso binis castris confedit. Erat stagnum salinarum, inter quod, & mare, angustia quædam non amplius mille & quingentos passus intererant: quas Scipio intrare, & Thapsitanis auxilium ferre conabatur: quod futurum Cæsarem non fefellerat. namque pridie in eo loco castello munito, ibique trino præsidio relicto, ipse cum reliquis copiis lunatis castris Thapsum operibus circummunivit. Scipio interim exclusus ab incepto itinere, supra stagnum postero die & nocte confecta, cœlo albente, non longe à castris, præsidioque, quod supra commemoravimus, **20** passibus, ad mare versus confedit, & castra munire cœpit. Quod postquam Cæsari nunciatum est, milites ab opere deductos, castris præsidio Asprenate proconsule cum legionibus **11** relicto, ipse cum expedita copia in eum locum citatim contendit; classisque parte ad Thapsum relicta, reliquas naves jubet post hostium tergum quam maxime ad litus appellere, signumque suum observare; quo signo dato, subito clamore facto, ex improvise hostibus aversis incuterent terrorem; ut perturbati ac perterriti respicere post terga cogerentur. Quo postquam Cæsar pervenit, & animadvertit aciem pro vallo Scipionis, elephantosque dextro sinistroque cornu collocatos, & nihilo minus partem militum castra non ignaviter munire; ipse acie triplici collocata, legione **x**, secundaque dextro cornu, **11x**, & **ix** sinistro, oppositis **v** legionibus in

quar-

quarta acie, ante ipsa cornua quinque cohortibus contra bestias collocatis, sagittariis, funditoribus in utrisque cornibus dispositis, levisque armatura inter equites interjecta, ipse pedibus circum milites concursans, virtutesque veteranorum, præliaque superiora commemorans, blandèque appellans, animos eorum excitabat. Tirones autem, qui numquam in acie dimicassent, hortabatur, ut veteranorum virtutem æmulerentur, eorumque famam, nomen, locumque, victoriæ partem, cuperent possidere: itaque in circumeundo exercitum, animadvertit hostes circa vallum trepidare, atque ultro citroque pavidos concurrere, & modo se intra portas recipere, modo inconstanter immoderateque prodire. quumque idem à pluribus animadverti coeptum esset; subito legati evocatique obsecrare Cæsarem, ne dubitaret signum dare: victoriæ sibi propriam à diis immortalibus portendi. Dubitante Cæsare, atque eorum studio cupiditateque resistente, sibi, eruptione pugnari, non placere clamitante, & etiam atque etiam aciem sustentante, subito dextro cornu, injussu Cæsaris, tubicen, à militibus coactus, canere coepit. Quo facto, ab universis cohortibus signa in hostem coepere inferri, quum centuriones pectore adverso resisterent, vique continerent milites, ne injussu imperatoris concurrerent, nec quidquam proficerent. Quod postquam Cæsar intellexit, incitatis militum animis resisti nullo modo posse, signo Felicitatis dato, equo admissus in hostem contra principes ire contendit. A dextro interim cornu funditores, sagittarii, concita tela in elephantos frequentes injiciunt. Quo facto bestiarum stridore fundarum lapidumque perterritarum sese convertere, & suos post se frequentes stipatosque proterere, & in portas valli semifactas ruere contendunt. Item Mauri equites, qui in eodem cornu cum elephantis erant, præsidio deserti principes fugiunt. ita celeriter bestiis

circuitis, legiones vallo hostium sunt potitæ: & paucis acriter repugnantibus interfectis, reliqui concitati in castra, unde pridie erant egressi, confugiunt. Non videtur esse prætermittendum de virtute militis veterani v legionis. nam quum in sinistro cornu elephante vulnere ictus & dolore concitatus in lixam inermem impetum fecisset, eumque sub pede subditum, deinde genu innixus, pondere suo, proboscide erecta vibrantique, stridore maximo premeret atque enecaret, miles hic non potuit pati, quin se armatum bestię offerret: quem postquam elephante ad se telo infesto venire animadvertit, relicto cadavere militem proboscide circumdat, atque in sublime extollit armatum. qui in ejusmodi periculo quum constanter agendum sibi videret, gladio proboscidem, qua erat circumdatus, cadere, quantum viribus poterat, non destitit: quo dolore adductus elephante, milite abjecto; maximo cum stridore cursuque conversus ad reliquas bestias se recepit. Interim Thapso qui erant præsidio, ex opido eruptionem porta maritima faciunt; &, sive ut suis subsidio occurrerent, sive, ut, opido deserto, fuga salutem sibi pararent, egrediuntur, atque ita per mare umbilici sine ingressi, terram petebant: qui à servis puerisque, qui in castris erant, lapidibus pilisque prohibiti terram attingere, rursus se in opidum receperunt. Interim Scipionis copiis prostratis, passimque toto campo fugientibus, confestim Cæsaris legiones consequi, spatiumque se non dare colligendi. qui postquam ad ea castra, quæ petebant, perfugerunt, ut relictis castris rursus sese defenderent; ducem aliquem requirunt, quem respicerent, cujus auctoritate imperioque rem gererent. qui postquam adverterunt neminem ibi esse præsidio, protinus armis abjectis in regia castra fugere contendunt. Quo postquam pervenerunt, eaque ab Julianis teneri vident, desperata salute in quodam colle consistunt;

atque

atque armis demissis, salutationem more militari faciunt. quibus miseris ea res parvo præsidio fuit. namque milites veterani ira & dolore incensi, non modo ut parcerent hosti, non poterant adduci, sed etiam ex suo exercitu illustres urbanos, quos auctores appellabant, complures aut vulnerarunt, aut interfecerunt. in quo numero fuit Tullius Rufus quaestorius: qui pilo transiectus consulto à milite interiit. item Pompeius Rufus brachium gladio percussus, nisi celeriter ad Cæsarem adcurrisset, interfectus esset. Quo facto complures equites R. senatoresque perterriti ex prælio se receperunt; ne à militibus, qui ex tanta victoria licentiam sibi assumpsissent immoderate peccandi, impunitate propter maximas res gestas, ipsi quoque interficerentur. itaque ii omnes Scipionis milites, quum fidem Cæsaris implorarent, inspectante ipso Cæsare, & à militibus deprecante eis uti parcerent, ad unum sunt interfecti. Cæsar trinis castris potitus, occisisque hostium x millibus, fugatisque compluribus, se recepit, L militibus amissis, paucis sauciis, in castra: ac statim ex itinere ante opidum Thapsum constitit; elephantosque LXIV ornatos armatosque cum turribus ornamentisque capit, captos ante opidum instructos constituit: id hoc consilio, si posset Vergilius, qui- que cum eo obsidebantur, rei male gestæ suorum indicio à pertinacia deduci. deinde ipse Vergilium appellavit, invitavitque ad deditionem, suamque lenitatem & clementiam commemoravit. quem postquam animadvertit responsum sibi non dare, ab opido recessit. postero die, divina re facta, concione advocata, in conspectu opidanorum milites collaudat: totumque exercitum veteranum donavit. præmia fortissimo cuique, ac bene merenti, pro suggestu tribuit. ac statim inde digressus, C. Rebello proconsule cum III ad Thapsum legionibus, & Cn. Domitio cum II Tisdra, ubi Considius præerat, ad

obsidendum relictis, M. Messalla Uticam ante præmissis, cum equitatu ipse eodem iter facere contendit. Equites interim Scipionis, qui ex prælio fugerant, quum Uticam versus iter facerent, perveniunt ad opidum Paradam. ubi, quum ab incolis non reciperentur, ideo quod fama de victoria Cæsaris præcucurrisset; vi opido potiti, in medio foro lignis coacervatis, omnibusque rebus eorum congestis, ignem subijciunt, atque ejus opidi incolas cujusque generis, ætatisque, vivos, constrictosque in flammam conjiciunt, atque ita acerbissimo afficiunt supplicio. deinde protinus Uticam perveniunt. Superiore tempore M. Cato, quod Uticensibus propter beneficium legis Juliæ parum in suis partibus præsidii esse existimaverat, plebem inermem opido ejecerat, & ante portam Bellicam castris fossaque parvula dumtaxat munierat, ibique, custodiis circumdatis, habitare coegerat; senatum autem opidi custodia tenebat. Eorum castra ii equites adorti expugnare cœperunt, ideo quod eos partibus Cæsaris favisse sciebant, ut, eis interfectis, eorum pernicie dolorem suum ulciscerentur. Uticenses animo addito ex Cæsaris victoria, lapidibus fustibusque equites repulerunt. itaque, postquam castra non potuerant potiri, Uticam se in opidum conjecerunt; atque ibi multos Uticenses interfecerunt; domosque eorum expugnaverunt ac diripuerunt. Quibus quum Cato persuadere nulla ratione quiret, ut secum opidum defenderent, & cæde rapinisque desisterent, & quid sibi vellent, sciret, sedandæ eorum importunitatis gratia, singulis H-s c divisit. Idem Sulla Faustus fecit, ac de sua pecunia largitus est: unaque cum iis ab Utica proficiscitur, atque in regnum ire contendit. Complures interim ex fuga Uticam perveniunt. Quos omnes Cato convocatos una cum ecc, qui pecuniam Scipioni ad bellum faciendum contulerant, hortatur, ut servitia manumitterent,

opi-

opidumque defenderent. Quorum quum partem assentire, partem animum mentemque perterritam, atque in fuga destinatam habere intellexisset; amplius de ea re agere destitit, navesque iis attribuit, ut, in quas quisque partes vellet, proficisceretur. ipse omnibus rebus diligentissime constitutis, liberis suis L. Cæsari, qui tum ei pro quæstore fuerat, commendatis, & sine suspicione, vultu atque sermone, quo superiore tempore usus fuerat, quum dormitum isset, ferrum intro clam in cubiculum tulit, atque ita se transiecit. qui dum anima nondum exspirata concidisset; & impetu facto in cubiculum ex suspicionem, medicus familiaresque continere atque vulnus obligare cœpissent, ipse suis manibus vulnus crudelissime divellit, atque animo præsentem se interimit. Quem Uticenses quàmquam oderant partium gratia, tamen, propter ejus singularem integritatem, & quod dissimillimus reliquorum ducum fuerat, quodque Uticam mirificis operibus munierat, turresque auxerat, sepultura afficiunt. Quo interfecto, L. Cæsar, ut aliquid sibi ex ea re auxilii pararet, convocato populo, concione habita, cohortatur omnes, ut portæ aperirentur: se in Cæsaris clementia magnam spem habere. Itaque, portis patefactis, Utica egressus, Cæsari Imperatori obviam proficiscitur. Messalla, ut erat imperatum, Uticam pervenit, omnibusque portis custodias ponit. Cæsar interim à Thapso progressus Uscetam pervenit, ubi Scipio magnum frumenti numerum, armorum, telorum, ceterarumque rerum cum parvo præsidio habuerat. id adveniens potitur: deinde Adrumetum pervenit. Quo quum sine mora introisset, armis, frumento pecuniaque considerata, Q. Ligario, C. Confidio filio, qui tum ibi fuerat, vitam concessit. deinde eodem die Adrumeto egressus, Livineio Regulo ibi cum legione relicto, Uticam ire contendit: cui in itinere fit obviu8 L. Cæsar, subitoque se ad

genua projecit, vitamque sibi, nec amplius quidquam, deprecatur. cui Cæsar facile, & pro sua natura & instituto, concessit. item Cæcinæ, C. Ateio, P. Atrio, L. Cellæ patri & filio, M. Eppio, M. Aquinio, Catonis filio, Damasippique liberis, ex sua consuetudine, tribuit; circiterque noctem luminibus accensis Uticam pervenit, atque extra opidum ea nocte mansit. postero die mane opidum introiit; concioneque advocata, Uticenses incolas cohortatus gratias pro eorum studio erga se agit; cives autem Romanos negotiatores, & eos, qui inter ccc pecunias contulerant Varo & Scipioni, multis verbis accusatos, & de eorum sceleribus longiori habita oratione, ad extremum, ut sine metu prodirent, edicit: se eis dumtaxat vitam concessurum; bona quidem eorum se venditurum, ita tamen, ut, qui eorum bona sua redemisset, se bonorum venditionem inducturum, & pecuniam multæ nomine relaturum, ut incolumitatem retinere possent. Quibus metu exsanguibus, de vitæ ex suo promerito desperantibus, subito oblata salute, libentes cupidique conditionem acceperunt: petieruntque à Cæsare, ut universis ccc uno nomine pecuniam imperaret. itaque bis millies H-s his imposito, ut per triennium lex pensionibus populo Rom. solverent, nullo eorum recusante, ac se eodem die demum natos prædicantes, læti gratias agunt Cæsari. Rex interim Juba, ut ex prælio fugerat, una cum Petreio interdium in villis latitando, tandem, nocturnis itineribus confectis, in regnum pervenit; atque ad opidum Zamam, ubi ipse domicilium, conjuges, liberosque habebat, quo ex cuncto regno omnem pecuniam, carissimasque res comportaverat, quodque inito bello operibus maximis munierat, accedit. Quem antea opidani, rumore exoptato de Cæsaris victoria audito, ob has causas opido prohibuerunt, quod bello contra populum R. suscepto, in opido Zama lignis congestis,

maxi-

maximam in medio foro pyram construxerat; ut, si forte bello foret superatus, omnibus rebus eo coacervatis, dehinc civibus cunctis interfectis, eodemque projectis, igne subjecto, tum demum se ipse insuper interficeret, atque una cum liberis, conjugibus, civibus, cunctaque gaza regia cremaretur. Postquam Juba ante portas diu multumque, primo minis pro imperio egisset cum Zamenibus: deinde quum se parum proficere intellexisset, precibus quoque orasset, uti se ad suos Deos penates admitterent: ubi eos in sententia perstare animadvertit, nec minis, nec precibus suis moveri quo magis se reciperent; tertio petit ab eis, ut sibi conjuges liberosque redderent, ut secum eos asportaret. Postquam sibi nihil omnino opidanos responsi reddere animadvertit, nulla re ab iis impetrata, ab Zama discedit, atque ad villam suam cum M. Petreio, paucisque equitibus se confert. Zamenfes interim legatos de iis rebus ad Cæsarem Uticam mittunt, petuntque ab eo, uti ante quam rex manum colligeret, seseque oppugnaverit, sibi auxilium mitteret: se tamen paratos esse, sibi, quoad vita suppeteret, opidum, seque, ei reservare. Legatos collaudatos Cæsar domum jubet antecedere, ac suum adventum prænunciare. Ipse postero die Utica egressus cum equitatu ire in regnum contendit. Interim in itinere ex regiis copiis duces complures ad Cæsarem veniunt, orantque ut sibi ignoscat. Quibus supplicibus venia data, Zamam perveniunt. Rumore interim perlato de ejus lenitate clementiaque, propemodum omnes regni equites Zamam perveniunt ad Cæsarem; ab eoque sunt metu periculoque liberati. Dum hæc utrobique geruntur, Considius, qui Tisdræ cum familia sua, gladiatoria manu, Getulisque præerat, cognita cæde suorum, Domitiique & legionum adventu perterritus, desperata salute, opidum deserit, seque clam cum paucis barbaris pecuniæ onustus subducit, atque in

regnum fugere contendit. quem Getuli sui comites in itinere, prædæ cupidi, concidunt; seque in quascumque potuere partes conferunt. C. interim Vergilius, postquam terra marique clausus se nihil proficere intellexit, suosque interfectos, aut fugatos, M. Catonem Uticæ sibi ipsum manus intulisse, regem vagum à suis desertum ab omnibus aspernari; Saburam, ejusque copias ab Sitio esse deletas; Uticæ Cæsarem sine mora receptum; de tanto exercitu reliquias esse nullas, quæ sibi suisque liberis prodesse: à Caninio proconsule, qui cum obsidebat, fide accepta, seque & sua omnia & opidum proconsuli transdit. Rex interim Juba ab omnibus civitatibus exclusus, desperata salute, [quum jam conatus esset,] cum Petreio, ut per virtutem interfecti esse viderentur, ferro inter se depugnant: atque firmior imbecillioem Juba Petreium facile ferro consumpsit. deinde ipse sibi quum conaretur gladio transjicere pectus, nec posset, precibus à servo suo impetravit, ut se interficeret; idque obtinuit. P. interim Situs, pulso exercitu Saburæ præfecti Jubbæ, ipsoque interfecto, quum iter cum paucis per Mauritaniam ad Cæsarem faceret, forte incidit in Faustum, Afraniumque, qui eam manum habebant, qua Uticam diripuerant, iterque in Hispaniam tendebant, & erant numero circiter 800. itaque celeriter nocturno tempore, insidiis dispositis, eos prima luce adortus, præter paucos equites, qui ex primo agmine fugerant, reliquos aut interficit, aut in deditionem accipit; Afranium & Faustum vivos capit cum conjuge & liberis. Paucis post diebus, dissensione in exercitu orta, Faustus & Afranius interficiuntur. Pompeiæ cum Fausti liberis Cæsar incolumitatem, suæque omnia concessit. Scipio interim cum Damasippo, & Torquato, & Platorio Rustiano navibus longis diu multumque jactati, quum Hispaniam peterent, ad Hipponem regium deferuntur, ubi classis

F. Sitii per id tempus erat. à qua pauciora ab amplioribus circumventa navigia deprimuntur. ibique Scipio cum iis, quos paullo ante nominavi, interiit. Cæsar interim, Zamæ auctione regia facta, bonisque eorum venditis, qui cives Romani contra populum R. arma tulerant, præmiisque Zamensibus, qui de rege excludendo consilium ceperant, tributis, vestigalibusque regiis abrogatis, ex regnoque provincia facta, atque ibi Crispo Sallustio proconsule cum imperio relicto, ipse Zama egressus Uticam se recepit. ibi bonis venditis eorum, qui sub Juba Petreioque ordines duxerant, item Thapsitanis H-s xx millia, conventui eorum H-s xxx millia, Adrumetanis H-s xxx, conventui eorum H-s L millia, multæ nomine, imponit. Civitates, bonaque eorum ab omni injuria rapinisque defendit. Leptitanos, quorum superioribus annis Juba bona diripuerat, & ad senatum questi per legatos atque arbitris à senatu datis, sua receperant, tricies centenis millibus pondo olei in annos singulos multat, ideo quod initio per dissensionem principum societatem cum Juba inierant, cumque armis, militibus, pecunia juverant. Tisdritanos, propter humilitatem civitatis, certo numero frumenti multat. His rebus gestis, Idibus Jun. Uticæ classem conscendit, & post diem III Carales in Sardiniam pervenit. Ibi Sulcitanos quod Nasidium ejusque classem receperant, copiisque juverant, H-s c. millibus multat; & pro decumis octavas pendere jubet: bonaque paucorum vendit: & ante diem III Kal. Quinct. naves conscendit; & à Caralibus secundum terram provectus, duodetrigesimo die, eo quod tempestatibus in portubus cohibebatur, ad urbem Romam venit.

A. HIRTII PANSÆ
COMMENTARIORUM
DE BELLO HISPANIENSI,

LIBER UNUS.

P Harnace superato, Africa recepta, qui ex iis præliis cum adolescente Cn. Pompeio profugissent, quum & ulterioris Hispaniæ potitus esset, dum Cæsar muneribus dandis in Italia detinetur; quo facilius præsidia contra compararet Pompeius, in fidem uniuscujusque civitatis confugere cœpit. ita partim precibus, partim vi, bene magna comparata manu, provinciam vastare cœpit. Quibus in rebus nonnullæ civitates sua sponte auxilia mittebant. item nonnullæ portas cludebant. ex quibus si qua opida vi ceperat, quum aliquis ex ea civitate optime de Cn. Pompeio meritis civis esset, propter pecuniæ magnitudinem aliqua ei inferebatur caussa, ut, eo de medio sublato, ex ejus pecunia latronum largitio fieret. ita paucis commodis hoste hortato, majores augebatur copiæ. ideoque crebris nunciis in Italiam missis, civitates contrariæ Pompeio auxilia sibi depostulabant. C. Cæsar dictator IIII, designatus IV, multis itineribus ante confectis, quum celeri festinatione ad bellum conficiendum in Hispaniam convenisset, legati Cordubenses, qui à Cn. Pompeio discefferant, Cæsari obviam veniunt: à quibus nunciabatur, nocturno tempore opidum Cordubam capi posse, quod nec opinantibus adversariis ejus provincia potitus esset, simulque quod tabellarii à Cn. Pompeio dispositi omnibus locis essent, qui certiores Cn. Pompeium de Cæsaris adventu facerent. Multa præterea verisimilia proponebant. Quibus rebus adductus, quos legatos ante exercitui præ-

præfecerat, Q. Pedium, & Q. Fabium Maximum de suo adventu facit certiores, ut, quem sibi equitatum ex provincia fecissent, præsidio mitterent. ad quos celerius, quam ipsi opinati sunt, appropinquavit, atque, ut ipse voluit, equitatum sibi præsidio habuit. Erat idem temporis Sex. Pompeius frater, qui cum præsidio Cordubam tenebat, quod ejus provinciæ caput esse existimabatur: ipse autem Cn. Pompeius adolescens Ullam opidum oppugnabat, & fere jam aliquot mensibus ibi detinebatur. Quo ex opido, cognito Cæsaris adventu, legati clam præsidia Cn. Pompeii, Cæsarem quum adissent, petere cœperunt, ut sibi primo quoque tempore subsidium mitteret. Cæsar eam civitatem omni tempore optime de populo P. meritam esse sciens, XI cohortes secunda vigilia jubet proficisci, parique equites numero. quibus præfecit hominem ejus provinciæ notum, & non parum scientem, L. Julium Patiecum. qui quum ad Cn. Pompeii præsidia venisset, incidit idem temporis, ut tempestate adversa, vehementique vento affligeretur. qua vi tempestatis ita obscurabatur, ut vix proximum cognoscere posset. Cujus incommodum summam utilitatem ipsis præbebat. Ita quum ad locum venerunt, jubet binos equites incedere, & recta per adversariorum præsidia ad opidum contendere. mediisque ex præsidiis quum quæreretur, qui essent; unus ex nostris respondit, ut fileat verbum facere: nam id temporis conari ad murum accedere, ut opidum capiant; & partim tempestate impediti vigiles non poterant diligentiam præstare, partim illo responso deterrebantur. Quum ad portam appropinquassent, signo dato, ab opidanis sunt recepti; & pedites, equitesque, clamore facto, dispositis ibi partim, qui remansere, eruptionem in adversariorum castra fecerunt. Sic illud quum inscientibus accidisset, existimabat magna pars hominum, qui in iis castris fuissent, se prope captos

captos esse. Hoc misso ad Ullam præsidio, Cæsar, ut Pompeium ab ea oppugnatione deduceret, ad Cordubam contendit: ex quo itinere loricated viros fortes cum equitatu ante præmisit: qui simul in conspectum opidi se dederunt, in equis recipiuntur. Hoc à Cordubensibus nequaquam poterat animadverti. Appropinquantibus, ex opido bene magna multitudo ad equitatum concidendum quum exisset; loricati, ut supra scripsimus, ex equis descenderunt, & magnum prælium fecerunt, sic ut ex finita hominum multitudine pauci in opidum se reciperent. Hoc timore adductus Sex. Pompeius litteras fratri misit, ut celeriter sibi subsidio veniret; ne prius Cæsar Cordubam caperet, quam ipse illo venisset. Ita Cn. Pompeius Ulla prope capta, litteris fratris excitus, cum copiis ad Cordubam iter facere cœpit. Cæsar, quum ad flumen Bætis venisset, neque propter altitudinem fluminis transire posset, lapidibus corbes plenos demisit. ita, insuper ponte facto, copias ad castra tripartito transduxit. Tenebant adversus opidum è regione pontis trabes, ut supra scripsimus, bipartito. Huc quum Pompeius cum suis copiis venisset, ex adverso pari ratione castra ponit. Cæsar, ut eum ab opido commeatuque excluderet, brachium ad pontem ducere cœpit. Pari idem conditione Pompeius. Hic inter duces duos fit contentio, uter prius pontem occuparet. ex qua contentione quotidiana minuta prælia fiebant, ut modo hi, modo illi superiores discederent. Quæ res quum ad maiorem contentionem venisset, ab utrisque cominus pugna iniqua, dum cupidius locum student tenere, propter pontem coangustabantur; & fluminis ripis appropinquantibus coangustati præcipitabantur. hic alter alteris non solum mortem morti exaggerabant, sed tumulos tumulis exæquabant. ita diebus compluribus cupiebat Cæsar, si qua conditione posset, adversarios in æquum locum deducere, &

pri-

primo quoque tempore de bello decernere. quum animadverteret adversarios minime velle; quos ideo à via retraxerat, ut in æquum deduceret; copiis flumen transductis, noctu jubet ignes fieri magnos. ita firmissimum ejus præsidium Ateguam proficiscitur. Id quum Pompeius ex perfugis rescisset, ea die per viarum angustias carra complura, multasque ballistas retraxit, & ad Cordubam se recepit. Cæsar munitionibus Ateguam oppugnare, & brachia circumducere cœpit. Cujus rei Pompeio quum nuncius esset allatus, eo die proficiscitur. Cujus in adventum, præsidii causâ Cæsar complura castella occupavit, partim suo equitatu, partim ut pedestres copię in statione, & in excubitu castris præsidio esse possent. Hic in adventu Pompeii incidit, ut matutino tempore nebula esset crassissima. itaque in illa obscuratone cum aliquot cohortibus, & equitum turmis circumcludunt Cæsar's equites, & concidunt, sic, ut vix in ea cæde pauci effugerent. Insequenti nocte castra sua incendit Pompeius, & trans flumen Salsum per convalles castra inter duo opida Ateguam & Ucubim in monte constituit. Cæsar in munitionibus, ceterisque, quæ ad opidum oppugnandum opus fuerunt, aggerem, vineasque agere instituit. Hæc loca sunt montuosa, & natura edita ad rem militarem, quæ planicia dividuntur Salsò flumine; proxime tamen Ateguam, ut ad flumen sint circiter passuum duo millia. ex ea regione opidi in montibus castra habuit posita Pompeius in conspectu utrorumque opidorum, neque suis ausus est subsidio venire. Aquilas habuit, & signa XIII legionum. sed, ex quibus aliquid firmamenti se existimabat habere, duæ fuerunt vernaculæ, quæ à Trebonio transfugerant, & una facta ex coloniis, quæ fuerunt in his regionibus. quarta fuit Afraniana ex Africa, quam secum adduxerat. reliquæ ex fugitivis auxiliares consistebant. nam de levi armatura, & equitatu, longe

longe & virtute & numero nostri erant superiores. Accedebat huc, ut longius bellum duceret Pompeius; quod loca sunt edita, & ad castrorum munitiones non parum idonea. nam fere totius ulterioris Hispaniæ regio propter terræ fecunditatem, inopem difficilemque habet oppugnationem, & non minus copiosam aquationem. Hic etiam propter barbarorum crebras excursions, omnia loca, quæ sunt ab opidis remota, turribusque & munitionibus retinentur, sicut in Africa, rudere, non tegulis, teguntur. simulque in his habent speculas, &, propter altitudinem, longe lateque prospiciunt. Item opidorum magna pars ejus provinciæ montibus fere munita, & natura excellentibus locis est constituta, ut simul aditus adscensusque habeat difficiles. ita ab oppugnationibus natura loci distinentur: ut civitates Hispaniæ non facile ab hostibus capiantur. quod in hoc contigit bello. nam ubi inter Ateguam, & Ucubim, quæ opida supra sunt scripta, Pompeius habuit castra constituta, in conspectu duorum opidorum, ab suis castris circiter millia passuum *iv*, grumus est excellens natura, qui appellatur *Castrum Postumiana*. ibi præsidii causa castellum *Cæsar* habuit constitutum. Pompeius, qui eodem jugo tegebatur loci natura, & quod remotum erat à castris *Cæsaris*, animadvertibat loci difficultatem, &, quod flumine Salso intercludebatur, non esse commissurum *Cæsarem*, ut in tanta loci difficultate ad subsidium submittendum se mitteret. Ista fretus opinione, tertia vigilia profectus castellum oppugnare coepit, ut laborantibus succurreret. nostri, quum appropinquassent, clamore repentino, telorumque multitudine jactus facere coeperunt; uti magnam partem hominum vulneribus afficerent. Quo peracto, quum ex castello repugnare coepissent, & majoribus castris *Cæsari* nuncius esset allatus, cum *iii* legionibus est profectus: & quum ad eos appropinquasset,

fuga

fuga perterriti multi sunt interfecti, complures capti. in quibus multi præterea armis exuti fugerunt; quorum scuta sunt relata LXXX. Insequenti luce Arguetius ex Italia cum equitatu venit. is signa Saguntinorum retulit v, quæ ab opidanis cepit. suo loco præteritus est, quod equites ex Italia cum Asprenate ad Casarem venissent. Ea nocte Pompeius castra incendit, & ad Cordubam versus iter facere cœpit. Rex nomine Indo, qui cum equitatu suas copias adduxerat, dum cupidius agmen adversariorum insequitur, à vernaculis legionariis exceptus est, & interfectus. Postero die equites nostri longius ad Cordubam versus profecuti sunt eos, qui commeatus ad castra Pompeii ex opido portabant: ex iis capti & cum jumentis ad nostra adducti sunt castra. Eodem die Q. Marcius, tribunus mil. qui fuisset Pompeii, ad nos transfugit. & noctis tertia vigilia in opido acerrime pugnatum est: ignemque multum miserunt; sic ut & omne genus, quibus ignis per jactus solitus est mitti. Hoc præterito tempore, C. Fundanius eques Rom. ex castris adversariorum ad nos transfugit. Postero die ex legione vernacula milites sunt capti ab equitibus nostris duo, qui dixerunt se servos esse. quum venirent, cogniti sunt à militibus, qui antea cum Fabio & Pedio fuerant, & à Trebonio transfugerant. Eis ad ignoscendum nulla est data facultas, & à militibus nostris interfecti sunt. Eodem tempore capti tabellarii, qui à Corduba ad Pompeium missi erant, perperamque ad castra nostra pervenerant, præcis manibus missi sunt facti. Pari consuetudine, vigilia secunda, ex opido ignem multum, telorumque multitudinem jactando, bene magnum tempus consumpserunt, compluresque vulneribus affecerunt. Præterito noctis tempore, eruptionem in legionem sextam fecerunt, quum in opere nostri distenti essent, acriterque pugnare cœperunt: quorum vis repressa à nostris, etsi opidani superiore loco

loco defendebatur. L, quum eruptionem facere cœpissent, tamen virtute militum nostrorum [qui] etsi inferiore loco premebantur, [tamen] repulsi [adversarii] bene multis vulneribus affecti in opidum se contulerunt. Postero die Pompeius ex castris suis brachium cœpit ad flumen Salsum facere: & quum nostri equites pauci in statione fuissent à pluribus reperti, de statione sunt dejecti, & occisi tres. Eo die A. Valgius senatoris filius, cujus frater in castris Pompeii fuisset, omnibus suis rebus relictis, equum conscendit, & fugit. Speculator de legione secunda Pompeiana captus à militibus, & interfectus est. idem temporis glans missa est inscripta; quo die ad opidum capiendum accederent, sese scutum esse positurum. Qua spe nonnulli, dum sine periculo murum adscendere, & opidum potiri posse se sperarent, postero die ad murum opus facere cœperunt, & bene magna prioris muri pars dejecta est. quo factò ab opidanis, acsi suarum partium essent, conservati missos facere loricatos, quique præsidii causâ præpositi opido à Pompeio essent, orabant. Quibus respondit Cæsar, se conditiones dare, non accipere, consuevisse. Qui quum in opidum reversi essent, relato responso, clamore sublato, omni genere telorum emissò, pugnare pro muro toto cœperunt. propter quod fere magna pars hominum, qui in castris nostris essent, non dubitarunt, quin eruptionem eo die essent facturi. ita, corona circumdata, pugnatum est aliquamdiu vehementissime, simulque ballista missa à nostris turrem dejecit: qua adversariorum, qui in ea turre fuerant, v dejecti sunt, & puer, qui ballistam solitus erat observare. Eo præterito tempore, Pompeius trans flumen Salsum castellum constituit: neque à nostris prohibitus, falsaque illa opinione gloriatus est, quod prope in nostris partibus locum tenuisset. item insequenti die eadem consuetudine dum longius profequitur, quo loco

loco equites nostri stationem habuerant, aliquot
 turmae cum levi armatura, impetu facto, loco sunt
 dejectae, & propter paucitatem nostrorum equitum,
 simulque levi armatura inter turmas adversariorum
 protritae. Hoc in conspectu utrorumque castrorum
 gerebatur: & majore Pompeiani exsultabant glo-
 ria, longius quod nostris cedentibus prosequi cœ-
 pissent. Qui quum aliquo loco à nostris recepti
 essent, ut consueissent, ex simili virtute clamore fa-
 cto, aversati sunt praelium facere. Fere apud exer-
 citus hæc est equestris praelii consuetudo, quum
 eques ad dimicandum, dimisso equo, cum pedite
 progreditur, nequaquam par habetur. id quod in
 hoc accidit certamine. quum pedites ex levi arma-
 tura lecti ad pugnam equitibus nostris nec opinan-
 tibus venissent; idque in praelio animadversum es-
 set; complures equites descenderunt. ita exiguo
 tempore eques pedestre; pedes equestre praelium fa-
 cere cœpit: usque eo, ut eadem proxime à vallo
 fecerint. in quo praelio adversariorum ceciderunt
 cxxiii. compluresque armis exuti, multi vulneri-
 bus affecti in castra sunt redacti. nostri ceciderunt
 iii. faucii xii. pedites & equites v. Ejus diei inse-
 quenti tempore pristina consuetudine pro muro pu-
 gnari cœptum est. quum bene magnam multitudi-
 nem telorum, ignemque nostris defendentibus inje-
 cissent; nefandum crudelissimumque facinus sunt
 aggressi, in conspectuque nostro hospites, qui in opi-
 do erant, jugulare, & de muro præcipites mittere
 cœperunt, sicut apud barbaros: quod post homi-
 num memoriam nunquam est factum. Hujus diei
 extremo tempore à Pompeianis clam ad nostros ta-
 bellarius est missus, ut ea nocte turres aggeremque
 incenderent, & iii vigilia eruptionem facerent.
 ita igne, telorumque multitudine jacta, quum bene
 magnam partem muri consumpsissent, portam, quæ
 è regione & in conspectu Pompeii castrorum fuerat,

aperuerunt, copiarque totæ eruptionem fecerunt, secumque extulerunt calcatas ad fossas complendas, & harpagones ad casas, quæ stramentitiæ ab nostris hibernorum causâ ædificatæ erant, diruendas & incendendas; præterea argentum & vestimenta; ut, dum nostri in præda detinerentur, illi cæde facta ad præsidia Pompeii se reciperent. nam quod existimabat eos posse conatum efficere, nocte tota ultra ibat flumen Salsum in acie. Quod factum licet nec opinantibus nostris esset gestum; tamen virtute freti, repulso, multisque vulneribus affectos opido represserunt, prædaque & armis eorum sunt potiti, vivosque aliquos ceperunt, qui postero sunt interfecti die. Eodemque tempore transfuga nunciavit ex opido, Junium, qui in cuniculo fuisset, jugulatione opidanorum facta, clamasse, facinus se nefandum, & scelus fecisse. nam eos nihil meruisse, quare tali pœna afficerentur, qui eos ad aras & focos suos recepissent; eosque hospitium scelere contaminasse: multa præterea dixisse: qua oratione deterritos amplius jugulationem non fecisse. Ita postero die Tullius legatus cum Catone Lusitano venit, & apud Cæsarem verba fecit: Utinam quidem Dii immortales fecissent, ut tuus potius miles, quam Cn. Pompeii, factus essem; & hanc virtutis constantiam in tua victoria, non in illius calamitate præstarem. cujus funestæ laudes quippe ad hanc fortunam reciderunt, ut cives R. indigentes præsidii, & propter patriæ luctuosam perniciem dedamur hostium numero: qui neque in illius prospera acie primam fortunam, neque in adversa secundam obtinuimus victoriam: qui legionum tot impetus sustentantes, nocturnis diurnisque operibus gladiatorum ictus, telorumque missus exspectantes, victi, & deserti à Pompeio, tua virtute superati, salutem à tua clementia deprecamur; petimusque, ut, qualem te gentibus præstitisti, similem in civium deditioe præstes. Remissis legatis,
quum

quum ad portam venisset Ti. Tullius, quum eum introeuntem C. Antonius insecutus non esset, reversus est ad portam, & hominem apprehendit. Quod Tiberius quum fieri animadvertit, simulque pugionem eduxisset, manum ejus incidit. Ita refugerunt ad Cæsarem. Eodemque tempore signifer de legione prima transfugit; & nunciavit, quo die equestre prælium factum esset, suo signo perisse homines xxxv. neque licere castris Cn. Pompeii nunciari, neque dici perisse quemquam. Servus, cujus dominus in Cæsaris castris fuisset, uxoremque & filium in opido reliquerat, dominum jugulavit, & ita clam à Cæsaris præsidiis in Pompeii castra discessit, & indicium glande scriptum milit, per quod certior fieret Cæsar, quæ in opido ad defendendum compararentur. Ita, litteris acceptis, quum in opidum reversi essent, qui mittere glandem scriptam solebant, insequenti tempore duo Lusitani fratres transfugæ nunciarunt quam Pompeius concionem habuisset: quoniam opido subsidio non posset venire, noctu ex adversariorum conspectu se deducerent ad mare versum. unum respondisse, ut potius ad dimicandum descenderent, quam signum fugæ ostenderent; tum, qui ita locutus esset, jugulatum. Eodem tempore tabellarii ejus deprehenso, qui ad opidum veniebant, quorum litteras Cæsar opidanis objecit, & qui vitam sibi peteret, jussit turrem ligneam opidanorum incendere. id si fecisset, ei se promissit omnia concessurum. quod difficile erat factu, ut eam turrem sine periculo quis incenderet. ita * facturus de ligno quum propius accessisset, ab opidanis est occisus. Eadem nocte transfuga nunciavit, Pompeium, & Labienum, de jugulatione opidanorum indignatos esse. Vigilia secunda propter multitudinem telorum turris lignea, quæ nostra fuisset, ab imo vitium fecit, usque ad tabulatum secundum, & tertium. Eodem tempore pro muro pugnatum acer-

rime ; & turrim nostram , ut superiorem , incend-
runt : idcirco, quod ventum opidani secundum ha-
buerunt. Insequenti luce materfamilias de muro se
dejecit, & ad nos transfiliit, dixitque, se cum familia
constitutum habuisse, ut una transfugerent ad Cæsā-
rem ; illam oppressam & jugulatam. Hoc præterea
tempore tabellæ de muro sunt dejectæ , in quibus
scriptum est inventum: L. Minucius Cæsari: Si mihi
vitam tribuis , quoniam à Cn. Pompeio sum deser-
tus, qualem me illi præstiti , tali virtute & constan-
tia futurum me in te esse præstabo. Eodem tempore
opidanorum legati , qui antea exierant , Cæsarem
adierunt ; si sibi vitam concederet , sese insequenti
die opidum esse dedituros. Quibus respondit , se
Cæsarem esse, fidemque præstaturum. ita ante diem
XI Kal. Martii opido potitus, Imperator est appel-
latus. Et Pompeius, ex perfugis quum deditionem
opidi factam esse scisset, castra movit Ucubim ver-
sus. sed circum ea loca castella disposuit, & muni-
tionibus se continere cœpit. Cæsar movit, & pro-
pius castra castris contulit. Eodem tempore mane
loricatus unus ex legione vernacula ad nos transfu-
git, & nunciavit, Pompeium opidanos Ucubenses
convocasse, iisque imperavisse, ut, diligentia adhi-
bita, perquirerent, qui essent suarum partium, item-
que adversariorum victoriæ fautores. Hoc præteri-
to tempore, in opido, quod fuit captum, servus est
prehensus in cuniculo, quem supra demonstravi-
mus dominum jugulasse. Is vivus est combustus.
Eodemque tempore centuriones loricati IIX ad
Cæsarem transfugerunt ex legione vernacula, &
equites nostri cum adversariorum equitibus con-
gressi sunt, & saucii aliquot occiderunt ex levi arma-
tura. Ea nocte speculatores prehensi servi III, &
unus ex legione vernacula. Servi sunt in crucem sub-
lati, militibus cervices abscissæ. Postero die equites
cum levi armatura ex adversariorum castris ad nos
trans-

transfugerunt. Et eo tempore circiter XI equites ad aquatores nostros excucurrerunt: nonnullos interfecerunt, item alios vivos abduxerunt. Ex equibus capti sunt equites XIX. Insequenti die Pompeius securi percussit homines LXXIV, qui dicebantur esse fautores Cæsaris victoriæ. reliquos in opidum iussit deduci; ex quibus effugerunt CXX, & ad Cæsarem venerunt. Hoc præterito tempore, qui in opido Ategua Bursavolenses, capti sunt: legati profecti sunt cum nostris, uti rem gestam Bursavolensibus referrent, quid sperarent de Cn. Pompeio, quum viderent hospites jugulari: præterea multa scelera ab iis fieri, qui præsidii causâ ab his reciperentur. Qui quum ad opidum venissent, nostri, qui fuissent equites R. & senatores, non sunt ausi introire in opidum, præterquam qui ejus civitatis fuissent. Quorum responsis ultro citroque acceptis, & redditis, quum ad nostros se reciperent, qui extra opidum fuissent, illi de præsidio insæcuti, ex aversione legatos jugularunt. duo reliqui, qui ex eis fugerunt, Cæsari rem gestam detulerunt, & speculatores ad opidum Ateguam miserunt. Qui quum certum comperissent, [legatorum responsa] ita esse gesta, quemadmodum illi retulissent, ab opidanis concursu factò, eum, qui legatos jugulasset, lapidare, & ei manus intentare cœperunt; illius opera se perisse. ita vix periculo liberatus petiit ab opidanis, ut ei liceret legatum ad Cæsarem proficisci: illi se satisfacturum. Potestate data, quum inde esset profectus, præsidio comparato, quum bene magnam manum fecisset, & nocturno tempore per fallaciam in opidum esset receptus, jugulationem magnam facit. Principibus, qui sibi contrarii fuissent, interfectis, opidum in suam potestatem recepit. Hoc præterito tempore, servi transfugæ nunciaverunt; opidanorum bona vendere, ne cui extra vallum liceret exire, nisi discinctum. Idcirco, quod, ex quo die

opidum Ategua esset captum , metu conterritos complures profugere in Bethuriam , neque sibi ullam spem victoriæ propositam habere , ut si quis ex nostris transfugerit , in levem armaturam conjici , eumque non amplius xvi accipere. Insequenti tempore Cæsar castris castra contulit , & brachium ad flumen Salsum ducere cœpit. Hic dum in opere nostri distenti essent , complures ex superiore loco adversariorum decucurrerunt. nec, detinentibus * nostris, multis telis injectis, complures vulneribus affecere. hic tamen , ut ait Ennius , nostri cessere parumper. itaque , præter consuetudinem , quum à nostris animadversum esset cedere , centuriones ex legione v flumen transgressi duo restituerunt aciem; acriterque eximia virtute plures quum agerent , ex superiore loco multitudine telorum alter eorum concidit. Ita , quum is compar prælium facere cœpisset , & quum undique se circumveniri animadvertisset , parumper ingressus pedem offendit. Hujus concidentis viri casu passim audito , quum complures adversariorum concursum facerent , equites nostri transgressi interiore loco adversaries ad vallum agere cœperunt. Ita , dum cupidius intra præsidia illorum student eadem facere , à turmis & levi armatura sunt interclusi. Quorum nisi summa virtus fuisset , vivi capti essent. nam & munitione præsidii ita coangustabantur , ut equites spatio intercluso vix se defendere possent. Ex his utroque genere pugnae complures sunt vulneribus affecti, in quibus etiam Clodius Aquirius. inter quos ita cominus est pugnatum, ut ex nostris , præter ii centuriones , sit nemo desideratus , gloria se efferentes. Postero die ab Soricaria utraq; convenere copiae. Nostri brachia ducere cœperunt. Pompeius , quum animadverteret , castello se excludi Aspavia , quod ab Ucubi millia passuum v distat , hæc res necessario vocabat , ut ad dimicandum descenderet. neque tamen æquo loco
fui

sui potestatem faciebat, sed ex grumo excelsum tumulum capiebat, usque eo, ut necessario cogeretur iniquum locum subire. Quo facto, quum utrorumque copiarum tumulum excellentem petissent, prohibiti à nostris sunt, dejectique planicie. Quæ res secundum nostris efficiebat prælium. undique autem cedentibus adversariis, nostri magna in cæde versabantur: quibus mons, non virtus, saluti fuit: quo subsidio tunc, nisi advesperasset, à paucioribus nostris omni auxilio privati essent. nam ceciderunt ex levi armatura cccxxiv: ex legionariis cxxxix: præterquam quorum arma & spolia sunt allata: Ita pridie ii centurionum interitio hac adversariorum poena est litata. Insequenti die pari consuetudine, quum ad eundem locum ejus præsidium venisset, pristino illo suo utebantur instituto. nam præter equites nullo loco æquo se committere audebant. Quum nostri in opere essent, equitum copiarum concursus facere cœperunt. simulque vociferantibus legionariis, quum locum efflagitarent, ut, consueti insequi, existimare possent, se paratissimos esse ad dimicandum, nostri ex humili convalle bene longe sunt egressi, & planicie iniquiore loco constiterunt. Illi tamen procul dubio ad congregiendum in æquum locum non sunt ausi descendere, præter unum Antistium Turpionem, qui fidens viribus, ex adversariis sibi parem esse neminem cogitare cœpit. hic, ut fertur, Achillis Memnonisque congressus. Q. Pompeius Niger eques Romanus Italicensis ex acie nostra ad congregiendum progressus est. quoniam ferocitas Antistii omnium mentes converterat ab opere ad spectandum, acies sunt dispositæ. nam inter bellatores principes dubia erat posita victoria, ut prope videretur finem bellandi duorum dirimere pugna. ita avidi, cupidique suarum quisque partium, * expertorum virorum, fautorumque voluntas habebatur. Quorum virtute alacri quum ad dimican-

dum in planiciem se contulissent, scutorumque laudis insignis præfulgens opus cælatum, quorum * pugna esset prope profecto dirempta, nisi propter equitum * concessum, ut supra demonstravimus, levis armatura præsidii causa non longe ab opere castrorum constitisset. Ut nostros equites in receptu, dum ad castra redeunt, adversarii cupidius sunt insecuti, universi clamore facto impetum dederunt. Ita metu perterriti, quum in fuga essent, multis amissis, in castra se recipiunt. Cæsar ob virtutem, turmæ Cæsianæ donavit millia XIII, & præfecto torques aureos II, & levi armaturæ millia X. Hoc die A. Bæbius, & C. Flavius, & A. Trebellius, equites Romani Astenses, argento prope tecti equites, ad Cæsarem transfugerunt; qui nunciaverunt equites Romanos conjurasse omnes, qui in castris Pompeii essent, ut transitionem facerent: servi indicio omnes in custodiam esse conjectos, è quibus, occasione capta, se transfugisse. Item hoc die litteræ sunt deprehensæ, quas mittebat Ursonem Cn. Pompeius: S. V. G. E. V. Etsi, prout nostra felicitas, ex sententia adversarios adhuc propulso habemus; tamen, si a quo loco sui potestatem facerent, celerius, quam vestra opinio est, bellum confecissem. Sed exercitum tiro-num non audent in campum deducere, nostrisque adhuc freti præsidiis bellum ducunt: nam singulas civitates circumfident. inde sibi commeatus capiunt. Quare & civitates nostrarum partium conservabo, & bellum primo quoque tempore conficiam. Cohortes animo habeo ad vos mittere. Profecto nostro commeatu privati, necessario ad dimicandum descendent.

Insequenti tempore quum nostri temere in opere distenti essent, equites in oliveto, dum lignantur, interfecti sunt aliquot. Servi transfugerunt, qui nunciaverunt, a. d. III Nonarum Martii prælio, ad Soritiam quod factum est, ex eo tempore metum esse

esse magnum, & Attium Varum circum castella præesse. Eo die Pompeius castra movit; & circa Hispalim in oliveto constitit. Cæsar prius quam eodem est profectus, luna hora circiter VI visa est. ita castris motis Ucubim præsidium, quod Pompeius reliquit, iussit ut incenderent, & deusto opido in castra majora se reciperent. Insequenti tempore Ventisiponte opidum quum oppugnare cœpisset, deditione facta, iter fecit in Carrucam: contra Pompeium castra posuit. Pompeius opidum, quod contra sua præsidia portas clausisset, incendit. Milesque, qui fratrem suum in castris jugulasset, interceptus est à nostris, & fusti percussus. Hinc itinere facto, in campum Mundensem quum esset ventum, castra contra Pompeium constituit. Sequenti die quum iter facere Cæsar cum copiis vellet, renunciatum est ab speculatoribus, Pompeium de IIII vigilia in acie stetisse. Hoc nuncio allato, vexillum proposuit. Idcirco enim copias eduxerat, quod Versaonensium civitati [fuissent fautores] antea litteras miserat, Cæsarem nolle in convallem descendere, quod maiorem partem exercitum tironem haberet. Hæ litteræ vehementer confirmabant mentes opidanorum. Ita hac opinione fretus totum se facere posse existimabat. Etenim & natura loci defendebatur, & ipsius opidi munitione, ubi castra habuit constituta. Namque, ut superius demonstravimus, loca excellentiâ tumulis contineri; interim nulla planitia dividit. Sed ratione nulla placuit taceri id, quod eo incidit tempore. Planicies inter utraque castra intercedebat circiter millia passuum V, ut auxilia Pompeii duabus defenderentur rebus, opidi excelsi, & loci natura. Hinc dirigens proxima planicies æquabatur. cuius decursum antecedebat rivus, qui ad eorum accessum summam efficiebat loci iniquitatem. Nam palustri & voraginoso solo currebat ad dextram partem: & Cæsar, quum aciem directam

vidisset, non habuit dubium, quin media planicie in æquum ad dimicandum adversarii procederent. hoc erat in omnium conspectu. Huc accedebat, ut locus illa planicie equitatum ornaret, & diei solisque serenitas: ut mirificum & optandum tempus prope ab Diis immortalibus illud tributum esset ad prælium committendum. Nostri lætari, nonnulli etiam timere, quod in eum locum res fortunæque omnium deducerentur, ut, quidquid post horam casus tribuisset, in dubio poneretur. Itaque nostri ad dimicandum procedunt: id quod adversarios existimabamus esse facturos. qui tamen à munitio-
ne opidi ∞ passibus longius non audebant procedere; in quo sibi prope murum adversarii constituebant. Itaque nostri procedunt. Interdum æquitas loci adversarios efflagitabat, ut tali conditione contenderent ad victoriam. Neque tamen illi à sua consuetudine discedebant, ut aut ab excelso loco, aut ab epido, discederent. Nostri pede pressò propius rivum quum appropinquassent, adversarii patrociniari loco iniquo non desinunt. Erat acies XIII a-
quilis constituta, quæ lateribus equitatu tegebatur, cum levi armatura millibus VI. præterea auxiliares accedebant prope alterum tantum. Nostra præsidia LXXX cohortibus, & IXX millibus equitum. Ita, quum in extrema planicie iniquum in locum nostri appropinquassent, paratus hostis erat superior, ut transeundi superius iter vehementer esset periculoso. Quod quum à Cæsare esset animadversum, nequid temere culpa sua sequius admitteretur, eum locum definire cœpit. quod quum hominum auri-
bus esset objectum, moleste & acerbe accipiebant se impediri quo minus prælium conficere possent. Hæc mora adversarios alacriores efficiebat, Cæsaris copias timore impediri ad committendum prælium. Ita se efferentes iniquo loco sui potestatem faciebant, ut magno tamen periculo accessus eorum ha-
bere-

beretur. Hic Decumani suum locum cornu dextrum tenebant, sinistrum III & V legio, itemque cetera auxilia, & equitatus. Prælium clamore facto committitur. Hic etsi virtute nostri antecedeabant, adversarii loco superiore defendebantur acerrime, & vehemens fiebat ab utrisque clamor, telorumque missus, concursus, sic, ut prope nostri diffiderent victoriæ. congressus enim & clamor, quibus rebus maxime hostes conterrentur, in collatu pari erant conditione. itaque ex utroque genere pugnæ, quum parem virtutem ad bellandum contulissent, pilorum missu fixa cumulat, & concidit adversariorum multitudo. Dextrum demonstravimus Decumanos cornu tenuisse. qui, etsi erant pauci, tamen, propter virtutem, magno adversarios timore eorum opera afficiebant, quod suo loco hostes vehementer premere cœperunt, ut ad subsidium, ne ab latere nostri occuparentur, legio adversariorum transduci cœpta sit ad dextrum. Quæ simul est mota, equitatus Cæsaris sinistrum cornu premere cœpit. at ii eximia virtute prælium facere incipiunt, ut locus in acie ad subsidium veniendi non daretur. Ita, quum clamori esset intermixtus gemitus, gladiatorumque crepitus auribus oblatus, imperitorum mentes timore præpediebat. Hic, ut ait Ennius, pes pede premitur, armis teruntur arma, adversariosque vehementissime pugnantes nostri agere cœperunt. quibus opidum fuit subsidio; ita ipsis Liberalibus fusi fugatique non superfuissent, nisi in eum locum confugissent, ex quo erant egressi. in quo prælio ceciderunt millia hominum circiter xxx, & si quid amplius: præterea Labienus, Attius Varus: quibus occisis utrisque funus est factum: itemque equites Romani partim ex urbe, partim ex provincia ad millia IIII. Nostri desiderati ad hominum ∞, partim peditum, partim equitum: faucii ad D: adversariorum aquile sunt ablatae XIII, & signa, & fasces. Præterea duces

belli xvii capti sunt. Hos habuit res exitus. Ex fuga hac quum opidum Mundam sibi constituissent præsidium, nostri cogebantur necessario eos circumvallare. Ex hostium armis, pro cespite cadavera collocabantur, scuta & pila pro vallo, * insuper occisi, & gladii, & mucrones, & capita hominum ordinata, ad opidum conversa universa, hostium timorem, virtutisque insignia * proposita viderent, & vallo circumcluderentur adversarii. * ita Galli tragulis jaculisque opidum ex hostium cadaveribus sunt circumplexi, oppugnare cœperat. Ex hoc prælio Valerius adolescens, Cordubam cum paucis equitibus fugiens, Sex. Pompeio, qui Cordubæ fuisset, rem gestam refert. Cognito hoc negotio, quos equites, quod pecuniæ secum habuit, eis distribuit, & opidanis dixit, se de pace ad Cæsarem proficisci; & secunda vigilia ab opido discessit. Cn. Pompeius autem cum equitibus paucis, nonnullisque peditibus, ad navale præsidium parte altera contendit Carteiam, quod opidum abest à Corduba millia passuum cLxx. Quo quum ad octavum milliarium venisset, P. Calvitiu, qui castris antea Pompeii præpositus esset, ejus verbis nuntium mittit, quum minus belle haberet, ut mitteret lecticam, qua in opidum deferri posset. Litteris missis, Pompeius Carteiam defertur. Qui illarum partium fautores essent, conveniunt in domum, quo erat delatus: qui arbitrati sunt clanculum venisse, ut ab eo, quæ vellet, de bello requirerent. quum frequentia convenisset, de lectica Pompeius eorum in fidem confugit, Cæsar ex prælio munitione circumdata, Cordubam venit: qui ex cæde eo refugerant, pontem occupaverunt. quum eo esset ventum, conviciari cœperunt, nos ex prælio paucos superesse, quo confugeremus. Ita pugnare cœperunt de ponte. Cæsar flumen transjecit, & castra posuit. Scapula totius seditionis familiæ & libertinorum caput, ex prælio Cordubam

dubam quum venisset, familiam & libertos convocavit. pyram sibi exstruxit, cenam afferri quam optimam imperavit, item optimis insternendam vestimentis. pecuniam & argentum in praesentia familiarum donavit. Ipse de tempore cenavit; * resinam & nardum identidem sibi infundit. Ita novissimo tempore servum jussit, & libertum, qui fuisset ejus concubinus, alterum se jugulare, alterum pyram incendere. Opidani autem, simul Caesar castra contra opidum posuit, discordare coeperunt usque eo, ut clamor in castra nostra perveniret, fere inter Caesarianos, & inter Pompeianos. Erant hic legiones, quae ex perfugis conscriptae, partim opidanorum servi, qui erant à Sex. Pompeio manumissi, tunc in Caesaris adventum descendere coeperunt. legio XIIII opidum defendere coepit: nam quum jam repugnarent, turres ex parte & murum occuparunt. Denuo legatos ad Caesarem mittunt, ut sibi legiones subsidio intromitteret. Hoc quum animadverterent homines fugitivi, opidum incendere coeperunt: qui superati à nostris, sunt interfecti hominum millia XXI, praeterquam extra murum qui perierunt. Ita Caesar opido potitus. Dum hic detinetur, ex praelio, quos circummunitos superius demonstravimus, eruptionem fecerunt, & bene multis interfectis, in opidum sunt redacti. Caesar Hispalim quum contendisset, legati deprecatum venerunt. Ita quum opidum sese tueri dixisset; Caninium legatum cum praesidio intromittit. Ipse castra ad opidum ponit. Erat bene magnum intra Pompeianas partes praesidium, quod Caesaris praesidium receptum indignabatur clam quendam Philonem, illum, qui Pompeianarum partium fuisset defensor acerrimus. Is tota Lusitania notissimus erat. Hic clam praesidia in Lusitaniam proficiscitur, & Cacilium Nigrum nomine Barbarum ad Lenium convenit; qui bene magnam manum Lusitanorum haberet. Rursus in Hispalim

opidum denuo noctu per murum recipitur. præsidium vigilesque jugulant, portas præcludunt; de integro pugnare cœperunt. Dum hæc geruntur, legati Carteienses renunciarunt, quod Pompeium in potestate haberent, quod ante Cæsari portas præclusissent, illo beneficio suum maleficio existimabant se lucrifacere. Lusitani Hispalim oppugnare nullo tempore desistebant. Quod Cæsar quum animadverteret, si opidum capere contenderet, ut homines perditioni incenderent, & mœnia delerent. [Ita] consilio habito noctu, patitur Lusitanos eruptionem facere. id quod consulto non existimabant fieri. ita irrumpendo, naves, quæ ad Bætis flumen fuissent, incendunt. Nostri dum incendio detinentur, illi profugiunt, & ab equitibus conciduntur. Quo facto, opido recuperato, Astam iter facere cœpit. ex qua civitate legati ad deditionem venerunt. Mundensesque, qui ex prælio in opidum confugerant, quum diutius circumfiderentur, bene multi deditionem faciunt, & quam essent in legionem distributi, conjurant inter se, ut noctu signo dato, qui in opido fuissent, eruptionem facerent, illi eadem in castris administrarent. Hac re cognita, insequenti nocte, vigilia tertia, tessera data, extra vallum omnes sunt concisi Mundenses duces. Cæsar in itinere reliqua opida oppugnat. quæ propter Pompeii dissentire cœperant. pars erat, quæ legatos ad Cæsarem miserat; pars, qui Pompeianarum partium essent fautores. Seditione concitata portas occupant. Cædes fit magna, saucius Pompeius naves xxx occupat longas, & profugit. Didius, qui Gadis classi præfuisset, ad quem simul nuncius allatus est, confestim sequi cœpit, partim peditatibus, & equitatibus, ad persequendum celeriter iter faciens. Item iv die navigatione confecta, insequuntur. qui imparati à Carteia profecti sine aqua fuissent, ad terram applicant. Dum aquantur, Didius classe occurrit, naves incendit, nonnullas capit. Pompeius cum paucis profugit, & locum quen-

quendam munitum natura occupat. Equites & cohortes, quæ ad persequendum missæ essent, speculatoribus ante missis, certiores fiunt: diem & noctem iter faciunt. Pompeius humero & sinistro crure vehementer erat saucius. Huc accedebat, ut etiam talū intorsisset: quæ res maxime impediēbat. Ita, lectica à turre qua esset allatus, in ea ferebatur. Lusitanus more militari, quum à Cæsaris præsidio fuisset conspectus, celeriter equitatu cohortibusque circumcluditur. Erat accessus loci difficultas. Nam idcirco, quod propter suos à nostro præsidio fuisset conspectus, celeriter munitum locum natura ceperat sibi Pompeius, quem vix magna multitudine deducti homines ex superiore loco defendere possent. Subeuntes in adventu nostri depelluntur telis: quibus cedentibus, cupidius insequēbantur adversarii, & confestim tardabant ab accessu. Hoc sæpius factō, animadvertēbatur nostro magno id fieri periculo. Opere circummunire instituit, pari autem & celeri festinatione circū munitiōnes in iugo dirigunt, ut æquo pede cum adversariis congredi possent. A quibus quum animadversum esset, fuga sibi præsidium capiunt. Pompeius, ut supra demonstravimus, saucius, & intorto talo, idcirco tardabatur ad fugiendum: itemq; propter loci difficultatem, neque equo, neque vehiculo salutis suæ præsidium parare poterat. Cædes à nostris undique administrabatur, exclusa munitiōe, amissisque auxiliis. Ad convallem autem atq; exesum locum in speluncam Pompeius se occultare cœpit, ut à nostris non facile inveniretur, nisi captivorum indicio. Ita ibi interficitur. quum Cæsar gradiebatur Hispalim, pridie Id. Apr. caput allatum, & populo datū est in conspectum. Interfecto Cn. Pompeio adolescente, Didius, quem supra demonstravimus, illa affectus lætitiā, proximo se recepit castello, nonnullasque naves ad reficiendum subduxit. Lusitani, qui ex pugna superfuerunt, ad signum se receperunt, & bene magna manu

com-

comparata , ad Didium se reportant. Huic etsi non aberat diligentia ad naves tuendas , tamen nonnunquam ex castello, propter eorum crebras excursiones, ejiciebatur ; & sic prope quotidianis pugnis insidias ponunt , & tripartito signa distribuunt. erant parati, qui naves incenderent, inceusisque qui subsidium repeterent. ii sic dispositi erant , ut à nullo conspectu omnium ad pugnam contenderent. Ita, quum ex castello Didius ad propellendum processisset cum copiis, signum à Lusitanis tollitur. naves incenduntur: simulque qui in castello ad pugnam processerant, eodem signo fugientes latrones dum persequuntur , à tergo insidiarum clamore sublato circumveniunt. Didius magna cum virtute cum compluribus interficitur. nonnulli ea pugna scaphas, quæ ad litus fuerant, occupant. Item complures nando , ad naves , quæ in salo fuerunt, se recipiunt. Anchoris sublati, pelagus remis petere cœperunt. Quæ res eorum vitæ subsidio fuit. Lusitani præda potiuntur. Cæsar Gadibus rursus ad Hispalim recurrit. Fab. Max., quem ipse ad Mundam præsidium oppugnandum reliquerat , operibus assiduus, hostesque circum sese interclusi, inter se decernere, facta eade bene magna , * eruptionem faciunt. Nostri ad opidum recuperandum occasionem non prætermittunt, & reliquos vivos capiunt , ac deinde Ursonem profisciscuntur; quod opidum magna munitione continebatur, sic, ut ipse locus non solum opere, sed etiam natura editus, ad oppugnandum hostem abverteret. Huc accedebat, quod aqua, præterquam in ipso opido , non erat. nam circumcirca rivus nusquam reperiebatur propius millia pass. 11x: quæ res magno erat adjumento opidanis. Tum præterea accedebat , ut agger , materiesque , unde solitæ sunt turres agi, propius millia passuum vi non reperiebantur. Ac Pompeius , ut opidi oppugnationem tutiorem efficeret, omnem materiem circum opidum succisam intro conegessit. Ita necessario deducebantur

tur nostri, ut à Munda, quam proxime ceperant, materiem illo deportarent. Dum hæc ad Mundam geruntur & Urſaonem, Cæſar, quum à Gadibus ad Hiſpalim ſe recepiſſet, inſequenti die, concione advocata, commemorat, Initio quaſturæ ſuæ eam provinciam ex omnibus provinciis peculiarem ſibi conſtituiſſe, &, quæ potuiſſet, eo tempore beneficia largitum eſſe. In ſequenti prætura ampliato honore, veſtigalia, quæ Metellus impoſuiſſet, à Senatu petiſſe, & eis pecuniis provinciam liberaſſe: ſimulque, patrocínio ſuſcepto, multis legibus ab ſe in Senatum inductis, ſimul publicas privatasque cauſſas, multorum inimiciis ſuſceptis, defendiſſe; ſuo item in conſulatu abſentem, quæ potuiſſet, commoda provinciæ tribuiſſe: eorum omnium commodorum eſſe & immemores & ingratos in ſe, & in pop. R. hoc bello, & in præterito tempore cognoſſe. Vos jure gentium, inquit, & civium R. inſtitutis cognitis, more barbarorum, populi R. Magiſtratibus ſacroſanctis manus sæpe & sæpius attuliſtis: luce clara Caſſium in medio foro nefarie interficere voluiſtis. Vos ita pacem ſemper odiſtis, ut nullo tempore legiones deſint populi R. in hac provincia haberi. apud vos beneficia pro maleficiis, maleficia pro beneficiis habentur. Ita neque in otio concordiam, neque in bello virtutem ullo tempore retinere potuiſtis. Privatus ex fuga Cn. Pompeius adoleſcens à vobis receptus faſces imperiumque ſibi arripuit. Multis interfectis civibus, auxilia contra populum R. comparavit: agros, veſtramque provinciam veſtro impulſu depopulavit. In quos vos victores exiſtimabatis? An me deleto, non animadvertetis x habere legiones popul. R. quæ non ſolum vobis obſiſtere, ſed etiam cælum diruere poſſent? quorum laudibus & virtute.

Deſunt reliqua.

C. JULII CÆSARIS
FRAGMENTA.

EX LIBRIS EPISTOLARUM AD
M. T. CICERONEM.

Cæsar Imp. s. d. Ciceroni Imp.



Quum Furnium nostrum tantum vidiſſem, neque loqui, neque audire me commodè potuiſſet, quum properarem, atque eſſem in itinere, præmiſſis jam legionibus; præterire tamen non potui, quin & ſcriberem ad te, & illum mitterem, gratiaſque agerem. etſi hoc officium & ſeci ſæpe, & ſapius mihi facturus videor: ita de me mereris. inprimis à te peto, quoniam conſido me celeriter ad Urbem venturum, ut te ibi videam; ut tuo conſilio, gratia, dignitate, ope omnium rerum uti poſſim. Ad propoſitum revertar: feſtinationi meæ brevitatiſque litterarum ignoſces. reliqua ex Furnio cognoſces. Vale. Ex Cic. lib. 9 Epist. ad Attic. Epist. 5.

Cæsar Imp. Ciceroni Imp. S.

Rectè auguraris de me (bene enim tibi cognitus ſum) nihil à me abeſſe longius crudelitate. atque ego quum ex ipſa re magnam capio voluptatem, tum, meum factum probari ab te, triumpho & gaudeo. neque illud me movet, quod ii, qui à me dimiſſi ſunt, diſceſſiſſe dicuntur, ut mihi ruruſus bellum inferrent: nihil enim malo, quam & me mei ſimilem eſſe, & illos ſui. Tu velim mihi ad Urbem præſto ſis, ut tuiſ conſiliis atque opibus, ut conſuevi, in omnibus rebus utar. Dolabella tuo nihil mihi ſcito eſſe jucundius. hanc adeo habebo gratiam illi. neque enim aliter facere potuit: tanta ejus humanitas, iſ ſenſus, ea in me eſt benevolentia. Vale. Ex Cic. lib. 10 Epist. ad Attic. Epist. 9.

Cæsar

Cæsar Imp. Ciceroni Imp. S.

Esse te nihil temere, nihil imprudenter facturum judicare, tamen permotus hominum fama, scribendum ad te existimavi, & pro nostra benevolentia petendum, ne quo progredereris inclinata jam re, qua integra etiam progrediendum tibi non existimasses. namque & amicitia graviores injurias feceris, & tibi minus commode consulueris, si non fortuna obsecutus videbere (omnia enim secundissima nobis, adversissima illis accidisse videntur), nec causam secutus (eadem enim tum fuit, quum ab eorum consiliis abesse judicasti), sed meum aliquod factum condemnasse: quo mihi gravius abs te nihil accidere potest: quod ne facias, pro jure nostra amicitia à te peto. Postremo, quid viro bono, & quieto, & bono civi magis convenit, quam abesse à civilibus controversiis? quod nonnulli quum probarent, periculi causa sequi non potuerunt, tu, explorato & vita mea testimonio, & amicitia judicio, neque tutius neque honestius reperies quidquam, quam ab omni contentione abesse. xv Kal. Mai. ex itinere. Vale. Ex Cic. lib. 10 Epist. ad Attic. Epist. 9.

M. Furium quem mihi commendas, vel regem Gallie faciam, vel Lepta legatum: si vis tu, ad me alium mitte, quem ornem. Ex Cic. lib. 7 Epist. ad Fam. Epist. 5 ad Cæs.

Neque pro cauto ac diligente se castris continuit. Ex Charis. lib. 1.

Quid quæris quid Cæsar ad me scripserit? quod saepe; gratissimum sibi esse, quod quierim: oratque in eo ut perseverem. Ex Cic. lib. 8 Epist. ad Attic. Ep. 11.

De tribunatu quod scribis, ego vero nominatim petivi Curtio, & mihi ipse Cæsar nominatim Curtio paratum esse rescripsit. Ex Cic. lib. 3 Epist. ad Quintum Fratrem, Epist. 1.

Quod quidem propemodum videor, ex Cæsaris literis, ipsius voluntate facere posse: qui negat neque honestius

nestius neque tutius mihi quidquam esse, quam ab omni contentione abesse. Ex Cic. lib. 10 ad Attic. Ep. 10.

Cæsar mihi ignoscit per literas, quod non venerim; seseque in optimam partem id accipere dicit. Facile patior quod scribit, secum Tullum & Servium questos esse, quia non idem sibi quod mihi remisisset, &c. sed tamen exemplum misi ad te Cæsaris literarum. Ex Cic. lib. 10 Epist. ad Attic. Epist. 3.

Sextius apud me fuit, & Theopompus pridie venisse à Cæsare narrabat literas: hoc scribere, sibi certum esse Romanam manere; causamque eam adscribere, qua erat in epistolanostre, ne se absente leges sua negligerentur, sicut esset neglecta Sumptuaria. Ex Cic. lib. 13 Epist. ad Attic. Ep. 7.

Sed heus tu, celari videor à te. quomodonam, mi Frater, de nostris versibus Cæsar? Nam primum librum se legisse scripsit ad me ante: & prima, sic, ut neget se ne Græca quidem meliora legisse. Reliqua ad quendam iocum παρρησιαστικόν. hoc enim utitur verbo, &c. Ex Cic. lib. 2 Epist. ad Quintum Fratrem, Epist. 15.

Ex Britannia Cæsar ad me Kal. Septemb. dedit literas, quas ego accepi A. D. 15 Kal. Octob. satis commodas de Britannicis rebus: quibus, ne admirer, quod à te nullas acceperim, scribit se sine te fuisse cum ad mare accesserit, &c. Ex Cic. lib. 3 Ep. ad Quintum Fratrem, Ep. 1.

Quum hanc jam epistolam complicarem, tabellarii à vobis venerunt A. D. 11 Kal. Septemb. vicesimo die. O me sollicitum! quantum ego dolui in Cæsaris suavissimis literis. sed quo erant suaviore, eo maiorem dolorem illius ille casus afferebat. Ex Cic. lib. 3 Epist. ad Quintum Fratrem, Ep. 1.

EX LIBRIS EPISTOLARUM AD.
C. OPIUM ET BALBUM CORNELIUM.

Cæsar Oppio & Cornelio S.

Gaudeo mæhercule vos significare literis, quam valde probetur ea, quæ apud Corfinium sunt gesta. consilio vestro utar libenter, & hoc libentius, quod mea sponte facere constitueram, ut quam lenissimum me praberem, & Pompeium darem operam ut reconciliarem tentemus hoc modo si possumus omnium voluntates recuperare, & diuturna victoria uti: quoniam reliqui diuturnitate odium effugere non potuerunt, neque victoriam diutius tenere præter unum L. Sullam, quem imitaturus non sum. hac nova sit ratio vincendi; ut misericordia, & liberalitate nos muniamus. id quemadmodum fieri possit, nonnulla mihi in mentem veniunt, & multa reperiri possunt. de his rebus, rogo vos, ut cogitationem suscipiatis. Cn. Magium, Pompeii Præfectum, deprehendi: scilicet meo institute usus sum, & eum statim missum feci. Jam duo Præfecti fabrum Pompeii in meam potestatem venerunt, & à me missi sunt. si volent grati esse, debebunt Pompeium hortari, ut malit mihi esse amicus, quam iis, qui & illi & mihi semper fuerunt inimicissimi: quorum artificii effectum est, ut Resp. in hunc statum perveniret. Ex Cic. lib. 9 Epist. ad Attic. Epist. 8.

Cæsar Oppio & Cornelio S.

A. D. VII Id. Mart. Brundisium veni: ad murum castra posui. Pompeius est Brundisii: misit ad me Cn. Magium de pace. quæ visa sunt respondi. hoc vos statim scire volui. Quum in spem venero, de compositione aliquid me conficere, statim vos certiores faciam. Valete. Ex Cic. lib. 9 Epist. ad Att. Ep. 16.

De Cæsare fugerat me ad te scribere. Video enim quas tu literas expectaris. Sed ille scripsit ad Balbum, fasciculum illum epistolarum, in quo fuerat & mea, & Balbi,
totum

totum sibi aqua madidum redditum esse : ut ne illud quidem sciat , meam fuisse aliquam epistolam . sed ex Balbi epistola pauca verba intellexerat . ad quæ rescripsit his verbis : De Cicerone video te quiddam scripsisse , quod ego non intellexi : quantum autem conjectura consequeretur , id erat hujusmodi , ut magis optandum quam sperandum putarem . Itaque postea misi ad Casarem eodem illo exemplo literas . Jocus autem illius de sua egestate ne sis aspernatus , &c. Ex Cic. lib. 2 Epist. ad Quinctum Fratrem , Epist. 11.

Libri sunt epistolarum C. Cæsaris ad C. Oppium & Balbum Cornelium , qui res ejus absentis curabant . in his epistolis quibusdam in locis inveniuntur literæ singulares , sine coagmentis syllabarum , quas tu putes positas incondite . nam verba ex his literis confici nulla possunt . erat autem conventum inter eos clandestinum , de commutando situ litterarum , ut inscriptio quidem alia alia locum & nomen teneret : sed in legendo locus cuique suus & potestas restitueretur , &c. est adeo Probi Grammatici commentarius satis curiosè factus , de occulta literarum significatione epistolarum C. Cæsaris scriptarum . Ex Agell. lib. 17 , c. 9.

EX LIBRIS EPISTOLARUM

AD Q. PEDIUM.

Cæsar Q. Pedio S.

Pompeius se oppido tenet : nos ad portas castra habemus : conamur opus magnum , & multorum dierum , propter altitudinem maris : sed tamen nihil est , quod potius faciamus . ab utroque portus cornu moles jacimus , ut aut illum quam primum transjicere , quod habet Brundisii copiarum , cogamus , aut exitu prohibeamus . Ex Cic. lib. 9 Ep. ad Attic.

EX LIBRO EPISTOLARUM

AD PISONEM.

Locellum tibi signatum remisi. Ex Char. lib. 1.

EX

EX LIBRO EPISTOLARUM
AD ANTONIUM.

Nam ad me misit Antonius exemplum Caesaris ad se litterarum, in quibus erat, se audivisse, Casarem, & L. Metellum, in Italiam venisse, Roma ut essent palam: id sibi non placere; ne qui motus ex eo fierent: prohiberique omnes Italia, nisi quorum ipse causam cognovisset. deque eo vehementius erat scriptum. Ex Cic. ad Attic. lib. 11.

EX LIBRO EPISTOLARUM
AD SERVILIUM.

P. Servilius pater ex literis quas sibi à Casare missas esse dicebat, significat valde te sibi gratum fecisse, quod de sua voluntate erga Casarem humanissime diligentissimeque locutus esses. Ex Cic. lib. 3 Ep. ad Quintum Fratrem, Epist. 1.

DE C. JULII CÆSARIS
EPISTOLIS TESTIMONIA.

Epistola quoque ejus ad Senatum extant: quas primus videtur ad paginas, & formam memorialis libelli convertisse: cum antea Consules & Duces non nisi transversa charta mitterent scriptas. extant & ad Ciceronem; item ad familiares domesticis de rebus. in quibus si qua occultius perferenda erant, per notas scripsit, id est, sic structo litterarum ordine, ut nullum verbum effici posset. qua si quis investigare & persequi vellet, quartam elementorum litteram, id est, O pro A, & perinde reliquas commutet. Ex Suet. in Cæs. * Harum mentio apud Cic. in epist. 11, lib. 16. ad Famil. Omnino & ipse Caesar, amicus noster, minaces ad Senatum & acerbis litteras miserat, &c.

Scribere, & legere simul, dictare & audire solitum accepimus. epistolas vero tantarum rerum quaternas pariter

pariter librarius dictare, aut si nihil ageret, septenas. Ex Plin. lib. 7. c. 15.

Ἐν ἐκείνῃ δὴ τῇ στρατείᾳ προσεζήσκεισεν ἰπποαζόμενοι τὰς ὀπισθὰς ὑπαγορεύειν, καὶ δυσὶν ὁμῇ γράφουσιν ἱξαρκεῖν. ὥς ὅτι Ὀπίππος φησι, καὶ πλείοσιν. λίγαται ὅτι καὶ τὸ ἀγῶν γράμμάτων τοῖς φίλοις ὁμιλεῖν, καὶ σὺρα πρὸς τὸν μηχανήσασθαι. Ex Plut. in Cæsare.

EX ORATIONE IN FUNERE JULIÆ.

Quæstor Juliam amitam, uxorem Corneliam, defunctam laudavit è more pro rostris. sed in amita quidem laudatione, de ejus ac patris sui origine sic refert: Amita mea Julia maternum genus ab regibus ortum, paternum cum diis immortalibus conjunctum est. nam ab Anco Marcio sunt Marci Reges: quo nomine fuit mater. à Venere Julii, cujus gentis familia est nostra. Est ergo in genere sanctitatis regum, qui plurimum inter homines pollent; et cerimonia deorum, quorum ipsi in potestate sunt reges. Ex Suet. in Cæs.

Ὅτε δὲ Μαρίᾳ γυναικὶς ὑποθιγέσθης, ἀδελφιδῆς αὐτῆς, ἐγκώμιόν τε λαμπρὸν ἐν ἀγορᾷ διῆλθεν, καὶ αὖτις πλὴν ἐκέρχεται ἐπὶ τὴν μνησεν εἰκόνας Μαρίᾳ προσδεῖσθαι. Ex Plut. in Cæsare.

EX ORAT. PRO BITHYNIS.

C. Cæsar Pont. Max. in oratione, quam pro Bithynis dixit, hoc principio usus est. Vel pro hospitio regis Nicomedi, vel pro horum necessitate, quorum res agitur, refugere hoc munus. M. * Vinici, non potui. nam neque hominum morte memoria deleri debet, quin à proximo retineatur; neque clientes sine summa infamia deferi possunt, quibus etiam à propinquis nostris opem ferre instituimus. Ex Agel. l. 5. c. 13. * Ita Fulvius Ursinus ex libri manuscripti corrupta scriptura.

Quid ergo? syngraphæ non sunt, sed res aliena est. Ex Julio Rufiniano de Figuris.

EX ORAT. PRO LEGE PLAUTIA.

Reperitamen in oratione C. Caesaris, qua Plautiam rogationem suavit; necessitatem dictam pro necessitudine, id est, jure Adfinitatis. verba hac sunt: Equidem mihi videor pro nostra necessitate, non labore, non opera, non industria defuisse. Ex Agell. lib. 13, c. 3. & Nonio in voce Necessitas.

EX ORAT. IN CN. DOLABELLAM.

*Caesar in Dolabellam: * Actionis illibuiſti, quorum in adibus fanisque posita, & honorierant, & ornatu. In libris quoque Analogicis omnia istiusmodi sine I littera dicenda cenſet. Ex Agell. lib. 4, c. 16.*

** Alias Actionis allibuiſti. ſed emendata Stephani & Tornesii editio: Caesar in Dolabellam Actionis III. Ibi isti, quorum, &c.*

Nono decimo atatis anno L. Crassus C. Carbonem, uno & vigesimo Caesar Dolabellam, altero & trigesimo Asinius Pollio Catonem, non multo atatem antecedens Calvus Vatinius, iis orationibus inſecuti ſunt, quas hodieque cum admiratione legimus. Ex auctore Dialogi de oratoribus.

Caterum composita ſeditione civili, Cornelium Dolabellam conſularem & triumphalem virum repetundarum poſtulavit, abſolutoque Rhodum ſecedere ſtatuit. Ex Suet. in Cæſ.

Divus quoque Julius, quam celeſtis numinis, tam etiam humani ingenii perfectiſſimum columen, vim ſacundia propria expreſſit, dicendo in accuſatione Cn. Dolabella, quem reum agit, extorqueri ſibi cauſſam optimam L. Cotta patrocinio. Ex Valer. Max. lib. 8, cap. 9.

C Caesar Cn. Dolabellam accuſavit, nec damnavit. Ex Pediano in orat. pro Marco Scauro.

Significat & Caſarem, item adoleſcentem, in Dolabella reo ex Sicilia, qui quidem damnatus eſt quan-

tum oportuit per Hortensium, &c. Ex Pediano in Divin

Εἰς Παιονίων δ' εἰς Ρώμῳ, Δολαβίλλαν ἔχειε
κακώτερος ἐπαρχίας, ἢ πολλὰ ὑπὸ τῆς Ἑλλάδος ἡμῶν
πόλεων μαρτυρίας αὐτῷ παρέχον. ὁ μὲν ἔν Δολαβίλλας
ἀπέφυγε τῷ δίκῳ. Ex Plut. in Cæs.

EX ORAT. AD MILITES.

Fama vero hostilium copiarum perterritos, non negando minuendove, sed insuper amplificando, erementiendoque confirmabat. itaque cum expectatio adventus Juba terribilis esset, convocatis ad convionem militibus; Scitote, inquit, paucissimis his diebus regem affuturum cum x legionibus, equitum xxx, levis armaturæ c millibus, elephantisque ccc. proinde desinant quidam quætere ultra, aut opinari: mihiq; qui compertum habeo, credant: aut quidem vetustissima nave impositos quocunque vento in quasunque terras jubebo avelli. Ex Suet. in Cæs.

C. Caesar apud milites de * incommodis eorum; Non frustrabo vos, milites. Ex Diomedel lib. i.

* Alias, commodis.

EX ORAT. PRO DECIO SAMNITE.

Nisi forte quisquam aut Caesaris pro Decio Samnite, aut Bruti pro Deiotaro rege, ceterosque cujusdam lenti iuminis ac temporis libros legit, &c. Ex Auctore Dial. de orator.

EX ORAT. PRO SEXTILIO.

Quo enim iambo, qua procella verborum, impium Sextilii, caput obrui meretur? quod C. Casarem, a quo cum studiose, tum etiam feliciter gravissimi criminis reus defensus fuerat, &c. Ex Val. Max. lib 5, c. 3.

EX ORAT. DE CONJURATIS.

Catonem primum putat de animadversione dixisse, quam omnes ante dixerant prater Casarem. & cum ipsius Casaris tam severa fuerit, qui tum Pratorio loco dixerit, &c. Ex Cic. ad Attic. lib. 12.

Sed Caesar, ubi ad eum perventum est, rogatus sententiam à consue, hujusmodi verba locutus est: Omnes homines, &c. Ex Sallust. in Conjur.

Ο δὲ Καῖσαρ ἀναστὰς, λόγον διῆλθεν περὸντισμὸν, ὡς ἀποκλείειν μὴ ἀκρίτως ἄνδρας ἀξιόματι καὶ γλῶσφ λαμβάνειν, ὃ δὲ πατριον ὃ δὲ δίκαιον (ἔπ), μὴ μὲν τῆς ἐχάτης ἀνάγκης. εἰ δὲ φρεσὶντο δεδέντες ἐν πόλεσι τῆς Ἰταλίας, ἃς ἂν αὐτὸς ἐληται Κικέρων, μέλει δὲ κατὰ πολέμῳ κατὰ κλίνας, ὕστερον ἐν εἰρήνῃ καὶ καὶ ἡσυχίᾳ πρὸς ἐκείνους τῇ βελτῇ γνώμῃ παρῆξεν. ἔπειτα τῇ τῆς γνώμης φιλικῶς φαιέσης, καὶ τῇ λόγῳ δυνατῶς ἐπ' αὐτῇ ῥηθέντι, ὃ μόνον οἱ μὲν τῶτον ἀντιστάμενοι προσεπιδέοντο, πολλοὶ δὲ καὶ τῶν εἰρημῶν γνώμας ἀπειπάμενοι πρὸς τὴν ἐκείνῃ κατέστησαν, ὥς ὅτι Κάτωνα τὸ πρῶτον καὶ Κάτωλεν πρὸς ἑλθεν. Ex Plutarch. in Caf.

EX ORAT. IN :::::

Sic fac existimes: post has miseriae, id est, postquam armis disceptari ceptum est de jure publico, nihil esse actum aliud cum dignitate. Nam & ipse Caesar accusata acerbitate Marcelli (sic enim appellabat) laudatque honorificentissime & aequitate tua & prudentia, repente prater spem dixit, se Senatui roganti de Marcello, ne hominis (l. ominis) quidem causam negaturum. Ex Cic. lib. 4 Epist. ad Fam. Epist. ad Ser. Sulpicium.

EX ORAT. IN FUNERE CORNELIÆ.

Quæstor Juliam amitam, uxoremque Corneliam defunctam laudavit è more pro rostris. Ex Suet. in Caf.

Τὸ μὲν ἐν ὅπῃ γυναιξὶ ἀρισβυτέρας λόγους ὅππαι-
 εῖοις διεξίεναι πᾶσι τοῖς Ῥωμαίοις, νέαις δὲ καὶ ῥῆ-
 τι εἶδη. ἀρῶντι εἰπὼν Καῖσαρ ὅτι τῆς ἑαυτῇ γυναι-
 κος ἀποθανύσης. Ex Plut. in Cæs.

DE C. JULII CÆSARIS ORATIO-
 NIBUS TESTIMONIA.

*Tum Brutus : Orationes quidem ejus mihi vehemen-
 ter probantur , complures autem legi , &c. Ex Cic. in
 Bruto.*

*Orationes aliquas reliquit , inter quas temere qua-
 dam feruntur. Pro Q. Metello , quam non immerito
 Augustus existimat magis ab actuariis exceptam , male
 subsequenter verba dicentis , quam ab ipso editam.
 nam in quibusdam exemplaribus invenio ne inscriptam
 quidem pro Metello , sed quam scripsit Metello , cum
 ex persona Caesaris sermo sit , Metellum seque adver-
 sus communium obrectatorum criminationes , purgan-
 tis. apud milites quoque in Hispania idem Augustus ora-
 tionem esse vix ejus putat. qua tamen duplex fertur ,
 una quasi priore habita praelio , altera posteriore , quo
 Asinius Pollio ne tempus quidem concionandi habuisse
 eum dicit , subita hostium incursione. Ex Sueton. in
 Cæs.*

EX LIBRIS IN CATONEM.

*Reliquit & de Analogia duos libros , & Anticatones
 totidem. Suct. in Cæs.*

EX LIB. I.

*Caesar in Anticatone priore : Uno enim excepto, quem
 alius modi utque omnis natura finxit , suos quisque ha-
 bet charos. Priscianus bis lib. 6, & lib. 7, & lib. 13.*

INCERTA EX IISDEM.

*Erunt officia antelucana , in qua incidere impune ne
 Cato-*

Catoni quidem licuit. quem tamen C. Caesar ita reprehendit, ut laudet. describit enim eos, quibus obuius fuerit, cum caput ebrii retexissent, erubuisse. deinde adjicit: Putares non ab illis Catonem, sed illos à Catone deprehensos. Potuitne prius auctoritatis tribui Catoni, quam si ebrius tum venerabilis erat? nostra tamen cœna ut apparatus & impendii sic temporis modus constet. neque enim hi sumus, quos vituperare ne inimici quidem possunt, nisi ut simul laudent. Ex Plin. lib. 3 Epist. ad Att. Sever.

C. etiam Caesar, gravis auctor lingua Latina, in Anticatone: Unius, inquit, arrogantia, superbiaque, dominatuque. Ex Agell. lib. 4, c. 16.

DE C. JULII CÆSARIS IN CATONEM
SCRIPTIS TESTIMONIA.

Qualis futura sit Caesaris vituperatio contra laudationem meam, perspexi ex eo libro, quem Hirtius ad me misit, in quo colligit vitia Catonis, sed cum maximis laudibus meis: itaque misi librum ad Muscam, ut tui librarius daret. volo enim eum divulgari. Ex Cic. ad Attic. lib. 12.

Hirtii epistolam si legeris, qua mihi quasi *ᾠκεία* videtur ejus vituperationis, quam Caesar scripsit de Catone. Ex lib. 12 ad Att.

Cum mihi Balbus nuper in Lanuvino dixisset, se & Oppium scripsisse ad Caesarem, me legisse libros contra Catonem, & vehementer probasse. Ex lib. 13 ad Att.

Quibus omnibus generibus usus est nimis impudenter Caesar contra Catonem meum. Ex Cic. in Topic.

M. Ciceroni libro, quo Catonem cœlo aequavit, quid aliud Dictator Caesar, quam rescripta oratione velut apud Judices respondit? Ex Tac. lib. 4.

Hisque usum C. Caesarem in vituperando Catone notaverit * Cicero. Ex Quinct. lib. 3. (* in Topicis.)

Ut Catonem Tullius laudans: & duobus voluminibus Caesar accusans. Ex Mart. Capell. lib. 5.

*Atque ulinam ritus veteres, & publica saltem
His intacta malis agerentur sacra. sed omnes
Noverunt Mauri, atque Indi, quæ psalteria penem
Majorem, quam sint duo Cæsaris Anticatores,
Illuc, &c. Ex Juven. Sat. vi.*

Πυθόμενος ὅς ὡς ἐαυτὸν ὁ ἀνὴρ διεκράσατο, δὴλ^ω
μὲν ὡς δηχθεὶς, ἐφ' ᾧ δὲ, ἀδελφόν· εἶπε δ' ἐν τῷ Κά-
των εὐνοῶ σοι τὸ θανάτου, καὶ γὰρ σύ μοι τῆς σωτηρίας
ἐξουνοήσας· ὁ μὲν δ' ἐν μὲν ταῦτα γράτεις ὑπὸ αὐτῷ πρὸς
Κάτωνα πεθνεῶτα λόγ^ω, εἰ δοκεῖ πρῶτος ἐχρήσθαι
εἰ δὲ διδιαλλάκτως σημεῖον εἶναι. πῶς γὰρ ἐφείσατο ζῶν-
τ^ω, εἰς ἀναίδητον ἐγκέας ὀργῶν τοσαύτων. Paulo
post: Καὶ τὸ λόγον ἐκείνον ἐκ ἐξ ἀπεχθείας, ἀλλ' ἀφιλο-
πρέπειας πολιτικῆς συυτετάχθαι ἀφ' τοιαύτων αἰτίων.
ἐγχευε Κικέρων ἐγκώμιον Κάτων^{ος}, ὁμοίαν τῷ λό-
γῳ Δέμου^{στο} Κάτωνος. καὶ πολλοῖς ὁ λόγ^ω ὡς ἀφ'
σπουδῆς, ὡς εἰκός, ὑπὸ τῷ δεινότητι τῷ ῥητόρῳ εἰς τὸ
καλλίστῳ πεποιημέν^ω ὑπὸ θεσιν. τὸ τοῦ ἡνίκα Καίσα-
ρος, κατηγερέαι αὐτῷ νομίζοντα τὸ τῷ πεθνεῶν^{τι} δι'
αὐτὸν ἔπαινον. ἐγχευεν δ' ἐν πολλὰς τινας καὶ τὸ Κάτω-
ν^{ος} αἰτίαι συυμαχάζων. τὸ ὅτι βιβλίον Ἀντικάτων ὀππὲρ
γγραπῶν. καὶ σπουδασαὶ ἐχθ^ρ τῶν λόγων ἐκάτερ^ω ἀφ'
Καίσαρος καὶ Κάτωνος πολλὰς. Ex Plut. in Cæs.

Αὐτὸς δ' ἐν ὕστερον, ἐν τῇ πρὸς Κικέρωνα ἀφ' ἐλ^ω Κά-
των^{ος} ἀντιγραπῇ, παραλείπεται, μὴ στραπωλίκῃ λό-
γον ἀνδρὸς ἀντεξετάζειν πρὸς δεινότητα ῥήτορος διζυῖς,
καὶ πολλῶν ὅτι τὸ πολλῶν ἀχρησ^{τω}. Ex Plut. in Cæs.

Ἐκ τῆς δὲ διετέλει πρῶτ^η καὶ φιλοστοργικῆς, ὥστε
καὶ γράψαντι λόγον ἐγκώμιον Κάτων^{ος} ἀντιγράφων
τὸν τε λόγον αὐτῷ καὶ τὸ βίον, ὡς μάλιστα τῷ Περικλέει
ἰοικότα καὶ θερμοφύκτι ἐπαινεῖν. ὁ μὲν δ' ἐν Κικέρων^{ος}
ἀφ' ἐλ^ω Κάτων^{ος} ὅτι Καίσαρ^{ος}, Ἀντικάτων γέγραπται.
Ex Plut. in Cic.

EX LIBRIS DE ANALOGIA,
AD M. T. CICERONEM.

• Reliquit & de Analogia duos libros, &c. Ex Suet. in Cæs.

EX LIB. I.

Quinetiam in maximis occupationibus cum ad te ipsam, inquit, in me intuens, de ratione Latine loquendi accuratissime scripserit, primoque in libro dixerit verborum delectum originem esse eloquentia: tribueritque, mi Brute, huic nostro, qui me de illo maluit quam se dicere, laudem singularem (nam scripsit his verbis, cum hunc nomine esset affatus): ac si cogitata praeclare eloqui possent, nonnulli studio, & usu laboraverunt (cujus te pene principem copia, atque inventorem, bene de nomine ac dignitate Populi Romani meritum esse existimare debemus), hunc facilem & cotidianum noluisse sermonem, nunc pro relicto est habendum. Tum Brutus, amice hercule, inquit, & magnifice te laudatum puto, quem non solum principem atque inventorem copia dixerit, quæ erat magna laus, sed etiam bene meritum de Populi Romani nomine & dignitate. Ex Cic. in Bruto.

C. Cæsar ille perpetuus dictator, Cn. Pompeii socer, à quo familia & appellatio Cæsarum deinceps propagata est, vir ingenii præcellentis, sermonis præter alios suæ ætatis castissimi, in libris quos ad M. Ciceronem de Analogia scripsit, Arenas vitiose dici existimabat, quæd Arena numquam multitudinis numero appellanda sit, sicuti neque Cælum, neque Triticum. contra autem Quadrigas, etiamsi currus unus equorum quatuor junctorum unum sit, plurativo semper numero diceptas putat, sicut Arma, & Mœnia, & Comitia, & Inimicitias, &c. Paulo post: Tunc prolato libro de Analogia primo verba hæc ex eo pauca memoria mandavi. nam quum prædixisset, neque Cælum, Triticumve,

neque Arenam multitudine significationem pati: Num tu, inquit, harum rerum natura accidere arbitraris, quæ unam terram, & plures terras, & urbem, & urbes, & imperium, & imperia dicamus? neque Quadrigas in unam nominis figuram redigere, neque Arenam in multitudinis appellationem convertere possimus? Ex Agell. lib. 19, c. 8.

Atque id quod à C. Casare excellentis ingenii ac prudentia (ita Agellius Macrobius, providentia) viro in primo de Analogia libro scriptum est, habere semper in memoria atque in pectore, ut tanquam scopulum sic fugias inauditum atque insolens verbum. Ex Agell. lib. 1, c. 10; & Macrobi. lib. 1 Saturn. c. 5.

EX LIB. II.

C. Casar in libro de Analogia secundo, hujus die, & hujus specie dicendum putat. Ex Agell. lib. 9, c. 14.

Panium Casar de Analogia libro secundo dici debere ait, sed Verrius contra. nam i detracta Panum ait dici debere. Ex Charis. lib. 1.

Casar de Analogia secundo, Fagos, Populos, Ulmos. Ex Charis. lib. 1.

Casar de Analogia secundo Turbonem non Turbinem etiam in tempestate dici debere ait, ut Cato Catonis, non ut homo hominis. Ex Charis. lib. 1.

Lacer an Laceris, &c. Casar de Analogia secundo, nec non Valgius de rebus per epistolam quaesitus. Ex Char. lib. 1.

Is homo, Idem compositum facit, nisi quia Casar libro secundo (de Analogia videlicet) singulariter Idem, pluraliter Idem dicendum affirmat. sed consuetudo hoc non servat. Ex Char. lib. 1.

EX IISDEM, NON DISTINCTO LIBRO.

C. Casar gravis auctor lingua Latina in libris Analogicis omnia istiusmodi (puta Senatu, Victu, Aspectu,

ctu, &c.) sine i littera dicenda censet. Ex Agell. lib. 4, c. 16.

Hic & hac Samnis, hujus Samnitis. sic Caesar de Analogia. Ex Prisc. lib. 6.

Partum. Caesar de Analogicis harum partum. Ex Char. lib. 1.

EX IISDEM, UTI VEROSIMILE
EST, NON ADSCRIPTO TAMEN
UBI LAUDANTUR LIBRO.

Mihi autem placet Latinam rationem sequi quousque patitur decor. neque enim jam Calypsonem dixerim, ut Junonem: quamquam secutus antiquos C. Caesar utitur hac ratione declinandi. Quinētil. lib. 5, c. 5.

M. Tullius & C. Caesar, mordeo memordi; pango pepigi; spondeo spepondi dixerunt. Agell. lib. 7, c. 9.

C. Caesar ait, L littera nominativo singulari neutra finita nomina eandem definitionem capere, quam capiant E littera terminata. huic animali, & ab hoc animali: huic puteali, & ab hoc puteali. Char. lib. 1.

Aplustre. Omnium nominum quae sunt neutri generis & in E terminantur, ait Plinius, Casarem scisse eosdem esse ablativos, quales sunt dativi singulares. Char. lib. 1.

A R litteris nomina neutralia terminata, ait Caesar, quod dativo & ablativo pari jure funguntur, ut idem Plinius scribit. Char. lib. 1.

Jubar. Plinius ait inter cetera etiam istud Casarem dedisse praeceptum, quod neutra nomina A R nominativo clausa, per I dativum ablativumque singulares ostendant: Jubar tamen & Far ab hac regula dissidere, nam huic jubari dicimus, ab hoc jubare, & huic farri, ab hoc farre. Char. lib. 1.

Ac ne illa ratio recepta est quam Caesar ponit in femininis, ut puppim, restim, pulvim. hoc enim modo & ab hoc cani, & ab hoc cane. Char. lib. 1.

Tribus III junctis qualis posset syllaba pronunciari? nam postremum I pro vocali accipiendum, quod Casari artis Grammaticæ doctissimo placitum fuisse à Victore quoque in arte Grammatica de syllabis comprobatur. Priscian. lib. 1.

V, loco consonantis posita, eandem prorsus in omnibus vim habuit apud Latinos quam apud Græcos digamma F. pro quo Casar hanc figuram ꝥ scribere voluit. quod quamvis illi recte visum est, tamen consuetudo antiqua superavit. Prisc. lib. 1.

Hæc pollis pollinis, sic Charisius. Probus autem & Casar, hoc pollen pollinis declinaverunt. Prisc. lib. 6.

Præterea Casar declinat, pubis puberis: Probus, pubes puberis: quidam, puber puberis. Prisc. lib. 6.

Quamvis Casar non incongrue protulit ens à verbo sum, es, est. Prisc. lib. 18.

Hoc lutum atque macellum singulari exire memento, licet Ennius, ista macella, dicatque & Casar, luta. Ex Capro.

Lacrume an Lacrima, Maxumus an Maximus, & si quæ similia sunt, scribi debeant, quasitum. Terentius Varro tradidit Casarem per I ejusmodi verba solitum esse enuntiare & scribere: inde propter auctoritatem tanti viri consuetudinem factam. Sed ego in antiquiorum, &c. Cassiodorus ex Annæo Cornuto de Orthographia.

Varie etiam scriptitatum est, Mancupium, Aucupium, Manubia. siquidem C. Casar per I scripsit, ut apparet ex titulis ipsius. Ex Velio de Orthogr.

An ideo minor est M. Tullius Orator, quod idem artis hujus (Grammaticæ) diligentissimus fuit, & in filio, ut in Epistolis apparet, recte loquendi usquequaque asper quoque exactor? Aut vim C. Casaris fregerunt editi de Analogia libri? Quint. lib. 1, c. 7.

A P O P H T H E G M A T A.

Sed tamen ipse *Cas*ar habet peracre iudicium: & , ut *Servius* frater tuus, quem literatissimum fuisse iudico, facile diceret, hic versus *Plauti* non est, hic est; quod tritas haberet aures notandis generibus Poëtarum, & consuetudine legendi: sic audio *Casarem*, quum volumina jam confecerit Ἀποφθεγμαίων, si quid afferatur ad eum pro meo, quod meum non sit, rejicere solere. quod eo nunc magis facit, quia vivunt mecum fere quotidie illius familiares. Incidunt autem in sermone vario multa, quæ fortasse, illis quum dixi, nec illiterata, nec insufla esse videantur. Hac ad illum cum reliquis actis perferuntur. Ita enim ipse mandavit. Sic sit ut, si quid præterea de me audiat, non audiendum putet. Cic. lib. 9 Epist. ad Fam. Ep. 16 ad Pap. Patum.

D I C T A C O L L E C T A N E A.

Feruntur & à puero & ab adolescentulo quadam scripta, &c. item Dicta collectanea. quos omnes libellos vetuit *Augustus* publicari. Suet. in Cæs.

E P H E M E R I D E S.

*C. Julius Cas*ar quum dimicaret in Gallia, & ab hoste raptus equo ejus portaretur armatus, occurrit quidam ex hostibus qui eum nosset; & insultans ait * *Cecos Cas*ar, quod Gallorum lingua, Demitte, significat: & ita factum est, ut dimitteretur. Hoc autem ipse *Cas*ar in *Ephemeride* sua dicit, ubi propriam commemorat felicitatem. *Servius* in lib. 11 *Æneidos* *Virgilii*.

* Alias, *Cetos Cas*ar. *Servius P. Danielis*, *Cas*ar *Cas*ar. quod quid velit, docti examinent.

L I B R I A U S P I C I O R U M.

Sed contra *Julius Cas*ar XVI *Auspiciorum* libro negat nundinis concionem advocari posse, id est, cum populo

puo agi, ideoque nundinis Romanorum haberi comitia non posse. Macrobi. lib. 1 Saturn. c. 16.

AUGURALIA.

Cæsar in Auguralibus: Si sincera pecus erat. Priscianus lib. 6.

DE DIVINATIONE.

Genus eloquentia duntaxat adolescens adhuc Strabonis Cæsar secutus videtur: cujus etiam ex Oratione, qua inscribitur Pro Sardinia, ad verbum nonnulla transtulit in divinationem suam. Suetonius in Cæsare. Erunt forte qui hoc ad Orationum Fragmenta pertinere existimabunt, me non multum repugnante.

ASTRONOMICA.

Nam Julius Cæsar ut Siderum motus, de quibus non indoctos libros reliquit, ab Ægyptiis disciplinis hausit: ita hoc quoque ex eadem institutione mutuatus est, ut ad Solis cursum finiendi anni tempus extenderet. Macrobius lib. 1 Saturn. c. 16.

Tres autem fuere sectæ, Chaldaea, Ægyptia, Græca: his addit apud nos quartam Cæsar Dictator, annos ad Solis cursum redigens singulos, qui prius antecedeat. Ex Plin. lib. 18, c. 25.

A Bruma in Favonium Cæsari nobilia sidera significant: III Kal. Januarii matutino Canis occidens. Paulo post: Pridie Nonas Januarii Cæsari Delphinus matutino exoritur, & postero die Fidicula, quo Ægypto Sagitta vesperti occidit. Paulo post: A Favonio in æquinoctium vernum Cæsari significat XVII Kal. Martii triduum varie, & VIII Kal. Hirundinis visu, & postero die Arcturi exortu vespertino. item III Nonas Martii Cæsari Canceri exortu id fieri observavit. Paulo post: Cæsar & Idus Martias ferales sibi annotavit Scorpionis occasu. Paulo post: III Nonas Aprilis in Attica Vergilia vesperti occultantur. eadem postridie in Bæotia; Cæsari autem

ri autem & Chaldaei, Nonis. Paulo post: Casari vi Idus significatur imber Libra occasu. xiv Kal. Maii Egypto Sucula occidunt vespere, sidus vehemens, & terra marique turbidum, xvi Attica, xv Casari, continuoque triduo significat. Paulo post: vi Nonas Maii Casari Sucula matutino exoriuntur, & viii Idus Capella pluvialis. Ex Plin. lib. 18, c. 26.

A Vergiliarum exortu significant Casari postridie Arcturi occasus matutini. Paulo post: xi Kal. Casari Orionis gladius occidere incipit. iiii Non. Junii Casari, & Assyria Aquila vespere oritur, &c. xi Kal. ejusdem Orionis gladius Casari occidere incipit. Ex Plin. lib. 18, c. 27.

A Solstitio ad Fidicula occasum vi Kal. Junii (al. Julii) Casari Orion exoritur. Paulo post xvi i Kal. Augusti, Egypto Aquila occidit matutino, Etesiarumque prodromi status incipiunt, quod Casar x Kal. sentire Italiam existimavit. Paulo post: Aquila Attica matutino occidit: iiii Kal. regia in pectore Leonis stella matutino Casari immergitur. Ex Plin. lib. 18, c. 28.

D E S I D E R I B U S

etiam aliquid Poëticum edidit.

Sed nec aliquis pene Latinorum de hac arte Institutionis libros scripsit, nisi paucos versus Julius Casar, & ipsos tamen de alieno opere mutuatus. Jul. Firmicus Mathes. lib. 2 initio.

Exsecutus est etiam horum Siderum numerum Græce Aratus, Poëta disertissimus: Latine vero Casar, & decus eloquentiae Tullius. Sed hi tantum nomina ipsorum & ortus, non autem apotelesmatum auctoritatem ediderunt: ita ut mihi videantur non aliqua Astrologiae scientia, sed Poëtica potius elati licentia, docilis sermonis studia protulisse. Jul. Firmicus Mathes. lib. 8, c. 5.

P O E M A T A.

Reliquit & de Analogia libros duos, & Anticatones totidem, ac præterea Poëma quod inscribitur Iter. Quorum librorum primos, in transitu Alpium, quum ex citeriore Gallia, conventibus peractus, ad exercitum rediret: sequentes, sub tempus Mundensis prælii fecit: novissimum, dum ab Urbe in Hispaniam ulteriorem
 * IIII & XX die pervenit. Suetonius in Cæsare.

* VII & XX legit ex Strabone & Appian. Ca-
 faubonus.

Feruntur & à puero & ab adolescentulo quædam scripta: ut Laudes Herculis, tragædia OEdipus, &c. quos omnes libellos vetuit Augustus publicari. Suet. in Cæsare.

Olus quoque silvestre est trium foliorum, D. Julii carminibus præcipue jocisque militaribus celebratum. alternis quippe versibus exprobravere lapsana se vixisse apud Dyrrhachium, præmiorum parsimoniam cavillantes. Est autem id cyma silvestris. Plin. 19, c. 8.

Donatus, seu potius Suetonius, in vita Terentii hos
 sub C. Julii Cæsaris nomine versus producit.

*Tu quoque tu in summis, ô dimidiate Menander,
 Poneris, & merito, puri sermonis amator.
 Lenibus atque utinam scriptis adjuncta foret vis
 Comica, ut æquato virtus polleret honore,
 Cum Græcis neque in hac despectus parte jaceres.
 Unum hoc maceror, & doleo tibi deesse, Terenti.*

Sequens etiam Epigramma C. Julio Cæsari qui-
 dam inscribunt, alii Germanico.

*Thorax puer astricto glacie dum ludit in Hebro,
 Pondere concretas frigore rupit aquas.
 Dumque ima partes rapido traherentur ab amne,
 Abscidit tenerum lubrica testa caput.*

Orba

*Orba quod inventum mater dum conderet urna,
Hoc peperit flammis, cetera, dixit, aquis.*

Illud vero Distichon :

FELTRIA. PERPETUO. NIVIUM. DAMNATA.
RIGORE.

TERRA. MIHI. POSTHAC. NON. HABI-
TANDA. VALE.

falso Cæsari inscriptum est, etsi quidam in mem-
brana, alii in saxo exstare dicant. Aiunt quoque
Cæsaris Decretum Viterbii in Hetruria inventum;
hoc exemplo :

C. JULIUS. CÆSAR. M. TULLIUM. CICE-
RONEM. OB. EGREGIAS. EJUS. VIRTUTES.
SINGULARES. ANIMI. DOTES. PER. TOTUM.
ORBEM. NOSTRIS. ARMIS. VIRTUTEQUE.
PERDOMITUM. SALVUM. ET. INCOLUMEM.
ESSE. JUBEMUS. C. JABOLENUS. Nugæ nugæ.

I N C E R T A.

*Unguenta dicuntur à locis, ut Telinum, cuius Julius
Cæsar meminit, dicens: Corpusque suavi Telino ungui-
mur. Hoc conficiebatur in Insula Telo, qua est una ex
Cycladibus, &c. Isidorus lib. 4 Origin. c. 12.*

Insertum hoc ab Fulvio Ursino Fragmentis de
Analogia. ut & illud ex Nonio in voce *Cinis*, nec
non locum Plinii ex lib. 7, cap. 3. ubi alloquitur
M. T. Ciceronem. Quid habuerit caussæ, cur hoc
fecerit, comminisci non potui. Quocirca inter IN-
C E R T A referendum duxi. Nisi quis potius Cæ-
sari Straboni, non Dictatori tribuendum arbitretur.
Si ad hunc modum addita una vocula scripseris, erit
integer Senarius.

Corpusque suavi Telini unguine unguimur.

Idem Ursinus ex Prisciani lib. 8 Fragmentum hoc,
C. Cæsar, quæ res augurantur, *ὁμιλοῦσιν ἀντιπροφάνειαν*, ad
Augu-

Auguralia transtulerat. ego pratermisi, quum isto Prisciani loco non *Caius Caesar*, sed *Lucius Caesar* legatur. Non est quod corruptum aliquis existimet. Citatur nominatim L. Cæsar à Festo, in voce *Majorem*. Ex eodem fortassis est quod apud Servium nuper ex Petri Danielis & Fuldanæ bibliothecæ membranis editum habemus. Commentario ad *Æneidos* Virgilii lib. 1. *Occiso*, inquit, *Mezentio*, *Ascanium*, sicut *J. Caesar* (verosimile mihi fit legendum *L. Caesar*) scribit, *Iulium cæptum vocari dicunt, vel quasi ἰοῦλον, id est, sagittandi peritum, vel à prima barba lanugine, quam ἰσλον Græci dicunt, quæ ei tempore victoriæ nascebatur*. Hæc ibi. Similiter expunxi quod inter *Fragmenta Epistolarum* legebatur,

Vespera fatigatus, luce dormitans.

Non enim apud Charisium lib. 2, unde hæc descripta sunt, nominatur *Julius Caesar*, sed *Aurelius Caesar*, lib. 11, sive xi *Epistolarum ad Frontonem*. Quo comperto, auctoritatem Civis Romani insuper habui. Sed quid spuriiis his diutius immoror, quin legitima, si quæ porro restant, *Fragmenta* collego?

Apud Casarem & Catuzum & Calvum lectum est: Quum jam fulva cinis fueris. Nonius in voce Cinis.

Salve primus omnium parens Patria appellatione, primus in toga triumphum linguaque lauream merite, & facundia, Latinarumque literarum parens: atque (ut Dictator Caesar hostis quondam tuus de te scripsit) omnium triumphorum lauream adepte majorem, quanto plus est ingenii Romani terminos in tantum promovisse, quam Imperii. Plin. lib. 7, c. 30 in fine, ubi de Cic.

Cicero Causarum XIII: Re vendita iterum emptæ, unde manifestum fit venita non dici, sed aut venundata, aut vendita, ut Cicero. C. Caesar: Possessiones redimi, eas postea pluris venditas. Diomedes lib. 1.

Effeda, vehiculi vel currus genus, quo soliti sunt pugnare Galli. Caesar testis est libro ad Ciceronem III: Multa millia equitum atque effedariorum habet. Hinc & gla-

& gladiatores effedarii dicuntur, qui curru certant. Junius Philargyrus in 3 Georg. Virgil.

Augustus quoque in Epistolis ad C. Casarem scriptis emendat, quod is Calidum dicere quam Caldum (in libris forte de Analogia) malit: non quia illud non sit Latinum, sed quia sit odiosum, & ut ipse Græco verbo significavit, καλίστον. Quinct. lib. 1.

C. JULII CÆSARIS DICTA.

Tu, queso, quidquid novi (multa autem exspecto) scribere ne pigrescere. in his, de Sexto satisne certum: maxime autem de Bruto nostro: de quo quidem ille, ad quem diverti, Casarem solitum dicere: Magni refert, hic quid velit: sed quidquid vult, valde vult. (V. C. quidquid volet, valde volet) idque eum animadvertisse quum pro Deiotaro Nicea dixerit, valde vehementer eum visum & libere dicere. Cic. lib. 14 Ep. ad Atticum, Epist. 1.

Proxime quum Sextii rogatu apud eum fuisset, expectaremque sedens, quoad vocarer, dixisse eum: Ego dubitem, quin summo in odio sim, quum M. Cicero sedeat, nec suo commodo me convenire possit? Atqui, si quisquam est facilis, hic est. tamen non dubito, quin me male ode-rit. Cic. lib. 14 Ep. ad Attic. Epist. 1.

Aiebat, Casarem secum, quo tempore Sextii rogatu veni ad eum, quum expectarem sedens, dixisse: Ego nunc tam sim stultus, ut hunc ipsum, facilem hominem, putem mihi esse amicum, quum tamdiu sedens meum commodum expectet? Cic. lib. 14 Epist. ad Attic. Ep. 2. Idem cum eo quod supra ex epistola prima attulimus.

Quo gaudio elatus, non temperavit quin paucos post dies frequenti curia jactaret, invitis & gementibus adversariis adeptum se qua concupisset: proinde ex eo insultaturum omnium capitibus: ac, negante quodam per contumeliam, Facile hoc ulli femina fore, responderit quasi alludens: In Assyria quoque regnasse Semiramis;

ma-

magnamque Asia partem Amazonas tenuisse quondam.
Suet. in Cæs.

Pharsalica acie casos profligatosque adversarios prospicientem, hac eum ad verbum dixisse refert Asinius Pollio: Hoc voluerunt. tantis rebus gestis C. Caesar condemnatus essem, nisi ab exercitu auxilium petissem.
Suet. in Cæs.

Consecutusque cohortes ad Rubiconem flumen, qui provincie ejus finis erat, paululum constitit, ac reputans quantum moliretur, conversus ad proximos, Et etiam nunc, inquit, regredi possumus. quod si ponticulum transierimus, omnia armis agenda erunt. Suet. in Cæs.

Cunctanti ostentum tale factum est. Quidam eximia magnitudine & forma, &c. Tunc Caesar. Eat, inquit, quo Deorum ostenta, & inimicorum iniquitas vocat. Facta alea est, inquit. Suet. in Cæs.

Romam iter convertit: appellatisque de Rep. Patribus, validissimas Pompeii copias, quæ sub tribus Legatu, M. Petreio, & L. Afranio, & M. Varrone in Hispania erant, invasit; professus ante inter suos, Ire se ad exercitum sine duce, & inde reversurum ad ducem sine exercitu. Suet. in Cæs.

Prolapsus in egressu navis, verso ad melius omine, Teneo te, inquit, Africa. Suet. in Cæs.

Quum expectatio adventus Juba terribilis esset, convocatis ad concionem militibus, Scitote, inquit, paucissimis his diebus Regem affuturum cum x legionibus, equitum xxx, levis armaturæ c millibus, elephantis ccc. Proinde desinant quidam quarere vitra, aut opinari; mihi que qui compertum habeo, credant: aut quidem vetustissima nave impositos quocunque vento in quascunque terras jubebo aveli. Suet. in Cæs.

Factare solitus, Milites suos etiam unguentatos bene pugnare posse: nec Milites eos pro concione, sed blandiori nomine commilitones appellabat (etiam Quirites). Suet. in Cæs.

Famem & ceteras necessitates, &c. tantopere tolerabant,

bant, ut Dyrrhachina munitione Pompeius visò genere panis ex herba, quo sustinebantur, cum seris sibi rem esse dixerit, &c. Suet. in Cæs.

Quosdam infimi generis ad amplissimos honores provexit. Quum ob id culparetur, professus est palam, Si grassatorum & sicariorum ope in tuenda sua dignitate usus esset, talibus quoque se parem gratiam relaturum. Suet. in Cæs.

Interrogatus cur repudiasset uxorem, Quoniam, inquit, meo tam suspitione, quam crimine judico carere oportere. Suet. in Cæs.

Acie Pharsalica proclamavit, Ut civibus parceretur. Suet. in Cæs.

Nec minoris impotentia voces propalam edebat, ut T. Ampius scribit: Nihil esse rempublicam. appellatorem modo sine corpore, ac specie. Sullam nescisse literas, qui Dictaturam deposuerit. Debere homines consideratius jam loqui secum, ac pro legibus habere quæ dicat. Suet. in Cæs.

Eoque arrogantia progressus est, ut, Haruspice tristia, & sine corde exta sacro quodam nuntiante, Futura diceret latiora quum vellet: nec pro ostento ducendum si pecudi cor desuisset. Suet. in Cæs.

Triumphanti & subsellia Tribunitia pratervehenti sibi unum è collegio Pontium Aquilam non assurrexisse, adeo indignatus, ut proclamaverit: Repete ergo à me Aquila Rempublicam Tribunus. nec destiterit per continuos dies quidquam cuiquam, nisi sub exceptione, polliceri, Si tamen per Pontium Aquilam licuerit. Suet. in Cæs.

Plebei Regem se salutanti, Casarem se, non Regem esse respondit. Suet. in Cæs.

De quo genere optime C. Casarem prætexitatum adhuc accepimus dixisse, Si cantas, male cantas; si legis, cantas. Quint. lib. I.

Elevandi ratio est duplex, ut aut veniam quis, aut ja-
Etantiam minuat: quemadmodum C. Caesar Pomponio ostendenti vulnus ore exceptum in seditione Sulpitiana,
quod

quod ipse se passum pro Casare purgentem gloriabatur, Nunquam fugiens respexeris, inquit. Aut crimen obiectum, ut Cicero, &c. Quinct. lib. 6.

Est & illa ex ironia fictio, qua usus est C. Caesar. Nam quum testis diceret, à reo femina sua ferro petita, & esset facilius reprehensio, cur illam potissimum partem corporis vulnerare voluisset: Quid enim faceres, inquit. quum tu gaicam & lorica[m] haberes? Quinct. lib. 6.

Sic fac existimes, post has miseriae, id est, postquam armis disceptari ceptum est de jure publico, nihil esse actum aliud cum dignitate. Nam & ipse Caesar, accusata acerbitate Marcelli (sic enim appellabatur) laudataque honorificentissime & aequitate tua, & prudentia, repente præter spem dixit, se Senatui roganti de Marcello, ne hominis quidem causa negaturum. (* Sic Victorius edidit, eumque secutus Lambinus, cui tamen omnis legendum videtur. ipsum vide.) Cic. lib. 4 Epist. ad Famil. Epist. 4 ad Ser. Sulpicium.

Demetrio Mega Siculo Dolabella rogatu meo Civitatem à Casare impetravit: qua in re ego interfui. Itaque nunc P. Cornelius vocatur. Quumque propter quosdam sordidos, qui Caesaris beneficia vendebant, tabulam in qua nomina Civitate donatorum incisa essent, revelli jussisset, eidem Dolabella, me audiente, Caesar dixit, Nihil esse, quod de Mega vereretur; beneficium suum in eo manere. Cic. lib. 13 ad Famil. Epist. 36 ad Acilium.

DE C. JULIO CÆSARE.

Sed tamen, Brute, inquit Atticus, de Casare & ipse ita judico, & de hoc hujus generis acerrimo aestimatore sapissime audio, illum fere omnium Oratorum Latine loqui elegantissime, nec id solum domestica consuetudine, ut dudum de Leliorum & Domitiorum familiis audiebamus, sed, quamquam id quoque credo fuisse, tamen ut esset perfecta illa bene loquendi laus, multis literis, & iis quidem reconditis & exquisitis, est consecutus, &c. Ex Cic. in Bruto.

Sed perge Pomponi de Casare, & redde quæ restant. Solum quidem, inquit ille, & quasi fundamentum Oratoris, &c. Casar autem rationem adhibens, consuetudinem vitiosam & corruptam, pura & incorrupta consuetudine emendat. itaque quum ad hanc elegantiam verborum Latinorum, quæ etiamsi Orator non sis, & sis ingenuus civis Romanus, tamen necessaria est, adjungit illi oratoria ornamenta dicendi: tum videtur tamquam tabulas bene pictas collocare in bono lumine: hanc quum habeat præcipuam laudem in communibus, non video cui debeat cedere: splendidam quandam minimeque veteratorem rationem dicendi tenet, voce, motu, forma etiam magnifica, & generosa quodammodo. Tum Brutus: Orationes quidem ejus, &c. atque etiam Commentarios quosdam scripsit rerum suarum, valde quidem, inquam, probandos: nudi enim sunt, recti, & venusti, omni ornatu orationis tamquam veste detracta. sed dum voluit alios habere parata unde sumerent, qui vellent scribere historiam, ineptis gratum fortasse fecit, qui volunt illa calamistris inurere, sanos quidem homines à scribendo deterruit, &c. Ex Cic. in Bruto.

Quid Oratorum? quem huic antepones eorum, qui nihil aliud egerunt? quis sententiis aut acutior, aut crebrior? quis verbis aut ornatior, aut elegantior? Ex Cic. ad Cor. Nepot. apud Suet. in Cæs.

Sed bene loquendi de Catulis opinio non minor; sale vero (mero) conditus, & facetiis Casar. Ex Cic. lib. 1 de offic.

Reliquit & rerum suarum Commentarios, Gallici, civilisque belli Pompeiani. nam Alexandrini, Africique & Hispaniensis incertus auctor est. alii enim Oppium putant, alii Hirtium: qui etiam Gallici belli novissimum, imperfectumque librum suppleverit. Paulo post: Pollio Asinius parum diligenter, parumque integra veritate compositos putat; quum Casar pleraque & quæ per alios erant gesta, temere crediderit: & quæ per se, vel consulto, vel etiam memoria lapsus, perperam ediderit: existimat-

que

que reſcripturum & correcturum fuiſſe. Ex Suet. in Cæſ.

C. vero Cæſar ſtantum ſoro vacaſſet, non aſius ex noſtris contra Ciceronem nominaretur; tanta in eo vis eſt, id acumen, ea concitatio, ut illum eodem animo dixiſſe, quo bellavit, appareat: exornat tamen hac omnia mira ſermonis, cujus proprie ſtudioſus fuit, elegantia. Ex Quintil. lib. 10.

Quid tantum noceret, vim Cæſaris, aſperitatem Cæſii, diligentiam Pollionis, iudicium Calvi, quibuſdam in locis aſſumere? Ex Quintil. lib. 10.

Hinc vim Cæſaris, indolem Cæſii, ſubtilitatem Calidii, gravitatem Bruti, acumen Suſpicii, acerbitatem Caſſii, diligentiam Pollionis, dignitatem Meſſalla, ſanctitatem Calvi reperiemus. Ex Quintil. lib. 12.

At triſtior Calvus, numeroſior Aſinius, ſplendidior Cæſar, amarior Cæſius, gravior Brutus, vehementior & plenior & valentior Cicero. Ex Auctore Dialogi de Orator.

Δέχεται ὃ καὶ φωνῶν πρὸς λόγους πολιτικὰς ὁ Καῖ-
ſαρ ἄριſτα, καὶ ἀποπνεύσας φιλοπρωτάτα τῶν
φύσιν, ὡς τὰ δούτεῖα μὴ ἀδνηδέως ἔχων, &c.
Ex Plut. in Cæſ.

Εἶν ὃ Ρώμῃ πολλὰ μὲν ὅπῃ τῶν λόγων πρὸς τὰς συνη-
γορίας αὐτῷ χάρις ἐξέλαμπεν. Ex Plut. in Cæſ.

Ac mihi ex Græcis orationes Lyſia oſtentat; ex noſtris Gracchorum, Catonisque: quorum ſane plurimæ ſunt cir-
cuncifa & breves. ego Lyſia, Demoſthenem, Aſchinem,
Hyperidem, multosque præterea; Gracchis, & Catoni Pol-
lionem, Cæſarem, Calium, inprimis M. Tullium oppono,
cujus oratio optima fertur eſſe, quæ maxima. Ex Plin.
lib. 1 Epift.

Sed ego verear ne me non ſatis deceat, quod deceit
M. Tullium, C. Calvum, Aſinium Pollionem, M. Meſ-
ſallam, &c. Divum Julium, Divum Auguſtum, Di-
vum Nervam, Ti. Cæſarem, &c. Ex Plin. lib. 5 Epift.

DE GALLIÆ DIVISIONE
ALDI MANUTII P. F. A. N.
COMMENTARIUS,

Ad Franciscum Morandum Sirenam.



Æpe legendo incurrimus in hæc tria
Galliæ cognomina, Togatæ, Comatæ,
Brachatæ: nec tamen omnes, quæ sit
earum differentia, novere. quod osten-
dere, brevi definitione proposita, ve-
terum testimonio conabimur. Definitur Gallia vel à
regione, vel ab hominum cultu. à regione sic: Gal-
lia vel transalpina est, quæ ulterior etiam dicitur; vel
cisalpina, quæ citerior. utraque dividitur in duas;
transalpina in Narbonensem & comatam; cisalpina
in transpadanam & cispadanam. Rursus à cultu de-
finitur hoc modo: Gallia vel comata est, vel bra-
chata, vel togata. comata est omnis transalpina præ-
ter Narbonensem; brachata, quæ postea Narbonen-
sis dicta; togata, cisalpina omnis. De comata probat
Plinius lib. IV, c. XVII. Gallia, inquit, omnis, co-
mata uno nomine appellata, in tria populorum ge-
nera dividitur; omnibus maxime distincta; à Scaldo
ad Sequanam Belgica; ab eo ad Garumnâ Celtica,
eademque Lugdunensis; inde ad Pyrenæi montis
excursum, Aquitania, Aremorica ante dicta. Appa-
ret Narbonensem omitti, de qua separatim lib. I I I,
cap. IV, jam locutus erat. Opinor autem antiquitus
Galliam omnem transalpinam Comatam fuisse;
postea vero Narbonensem, in qua fuere Allobroges,
provinciam à Romanis factam, Romanorum homi-
num consuetudine alere comas desiisse. Intransas
enim gentes vocat Plinius Alpinas quoque gentes,
quarum nonnullas Narbonensis opinor Galliæ par-
tem fuisse. lib. XI, cap. XXXVII. Nômina, inquit,

ex eo capillatis Alpium incolis, Gallia Comata. Et, quanquam reliqua quoque Gallia à C. Cæsare in provincia formam est redacta: quia tamen Narbonensis prius provincia facta fuerat, ideo Provincia nomine, quod hodie quoque retinet, semper appellata. reliqua vero Gallia vetus Comata cognomen retinuit. propterea nec Agrippa, cum Galliam longe lateque metiretur, Narbonensis rationem habuit, quasi provinciae separatae. scripsit enim hæc Plinius eodem loco: Agrippa universarum Galliarum inter Rhenum, & Pyrenæum, atque Oceanum, ac montes Gebennam & Juram: quibus Narbonensem Galliam excludit, longitudinem ccccxx ∞ passuum, latitudinem cccxi i i, computavit. & Catullus Comatam appellavit Galliam à Cæsare perdomitam.

Quis hoc potest videre, quis potest pati?

Mamurram habere, quod comata Gallia

Habebat omnis, ultima & Britannia?

Quis porro dubitet, quin transalpina Gallia, non cisalpina, significetur in iis Antonii verbis, quæ recitat Cicero Philippica i ix? Galliam togatam remitto: comatam postulo. Fuit enim hoc Antonii consilium, ut cisalpinam Galliam D. Bruto, jam eam obtinenti, relinqueret, transalpinam autem, à L. Planco nunc administratam, quæ longe erat firmior, sibi assumeret, quo posset deinde, superatis alpibus, in Bruti provinciam, quæ togata Gallia à Romano vestitu vocabatur, impetum facere, Brutoque ejecto, urbem ipsam, exemplo Cæsaris, occupare. quod Ciceronem non fugit. subiecit enim in eo loco: Otiosus videlicet esse mavult. Et Philippica v. Est, inquit, opinio, decreturum aliquem Antonio illam ultimam Galliam, quam Plancus obtinet. Comata igitur omnis transalpina præter Narbonensem: togata vero cisalpina, quam ab Italia amnes duo, Rubico à supero mari, Arnus ab infero dirimebant.

Quod

Quod autem ait Plinius, Ab Ancone Gallica ora incipit, Togatae Galliae cognomine: in eo terminos jurisdictionis non spectavit. nam ita Anconem Italiae adjudicasset: sed Gallorum veterum incolarum rationem habuit. quis autem Anconem cis Rubiconem esse nescit? Mela quoque Togatam nominat Galliam: & ait: Carni, & Veneti, colunt togatam Galliam. Placet autem Dionis verba recitare ex libro XLVI, quae Galliarum distinctionem ostendant, adjuncta nominis causa, & Togata, & Comata: *Λεπίδα τὴν Ἰβηρίαν πᾶσαν, καὶ τὴν Γαλατίαν ἢ Ναρβονησίαν, Ἀντωνία δὲ τὴν λοιπὴν Γαλατίαν, τὴν τε ἐντὸς τῆς Ἀλπίων, καὶ τὴν ὑπὲρ αὐτὰς ἔσσαν, ἀρχαίον διδιδῶμεν. Ἐκχλείτο δὲ ἐκείνη μὲν Τέτρατα, ὅτι τέ ἐρρωικωτέρα ὦν τὰς ἄλλας ἐδούκῃ (ἔ), καὶ ὅτι καὶ τῇ ἰδιότητι τῇ Ρωμαϊκῇ τῇ ἀστικῇ ἐχρῶντο. ἤδη αὐτὴ καὶ δὴ Κόρυθα, ὅτι οἱ Γαλάται οἱ ταύτῃ ἐς κόρυιν τὸ πλείστον τὰς πεύχας ἀνιόντες, ὅπισθιμοι καὶ τὸ το σφῆξ ὅν ἄλλας ἦσαν.*

Brachata restat. hæc transalpinæ pars fuit, quæ postea Narbonensis nominata. Plinius lib. I. I. I., c. I. V. Narbonensis provincia appellatur pars Galliarum, quæ interno mari alluitur. Brachata, ante dicta, amne Varo ab Italia discreta, Alpiumque saluberrimis Romano imperio jugis: à reliqua verò Gallia, latere Septentrionali, montibus Gebenna, & Jura. Et Mela lib. I. I., c. I. I. I. Pars Galliae nostro mari apposita, fuit aliquando Brachata, nunc Narbonensis. Cicero etiam in oratione in Pisonem, Brachatae illum cognationis dedecus appellat, quod avus ejus maternus trans Alpes natus erat. Et in oratione pro Fonteio, Sagatos, Brachatosque vocat Gallos, qui Fonteium accusabant: cum Narbonensi Galliae, quod ipsa declarat oratio, Fonteius præfuisset. Quo patet, licet ea Galliae pars nomen mutaverit; Narbonensis dicta, quæ Brachata fuerat, ipsas tamen Brachas non esse depositas. Brachæ autem

tem quasi tunica fuit omnis Gallia transalpina, cui
 sagum imponebatur: comata tamen potius, quam
 à Brachis, dicta, quæ capillatior fuit. Quod si quis
 roget, cur Brachas tunicam fuisse Gallicam putem;
 recitabo illud Suetonii, quod in C. Cæsaris vita scri-
 ptum est: iidem in curia Galli Brachas deposuerunt,
 latum clavum sumpserunt. Latus enim clavus tu-
 nica Senatorum Romæ fuit, quem Galli, Brachis
 depositis, sumpserunt.



NOMENCLATOR GEOGRAPHICUS

Omnium Germaniæ, Galliæ, & Britanniæ locorum, quorum apud Cæsarem fit mentio:

*Excerptus quidem olim potissimum
è Thesauro Geographico*

ABRAHAMI ORTELIJ;

Sed nunc plerisque locis utiliter
auctus & emendatus.

A.



ADUALDUBIS. Sic legit Ful. Ursinus apud Cæsarem; quo loco alii codices Alduasdubis, & Alduasdalis habent. Ptolemæo Dubis est. atque ita restituendum in Juliani Imp. epistolis, ubi

Danubin invenies. Galliæ Lugdunensis fluvius est, quem Poldus & Marlianus hodie *le Doux* nomen habere aiunt.

Aduatici, alias Atuatici, quorum Metropolis Atuatuca, ut apud Cæsarem, quanquam apud Ptolemæum *Ἀτεχικτον* legitur. quæ olim civitas Tungrorum erat, ubi primum sedes Episcopalis fuit: translata deinde Trajectum Mosæ, hinc in vicum S. Lamberti. Itaque Atuatici sunt Leodienfes.

Ædui. Civitas eorum hodie Augustodunum.

Agendicum. Civitas Senonum. Hodie *Sens*. Valde in ea exponenda delirarunt Scholiastæ Cæsaris. Est civitas Archiepiscopalis.

Alexia. Cæsari Mandubiortum in Celtis opidum. Alesia Paterculo scribitur. Diodoro & Polyæno lib. 8 Stratag. *l'Aussois en Bourgogne* vocatur. Par-

dinus vero dicit ejus hodie nihil exstare, præter nominis umbram, *Alize*; cui subscribit Vigenereus.

Allobrogum caput fuit Vienna. quorum major pars sub ducatu Sabaudie hodie. Olim tamen Sabaudi erant intra Alpes maritimas, ut est in Notitia imperii.

Alpes, montes longissimi tractus, qui Italiam à Germania & Gallia tanquam muro nativo separant. Alpia & Alpionia olim dictos fuisse scribit Strabo. Stephano etiam Alpeia & Alpeioi dicuntur. Olpia sint Phavorino. Hodie multis locis, in Germania, adhuc *Alpen* vocantur. Salpi videntur à Lycophrone appellari: ut sentit ejus commentator Isacius. Alpis, singulari numero, aliquando usurpant Poëtæ. Abax vocat Serapio, cap. de resina. De Alpibus vide Alciatum, in Commentariis ad Tacitum de moribus Germanorum: sed in primis Josiam Simlerum, in libello, quem De Alpibus inscripsit.

Amagetobria. Ignoratur. Vide Magetobria.

Ambarri. Celtarum populi, ignorantur.

Ambiani. Belgicæ gens. *Amiens* hodie, Picardiæ urbs. Ambianum primum Sommonobriam dictam scribit Sigebertus: si Samarobrivam voluerit dicere, false; cum ex Cæsare & Antonino diversas esse urbes constet. Ambiano idem Antoninus tribuit leg.

XXIII.

Ambibarii. inter Aremoricos. ignorantur.

Ambialites aut Ambiliates in Celtica, ignorantur.

Ambivariti in Belgio, ignorantur.

Anartes. Cæsari sunt populi Dacis vicini. *Wala-ghi*, *Servii* & *Bulgari* sunt Blasio Vigenereo.

Ancalites. Britannicæ insulæ populi. *Ankelut*, Glareano: *The hundred of Henley*, Camdeno.

Andes. *Le Duché d'Anjou*. Civitas Episcopalis Juliomagus, *la ville d'Angiers*.

Antuates. vide Nantuates.

Aquitania. Augustus divisit Aquitaniam in tres maxi-

maximas provincias : primam Aquitaniam , cujus metropolis Avaricum Biturigum Cuborum : secundam Aquitaniam , cujus metropolis Burdigala Biturigum Vibiscorum : tertiam Novempopulaniam , cujus caput Augusta Ausciorum : Ea est , quam Cæsar Aquitaniam vocat , contenta intra Garumnâ , Pyrenem , & Oceanum. Hodie ab ipsis Aquitanis vocatur Vasconia : quum Aquitanix nomen latius pateat. Itaque angustiores fines sunt Aquitanix Cæsaris , quam ut tertiam partem Gallix facere possit.

Arar. Gallix Narbonensis fluvijs. Plinio & Virgilio Araris est. Ab Am. Marcellino Sangona appellari scribit Paradinus : Sauconna ego apud Marcellinum lego. Videtur Scoras à Polybio appellari. Hodie *Saone* vocatur. Auctor de fluminibus tradit antea Brigulum nuncupatum. Fides sit penes auctorem.

Arduenna. Gallix maximus saltus in Belgio. nomen fere retinet : *Ardenne* enim nominant. Franc. Irenicus *Achterwalt* appellat : *Lütticherwalt* Rhennus ; quasi Leodienfium nemus dicas.

Arecomici. Duplices sunt : Volcæ Arecomici , ubi Nemausus , & Narbo : Tectosages , ubi Tolosa.

Aremoricæ civitates ponuntur à Cæsare in eo tractu qui Britannia minor Sigeberto vocatur. Hermonia etiam , & vulgo *Bretagne* , Rob. Coenali auctore. Antiqua Britannica lingua hodie *Lhydaw* appellatur ; ut scribit Humfredus in suo Britannicæ descriptionis fragmento. Joannes Lelandus *Armorica* idem significare dicit , quod , Supra mare , in ipsa Britannica lingua. Sunt Plinii Britanni , Pontico Virunio si fidendum. Letavia quoque dicta fuit hæc Armorica.

Arverni. Celtarum populi. Aroerni Stephano. Hodie *Auvergne*.

Atrebates. *Le païs d'Artois*. quorum Civitas Origiacum , *Arras*.

Avaricum. Furor est aliam urbem putare ab ea ,

quæ *Bourges* dicitur. Est, ut diximus, metropolis primæ Aquitaniæ.

Aulerci. Quadruplices fuerunt. Aulerci Eburovices, *le país d'Eureus en Normandie*, ubi Episcopatus. Aulerci Diablintres. Aulerci Cenomani, *le país du Mans*. Aulerci Brannovices.

Auscii. Caput Novempopulaniæ, sive Vasconiz Archiepiscopatus. Augusta Ausciorum, *la ville d'Auch en Gascogne*.

Axona. *Aisne*. notissimum flumen.

B.

Bacenis. Germaniæ silva Cæsari, Cheruscos à Suevis dirimens, quam Althamerus putat *Thüringerwald*. Ubi forte Semana Ptolemæi. Confundunt quidam cum Hercynia silva & Martiana, & *Schwartzwald* nominant.

Batavi. Ptolemæo, Tacito & Cæsari Germaniæ inferioris regio est, ad ostia Rheni posita, quam hodie *Holland* vocant, sed improprie. Ea enim Hollandiæ pars, quæ hodie inter veterem Rhenum & Vahalim fluvios à Lobico ad Oceanum usque quasi duobus brachiis constringitur, olim Batavia dicta fuit. Atque hic tractus etiamnum veteris nomenclaturæ vestigia retinet. nam *Betuwe* ab incolis vocatur. Hæc fere Lamb. Hortensius in libello Ultrajectinarum secessionum. Batavorum insula hæc vocatur à Plinio, Dione, Cæsare & Tacito. *Betuwe*, Battua ab Aimonio, & Badua à Reginone nuncupatur.

Belgæ, seu Belgica, statim è principio Commentariorum Cæsaris innotescunt.

Belgium. Est quidem regionis nomen in Belgis, non autem urbis, ut nugantur Scholiastæ. Sed nomen ignoratur.

Bellocassès, Verocassès, Baiocassès. *Le país de Bayeux en Normandie*. urbs Episcopalis eorum Noviomagus. *la ville de Bayeux*.

Bel-

Bellocassi, aut Bellocasses. Sunt qui eandem cum Verocassibus, aut Velocassibus gentem faciant. eorumque rursus quidam, *Vergassins*, ad Sequanam; quorum opidum primum *Gisors* esse volunt; quidam in ultimis Armoricæ Galliæ finibus ponunt. Marlianus vero distinguit, & Bellocassos Celtas ait, eos qui hodie Baiocenses: Velocasses autem Belgas, eosque qui hodie in Comitatu Flandriæ territorium *Cassel* occupant.

Bellovaci. in Belgica siti. *Beauvoisin*.

Bibraëte, Æduorum longe maximum & copiosissimum opidum. *Beaulne* Orontio, in sua Galliæ tabula: item Vigenereo. Marlianus scribit nomen retinere. Bibraëte aliquando Julia dicta fuit, nisi corruptus sit locus Panegyrici Constantino dicti; ubi hæc in calce leguntur: Bibraëte quidem huc usque dicta est Julia. Bibraëte & Augustodunum unum & eundem locum designare vult Petrus Sancto-Julianus in sua Burgundia. *Bevray d'Autun*.

Fibrax. Remorum opidum. ignoratur.

Bibroci (pro quo nonnulli, Bibrocassi, legunt), Britannicæ populi. Glareanus eos nominat *Bibrogger*: Camdenus, *The hundred of Bray*.

Bigerrones. in Novempopulania. quorum civitas Episcopalis Tarba. *Le comté de Bigorre en Gascogne*.

Bituriges duplices fecimus. Cubos, hodie *Berri*, & *le Duché de Berri*. Vibiscos, *la Seneschaucée de Bourdelois*. Cæsar Cuborum tantum meminit, quorum metropolim Avaricum supra fuisse diximus.

Boii. Transrhenani populi. Eorum pars quæ cum Helvetiis Galliam invaserat, in finibus Æduorum, ipsis Æduis deprecantibus, collocata, eos fines incoluisse creduntur, qui hodie *Bourbonnois*. Boia opidum etiam habet Cæsar.

Brannovices. Ignorantur.

Bratuspantum. Inter Bellovacos & Ambianos. ignoratur.

Britannia. Cæsaris tempore parum explorata regio: si aliis scriptoribus creditur. tamen accurate satis eam describit Cæsar, unde sunt qui dubitant an Commentarios istos scripserit ipse Cæsar. Utut sit, Britanniae nomine Veteres comprehendebant omnem illam maiorem insulam, cum circumfuis minoribus, quæ hodie in Angliæ & Scotiæ regna dividuntur.

C.

Cabillonum. Æduorum opidum Marliano; nomen retinens, *Châlons sur Saone*.

Cadetes. In Aremoricis. Ignorantur.

Cadurci. *La Seneschaucée de Querci*. Civitas Episcopalis Divona Cadurcorum. *La ville de Cahors*.

Caresii. Germaniæ populi, ignorantur.

Caletes. Belgicæ populi. Strabo eos ad Sequani ostia pertingere facit. Eorum regionem esse putat Divæus, quæ hodie *le país de Caux*. Turnebus, eum tractum in quo hodie Diepa & Juliobona, & Calentes vocari.

Cantium. Britanniae insulae promontorium Orientale Straboni, & Diodoro. Hodie *Northforland* appellatur. Cæsar totum hunc tractum insulae quæ versus ortum extendit, Cantium vocat. Cantiam vocat Beda. Hodie vulgo *Kent* nominatur. Litus Saxonicum in lib. Notitiar. est.

Carnutes. *Le país Chartrain*. urbs Episcopalis Autricum Carnutum. *La ville de Chartres*.

Cassii. Britanniae insulae Populi. *Gasserer*, Glarea. ni. *Caislow*, Camdeni.

Catuaci in Belgis, ignorantur.

Caturiges. in Alpibus. *Le país d'Embrun*. Eorum enim metropolis Archiepiscopalis Aberodunum, *Embrun*.

Celtæ. Qui Cæsari fuerint, satis ipse initio libri primi ostendit. Nomen Celtarum alias latius extenditur. Græcique etiam Germanos sub iis compre-

prehendebant , & omnes Gallos.

Cenimagni Britanniae populi. Glareanus eos *Cun-*
man appellat. Eisdem cum Icenis esse vult Cam-
denus.

Cenomanni. *Le païs & Seneschaucée du Mans.* ci-
vitas Episcopalis Vindinum : *La ville du Mans.*

Centrones vicini Nervii ignorantur. & suspecta
est lectio.

Centrones in Alpibus. *Le païs de Tarantaise.* Ci-
vitas Archiepiscopalis Tarantasia.

Cherusci , Tacito, Paterculo & Straboni : Chæru-
fici Ptolemæo : quos Vib. Sequester Cervacios nun-
cupat. Germaniae populi , Baceni silva à Suevis di-
visi. *Mansfelders* ego existimo. *Luneburgenses* mavult
H. Junius in sua Batavia. Vide Althamerum in Ta-
citum.

Cimbri. Germaniae populi maxime Septemtrio-
nales, *Futlanders* sunt nostra tempestate. iidem cum
Cimmeriis Straboni. Cerberios etiam ab Aristopha-
nis Commentatore vocatos notat Becanus.

Cocosates (seu Cocoslâtes Sexignani , ut Plinius
nominat) , Aquitaniae populi.

Cocosates in Novempopulania, ignorantur.

Condrusii. & , ut existimat Vigenereus , Condru-
sones , Germaniae populi , seu potius Belgicae. *Con-*
droz hodie. Leodientis Dioecesis tractus est , in quo
caput est *Hoyum* opidum , ad Mosam. P. Divæus &
H. Leodius. *Condostrum Austrasie* vocat Molanus in
vita S. Beregisi.

Confluentes Mosæ & Rheni. in Belgica non lon-
ge ab opido *Bommel*.

Curiosolitæ. inter Armoricos , ad Oceanum. *Co-*
risopetenses multis esse, tradit Marlianus. vulgo *Cor-*
noitaille.

D.

DEcetia. urbs ad Ligerem , quæ ponte continetur
etiam hodie , & nomen retinet. *Decise sur Loire.*

Diablintes, vel Diablintres. Celtæ. eosdem cum Diablandis Plinii facit Urfinus. Diaulitas Ptolemæi credit Villanovanus. *Leondoul* opidum iis adscribit Marlianus. Becanus vero in suis Atuaticis, *Linter* interpretatur: qui pagus est Brabantix ad Getam flumen.

Durocortorum. Urbs Archiepiscopalis, caput Remorum. *La ville de Reims.*

Duraniū flumen. Hujus fluminis in octavo Commentario de Bello Gall. nomen quidem non extat, sed tamen ibi designatur, in cujus editissimo & maxime prærupto colle Uxellodunum situm est. *La riviere de la Dordone.* Nam prioribus quidem temporibus Duranius fluviū dictus, ut Aufonio & Sidonio: posterioribus vero Dordonia, ut Gregorio Turonensi. Nobilissimum & amplissimum flumen Aquitaniæ secundum Garumnā.

E.

EBurones, qui & Aulerci Eburones, Belgæ. Trevirorum clientes. Eburi Dioni. Horum urbs hodie Leodium & Leodicum dicitur; vulgo apud Gallos, *Liege*; Teutones, *Luyck*, & *Lüttich*.

Eburovices. urbs eorum Episcopalis, Mediolanum Eburovicum. *La ville d'Evreux.*

Elaver. Celtarum flumen in Arvernīs. *Allier* Marliano. idem cum Eleari Sidonii. Vide Gabrielem Simeonium in Dialogo pio & speculativo.

Eleutheri. vox ipsa Græca satis indicat hoc nomine populos immunes dici. Ideo Eleutheri Sueffones, Eleutheri Cadurci Cæsari.

Elusates. *Le pais d'Euse en Gascogne.* Eorum olim Episcopatus, Elusa Novempopulaniæ. Vide Aufonias lectiones Josephi Scaligeri; ubi traducitur sententia stultissima eorum, qui Elusates eosdem cum Foxensibus faciunt.

Essui. ignorantur.

G.

GAbali. *Le païs de Givaudan*, quorum caput hodie urbs Mimatenfis: *La ville de Mende en Givaudan*. Est civitas Episcopalis provinciæ Biturigum attributa. Nugantur qui hodie subjiciunt Arelatensi metropoli.

Galli. Quinam illi Cæsari, apparet ex initio libri primi Commentariorum ipsius De bello Gallico.

Garites in Novempopulania, sive Aquitania Cæsaris, ignorantur; nisi sint Gavaritavi, hoc est, *le païs de Gavardan*.

Garoceli. Inalpini populi. Marlianus & Paradinus eos in monte *Mont Cenis* dicto collocant. *Val de Morienne*, Vigenereo.

Garumna. fluvius Celtas ab Aquitanis dividens. Ptolemæo Garyna est, *Garonne* hodie. Garumnos hujus accolæ nominat Cæsar.

Garumni in Novempopulania. ignorantur.

Gebenna. & Gebennici montes, qui Arvernos ab Helviis separant. Cemmenus mons Ptolemæo. *Montagnes de Cevennes*.

Genabum. Civitas Aurelianorum Episcopalis, olim Carnutibus attributa, ævo Cæsaris. *La ville d'Orleans*.

Geneva. Allobrogum op. ad Lacum Lemanium. Incolis *Geneve*: Helvetiis & Germanis *Genff*.

Gergovia. Distat horæ itinere à Claromonte civitate Episcopali Arvernorum, ubi quædam rudera & alia prisce urbis vestigia extant: Vulgo locus dicitur Gergeoia, ut amici nostri nobis retulerunt.

Gergovia Boiorum VII Commentario de Bello Gallico manifesto suppositum à sciolis. Nam opidum Boiorum, quod Vercingetorix expugnare decreverat, non nominatur, ut alia loca apud Cæsarem designantur potius, quam nominantur. Quare nullum est Boiorum opidum nomine Gergovia.

Germania. incolis *Teutschland*, exteris *Alemagne*.

Gorduni. in Belgis. ignorantur.

Grudii. in Belgis. ignorantur.

Grudii. Nerviorum clientes. *Launois* Marliano ,
Brugge, Flandriæ urbs, Becano. Aliis Lovanium, seu,
Loven.

H.

HArudes, populi transrhenani. ignorantur.

Helvetii. Satis à Cæsare descripti. *Schweitzer*,
& *Eydgnossen*, incolis. *Suisses*, Gallis.

Helvii. Melius sine aspiratione. Populi ad ripam
sinistram Rhodani, quorum civitas Episcopalis, Cæs-
trum, Vivario. *Le pais de Vivarez*, & *la ville de Vi-*
viers. Hic nugantur rerum Gallicarum scriptores.

Hercynia. Silva in Germania maxima. *Orcinia*
Eratoſthenis, teste Apollonii Scholiaste. *Orcynium*
Ptolemæo. *Hercynius saltus*, & *Hercynium nemus*
Plinio. *Rhellicanus* in Annotationibus ad Cæs-
arem, & cum eo fere *Althamerus* ad Tacitum, hæc
de isto nemore adferunt: Unam eandemque esse
silvam, veterum *Bacenim*, *Martianam*, *Gabritam*,
Semanam & *Hercyniam*. Hodie vero diversis no-
minibus appellari. nam juxta *Friburgum* *Brigaviæ*
Schwartzwalt; prope *Heidelbergam*, *Odenwalt*;
prope *Herbipolim* *Steygerwalt*; ad *Loniam* amnem
prope Confluentiam *Westerwalt*; prope *Francfur-*
diam *Speshart*, in *Saxonix* faucibus ad *Mansfelden-*
sem ditionem, *Auff dem Hartz*. denique à *Thurin-*
gis, *Thüringerwalt*; & *Behmerwalt* à *Bohemis*.

Hibernia. Insula maris Oceani. Incolis *Erin*.
Germanis *Irlandt*.

Hibernia. Melius sine aspiratione *Ibernia*, & *I-*
vernia, & *Juvena*.

I.

ICcius portus, Morinorum in Belgica navale, ut
scribit *Strabo*. sed is Itium habet; ut etiam plera-
que *MS. Commentariorum Cæsaris*. Hodie *Calais*
est, ut *Lhuydus* ostendit: quam urbem vernaculo
voca-

vocabulo *Petresse* quandoque vocatam, scribit P. Oudegerst, in suis Flandrorum Annalibus. Sunt qui S. Audomari olim Iccium portum fuisse credunt, persuasi partim ex loci situ; qui cum valde humilis sit, præalta tamen litora urbem quodammodo cingunt, & sinum maris olim capacissimum fuisse indicant; partim ex vetusto urbis nomine, quo *Sithietu* vocitabatur, quasi dicas Sinus Ithii. His addam, distantiam, quæ est ab hoc opido ad proximum Britannia insulae continentem, ad amussim cum cccxx stadiis, quæ illi Strabo lib. 4 tribuit, hodie quadragere. tot namque stadia xiii milliaria nostratia efficiunt: quæ in hac distantia computantur. Cæsar eam xxx mil. passuum facit. Plinius quinquaginta. Dio lib. 39, sex millibus auget. Hunc portum videtur Plinius alio in loco Britannicum portum Morinorum vocare.

Jura & Jurassus mons: *Le mont Jura*. in Burgundionum finibus.

L.

L Atobriges; finitimi Helvetiis. ignorantur.

Lemanus. Lacus Helvetiorum. Limene, in Ptolemæo, & Lausonius in Itinerario Antonini nominatur. Hodie à Gallis *Lac de Losanne*, & de *Geneve*, dicitur: à Germanis *Genffersee*.

Lemovices in prima Aquitania. *Limosin*. urbs Episcopalis Ratiastrum, *Limoges*.

Lepontii. Rhætica gens Straboni, Helvetica populi, apud quos Rheni fontes sint Cæsari. *Reinwälder*, summa Alpium habitantes, sunt Scudo. Lepontios Viberos nominat Plinius, qui Rhodani fontem accolunt. Forte *Suitenses* hodie dici putat Marlianus.

Levacii in Belgis, ignorantur.

Leuci. Belgæ. Eorum urbem vocat Ptolemæus Tullum, atque etiam Itinerarium Antonini. *Toul*, in Lotharingia, Marliano & Divæo.

Lexovii, vel Lexobii. Celtæ. *Lisieux* in Normanniæ Ducatu, ut Marliano & Vineto placet.

Ligeris, & Liger. Celtarum flumen maximum. *Loire*.

Limonum, opidum inter Mediolanum Santonum, & Augustoritum Pictonum, VIII Comment. de Bello Gallico. Ptolemæo, Antonino ignoratur.

Lingones. Celtæ. Longones habet Ptolemæus. Ligoniam urbem nominat Greg. Turonensis. *Langres*, hodie.

Lutetia. Opidum Parisiorum in insula Parisiorum, ubi hodie sedem regiam *Paris* locant. Lucoetia Ptolemæo, & Leucetia Juliano, in Misopogono, est.

M.

MAgetobria in Celtis, ignoratur.

Mandubii. Celtarum populi, quorum caput Alexia. in Ducatu Burgundico, ut putat Marlianus.

Marcomanni. Germaniæ populi, qui cum Ariovisto Galliam invaserant. *Merbern* hodie est Dubravio & aliis.

Matisco. Æduorum ad Ararim civitas. *Maseon*.

Matrona. Galliæ fluvius, Celtas à Belgis determinans. hodie *Marne*.

Mediomatrices. Belgæ. quos *Westreicher* appellat Rhenanus. eorum metropolis *Metz* dicitur, in Lotharingia.

Mediomatrices. Eorum urbs Episcopalis Divodorum. *La ville de Metz*.

Menapii, Brabantia & Flandriæ maritimi populi.

Metiosedum ter nominatur à Cæsare. Posteris temporibus Melodunum dictum. Hodie *Melum*.

Metiosedum, aut Josedum. ad Sequanam opidum. Marliano *Corbeil* est.

Mona. Inter Angliam & Hiberniam insula. dubium

bium an illa quæ medio cursu inter utramque (ubi & Cæsar collocat) quæque hodie *Menau* ab incolis, & *Man* ab Anglis vocatur: an illa quæ proximior Angliæ, quæque *Mon*, & ab Anglis *Anglesey* dicitur.

Morini. quorum caput Taroana, urbs Episcopalis, sed nunc solo æquata. Retinet nomen, *Terouane*.

Morini. Belgæ. *Teroanne* indigetant Marlianus & alii. Bovillus *Monstrenil*.

Mosa. Galliæ Belgicæ celebris fluvius. Gallis hodie *Meuse*, Germanis *Maase*.

N.

Nannetes, vel Namnetes, *Ναννῆται* Ptolemæo, quorum urbs Episcopalis Condivienum. *La ville de Nantes*.

Nantuates. inter Veragros, & fines Genevensium, secundum ripam Lemanni. Longe fallit eos suum iudicium, qui Monasterium Nantua inter Lugdunum & Genevam situm idem cum Nantuatibus faciunt. Diversæ enim sunt regiones. Neque ubi blanditur aliqua similitudo nominum, statim sine delæctu de re proposita pronunciandum.

Narbo. Provinciæ Romanorum urbs, à qua & Gallia Narbonensis nomen servat *Narbone*.

Nemetes. Ad Rhenum populi. Rhenano & aliis *Spier*, ubi Camera imperialis.

Nemetocenna. in Belgis. ignoratur.

Nervii. quidam Tornacenses putant. Sed Cæsar ultra fines Tornacensium eos statuere videtur.

Nitiobriges. Populi secundæ Aquitaniæ, quorum civitas Episcopalis Aginnum. *Agen*. *La Seneschaucée d'Aginois*. Mira fuit omnium inscitia hætenus, qui Mompelienses faciunt. quasi in provincia Narbonensi bellum gesserit Cæsar. Errant itinere septem dierum.

Noricum regio & Norica urbs, in Germania. hodie forte Norimberga.

Noviodunum Æduorum. Civitas Nivernensium, ut

ut est in Notitia manuscripta. Est urbs Episcopalis.
Le duché de Nivernois. La ville de Nevers.

Noviodunum Belgarum. Civitas Episcopalis
Noion. Dicta fuit etiam Noviomagus. nam in Syn-
 odis, & Gestis Francorum, dicitur *Noviomum*, unde
 Gallicum nomen formatum. Sic ex Rigomago, Ri-
 gomum, *Riom*: ex Rotomago, Rotomum, *Rouen*.

Noviodunum Biturigum, ignoratur.

O.

O Celum. Cæsari & Straboni in Alpibus opidum,
 quod Villanovanus & Varrerius *Oulx* appellari
 aiunt, (*Ours* Itali dicunt). *Isilles* vocat Simlerus. *Esi-*
les Vigenereus. *Novalesiam* interpretatur Marlianus;
 & *Chielano* Castilioneus: sed male, ut docet Varre-
 rius. Non esse idem cum Oscella Ptolemæi, quod
 in Lepontiis ponit, ostendit Scudus erudite.

Octodorus Veragrorum. Vicus S. Mauriti hodie,
 inquit Marlianus. *Martenach*, Vallesia vallis, Rhe-
 nanus & Scudus.

Osismi, vel melius Osismii. iidem qui Plinio Osis-
 mii: quosque Timios vocat Pithœus apud Strabo-
 nem, cui etiam Sismii sunt. ad mare Britannicum
 populi. *Landriguet* nominat Cœnalis.

P.

PÆmani. in Belgis. ignorantur.

Parisi. Ad Sequanam populi. hodie proprie
l'Isle de France, & caput ejus *Paris*.

Petrogorii. in secunda Aquitania, *Le país & Se-*
neschancée de Perigort. Urbs eorum Episcopalis in
 duas partes divisa: in opidum, & civitatem. Opi-
 dum antiquitus Vesuna. Hodieque nomen retinet,
 ubi Episcopium. Civitas à populo nomen hodie-
 rum nacta *Perigueus* dicitur.

Pictones in secunda Aquitania. *Le país de Poitou*.
 Latissime patet. Urbs Episcopalis Augustoritum; *La*
ville de Poitiers. Ampliss. & florentiss. civitas.

Pleumosii. in Belgis. ignorantur.

Preciani. in Novempopulania. ignorantur.

Provincia Romanorum, ea Galliæ pars quæ etiam Narbonensis dicta. pars hodie nomen retinuit, *Provence*.

Pyrenæi. Pyrenæus saltus. Montes altissimi, qui Galliam ab Hispania separant. *Los Pyreneos* Hispani in universum vocant. partes tamen separatim diversa nomina sortiuntur.

R.

Rauraci. Ad Rhenum populi, Helvetiis vicini. *Basler* sunt Scudo, id est, Basilcensis territorii incolæ.

Rhedones. in Aremoricis. urbs eorum Episcopalis Condate. *La ville de Renes en Bretagne*.

Rhemi. urbs Archiepiscopalis eorum Durocortorum. *La ville de Reims*.

Rhenus. Fluvius notissimus Galliam à Germania separans. Germanice *Rein*.

Rhodanus. Galliæ celebris fluvius, Provinciam Romanorum à Celtis dispartiens, *Rhofne* hodie.

Ruteni. in prima Aquitania. *La Seneschaucée de Rouergue*. urbs eorum Episcopalis Segodunum. *Rodés*.

S.

Sabis. Belgicæ fluvius, Mosam influens, *Sambre*. Samarobriua. *La ville d'Amiens*. Civitas Ambianorum Episcopalis. Multa multi de hac deblaterarunt ineptissime.

Santones. in secunda Aquitania: *La Seneschaucée de Saintonge*. urbs eorum Episcopalis Mediolanum. *La ville de Saintes*. Inepte quidam libri per X, Xantones.

Scaldis. Hic Ptolemæi Tabuda. Fluvius Belgicæ, nomen servans: apud Teutones *Schelt*, Gallos *l'Escault*.

Seduni. Galliæ populi, Alpibus vicini. *Vallesia* superior. item Sedunum metropolis, *Sion* Sabaudica

dica lingua, & Germanica *Sitten*.

Sedusi. inter Germanos. ignorantur.

Segni. in Belgis. ignorantur.

Segontiaci. Angliæ insulæ populi. à Glareano *Sen-gerer* nominantur. Apud Belgas fuisse putat Camde-nus, in tractu *Holescot* nunc dicto.

Segusiani. *Le país de Forés*. quorum duæ urbes. Forum Segusianorum, *Fours en Forés*. Unde *Forés* vulgare nomen, tanquam *Foreses*, id est, Forenses. Altera urbs Rodumna. hodie vicus celeberrimus ad Ligerim, *Rouane*. Ptolemæus Lugdunum ponit in Segusianis. non bene.

Senones. Vide Agendicum.

Sequana. Straboni Sequanus. flumen inter Cel-tas & Belgas. *Seyne*.

Sequani. *La Franche Comté*. Maxima Sequanorum civitas & Caput Visontio. *Besançon*. Civitas impe-riales extra territorium Comitatus Burgundici.

Sesuvii. in Aremoricis. ignorantur.

Sibutzates. in Aquitania Cæsaris, sive Novem-populania. ignorantur.

Sicambri. Belgicæ populi. Olim fuisse videntur (ut Marliano placet) ubi hodie Gelriæ Ducatus est, inter Mosam nempe & Rhenum fluvios. Ptolemæo tamen (apud quem Syngambri scribuntur) sunt ab altera parte Rheni; cui subscribit Suetonius in Au-gusto. Zutphanix Comitatum eos obtinuisse non-ulli volunt. Sugambros nominat Strabo: atque ita plerumque vett. cod. Junius in sua Batavia putat *Sigem* opidum, *Sigenburch* arcem, & *Sigenberch* cœ-nobium, in Bergensi Comitatu, gentis servare no-men

Sotiates. in Novempopulania. *Sots* hodie voca-tur. Opidum in edito colle positum patrimonii Ec-clesiæ Metropolitanæ Ausciorum.

Suessiones. *Soissons*. urbs eorum Episcopalis Au-gusta Sueffonum.

Suevi.

Suevi. Maximam Germaniæ partem obtinebant. parum adhuc cognita ipsorum regio tempore Cæsaris. Hodie qui *Schwaben* appellantur, procul dubio partem tantum veteris Suevorum dominii obtinent.

T.

TAmes Ptolemæi Jamissâ, maximus Angliæ fluvius. Incolis hodie etiamnum *Tames* scribitur, sed *Tems* pronunciant.

Tarbelli. Ultimi populi Novempopulaniæ, sive Aquitaniæ Cæsaris ad Aturri fluminis ripas. Eorum duæ urbes Episcopales. Aquæ Tarbellicæ, *Aqs. & Baiona* Lapurdensium, *Baione au país de Labourd*. Cave confundas cum Tarba Bigerronum, quæ longe hinc distat. quod fecit Ortelius. Vide Aufonianas lectiones Josephi Scaligeri.

Tarusates. in Aquitania Cæsaris. ignorantur. Quidam vultunt esse Tursam Episcopalem urbem in Ausciorum provincia. quæ nulla est in rerum natura, neque ullus Episcopatus eo nomine in omni Vasconia. Tursan quidem est vicecomitatus patrimonii illustris gentis Labretiorum. Sed Tursan cum Tarusatibus idem facere, hoc est divinare, & fortasse delirare.

Taurentum in secunda provincia Narbonensi. ignoratur. Qui Telonum dicunt esse, non meminerunt Telonum esse vetustam urbem, neque potuisse dici Taurentum, siquidem Telonum vocata est.

Tectosages. Hi apud Cæsarem Germani sunt (nam & hoc nomine populi fuere in Gallia) circum Hercyniam silvam. Nicri fluminis ripam eos accoluisse putat Rhenanus. ubi adhuc hodie vetusta arx est *Teck* dicta. Ful. Ursinus in Cæsare, Volcæ legit, pro Tectosages. Volcæ Tectosages alii; nec absurde.

Tenchtheri. aliis Thenchteri, Appiano Tanchari, Plutarcho Tenterides, Tingri Ptolemæo. Germaniæ populi. Apud Willichium sunt, qui hodie prope Rhenum, Luppam & Lonam fluvios accolunt, ubi
sunt

sunt pleriq; Hassi, & nonnulli Franci. H. Junio sunt qui Drentam incolunt, non abludente vocabulo.

Tigurinus pagus. Ejus caput & urbs olim fuit Aventicum, vulgo *Avenches*, ut indicat vetus inscriptio, quæ Aventici extat, in qua legitur, GEN. PAG. TIGOR. hoc est, Genio pagi Tigorini. & urbs ipsa dicitur Aventicum Helvetiorum in alia inscriptione.

Tolosates. Populi Narbonæ finitimi: nomen retinere, *Toulouze*.

Treviri Cæsari, Tribori Ptolemæo. Triberi in Lib. Not. Belgicæ populi, qui hodie *Trierische* possunt appellari, à metropoli *Trier*.

Triboces. Ita Cæsari. Ptolemæo Tribocci. Germaniæ populi; qui hodie *Elsasser* Pyramio; *Straßburger*, ab eorum metropoli, Rhenano nominantur. Oswaldo autem molitori, *Zun dreyen buchen*, vocantur. pagus est Alsatiæ: non male ad Tribocci vocem alludens.

Trinobantes, vel, Trinovantes, Angliæ populi. Hodie sunt, ut Lelandus & Lhuydus affirmant, territorii Londinensis. etiam Nevyllius; qui tamen latius extendit, & illis *Essex* & *Middelfex* adscribit.

Tulingi. Celtæ Helvetiis finitimi. *Lothringer*, ut Germani pronunciant, vel *Lorainois*, ut Galli, Marliano & Rhellicano sunt. *Stulingen* & *Nellenburg* Comitatus Scudo.

Turones. Eorum urbs Archiepiscopalis Cæsardunum, *Tours*. Apud Ptolemæum male legitur *Tαξιμας* pro *Ταξιμας*.

V.

VAngiones, Germaniæ populi ad Rhenum. *Wormischer Bisthumb* B. Rhenano & Lichtenavio. Sed contra affirmat Pirchaymerus Vangiones esse Spirenses, Nemetes vero Wormatienses. Sig. Gemblacensis tamen, qui ante annos scripsit circiter quingentos, Wormatiam Vangionum urbem vocat.

cat. eandemque Vangionum Speculam aliquando vocatam, ex antiqua ibidem inscriptione colligit Joannes Heroldus.

Ubii. Germaniæ populi, qui & Agrippinenses Tacito, ubi & hodie Colonia Agrippina. *Ubich* pagus in agro Juliacenti forte horum nomen servat.

Velauni. Pagus Velaunensis. *Le país de Velai*. Eorum urbs Episcopalis *Anicia*. *Le Pui en Velai*. *Le Pui nostre Dame*.

Vellaunodunum. Senonum opidum, hodie *Auxerre Cœnali*. Sed Vigenero *Chasteaulandon*; aliis *Ville neuve en Loraine*.

Velocassès. Vide Bellocassès.

Veneti. Inter Armoricos. *Vannes* hodie in Britannia minori.

Veragri. quorum urbs Oëtodorus. Vide Oëtodorus.

Verbigenus. Pagus Helvetiorum, ignoratur.

Veromandui. Eorum urbs Augusta Veromanducorum (*S. Quentin en Vermandois*) Ptolemæo, & in Martyrologio.

Vesontio. Metropolis maxima Sequanorum. vide Sequani.

Vienna. Allobrogum ad Rhodanum urbs, sub Medulis. *Vienne* hodie.

Unelli. ignorantur.

Vocates. in Novempopulania, ignorantur.

Vocontii. Eorum duæ civitates Episcopales. *Die Vocontiorum*, *Die en Dauphiné*. item Valio Vocontiorum, *Vaison au Contat de Venissè*.

Vogesus. Mons in finibus Lingonum, unde Mosâ profluit, *Mont de Faucilles* dicitur Vineto.

Volcæ. vide Arecomici.

Usipetes. Germaniæ populi, quos Plutarchus in vita Julii Hufipas vocat. Rhellicano sunt intra Rhenum & montes in Hassia, in eo loco qui *Hochrug* appellatur. Hos Usipetes putat Willichius eosdem esse

esse cum Ufipiis Taciti, & Vispiis Ptolemæi: item Syfipetibus Appiani. Ufipii tamen & Ufipetes sunt apud Tacitum diversi populi. Nusipi sunt Straboni, ut censet H. Junius in sua Batavia, ubi eos *Zutphen* hodie vocari, quidquid alii dicant, adfirmat. Vispos Ptolemæi alios esse ab his, docent ejus tabulæ.

Wahalis, sive Walis. Batavorum fluvius, aut potius pars Rheni. *Waal* hodie dicitur. Tacitus Nabalæ fluminis etiam meminit. sed, *Vahalis*, ibi quoque legunt.

Uxellodunum in finibus Cadurcorum primæ Aquitanix in prærupto colle, qui Duranio flumini imminet, situm. Hodie nomen retinet. Incolis *Lo puech d'Ussoldun*, id est, Podium Uxelloduni. Ibi quotidie effodiuntur multi nummi veteres. quædam etiam monumenta venerandæ vetustatis extant. Situm est in territorio opidi Martelli. Fons etiam ille de quo mentio fit in ejus oppugnatione Commentario VI I I, ostenditur à rusticis, qui, mirum dictu, per manus traditum à majoribus habent, Uxellodunum à Cæsare obsessum & vix tandem expugnatum fuisse. Ridiculi sunt, qui *Cadenac* interpretantur. Vide Duranium.



I N D E X

RERUM ET VERBORUM

MEMORABILIMUM,

Quæ in Commentariis Cæsaris habentur.

A.		Abducillus Gallus Allobrox	314
Abies in Britannia non provenit	104	Adcantuanni seu Adiatonni	
Acarnania Cæsari subdita	313	rebellio, ac mox deditio	76, 77
Acco Senonum Princeps,	129.	Adolescentes facile traduntur	169
ejus supplicium	149	Adrumetum opp. 281. à Cæsare obsidetur & capitur	399, 445
in Achaia & Dyrrhachio à Cæsare gesta	313, & seq.	Adrumetanorum mulcta à Cæsare	449
Achillas præfectus regis Ptolemæi ad occidendum Pompeium missus,	350.	Adustici, eorumque res,	51, 56, 62, 63, 116, 117, 126, 128
Idem exercitus Alexandrini dux adversus Cæsarem,	351.	Advesperasset	463
ejus crudelitas,	352.	Adyta templorum	350
copiæ. lb. interitus	357	Æduorum auctoritas ac potestas, & mox calamitas,	133, 134, 152, 168, 170, 219.
Acilla civitas libera se Cæsari dedit,	415.	clientes, 33, 188. tumultus ac seditio,	165, 166.
obsidetur frustra	420	perfidia	177
Actius Pelignus Pompeianus captus à Cæsare incolumis dimittitur	233	Æduorum lex de magistratibus suis	165, 166
Actius Rufus L. Afranium prodicionis postulat	338	Æduorum res cum Ariovisto, 35, 36, 37. cum Arvernis, 33. cum Biturigibus,	152.
Actii seu Attii Vari Pompeiani delectus,	230, 240, 241.	cum Cæsare & Romanis, 22, & seq. 35, 36, 37, 42, 43, 101, 125, 129, 165, 166, 177, 181, 182, 196, 198, & seq. cum Helvetiis, 22, 23. cum Sequanis.	133, 134
Fuga	231	Æginium op.	336
Actius Varus Tiberonem appulsu Africæ prohibet,	241.	Ægus Gallus Allobrox apud Cæsarem accusatus,	314.
ejus copiæ, 281. ejusdem castra	282	ad Pompeium transfugit	325
Actii Vari cum Curione pugna, 287, 288. periculum, clades, astutiaque	289	Ægri	
Actius Varus castellorum præfectus,	465.		
ejus mors	467		
Actuariæ naves	98		
Ad exercitum manere	124		

INDEX RERUM

<i>Ægri militis ingens animus adversus hostes</i>	146, 147	<i>Agendicum opidum</i>	149, 154
<i>Ægypti munimenta</i>	369	<i>Agger ex latericiis muris confectus</i>	276
<i>Ægypto & Alexandria Cæ- sar potitus</i>	371, 372, 373	<i>Agger Romanorum ad A- varicum opid.</i>	162
<i>Ægyptiæ classis Pompeianæ præfectus Pompeius fi- lius</i>	296	<i>Agriculturæ cur non stu- deant Germani</i>	138, 139
<i>Ægyptii milites Cæsari in- fidiantur</i>	351, & seq.	<i>Agri privati olim Suevis nulli</i>	80
<i>Ænobarbus. vide Domitius.</i>		<i>Agros à finibus suis latissi- me vacare, pulchrum du- cunt Suevi</i>	81
<i>Æquinoctialis navigatio periculosa</i>	97, 109	<i>Alacritas animi, pugnae stu- dio incenditur</i>	343
<i>Ærariæ secturæ seu structu- ræ in Aquitania</i>	76	<i>Alba opidum</i>	232
<i>Ærarium sanctius</i>	231	<i>Albens cælum</i>	440
<i>Ærei nummi, & talæ fer- ræ pro pecunia apud Bri- tannos</i>	104	<i>Albici contra Cæsarem à Massiliensibus acciti</i>	242, 252, 253, 260, 271
<i>Æs apud Britannos non na- scitur</i>	ibid.	<i>Albicorum feritas, 253. vir- tus</i>	ibid.
<i>Æstimatio rerum & solutio arbitraria ex decreto Cæ- saris æquissima</i>	304	<i>Alces feræ</i>	140
<i>Æstimationes rerum & pos- sessionum in angustia fi- dei</i>	294	<i>Alduabis seu Adduadubis fluv.</i>	38
<i>Æstus maris bis incitatus xii horarum spatio</i>	71	<i>Alesia Mandubiorum opid.</i>	184, 185, 186, 187, 188. ad
<i>Æstus marini vis</i>	94	<i>Alesiam opera Cæsaris</i>	ibid.
<i>Æstus maritimos majores concitat plena luna</i>	94	<i>Alesiensium obsessorum an- gustia</i>	189
<i>Æstum ut vitent Galli</i>	142	<i>Alesia cladiæ memoria, 213. obsidio Cæsarianis difficilis</i>	193
<i>Ætolia à Cæsarianis duci- bus recepta</i>	312	<i>Alexandriæ descriptio</i>	357
<i>Afranii & Petreii res</i>	244, 245, 246, & seq.	<i>Alexandria, receptus fugi- tivorum Romanorum</i>	353
<i>Afranii mors</i>	448	<i>Alexandria incendio tuta</i>	355
<i>Afraniæ legio, 453. vide Petreius.</i>		<i>Alexandriam usque Poni- peium Cæsar persequitur, 350, 351. eandem Achil- las occupat</i>	353, 354
<i>Afri, insidiosa natio</i>	402	<i>Alexandrina licentia</i>	ibid.
<i>Africæ calamitas</i>	411, 422	<i>Alexandrini belli initia</i>	354, 355
<i>Africanæ Cæsaris copiæ</i>	438	<i>Alexandrinorum diligen- tia,</i>	
<i>Afrorum mos in frumentis suis in specubus subterra- neis condendis</i>	432		
<i>Agar opidum</i>	433, 438, 439		

ET VERBORUM.

tia, solertia, & industria,	ciarius	111
356. versutia	Ambiorigis fraus & perfidia	
Alexandrini Romanorum	adversus Romanos	111,
potentiam suspectam ha-	112, 114, &c. & 128	
bent, 357. eorum technæ	Ambiorigem ulcisci & de-	
adversus Romanos, ibid.	bellare Cæsar statuit	129,
eorundem divisio, 357. a-	141, 210	
nimi fracti, 361. classis	Ambiorigis mira fuga	142,
adversus Cæsarem, & con-	149	
tra, 361, 362, 363, 364,	Ambivareti Æduorū clien-	
365. fuga & cædes, ibid.	tes	188
Cæsari deduntur	Ambivariti	83
373	Ambracia	313
Alexandrinum Cæsaris pe-	Amicitia populi Romani	
riculum	fœderatis ornamento de-	
366, 376	bet esse & præsidio, non	
Alga jumentis in pascuum da-	detrimento	42
ta	Amphilochi à Cæsare rece-	
410	pti	313
Allienus Siciliæ prætor	Ana opid.	244
399, 410	Anartes pop.	140
Allienus proconsul Cæsari	Ancalites Britannia pop.	108
commeatum in Africam	Ancona opid.	230
mittit	Andes opid.	65, 68, 151
415	Androstenes Thessaliæ	
Allobrogum animus erga	prætor	336
Romanos, 10, 12. iidem	Animadversio non ubique	
ad Cæsarem confugiunt,	exercenda	325
ibid. frumentum Helve-	Animarum immortalitas.	135
tiis dare jubentur, 32. sol-	Animus Cæsaris altus & e-	
licitantur, 183. duo fra-	rectus.	403
tres viri nobiles à Cæsare	Animus indomabilis Cæsa-	
ad Pompeium deficiunt,	rianorum militum	158,
324. & deinceps.	159	
Alpes, 22. Alpinum trans-	Animi fortitudo, maximum	
mittendarum difficultas	hominis præsidium	309
65	Animi magnitudo facilia ex	
Alteri & alteri	difficillimis facit	62
30, 31, 157,	Animos ad audendum fa-	
452	cientia	300
Amagetobria	Anni Scapulæ mors	385
34	Annonæ difficultas ut in-	
Amantia	gravefeat	251
315	Annotinæ naves	102
Amanus mons	Anserem Britanni non gu-	
310	stant	
Ambacti equitum Gallorum		
136		
Ambarrorum ad Cæsarem		
legati		
22		
Ambianorum deditio, 56.		
eorum potestas		
51		
Ambialites Galli		
70		
Ambiorix & Cativulcus E-		
buronum principes		
110		
Ambiorix Cæsaris benefi-		

INDEX

stant	104
Antebrogii & Iccius legati	
Rheinorum	49
Antecursores Cæsaris	232
Antesignani equitibus im-	
misti	333, 339
Antiochi Comageni auxilia	
Pompeio	296
Antistii Turpionis atque	
Pompeii monomachia	463
Antonius Cæsarianus,	219.
& seq. 306. & seq.	
Antuates Galli, seu Nantua-	
tes	65
Apollinem morbos depel-	
lere	136
Apolloniam Cæsar recipit	
	300, 307
Apolloniæ commoditas Cæ-	
sari	334, 335
Aponiana insula	399
Ap. Claudius Consul	98
Apfus fl.	301, 304
in Apuliam Cæsar profici-	
scitur	236
Apuliæ gravis autumnus	
	295
Aqua dulcis ad litora mari-	
na	358
Aquæ avertendæ labor ibid.	
Aquæ dulcis magna vis in-	
venta	359
Aquæ & ignis interdictio	
	149
Aquæ inopia Pompeiani la-	
borant	320
Aquam intrant Cæsariani,	
ut cum Britannis decer-	
tent	107
Aquilaria locus in Africa	
	281
Aquileia	22
Aquiliferi Cæsariani mori-	
bundi fortis animus	327
Aquiliferi decimæ legionis	
virtus	92

RERUM

Aquitania tertia Galliæ pars	
	17
Aquitaniæ limites, ibid. e-	
jusdem pars maxima sese	
Crasso dedit	78
Aquitaniam Cæsar ipse adit	
	219
Aquitani in copiis Cæsaris	
	244
Aquitanorum clades, 78. re-	
bellio adversus Rom. 75,	
	76
Aquitius Clodius	462
Arar fluvijs	23
Aratores stipendiarii mili-	
tes facti	408
Arborum incidendarum a-	
stus in remorandis hosti-	
bus	57
Arcana concilii jurejurando	
fanciuntur	33
Ardor Rom. militum	158
Arduenna silva	99, 141
Arecomici	153, 182, 243
Arelatenses naves Cæsaris	
	243
Aremici seu Arecomici ib.	
Arguetius Cæsarianus	455
Ariarates Ariobarzanis fra-	
ter	392
Ariminum opid.	228
Ariobarzanes D equites	
Pompeio suppeditat	295
Ariovistus Germanorū rex,	
34, & seq. usque ad lib. 2.	
	113, 125, 133
Armis concrepandi mos a-	
pud Gallos, 160. eisdem	
despoliari timent Adua-	
tici	63
Armorum officinæ Alexan-	
driæ institutæ	356
Armorum similitudo, non-	
nunquam fraudulenta est	
	175
Armatum concilium Gallo-	
rum	126
Armenia	

ET VERBORUM.

Armenia minor, Deiotari regnum	393	Aulerci Brannovices	ib.
Armoricae civitates	124, 188, 213	Aulerci Cenomani	ibid.
Ars, locorum angustiis impedita	363, 364	Aulerci Eburones	ibid.
Arfinoë Ptolemæi regis minor filia	373	A. Bæbius eques	464
Artomici seu Arecomici	153	A. Clodius	342
Arvernorum & Æduorum factiones	33	A. Fonteii ignominiosa missio	426
Arverni & Ruteni à Fabio Max. superati	44	A. Gabinius	296
Arvernorum timor à Cæsare	153	A. Trebellius eques	464
Arundinum radicibus pasti equi	324	A. Valgius	465
Asculum op. à Cæsare recipitur	232	A. Varro Pompeianus	304
Ascurum opid.	409	Aurigarum Britannorum in præliis mira dexteritas	95, 96
in Asiam Cæsar proficiscitur	397	Aurium defectio in minoribus suppliciis	151
Asparagium, Dyrrhachinorum op.	310, 315, 333, 334	Ausci Aquitani Romanis dediti	78, 79
Aspavia castellum	462	Ausetani ad Cæsarem transiunt	254
Asprenas proconsul	440	Auspiciorum & religionum observans Pharnaces	395
Asta opid. Cæsari se dedit.	470	Auctoritas & timor Romani exercitus apud Barbaros	86
Ategua opid.	453	Auximum opid.	231, 232
Atrebates	51, 56, 59, 188	Axona fl.	51, 53
Attius. vide Actius.		B.	
Atuatuca	143, 145	Abilius, al. Fabius	455
Avaricum opid. Biturigum	156, 157, 164, 165, 174	Bacenis silva	133
Avaritiæ commenta	311	Bætis fluv.	388, 452
Avaritiæ imperatorum malum	40	Bagrada fluv.	281, 298
Auctio bonorum Jubæ regis	282	Baleares insulæ	409
Audax facinus Fabri Peligni	288	Baleares funditores	52
Avienus tribunus militum ignominiose à Cæsare mittitur	416	Balista turrem dejiciens	456
Aulerci Romanis dediti, rebellant,	73, 74, 188.	Barbarorum mos in castris figendis	215.
		Barbaros se vocant Morini	90
		Basilica	384
		Batavorum iusula	83
		Belgæ 17, 18, 49, & seq. Belgæ Gallorum fortissimi	50, 225
		Belgarum in Romanos conjuratio, 49, 50, 51, 52, 53. fuga & cædes, ibid.	

INDEX

in Britanniam commi-
gratio 104
Belgium ibid. 110
Bellandi cupidi Helvetii 18
Bella parvis momentis ma-
gnos casus admittunt 235
Bellii communes casus 331
Bellii jus, 37. Bellii jure in-
captos victor vitæ necis-
que potestatem habet,
421. Bellii de summa ju-
diciū ducis esse debere,
non militum, 41. Bellii ra-
tio nova & inutilata 319,
320
Bello ætate inutiles, Cim-
brico bello apud Gallos
comesti, 190. Bello inu-
tiles ejiciuntur 191
Bellum sectantes ocii &
prædæ gratia, 74. Bellum
confici nollet qui licentia
peccandi gaudet, 386. i-
dem sine magistratus &
principum consensu geri
non posse 208
Bellica porta Uticæ 282
Bellica laude semper inely-
ti Galli 124, 125, 150, 189
Bellidenses seu Bullidenses
Cæsari se dedunt 300
Bellocassi populi 188
Bellonæ templum 392
Bellovaci, eorumque res 51,
55, 179, 180, 188, 200, 201,
203, 204, 206, & seq.
Beneficium maximum quod
Romani exteris conferre
possent 21
Berones Cassiani 384
Bessi in copiis Pompeii 295
Bethuria 462
Bibracte opidum Æduorum
29, 177. incenditur 178
Bibrax Remorum op. 51
Bibractense Gallorum con-
cilium 182

RERUM

Bibroci Britannicæ populi
108
Bibulus xxx naves Cæsaria
incendit, 297. ejusdem o-
dium in Cæsarem, 302.
crudelitas in Cæsarianos,
301. mors, 303. Filii ejus
duo occisi 353
Bigeriones Romanis dedi-
ti 79
Bithyniæ ac Ponti compo-
sitiō Cæsari difficilis 391
Biturigum res 152, 198, 199
Bivius Curius Cæsarianus
236
Boduognatus Nerviorum
dux 60
Bogud Mauritanicæ rex à
Cassio in auxilium voca-
tur, 388. adversus Mar-
cellum pugnat, 390. à
Pompeio filio infestatur,
409. idem & P. Sittius
Cirtam Jubæ regis opi-
dum invadunt. 410
Boia opidum 156
Boii, 20, 157. Helvetiorum
auxiliares, 30. Æduis at-
tributi 32
Boiorum op. Gergovia 154
Bona Jubæ regis sub hasta
vendita 449
Bos cervi figura 140
Bosphori rex constituitur
Mithridates Pergamenus
397
Brachium ad flumen Salsum
Pompeius facit 456
Brannovii 188
Brannovices. vide Aulerci.
Bratuspantium, Bellovaco-
rum opid. 55
Britanniæ descriptio, & Bri-
tannorum res, 104, & seq.
Britanniam disciplinæ ergo
adibant Galli 135
Brundisium opid. circaque
res

ET VERBORUM.

- res gestæ 237, 238, 294, 295, & seq. 307
- Brutus adolescens, Cæsarianus, 71, 153. ejus classis adversus Massilienses, 269, 270, 271, 280
- Bullis & Amantia opida 315
- Bursavolenses pop. 461
- Buthrotum opid. 302
- C.
- Abilloaum opid. 171, 196
- Caburus Allobrox. 183
- Cadavera hostium pro cepite 468
- Cadetes pop. 188
- Cadurci, vide Heleuteri.
- Cæcilius Niger Barbarus, Pompeianus 469
- Cæcinæ Cæsar ignoscit 446
- Cæresi Germani 51
- Cæsar Antonio adest in auguratus petitione 221
- Cæsar cum Afranio dimicat. 246, 247. eum ad deductionem compellere vult 264
- Cæsar Deiotaro ignoscit, 392. & seq. deprecans, à suis militibus non exauditus 442
- Cæsar dictator à M. Lepido dictus, 280. idem dictator tertio designatus 450
- Cæsar diffidentibus suis accedens animum restituit, 52. laborantibus subvenit 96
- Cæsar & Pompeius vicina castra ponunt 301, 310
- Cæsar in Galliam contendit, 69, 133. in mare se abijcit, & nando evadit, 366, 367. legatos suos violatos ulciscitur, 73. novem annis iisdem fere militibus usus 228
- Cæsar Pompeio conciliari vellet 229, 237, 238, 298, 302, 303, 304
- Cæsar Pompeium oppugnare semel deliberat, 238.
- Pompeium terra arcet, Pompeius Cæsarem mari & portibus, 301, 303.
- Pompeium ad pugnam elicere cupit 338, 339
- Cæsar Rhenum trajicit 88
- Cæsar quotannis in Italiam ibat, 98. suis adversus elephantos pugnandi rationem demonstrat, 436. supplicibus libentissime ignoscit, 394. una ætate duo maxima bella conficit, 48. uni militum scutum detrahit, & in primam aciem provolat 61
- Cæsar contra Aduaticos, 62, 63. contra Alexandrinos, 355. contra Ambianos, 56. contra Ariovistum, 35. & seq. contra Belgas, 49. contra Bellovacos, 54. contra Britanuos, 89, 90, 91, 99, 102. contra Gallos, 195. contra Germanos, 83, 84, 87. contra Arvernios, 167. contra Æduos, 170. contra Labienum, 404, 405. contra Massilienses, 242, 243. contra Nervios, 56, 57. 121. contra Pharnacem, 395, 396. contra Scipionem, 440, 441, 442. contra Sotiates, 75, 76. contra Sueffiones, 54. contra Venetos, 68. contra Vercingetorigem 153
- Cæsar's opera varia 23, 85, 86
- Cæsar's opera ac munitiones ad Aleßiam, 186. ejusdem

INDEX RERUM

- dem opera ad Alexandriam, 355, & seq. ad Brundisium, 237, 238. ad Ilerdam, 246. ad Massiliam 272, & seq.
- Cæsaris opera ac munitiones ad Dyrrhachium 317
- Cæsaris opera ad Pharum, 364, 365. ad Uzitam 425
- Cæsaris pro castris semper duæ legiones excubabant 162
- Cæsaris & Pompèii dissidiorum causæ, 224, & seq. eorum novissimum inter se prælium 342, 343, 344
- Cæsaris ad Scipionem de pace mandata 323
- Cæsaris in Hispania res gestæ, 278. in scientia & consilio omnia sibi posita milites existimabant 403
- Cæsari supplicatio decreta, 98. honores exhibiti 222, 223
- Cæsarem Romana Resp. desiderat 391
- Cæsarem velut despicit Scipio 414
- Cæsarianæ classis incendium 347
- Cæsariani centurionis captivi ad Scipionem forte & intrepidum responsum 421
- Cæsariani exercitus tolerantia, sitis, ac fames 319, 320, 409, 425
- Cæs. militis veterani ad Labienum verba 405
- Cæsariani haud fere ad Pompeium perfugiebant, sed sæpe contra 326
- Cæsariani à Pompeianis in colloquio condicte contra fidem vulnerantur 304
- Cæsariani equites mille contra septem millia Pompeianorum configebant 339
- Cæsariani milites ab Afranio & Petreio male plectuntur, 261, 262. in quodam castello omnes vulnerati, 322. desperatione se interficientes 116
- Cæsarianorum adversus Britannos difficultates, 91, 92. Cæsarianorum militum adversus Germanos trepidatio, 38, 39. adversus Pompeianos pugna & victoria, 466, 467. strages à Pomp. 328, 330, 421. diligentia ac industria singularis, 102. eorundem lenitas, 275. peritia militaris, 58. licet paucorum adversus multos hostes ingens animus, 77, 78. perplexitas, atque etiam præsens animus, 70. constantia, seu pertinacia miranda, 119, 462. res fortiter gestæ, 332. virtus Pompeianis collata 421
- Cæsarianis milit. Labienus insultat 405
- C. Antistius Rheginus legatus Cæsaris 127
- C. Avienus trib. milit. ignominiose à Cæsare mittitur 426
- C. Biotius seu Mutius Rheginus eques R. à Cæs. captus 433
- C. Calvisius Sabinus Cæsarianus 312
- C. Caninius Uxellodunum obsidet, 213, 214, 215. vide Caninius.
- C. Carpineius seu C. Arpinus eques Rom. 111
- C. Caf-

ET VERBORUM.

C. Cassius Syriacarum navium Pompeii præfectus, 296, 347. xxxv naves Cæs. incendit	ibid.	C. Valerius Flaccus	45
C. Clusianus seu Clusinas ignominiose dimittitur	426	C. Valerius Proculus Gallie provinciæ princeps	27, 45, 48
C. Confidius Pompeianus, 281, 399, 415. ejus crudelitas	400	C. Vergilius Prætorius Pompeianus, 412. ejus deditio	448
C. Crispus Sallustius. vide Crispus Sallustius		C. Volcatius Tullus	141
C. Curius tribunus pleb. Cæsaris fautor, 223. vide Curio.		C. Volusenus	67, 89, 220, 325
C. Decii seu Decimii fuga	415	Calagurritani pop.	254
C. Fabius legatus Cæsaris	109, 211, 243	Calamitas ex amicis inimicos facit	350
C. Flavius eques	464	Calamitatem aut suam aut temporum queri, mediocris est animi	305
C. Fundanius eques Rom. ad Cæsarem transfugit	455	Calcatæ	458
C. Fusii Cottæ mors	150	Calenus Cæsarianus	301
C. Gallionius eques R.	277	Caletes pop.	51
C. Marcellus Consul	221	Calones inermes armatis hostibus intrepidi occurrunt, 61. eorum fuga	60
C. Marcellus Rhodiæ classis Pompeianæ præfectus	296	Calpurnius Salvianus	384
C. Marius	39, 416	Calydon opid.	312
C. Messius Cæsarianus	415	Cameli Regia Jubæ capti	433
C. Mutius Rheginus eques R. à Cæsare captus	433	Camerinum opid.	232
C. Pletorius quæstor	375	Camulogenus. Aulercus, 179, 180. ejus mors	181
C. Pomponius seu Coponius	296	iutra Cancellos pugnare	405
C. Rebilus. vide T. Rebellus.		Candavia	299, 335
C. Sallustius Crispus prætor.	402	Caninius Rebilus legatus Cæs.	238
C. Saserna	427	Canopus	369
C. Trebonius legatus Cæsaris, 106, 147, 154, 243. Massiliam oppugnat, 268. prætor urbanus	304	Cantabri pop.	244
C. Triarius Pompeianus, 296. ejus de procursum militum præceptum.	342	Cantium Britannicæ	105, 108
C. Valerius Caburus	45	Canusium opid.	236
		Capillo promisso sunt Britannici	105
		Cappadoces in copiis Pompeii	295
		Cappadocia regnum Ariobarzanis	374
		Capita hominum occisorum adversus hostium opidum conversa	468
		Z 4	in

INDEX

in Capita singula liberorum
ac servorum tributum
impositum 311
non nisi Capite Cæsaris re-
lato pacem fieri posse,
Labieni dictum 304
Caput Cn. Pompeii adole-
scentis Cæsari allatum
471
Capua opidum, 230. perfu-
gium Pompeianorum 231
Caralitani Cæsaris studiosi
240
Caraleis Sardiniae Cæsar a-
dit 449
Carcaſo 75
Carmonenses pop. 278
Carniona opid. 386
Carnutes, eorumque res
110, 126, 128, 129, 135,
150, 212, 213, & seq.
Carri & impedimenta Gal-
lorum in bellis 204, 250
Carri Helvetiorum pro val-
lo 31
Carruca opid. 465
Carſuleus Cæsarianus præ-
fectus 372
Carteia opid. 468, 470
Carvilius rex 108
Casus memorabilis 274
Cassi Britanniae pop. 108
Cassivellaunus Britannorum
dux 104, & seq.
Cassianæ turmae honos à
Cæsare 464
Cassius Longinus Cæsaria-
nus, 312. ejus timor 313
Cassius Longinus propræ-
tor, in Hispania, 382, 383.
ejus stipatores, 384. e-
jusdem odium apud mili-
tes, 382, 383, 384. pugna
cum Marcello, 388. vul-
neratio & confanatio,
384, 385, 386. ejusdem
mors 391

RERUM

Cassius Pompeianus, 347,
348. ejus fuga ibid.
Castellani, castellorum do-
mini 378
Castellorum ingens nume-
rus 319
Casticus Sequanus 18
Castor Tarcundarius 296
Castra castris inclusa 328
Castra lunata 440
Castra munire quando pri-
mum coeperint Galli 165
Castra Q. Ciceronis à Gal-
lis oppugnantur 117, 118,
119
Castra Posthumiana locus
454
Castrorum Cæsaris exigu-
tas in Britannia, 94. Pom-
peianorum luxuries 345
Catamantaledes Sequanus
18
Cataſcopus 411
Catenæ ferreæ pro funibus
71
Cativulus Eburonum prin-
ceps, 110. taxo vitam fi-
nit 142, 143
Cato Cæsaris hostis, 226,
241. Siciliæ prætor, 240,
ejus de Pompeio querela,
ibid. ejusdem ad Cn. Pom-
peium filium oratio 408
Catonis Lusitani oratio ad
Cæsarem 459
Catonis Uticensis molimina
adversus Cæsarem, 417.
ejusdem apud Uticam
gratia, labor, exitus, 444,
445. vide M. Cato.
Caturiges Galli 22
Cavarillus Æduus capitur
184
Cavarinus Senonum rex
125, 129
Causam ex vinculis dicere
19
Cele-

ET VERBORUM.

Celeritas mutatis jumentis	Cinga fl. Hispaniæ	249
299	Cingetorix, ejusque res	99,
Celeritatis in bellis mo-	108, 126, 132	
mentum	Cinguluni opid.	232
121	Cippi qui dicantur	187
Celtæ, qui & Galli	17	
Celtiberia regio	254	
Celtiberi pop.	244	
Celtillus Vercingetorigis	Circino velut circumdu-	
pater	ctum flumen	38
151	Cirta opidum capitur	410
Cenimagni Britannia pop.	Cispius & Aquila Cæsariani	
108	433	
Cenomani, vide Aulerci.	Civilis dissensio Romano-	
Centrones pop. 12. Nervio-	rum	197
rum clientes	217	
Cercina insula	402	
Cercinates Cæsarem com-	Civilis dissensionis reme-	
meatu juvant	dium	223
415	in Civilibus dissensionibus	
Cervi in operibus militari-	quid accidere soleat	389
bus	187	
Ceteio seu C. Atteio Cæsar	Civitas omnis Helvetia in	
ignoscit	quatuor pagos divisa	23
446	Civitas Parisiorum & Seno-	
Cetratæ cohortes	num	129
244	Civitatum Germanicarum	
Cetrati Afraniiani occidun-	laus	139
tur	259	
Chara radicis usus pro pane	Cives Romani Gaditani	278
320	Civium Romanorum bona,	
Cherronefus	qui contra pop. Rom. at-	
360	ma tulissent, Zamæ ven-	
Cherusei Germania pop. 133	dita	449
Cibaria trium mensium mo-	Clades Cæsarianorum	327,
lita, secum efferunt Hel-	328, 330	
vetii	19	
Cibis quibus Britanni ab-	Cladibus prædecessorū suo-	
stineant	rum posteriores ducēs	
104	prudentiores sunt	75
Cibus servitute oblata peti-	Clamor exercitus & signo-	
tus	rum cantus auditus An-	
191	tiochiæ	350
Ciceronis hybernorum op-	Clamor in pugna non inuti-	
pugnandorum consilium,	lis	343
117, 118. prudentia, ibid.	Clamoris terror	194, 467
periculum, 119. cura est	Classis Pompeiana, 295. Cæ-	
Cæsari, 121. observantia	sariana, 297. Cæsarianæ	
mandatorum Cæsaris	incendium, 347. Gallica	
145	adversus Romanos	72
Ciliciæ ordinatio	391, 392	
Cimberius & Nasua Suevo-	Cleopatra cum fratre suo	
rum imperatores	pugnans, 349. à Cæsare	
37	regina Ægypti constitui-	
Cimbri ac Teutoni Italiam	tur	373
vastantes, 36, 190. à Ma-	Clientum Gallorū fides	171
rio pulsi	39	
	Z 5	Clodius

INDEX RERUM

Clodius Aquitius cæsus	462	109, 130, 189, 200, 208,
Clodii cædes	149	209, 219
Clodianæ cædis reus Milo	305	Commeatibus duobus re-
Clupea insula	281, 399	portatus ex Britannia
Cn. Domitius Calvinus	292,	Rom. exercitus 109
	312, 443	Commentariorum Cæsaris
Cn. Magius præfectus fa-		elegantia 197
brum Pompeianus captus		Commentarios Cæsaris Hir-
ad Cæsarem adducitur		tius contexuit ibid.
	237	Concilia nocturna & occul-
Cn. Piso Pompeianus	399,	ta 124
	405	Concilium Gall. 33, 128
Cn. Pompeius Q. Titurii		Concilium armatum apud
interpres	115, 116	Gallos 126
Cn. Pompeius filius, Classis		Conclamandi mos in castris
Ægyptiæ Præfectus, 296.		257
naves Cæsarianas xxx in-		Conclamare vasa ibid.
cendit, 315. Lissum expu-		Concordiæ bonum 113
gnare conatur, sed frustra,		Conditionem ab armato ho-
ibid. ejus molimina, 450.		ste Romani non accipiunt
ejusdem præsidium fragi-		118
le, 470. res male gestæ,		Conditiones pacis æquæ
409. ejus cædes 471		quando maxime fieri pos-
Cn. Pompeii adversus Cæ-		sint 299
sarem iniquitas, 223.		Condruſi Germani 51, 143.
mors. vide Pompeius.		Trevirorum clientes 82
Cocofates Aquitani 79		Conductoribus ædium an-
Cœlius Vincianus Cæsaria-		nua merces habitationis
nus 397		donata 305
Cœlius de Rep. remotus, 305		Conetodunus & Cotuatus
ejus iniquitas, 306. ejus-		duces Gall. 150
dem molimina frustra ea-		Confluens Mosæ & Rheni 86
dunt, ib. ejus mors ibid.		Conjugia Gallorum 127
Cœliæ leges 304, 305		Conjuratio adversus Cæsa-
Cohortes Colonice 278		rem, 94, 95. adversus Qu.
Cohorti uni Pompeianæ de-		Cassium Longinum 384
cem Cæsariani certare		Confidii Longi Pompeiani
non detrectant 421		crudelitas, 400. ejus acta,
Colonorum delectum ha-		420, 443. ejus mors 447,
bent Pompeiani 231		448
Comagenus Antiochus 296		Consilia hostis audienda non
Comana opid. 375. Bellonæ		esse 112
templum 392		Consilium in ipso negotio
Cominius 422		non capiendum 114
Comius Atrebatensem		Consilium suum Cæsar oc-
rex, ejusque res 90, 93, 96,		cultabat 402
		Constantiæ bonum 39
		Consu-

INDEX RERUM

- peii 296
 Decetia, opid. 166
 Decimæ legionis commen-
 datio 40, 41, 59, 92
 Decius Brutus adolescens,
 71. classis ad Massiliam
 præfectus 243, 252
 Decius Lælius Asiaticarum
 navium Pompeii præfe-
 ctus 296, 315, 346
 Decumæ in octavas muta-
 tæ 449
 Decumanus miles, ex deci-
 ma legione 405
 Deiotarus, ejusque res 295,
 392, 393
 Delphos Kalenus recipit 323
 Delta in Ægypto 370
 Devoti, qui Soldurii, 76. co-
 rum mira fides ibid.
 Diablintes Galli 70
 Dianæ Ephesæ fanum spo-
 liari jubet Scipio, 311. id
 interventu Cæsaris impe-
 ditur 350
 Dictator Julius Cæsar, 280,
 294. dictatura se abdi-
 cat ibid.
 Didius Gadium præfectus,
 470. ejus mors 472
 Diei prolatio in exactione
 pecuniæ, donatio dicta
 311
 Diei unius anteverfio quan-
 tum ad summam faciat
 336
 Dii Gallorum, 136, 137.
 Germanorum 138
 Dii immortales omnibus ca-
 sibus belli intersunt 396
 Dii, quos pro sceleribus ul-
 ciscuntur, impune diu
 grassari permittunt 24
 Dioscorides & Serapion le-
 gati Ptolem. regis ad A-
 chillam 352
 Dis, pater Gallorum 137
 Disciplina memoria con-
 stans, non literis 135
 Diffusionis malum 113, 166
 Divico Helvetiorum lega-
 tus 23
 Divitiacus Æduorum prin-
 cept, ejusque res 19, 25,
 26, 28, 33, 41, 50, 134
 Domicilia Gallorum in æ-
 stu 142
 Domitius Ænobarbus Pom-
 peianus, 232. ejus de fu-
 ga ex Corsinio consulta-
 tio, 234. à Massiliensibus
 receptus, excluso Cæsare,
 243, 252. inde fuga 280
 Domitius prodicionis argui-
 tur, 286. ejus urbana gra-
 tia & dignitas 338
 Domitius Calvinus, 312. e-
 jus cum Pharnace res 374
 Donilaus Gallogræcus ccc
 equites Pompeio suppe-
 ditat 296
 Dotis ratio apud Gallos 137
 Drapes Senonum princeps,
 212, & seq. inedia mor-
 tuus 218
 Druidum descriptio 134, &
 seq.
 Ducere bellum 290
 Dumnacus Andium dux,
 210, & seq. ejus fuga 212,
 213
 Dumnorix Æduus Divitiaci
 frater, ejusque res, 19, 21,
 26, & seq. ejus cædes
 100, 101, 102
 Duo viri aciem inclinatam
 restituunt 462
 Duracius Picto 210
 Durocortorum opid. 149
 Duumviri municipiorum 240
 Dux quanquam in re despe-
 ratissima animo non defi-
 ciens militibus gratus 164
 Ducis præsentia animus mi-
 litibus

ET VERBORUM.

litibus restituitur	61	Epasnaetes Arvernus	218
Dynastæ provinciarum	392	Ephesiam pecuniam auferre	
ad Dyrrhachium castra vi-		Scipio conatur, 311. ei	
cina ponunt Cæf. & Pom-		salutem Cæsar affert 311,	
peius	301		350
Dyrrhachio intercluditur		Ephippiorum usus apud Sue-	
Pompeius	316	vos indecorus	81
Dyrrhachii & in Achaia ge-		Epibatæ armantur	407
sta	322, 323	Epidaurum liberat Vatinius	
Dyrrhachina duo prælia			380
Cæsarē nonnihil debilita-		Epirus tota Cæsari deditur	
runt, 338. ob ea Cæsar à			300, 316
Pomp. ubique traduci-		Epist. mittendæ mira ratio	
tur	335, 340		122
E.		Eporedorix Æduus, 177,	
E Burones pop. 51. Trevi-		182. capitur	184
rorum clientes, 82. ubi		Equestris prælii consuetudo	
siti, 110. eorum defectio,			457
ibid. humiles & ignobiles,		Equestris pugnae mira exer-	
111. prædæ omnibus		citatio apud Germanos	46
à Cæsare exponuntur,		Equites mille Cæsariani se-	
144, 145. vastantur, 148.		ptem millia Pompeiano-	
vide & Anlerci.		rum equitum sustinere	
Eburovices adversus Rom.		non dubitabant	339
conspirant	73, 74	Equites Galli	134, 136
Ediscendi studium apud		Equitum Gallorum temera-	
Druides	135, 136	rium jusjurandum	184
Egesaretus Thessalus	312	Equites Germ. sæpe in præ-	
Ejicere naves	307	liis ex equis desiliunt, ac	
Elaver flumen	167	pedibus præliantur	81
Elephantum condocerunt	411	Equitum Rom. generositas	
Elephantum Scipionis	398,		211, 212
	411, 428, 429	Equitibus quingentis Hel-	
Elephantum communi pericu-		vetii quatuor millis equi-	
lo in aciem educuntur,		tum Rom. propellunt	25
412. eorum terroris mi-		Equorum mira docilitas	81
nuendi ratio	436	Equorum studiosi Galli	80
Elephantum LX adversus Cæ-		Equos suos assuefacit Cæsar	
sarianos producti, 423.		non reformidare elephan-	
eorum fuga	441	tos	436
Eleph. LXIV à Cæs. capti.		Eratostrhenes citatus	139
	443	Ergastula quædam Milo	
Elephanto ferocienti vete-		solvit	306
ranus miles se fortiter		Erius pro castris	329
objicit	442	Essedorum usus in præliis	
Elufates Rom. dediti	79	apud Britannos	91, 95
Ennius citatus	462, 467	Essui pop.	109
		Z 7	Etesius

INDEX RERUM

Etetisæ venti	351	millia hominum	19
Evocati Pompeiani	341	ex Familia una duo simul in	
Euphranor Rhodius vir for-		Senatu Æduo esse non	
tis, 362. ejus mors	369	poterant	166
Exactiones gravissimæ Sci-		Fanum opid.	230
pionis	310, 311	Fascium prælationis invidia	
Exactiones graves Cassii			351
	383	Favonius Scipionem casti-	
Exactor improbus, ministris		gat	324
etiam suis odiosus ibid.		Fautores Cæsaris LXXIV à	
Excommunicatio veterum		Pompeio securi percussi	
Gallorum	135		461
Executi à Pharnace cives		Faustus Sylla, 127. à Sitio	
Rom.	394	capitur, 448. ejus mors	
Exercitus Cæsarianus Dyr-		ibid.	
rhachinis præliis attenua-		Feminæ notitiam intra ann.	
tus	341	xx Germani non habe-	
Exercitus non minorem		bant	138
quam imperator ipse lau-		Feminæ à viris prodi hosti-	
dem consecutus	39	bis metuentes, viros ho-	
Exercitus Rom. ab Helve-		stibus ipsæ produnt	163
tiis pulsus, & sub jugum		Feminarum pavor in urbis	
missus	20, 21	oppugnatione	174
Exercitus Cæsariani major		Ferraria Biturigum	161
pars tirones	402, 414	Ferrariæ officinæ à Pom-	
Exercitus totius salus parva		peianis institutæ	407
in re aliquando consistit		Ferrum in Britannia nasci-	
	301	tur	104
F.		Fides Cæsaris	41, 450
F Abii Peligni facinus au-		Fides Cæsarianorum mili-	
dax	288	tum constantissima	421
Fabius Max. Rutenos & Ar-		Fides clientum Gallorum	
vernos superavit	44		171
Factiones Gallorum	33, 133	Fides tota Italia angustior	
Fagura & abietem Britan-			294
nia non habet	104	Fidei hostili non temere	
Falcata quadrigæ Pharna-		credendum	309
cis	396	Fiducia Cæsaris miranda	
Falcium in navibus bellicis			431
usus	71	Fiduciaria opera legati	277
Fama in novitate antecedit		Fiduciarium regnum	367
	312	Filia Ptolemæi regis minor	
Fames ac penuria Afrania-			355
norum	259, 260	Flumen velut circino circū-	
Fames Cæsarianorum mili-		ductum circum opidum	38
tum & tolerantia	158, 249	Fluminis alti transeundi ra-	
Familia Orgetorigis, decem		tio	451
		Flumen	

ET VERBORUM.

Flumen avertere Cæsar mo-	30
litor	254
Flumina Rom. milites non	326
morantur	178
Fœderis militaris fandiendi	137
ritus apud Gallos	297. ejus industria
Foliis arborum pasti equi	323
	150
	G.
Fontem cuniculo intercidit	G Abali pop. 182, 188
Cæsar	G Gabini Cæsariani res
Fortissimi Gallorum Belgæ	gestæ, 379. mors ibid.
	Gabiniani milites 296, 349,
Fortunæ vis 68, 308, 329	353
Fraternæ pietatis exempla	Gaditani Cæsaris fautores
	277
Frenati equi & infrenati	Galba Sueffionum rex, 50.
	ejusdem filii Cæsari de-
Frentani	duntur
Frigoris tolerantissimi Sue-	55
vi	Galearum tegmenta ex vi-
	minibus
Frigoribus exposita est Gal-	326
lia	Galeari
	403
Fruementum dedititiis suis	Galliæ divisio
dandum curat Cæsar	17, 133
Fruementum militibus certis	Gallia omnis ad Septem-
diebus admetiebatur Cæ-	trionem est
sar	25
	Gallia omnis pacata, 65.
Fruementum suum Helvetii	repente tumultuatur
comburent	68,
	69
Fruementi condendi modus	Gallia provincia, 244. Cæ-
apud Afros	sari decreta
Fruementi inopia in Cæsaris	37
castris, 415. ea levata	Gallia transalpina
	152
416	Galliæ concilium, cui ne or-
Fruementa & ædificia pro-	bis quidem terrarum pos-
pria corrumpentes Galli	sit obistere
	164
182	Galliæ consensus adversus
Fruementa intra munitiones	Cæsarem in libertate vin-
fata	dicanda
324	111, 188
Fuga Ambiorigis mira	Galliæ conventus Cæsar a-
	git, 32. concilium indi-
142,	cit
149	33, 128
Fuga pernox	Galliæ equitatus ad Cæsa-
31, 204	rem in Britanniam profe-
Fugæ celandæ ratio	cturum convenit
205,	100
206, 209	Galliæ & Germaniæ morum
Fugæ simulatæ fraus	discrimina 33, 34, & seq.
131,	138
291	Galliæ & Hispaniæ regio-
Fugæ spem suis adimit Cæ-	nes saluberrimæ
	295
	Galliæ fertilitas ac opulen-
	tia

INDEX RERUM

tia præ Germania 33, 34
 Galliarum imperium sibi vindicare volunt Helvetii, 18, 19. Ariovistus, & Cæsar 36, 43, 44
 Galliarum motus repentini 111, 124
 Galliarum præsidia distribuit Cæsar 219
 Galliarum provinciarum servitus 189, 190
 Galliarum res gestas Hirtius absolvit 197
 Gallus Gallos fallens 74, 121, 122
 Galli Belgæ 49, 50
 Galli bellicosi 70, 126, 150
 Galli, Celtæ lingua Gallica dicti 17
 Galli disciplinæ ergo in Britanniam proficiscebantur 135
 Gallorum equitum mos, 136. iurjurandum temerarium, 184. virtus ac fortitudo mirabilis 251, 400
 Gallorum veterum mores & instituta, 17, 133. & deinceps.
 Galli à Dite patre progeniti, 137. Græcis literis utebantur, 135. humanis victimis diis litabant, 136. Cimbrico bello humanis corporibus vesciebantur, 190. in acie sedere soliti, 205. iumentis maxime delectantur, 80. etiam senes militantes, 204. multos carros in bellis habent, 250. procero ac mirifico sunt corpore, 63, 419. religionibus dediti; eorumque dii, ac vota, 136, 137. armati in concilium veniebant, 126. novis rebus plerumque

student, 82. in copiis Cæsaris, 244. Jubæ regis, 291. Pompeii, 295, 296. proditores in exercitu Cæsar. 56, 57, 131. urbes suas ipsi incendunt 156, 157
 Gallorum ingenia candida & aperta, 436. inter se discrimina, 17. factiones duæ, 33, 133. mira consuetudo in concilii armati indictione, 126. nobilium genera duo, Druides & Equites, 134, 135, 136. præcipui, Belgæ & Ædui, 124. tutelam adversus Ariovistum Cæsar suscipit, 35, 39, 40. adversus Romanos conjuratio, 69, 124, 169. odium & insidiæ, 114, 150. rebellio, 49, 50, 51, 66, 70, 82, 110, 150, 151. ante Cæsaris adventum annua bella, 136. conjugia, 137. consilia subita & repentina, 69, 82. consuetudo erga liberos suos natu minores, 137. domicilia in æstu, 142. mos in rumoribus novis excipiendis, 82. cum Cæsarianis prælium, 67, 155. disciplina ex Brit. allata 135
 Gallorum & Belgarum eadem est oppugnatio 51
 Gallorum fortitudo, 139. industria ac solertia, 160, 161. infirmitas, 82, 85. levitas ac mobilitas, 49, 70, 82. libertas, 150. mollietates in adversis, 75. temeritas innata, 171. facinus memorabile in mortis pro patria contemptu, 162. fuga ac clades, 68, 195, 196.
 Gallorum Labienianorum cædes,

- cædes, 419. immensæ co-
 piæ 189
 Gallis ignota Britannia 89
 Gallicarum nāvium forma
 71
 Gallica classis adversus Ro-
 manos, 72. Gallicæ plebis
 vilitas, 134. Gallicus vi-
 ctus cum Germanico non
 conferendus, 34. Gallico
 agro Germanicus ager
 non comparandus ibid.
 Gallicorum murorum for-
 ma 161
 Gallinam Britanni non gu-
 stant 104
 Ganymedes eunuchus nu-
 tricius Arsinoës, 357. ejus
 odium, 367. impotens do-
 minatio 373
 Garites Romanis dediti 79
 Garoceli Galli 22
 Garumni pop. Aquit. 79
 Gebenna vel Cebenna mons
 153, 178
 Gemella legio 195
 Genabum, Carnutum opid.
 150, 151, 199, 200. diripi-
 tur atque incenditur 155
 Geneva Allobrogum op. 20
 Gergovia, 151. Boiorum op.
 154. Arvernorum opid.
 167. ejus oppugnatio 173,
 & seq.
 Germaniæ & Galliæ morum
 discrimen, 133, & seq.
 138. & deinceps.
 Germani quando primum &
 qua ratione in Galliam
 transferint, 33, 34, 35, 86.
 inde pulsi 48
 Germani auxiliares, 125,
 183, 184, 102. barbari ac
 feri, 33, 80. bella non de-
 precantur, 82. importatis
 jumentis non utuntur, 80.
 quatuordecim annis tecta
 non subeuntes, 37. fortu-
 nam contra Romanos ter-
 tio experiri nolunt, 125,
 126. Suevis se impares
 fatentur 83
 Germani equites cccc Cæ-
 sariani, 155. pedites sum-
 mæ velocitatis inter e-
 quites pugnantes, 45, 46,
 183. levis armaturæ, ib.
 transrhenani continenter
 cum Belgis pugnantes, 17.
 Belgis adversus Rom. con-
 juncti, 50. eos Cæs. ulci-
 scitur 132
 Germani & Galli Labienia-
 ni cum Cæsarianis fide
 data acceptaque collo-
 quentes, 412. eorum cæ-
 des 419
 Germanorum ad Cæsarem
 legatio, 83 legati retenti,
 85. in Romanos odium,
 113. arrogantia, 83. cul-
 tus corporis, 138. cum
 Romanis conflictus, 47.
 clades ac fuga, 48. matres
 fam. præliandi tempus
 suis præscribunt 46, 47
 Germanorum magnitudo
 corporis ac terror, 38.
 mos in bellis parandis,
 139. nuditas, 138. perfid-
 dia & simulatio, 83. pro-
 cacitas, 85. superstitio in
 præliis suscipiendis, 47.
 trepidatio, 86, 87. vagatio
 seu peregrinatio, & error,
 138. victus, ibid. virtus,
 185. omnis vita in vena-
 tionibus & studio rei mi-
 litaris consistit 138
 Germanorum equitum vir-
 tus 371
 Germanorum Usipetum ad-
 versus Menapios dolus
 81, 82
 Ger-

INDEX RERUM

- Germanos Galli quondam virtute superabant , 139. eosdem in Gallia diutius versari indignantur Galli 49
- Germanos Cæsar debellat, & Germanico bello finem imponit , 85, 86. cætera quæ ad Germanorum descriptionem, mores & instituta pertinent, 138, 139. & deinceps.
- Getuli & Numidæ, Marii beneficiarii, 414. ad Cæsarem deficiunt 416, 426, 427
- Getuli Considium occidunt 447, 448
- Getulorum duo opida capiuntur 410
- Getulorum equit. sine frenis 430
- Gladiatoria famil. Milonis 305
- Glans inscripta vice epistolæ missa 456
- Glasto se inficiunt Britanni 105
- Gobanitio patruus Vercingetorigis 151
- Gomphi à Cæsare non toto die expugnati 336, 337
- Gorduni, Nerviorum clientes 117
- Grando saxeæ in exercitum Cæsaris cadens 422
- Gravis armaturæ miles, legionarius 435
- Græce ad Ciceronem scribit Cæsar 121
- Græce indocti Nervii, ibid. Græci contra Romanum imperium pugnare nolentes 300
- Græcis litt. Galli olim usi 135
- Grudii Nerviorum clientes 117
- Grumus natura excellens 454
- Guturvatus, Carnutum factionis princeps, occiditur 216
- H.
- Haliacmon fluv. 312, 313
- Harpagones 253
- Harudes pop. 34, 47
- Heleuteri seu Eleutheri Cadurci, 188. Sueffiones ib.
- Helvetia omnis civitas in quatuor pagos divisa 23
- Helvetii cæteros Gallos virtute præcedunt, 17. Germanis superiores, 40. Romanum consulem occidunt, exercitum sub jugum mittunt, 20, 21. Cæsarianos aliquot cædunt, 25. à Cæsare cæduntur, 23, 40. obsides accipere, non dare soliti, 24. opida sua commigraturi incendunt, 19. ea restituere jubentur, 32. profectionem in Galliam adornant, 18, 19. quare patriam relinquere, 32, 33. eorum inter, 19, 20. Rhodani transitu à Cæsare prohibentur, 21. Græcis literis usi, 32 eorum conjuratio, 18, 19. feritas ac pervicacia in bello, 30, 31. fuga, ibid. jactantia, 24. legatio supplex ad Cæsarem, 31. inos in judiciis, 19. perfidia adversus Rom. 23, 24. virtus, 17, 18, 19. & deinde.
- Helvii pop. 153, 183, 243
- Hercynia silva, ejusque feræ 139, 140
- Herculis fanum Gadibus, 277. exinde ablata restituit Cæsar 280
- Herminius mons 381
- Hia-

ET VERBORUM.

Hiadertinorum in P. R. officia 378, 379
 Hibernia insula 165
 Hibernorum Cæsaris expugnandorum consilium apud Gallos 111
 Hybridæ à Labieno conscripti 407
 Hiemare sub pellibus 301
 Hiemes in Gallia maturæ 89
 Hippo regius 448
 Hippotoxotæ 296
 Hispalis op. 279, 469, 470. ejus oliveta, 465. ejusdem turbatio 469, 470
 Hispalensibus ingratitude nem exprobrat Cæsar 473
 Hispani equites 111
 Hispani in copiis Cæsaris 418
 Hispanorum auxilia Gallis adversus Romanos 77
 Hispanorum pugnandi ratio 247. seditio inter se 389
 Hispaniæ principes ad Cæsarem transeunt 261
 Hisp. apportabantur necessaria ad armandas naves Cæs. 98
 Hispanicæ res tam Pompeianorum, quam Cæsarianorum, 244, 245. & deinde 450, 451
 Hispaniæ duæ à Cæs. pacatæ 332
 Hispaniæ ulterioris fœcunditas & situs, 454. eadem potitus Cn. Pomp. adolescens 450
 Hispaniarum deditio 287
 Hissam seu Issam M. Octavius à Cæs. abalienat. 297
 Homines à Gallis immolati 136
 Hordeo corrupto & panico vetere se alentes Massil. 280

Hospitalitas Germanorum 139
 Hospitium sacrosanctum, 458, ejus violati nefas ibid.
 Hostis consilia qualiter accipienda 112
 Hostis in iniquum locum pertrahendi stratagema 131
 Hostium res prius diligenter explorandæ, quam prælium committas 290, 291
 Hyempsal rex 427
 I.
 J. Acetani pop. 254
 J. adertini. vide Hiadertini.
 I. berna ins. vid. Hibernia.
 Iberus fluv. 254, 255
 Iccius & Antebrogius Rhemorum legati 49
 Iccii angustiz 52
 Ignis jaci solitus 455
 Ignis supplicium 19, 151
 cum Igne pugnantes Cæsariani 119
 Igni vivi combusti Paradenses 444
 Ignibus nocturnis produuntur aliquando milites 252, 253, 321
 Ilerda opidum 246, 247
 Illurgavonenses pop. 254
 Illurgis opid. 386
 in Illyrico gesta 65, 68, 379
 Imanuentius Trinobantium rex 108
 Imitatores solertissimi Galli, 161. item Alexandrini 356
 Impedimentis amissis bellum geri non posse 184
 Imperatoris aliæ sunt partes atque legati, 321. consilium milites explorare non debere, 40, 176. conspectus, oratio ac præsentia militibus animos addit & con-

INDEX RERUM

- & convertit, 40, 41, 61, 42. in conservandis militibus studium, 26p. in commissione pugnae officium 363
 Imperatorem se appellat Scipio, 310. eo nomine indignus censetur à centurione Cæsariano capto 421
 Imperatores munera ac dona accipiebant re bene gesta 394
 in Impuberes etiam sævit Bibulus 301
 Incendia ædificiorum, incursionis hostium vulgare signum 198
 Indo rex 455
 Induciarum genus ex misericordia 275
 Inducias Pompeiani postulant à Cæsarianis, & impetrant 302, 303
 Induciomari Treviri simulatio, 99, 100. dolus ac defectio, 110, 111. fuga, 124. cædes 127
 Infantibus in ardore pugnae non parcunt Rom. 164
 Ingratos ac perfidos Cæsar ulciscitur 432
 Inguium seu Inguvium op. 230
 Inimici alter alterum servantes 119, 120
 Insidiæ Labieni adversus Cæsarem, 424, 432. detectæ ibid.
 Insidiæ præmonitis minus nocent 206, 207
 Insidiarum occultandarum modus 376
 Insignia in præliis accommodabant milites Romani 59
 Insignium & signorum militarium occultandorum fraus 173
 Instar legionis videri, 328. instar cohortium 365
 Integrum quid dicatur 375
 Intercessio tribunitia 225, & seq.
 Intermittere dare obsides 95
 Interpretes quotidiani 27 per Interpretes Cæsar Gallicus locutus ibid.
 Issa insula 297
 Isthmum Pompeius munit 323
 Italia sine vulnere à Cæsarianis capta 332
 Italia sine Sicilia & Africa teneri non potest 286
 Italix facultates & exilitatio 128
 Ithureæ seu Ityreæ naves 407
 Itineris Cæsariani ad hostes asperitas 258, 364
 Itineris difficultas in Afraniano exercitu 263
 Itius portus 100
 Juba Numidiæ rex, Pompeii hospes & amicus, 282, 383. Cæsaris hostis, 410. auxilia Pompeio supeditat, 383. elephantos triginta ad Scipionem adducit, 410, 413. auxilia à Scipione abducit, 410. ad Uticam male pugnat, 282. Uticenses confirmat, 289. Curionem Cæsarianum vincit, 292, 293. ejus crudelitas, ibid. 433, 437. superbia & arrogantia, 427. terror apud Cæsarianos, & rursus contemptus, 423. angustia, 410, 425, 427, 446. mors 448
 Judiciorum mira forma, ut alii audirent, alii judicarent

ET VERBORUM.

rent	294	Lacetani seu Jacetani ad	
Julius Cæsar Cos. creatur,		Cæsarem transeunt.	354.
294. vide Cæsar.		Lacrymæ fictæ	368
Jumenta alga pasta	410	Lacte & pecore vivunt Sue-	
Jumenta sua sarcinaria A-		vi	80
fricaniani ipsi occidunt	264	Lacte, caseo, carne vivunt	
Jumentis maxime delectan-		Germani	138
tur Galli	80	Lacus Lemanus	18, 21
Junii pœnitentia	458	Laminæ seu taleæ ferreæ	
Jupiter à Gallis cultus	136	pro numismate	104
Jura mons altissimus	18, 21	Lanistæ in modum Cæsar	
Jusjurandum Labieni in fa-		suos adversus elephantem	
vorem Pompeii	300	instituit	435
Jusjurandum temerarium e-		Largitio Cæsaris	280, 322,
quitum Gallorum	184		464
L.		Largiter posse	26
Labieni Cæsaris legati		Larinales pop.	216
castra oppugnata,	127.	Larissa opid.	336
ejus stratagemata,	127,	Latobrigi patriam suam de-	
130, 131, 180. supplemen-		serunt, 19. redeunt, 32.	
tum, 179. cum Gallis præ-		eorum numerus	ibid.
lium, 181. virtus	182	Latrocinia quædam apud	
Labienus à Cæsaris inimicis		Germanos infamia non	
ad defectionem sollicita-		sunt	139
tur, 222. Cingulum opi-		Latrones dicti Romani ab	
dum exædificat,	232.	Æduis	169
Pompeio jurat, 300. ejus-		Legati aliæ sunt partes, at-	
dem cum Vatinio de pace		que imperatoris	321
altercatio, 304. adversus		Legati officium	277
Cæsarianos crudelitas,		Legati jure gentium sacro-	
331. Pompeio assentatur,		sancti	69
340. acies contra Cæsa-		Legati singulis præfecti le-	
rem, 404. insultatio in		gionibus	47, 173
milites Cæsarianos, 405.		Legatorum violatorum ul-	
insidiæ adversus Cæsare,		tio	73
424. detestæ, 432. fuga &		Legatos Cæsaris Galli vio-	
clades, 419. mors	467	lant, 69. Pompeiani item	
Labor, qui labores omnes			461
finiat, non ingratus	258	Legio centuriones suos cœ-	
	296	dens	386, 441
Laboris intolerantes Galli		Legio gemella	295
	159, 165	Legio septima	95
Labori ac duritiei à pueris		Legio octava	341
student Germani	138	Legionis nonæ imminutio	
Labrum duntaxat superius		atque afflictio	329, 341
non radunt Britanni	105	Legionis decimæ virtus	40
Lacedæmon opid.	295	Legio XI Cæsaris impar	
		cæteris	

INDEX RERUM

caeteris	201	Roma metu Cæsaris au-	
Legio xxvii thronum	312	fugiant	231
Legio tricesima sexta,	397.	Lenunculi, navigia piscato-	
tricesima septima	359	ria	293
Legio Pontica	377	Lepidus procons. in auxiliū	
Legio vernacula	279	à Cassio vocatur	388
Legio veterana	309	Lepontii populus	84
Legione una Gallia ulterior		Leporem Britannii non gu-	
obtenta	20	stant	104
Legiones Cæsaris veteranz		Leptis civitas libera	401
& novæ	201	Leptim op. Labienus oppu-	
Legiones duæ Cæsari detra-		gnare conatur	412
ctæ, Pompeio traditæ,		Leptitanorum multa	449
124, 229. ex primariæ e-		Levaci Nerviorum clientes	
rant in exercitu Pompeii	231		117
Legiones Pompeii	295	Leuci populi	40
Legiones semper duæ pro		Levis armatura inter equi-	
castris Cæsaris excuba-		tes interjecta	407
bant	162	Levis armaturæ pedites	
Legionum inter se dissidium			207
& consensus	385, & seq.	Lexovii seu Lexobii pop.	
Legionum Romanarum ro-			70, 73
bur admirabile	67, 207,	Lex Æduorum de magistra-	
	208	tibus creandis	166
Legionarii militis virtus		Lex Julia	231, 444
	442	Lex Pompeia de ambitu	
Legionarii in equos imposi-			294
ti	41	Leges Coeliæ duæ	305
Leguminibus etiam conten-		Libertas Gallorum	69
ti erant Cæsariani milites		Libertatis cupiditas, 111. sti-	
in inopia	320	mulus	253
Lemanus. vide Lacus.		Libertini in militiam ad-	
Lemovices populi	151	scripti	407
Lenium opid.	469	Libo Pompeianus cum Cæ-	
Lentulus Asculo expellitur		sare ad Oricum colloqui-	
	232	tur, 302. insulam Brundi-	
Lentulus Spinther à Cæsare		sinam occupat, 306. Cæ-	
dimissus, 236. ejusdem		sarianos terret, ib. Brun-	
fuga	232	dizio discedit, 307. vide	
Lentulus Marcellinus quæ-		Scribonius.	
stor Cæsarianus	326	Liburnica classis Pompeia-	
Lentuli consulis æs alie-		na	296
num, 226. odium in Cæ-		Licentiam militarem Cæsar	
sarem, 224. senium	338	castigat	426
Lentulus & Marcellus Coss.		Licinius Damasippus	294
Cæsaris hostes, 222, 227.		Lictores habere privatis	
		non licebat	227
		Liga-	

ET VERBORUM.

Ligarius P. à Cæsare necari jussus	1432	gatus, 54, 110. ejus pru- dens consilium, 112. vul- nus, 115. mors	116
Ligurius. vide Q.		L. Cellæ Cæsar ignoscit	446
Liger, seu Ligeris flu.	69, 152, 178	L. Cæsar adolescens lega- tus, 183, 228. Cæsari U- ticam venienti obviam it	445
Lilium, munimenti genus	187	L. Canuleius legatus Cæf.	316
Lilybæum promontorium	398, 417	L. Cassius consul ab Helve- tiis cæsus	20, 23
Limonum opid.	210	L. Cassius Longinus	312,
Lingones pop.	31, 40, 83		313
Lentrium ulus in flumini- bus trajiciendis	23	L. Cispus Cæsarianus	430
Liscus Æduus Dumnorigem apud Cæsarem desert	26	L. Decidius Saxa	257
Litata internecio	463	Lucius Domitius Consul	98
Litavicus Æduus, ejusque fratres, 168, 169, 170. ejus- que perfidia ac fuga	169, 170, 171, 177	L. Domitius, 227. in Cæsa- ris potestatem venit, 236. ejus fuga	280
Litteræ Cæsaris Græce ad Ciceronem	121	L. Domitii sententia de tri- bus tabellis judicibus dandis in causa eorum qui à Pompeio non ste- tissent, 338. ejusdem mors	346
Litteræ Cæsaris vix atque ægre in senatu recitatæ	224	L. Fabii centurionis seu vir- tus, seu temeritas admi- randa	174, 175
Literarum perferendarum difficultas	120	L. Hirrus à Pompeio ad Parthos missus	338
Literis disciplina Druidum non mandabatur	135	L. Junius seu Julius Patie- cus	451
Littora omnia venas aquæ dulcis habent	358	L. Laterensis mors	385
Livineius Regulus, Adru- meti præfectus	445	L. Lentulus Cos. 224. ejus mors, 350. vide Lentu- lus.	
Loci iniquitas	173, 176, 193	L. Licinius Squillus Cas- sum fauciat	384
Locorum mutatio propter salubritatem	222	L. Luceius Pompeian.	303
Longarum navium agilitas	102	L. Manilii proconsulis fuga	75
Longinus Cæsarianus	382	L. Manilius pr. Pompeia- nus	236
Lorica	187	L. Mergilio	384
L. Æmilius decurio equi- tum Gallorum	29	L. Metellus trib. pl. Cæsari objicitur	242
L. Afranius legatus Pom- peii, 243. prodicionis po- stulatus	338	L. Mi-	
L. Aurunculeius Cotta le-			

INDEX RERUM

- L. Minutius Basilus, 141.
ejus ad Cæsarem epistola 460
- L. Munatius Plancus 110
- L. Nasidius Pompeianus 269
- L. Paulus consul 221
- L. Petrosidii aquiliferi mors 116
- L. Piso avus L. Pisonis, fo-
ceri Cæsaris, ab Helve-
tiis interfectus 23
- L. Piso censor 225
- L. Plancus Cæsarianus 400
- L. Pupius centurio 231
- L. Racilius adversus Cas-
sum conspirat, 384. ejus
mors 385
- L. Roscius 109, 124
- L. Rubrius 236
- L. Septimius trib. mil. una
cum Achilla Pompeium
interficit 350
- L. Staberius Pompeianus 300
- L. Sylla 29
- L. Ticius eques Rom. 420
- L. Titius trib. mil. 386
- L. Tiburtius vulneratur 304
- L. Torquatus Orici præfe-
ctus, 300. se & Oricum
Cæsari dedit, ibid. ejus
mors 448, 449
- L. Valerii Præconini legati
mors 75
- L. Varenii centurionis egre-
gium pro inimico facinus
119, 120
- L. Vibullius Rufus 298
- Lucretius Vespillo Pom-
peianus 297
- Lucterius seu Luterius Ca-
durus 192, 212
- Lunæ plenæ vis in æstibus
maritimis 94
- Luna nisi nova Germanos
non contendere 47
- Lunata castra 440
- Lusitania 244, 384
- Lusitani Hispalim oppu-
gnant 470
- Lusitani levis armaturæ 250
- Lutetia Parisiorum, 129. in-
cenditur 179
- Lux seu dies pudorem ma-
lefactoribus affert 257
- Luxuries Pompeiani exer-
citus 345
- Lyssum seu Lissum opid.
308, 309, 315
- M.
- Macedones equites in
Pom. copiis 295
- Macedoniæ pars libera 312
- Machinæ bellicæ Romano-
rum barbaris admirationi
sunt 63
- Machinæ variæ Alexandri-
næ 356
- Magetobriæ clades. vide
Amagetobria.
- Magistratus Gallorum, 138.
apud Germanos, ib. apud
Æduos, 166. præpostere
decernuntur Romæ 227
- Magistratus R. sacrosancti
473
- Magnitudo coporis & vires
ut parentur 80
- Malaca urbs 391
- Malacia ac tranquillitas
maris 73
- Malo præfenti, aliis malis
mederi 264
- Malcus Nabatæorum rex
355
- Mandubiorum fames ac mi-
seria 191
- Mandubratius Britannus 108
- Manilius Tuscus 384
- Manus ferreæ 253
- Manus rebellibus præciæ
218
- Marcellus inimicus Cæsaris
222, 223
- Mar-

ET VERBORUM.

Marcellus cum Corduben-	fuga, 446, 447. mors 448
sibus à Cassio deficit 387	M. Plotius vulneratur 304
Marcus Crispus præsidio	M. Pomponius Cæsarianus
Thabenensibus mittitur	347, & seq.
438	M. Ruffi sententia de Rep.
Marcomanni Germani 47	in dissensione civili 225
M. Acilius legatus Cæsaris	M. Rufus quaestor 281, 293.
302	M. Sempronius Rutilus 196
M. Antonius legatus Cæsa-	M. Silanus 127.
ris, 193. quaestor, 198.	M. Trebius Gallus 68
Brundisio præest, 306. e-	M. Tiro ignominiose mitti-
jus sacerdotii petitio 221	tur 426
M. Antonius trib. pleb. 225	M. Varronis in ulteriore Hi-
M. Aquinius 427	span. legati nutritio, 277.
M. Aquinio Catonis filio	ejus legiones 387
Cæsar ignoscit 446	Mare bis æstuans xii hora-
M. Aristius trib. milit. 171	rum spatio 71
M. Bibulus præfectus ma-	Mare conclusum, & mare a-
ris, 297. vide Bibulus.	pertuum 70
M. Calpurnii sententia de rep.	Maris transitu Cæsarem
in dissensione civili 225	prohibere Pompeius co-
M. Cato Uticensis, 408, 417,	natur 296, 297
444. vide Cato.	Marium omnium non ean-
M. Coelius Rufus pr. 304	dem esse naturam 70
M. Crassus, 29. à Parthis	Marii affinis Cæsar 414
interfectus. 310	Maritimorum Gallorum re-
M. Eppius 446	bellio adversus Cæsarem
M. Favonius Pompeianus	68, 69, 70
312	Maritimorum opidorum
M. Lepidus pr. 280	munitio 71
M. Marcelli sententia de	Marrucini pop. 236, 288
rep. in dissensione Cæsaris	Mars 136
ac Pompeii, 225. idem	Marsi centuriones perfugæ
prætor appellatus, 388. e-	283
jusdem prudentia 389	Marforum mil. virtus 234
M. Messala & Piso Coss. 36	Massiliensium res 242, 243.
M. Messala legatus 412	252, 253, 368, & seqq.
M. Mettius Ariovisti ho-	280. eorum nomini &
spes, 45. liberatus 48	vetustati desert Cæs. ne
M. Octavius Pompeianus	eds perdat 281
296, 298, 380	Mataræ 31
M. Opimius præfectus equi-	Materiari, frumentari 187
tum 314	Materiæ inopia laborat A-
M. Petreii centurionis præ-	frica 408
clarum facinus 175	Matisco opid. 196
M. Petreius Pompeii lega-	Matrona fluvius 17
tus, 405. ejus vulnus, 47.	Maurorum equitum duo
	millia

INDEX RERUM

- millia à minus triginta
 Gallis equitibus in urbem
 repelluntur 400
 Mazaca opid. 392
 Medionatrices 84, 188
 Medobrega Lusitanæ opid.
 382
 Melodunum op. vide Me-
 tiosedum.
 Memoræ exercitatio 135
 Menapii Galli 51, 70, 81, 82,
 89. ab Usipetibus oppres-
 si, 82. eorum vastatio, 97,
 130. rebellio, 128. dedi-
 tio 130
 Mendacii usus in captandis
 militum animis 169
 Menedemus Macedoniæ
 princeps 312
 Mercatorum commercia cur
 admittant Suevi 80
 Mercaturæ commercio na-
 tionum vires enervari 17
 Mercurius præcipue apud
 Gallos colitur 136
 Metiosedum opidum 179
 Metropolis opidum 337
 Messala Cæsarianus Uticam
 custodit 445
 Messanæ periclitatio 347
 Miles non minus modestia
 & continentia, quam vir-
 tute & animi magnitudi-
 ne commendabilis 176
 Militis adversus imperato-
 rem ingratitude 350
 Militis etiam ægerrimi mi-
 rus animus 146, 147
 Militis veterani cum ele-
 phanto pugna 442
 Milites à mane ad vesperam
 jejuni in armis stantes
 420
 Milites ab imperatoris au-
 ctoritate pendere debent
 176
 Milites in conspectu impe-
 ratoris enixius conten-
 dunt 73
 Milites luce magis in officio
 continentur 257
 Milites præ pavore testa-
 menta condentes 39
 Milites propter res maximas
 gestas peccandi licentiam
 sumentes 443
 Milites seipsos plectentes
 333
 Militum amor erga Cæsa-
 rem, 268 alacritas au-
 genda magis quam reprimenda
 343
 Militum insolentia 353
 Militum pretium in seditionibus civilibus 355
 Militum suorum cura Cæ-
 sari 124, 144, 159, 198,
 260, 342
 Militum tironum ruditas
 147
 Militibus animus vel mini-
 ma spe victoriæ monstra-
 ta accenditur 78
 Milites fortes Cæsar hono-
 ribus ac muneribus pro-
 sequitur 322
 Milites suos confirmat Cæ-
 sar 128, 295
 Militaris disciplina & seve-
 ritas largitione nimia mi-
 nuitur 382
 Militaris rei dedecus in ex-
 ercitu Cæsaris non ad-
 missum 327, 328
 Milo cædis Clodianæ reus,
 305. ejus munera, ibid.
 ejusdem molimæ ac mors
 306
 Minerva dea, 136. ejus tem-
 plum 350
 Minutatim se recipere 413
 Minutius Rufus Pompeia-
 nus 297
 Minutius Silo, L. Racili-
 cliens

ET VERBORUM.

cliens , 384. conjurationis adversus Cassium index, ibid. excruciat 385	ad tormenta bellica efficienda 298
Miracula post victoriam Cæsaris 350	Mulierum trepidatio in urbis oppugnatione 174
Miseriam fortiter ferre, virtus est 190	Mulieribus & infantibus non parcent Rom. milites 164, 174
Mithridates Pergamenus, 369, 370. Cæsari se jungit, 371. res Bosphori à Cæsare constituitur 397	Muliones equitum speciem exhibentes 173
Mitylenæ opid. 348	Munatius Plancus Cassii libertorem gladio transjicit 384
Mona insula 105	Munda opidum 468
Monomachia 453	Mundensis campus 465
Morini Galli, 51, 70, 188. ultimi Gallorum pacati, 79. eorum ad Cæsarem legati, 90. Cæsarianos ex Britannia reduces invadunt, 97. in potestatem Romanorum rediguntur, ibid. Atrebatibus à Cæsare attributi 189	Mundensium ducum cædes 470
à Morinis in Britanniam trajectus brevissimus est 90	Munera ac dona à sociis & amicis recipere soliti Imperatores Romani recte bene gesta 394
Moritasgus Cavarini regis frater 125	Municipia Roman. pecunias conferre coguntur 227
Mortis metus ut tollatur, 136. mortis præsentis pro patria mirus contemptus 162	Munitiones Cæsaris ad Ale- siam 186, 187, 188
Morti se facilius quidam offerunt, quam dolorem patienter ferant 190	Munitiones Cæsaris & Pompeii ad Dyrrhachium 317, 318, 319
Mortui facile culpantur 208	Munitionum ambitus inusitatus, 326, 327. vide Opera.
Mosa fluvius 83	Muri opidorum Gallicorum 161
Mulieres & pueri in muro dispositi ad speciem duntaxat 298	Muri hostilis primum descendendi gloria 174
Mulieres Germanorum rhedis & carris impositæ, 47. earum autoritas in bellis ibid.	Murus miræ longitudinis 21
Mulierum Gallicarum mos in præliis 175	Musculi forma 273
Mulierum crines præfecti	Mutationes magnæ parvis momentis fiunt 333
	Myoparo 381
	N.
	N Abatæorum rex Mal- cus 355
	Naunetes Galli 70
	Nantuates 84
	Narbo urbs 75, 152, 219, 280
	A a 2 Nardum

INDEX RERUM

Nardum & resinam sibi in-	opera à Romanis facere
fundens mori certus 469	docti, 118. fuga, 123. eo-
Nasidii classis, 432. ob eam	rum clientes, 117. mores,
receptam Sulcitani à Cæ-	56, 57. astus, 118. multi-
sare mulctantur 449	tudo, ibid. rebellio ac
Nasidianæ naves 271	fraus, 117, 118. deditio
Nasua & Cimberius Suevo-	62, 128
rum imperatores 37	Nicomedis Bithynii nobili-
Naves Britannorum 252	tas 392
Naves Cæsaris 69, 90, 93,	Nicopolis opid. 376
100, 103, 140, 151, 192,	Nili aqua limosa atque tur-
294, 295, 297, 308	bida 357
Naves longæ 92, 99	Nitiobriges pop. 152, 188.
Navium Cæsarianarum at-	eorum rex Teutomatus
fluctatio 94, 103, 420	165
Navium Gallicarum forma	in Nive altissima Cæsar
71, 72	viam facit 153
Navium Rhodiarum nau-	Norica opidum 20
fragium 308	Noricus ager 19, 20
Navium Romanarum cum	Noricus rex 233
Gallicis impar prælium	Noviodunum opid. 54, 177,
72, & seq.	178
Navale certamen Romano-	Nox dierum xxx in insulis
rum & Gallorum, ibid.	Britannicis, 105. peccan-
Massiliensium & Cæsaria-	tibus amica 257, 285
norum, 170, 271. Vatinii	Noctis licentia 235, 285
& Octavii 381	Noctem diei præponunt
Naupactus 312	Galli 137
Nausea à salo 308	Noctes in Britannia quam
Neapolis 305	in continente breviores
Nebulæ crassæ in bello ali-	105
quandomagnum momen-	Noctium, uen dierum nu-
tum 453	mero spatia temporum
Necessarium tempus 165,	metuntur Galli 137
170	Nocturna Gallorum couci-
Necessitas omnia perquirat	lia 124
351	Nocturna opera Cæsariano-
Negligentiæ ex diuturnita-	rum obsessorum 117
te 205	Numeius & Verodoctius
Negligentiæ ac remissionis	Helvetiorum legati 20
perniciës in obsidione 298	Numidæ & Cretes sagitta-
Nemetes Germani 47	rii 52
Nemetocenna op. 219, 222	Numidæ & Getuli à Sei-
Nervii, 188. equitatu nihil	pione multi dilabuntur
olim valebant, 57. Gallo-	ad Cæsarem 414
rum ferocissimi, 51. Græ-	Numidæ in cruce suffixi
æ indocti, 121. militaria	433
	Nu-

ET VERBORUM.

Numidarum adversus Curationem stratagemata	291, 292	Oricum opidum Cæsar recitavit	300
Numidarum celeritas	434, 435. eorum equi infrenati, 430. clades, 282, 290. incurſio in exercitum Cæſaris	Oſcenses pop.	254
Nymphæum portus	308	Oſilini Romanis dediti	67
O.		Otacilii Crassi perjurium	309
Oſſefforum fortis & audax eruptio, nec minus felix	298	P.	
Obſides retenti	24	Pabuli equorum inopia apud Pompeianos, 324. pabuli inopia jumenta ſua occidunt Pompeiani, 264. ſine pabulo retenta jumenta toto quatrinduo	265
Obucula opid.	387	Pacatorum inſigne in bellis	175
Ocelum opid.	22	Pacidii Pompeiani adverſus Cæſarem pugna, 439. ajuſdem mors	ibid.
Octavii Pompeiani caſtra expugnantur, 298. ejus cum Vatinio navale prælium, 381. fuga	382	Pæmani Germani	51
Octodorus ſeu Octodurus Veragrorum vicus, 66. incenſus	68	Pagi centum Suevorum	37
Octogesa opid.	255, 258	Pagi Tigurini robur	23
Oculorum effoſſio	151, 152	Palæpharſalica victoria	382
Olovico Teutomati pater	165	Palma ex pavimento enata	350
Onuſtus, cum genitivo	431	Paludes Morinorum	97
Opera bellica Romanorum Aduaticis admirationi ſunt	63	Palus inter duo caſtra media, 53. in Sequanam influens	179
Opera Cæſaris ad Aleſiam, 186, 187, 188. ad Maſſiliam	268, 269, & ſeq.	Panis à Famelicis in hoſtium caſtra abjectus, 320. & radice factus	ibid.
Opidum quid dicatur Britannis	108	Panico ſe alunt Maſſilienſes	280
Opida Hiſpaniæ munita	454	Parada opid. direptum	444
Oppius legatus Cæſaris	434	Parentare civibus	158
in Orbem ſe adverſus hoſtes colligendi ratio	97, 114	Parifiſi populi	119, 188
Orchomenum Cæſar recipit	323	Parthi Romanor. hoſtes	310
Orcinia ſilva	139	Parthicum bellum	123, 310
Orgetorix, Helvetiorum princeps, 18. ejus filia & filius capiuntur, 31. mors ejusdem	19	Parthinorum opid. expugnatum	315
		Parthinos Pompeius prædæ loco habuit	217
		Pæſtores indomiti, 253. Turini à Milone ſollicitantur	305
		Pax quando optime fiat	299
		Pax unius diei	64
		Pacis ſtudioſus Cæſar	241.
		A a 3	299.

INDEX RERUM

199. eam cum Pompeio sæpe frustra tentat 238, 299,303	244. ejus furor, 262. vul- nus, 407. vide Afranius.
Peccandi impunitatem sibi arrogant milites post vi- ctoriam 443	Petreii mors 448
Pecuniæ conflandæ com- menta 310,311,383,386	Petreius Theffalus 312
Pecuniæ cupiditatis malum 139,447,448	Petrocorii populus 188
Pecuniæ è fanis tolluntur 227	Pharus quid sit 354
Pecuniam publicam sibi ob- latam Cæsar repudiât 236	Pharitiæ 365
Pecus loco frumenti impe- raturum 251	Pharnacis res gestæ 374, 375, & seq.
Pecoris cupidi barbari 145	Pharsalici exercitus clades 344,345
Pedes equestre prælium fa- ciens 457	Pharsalus 297
Pedites Germani inter equi- tes præliari soliti 45,46, 183	Philippus trib. pleb. 227
Pedites mira celeritate e- quorum cursum adæquan- tes, 46. inter equites pu- gnant 206,215,434	Philo Pompeian. Hispali 469
Peligni pop. 233	Photinus seu Pothinus eu- nuchus, nutriticius Ptolem. regis 351. ejus mors 355
Pelles pro velis 71	Picenum 232
Pelles vestitus Suevorum 80,138	Pictones pop. 210
Pelusium se confert Pom- peius, 349. id à Mithri- date capitur 369	Pirustæ Illyrici 98
Pentiremes seu penteres duæ Cæsarianæ capiun- tur 431	Pisaurum opidum 230
Perfidia Æduorum 171	Piscibus & ovis avium vi- ctitantes populi 83
Perfugæ Cæsariani 325,326	Piso Aquitanus occiditur 85
Perfugæ multi quotidie ad Cæsarem confluebant 172	Planities xv mill. passuum 417
Pergamum opid. 310	Plebs Gallorum, servorum loco habetur 134
Periclitari fortunam 299	Plebis Gallicæ tutamen ad- versus potentiores 133
Perjuriū Cæsar ulciscitur 432	Plebem solam vix bellum constare posse 208
Petra locus 316	Pletorii Rustiani mors 448, 449
Petreius legatus Pompeii,	Pleumosii, Nerviorū clien- tes 117
	Plumbum album in Britan- nia 104
	Pluvia faxorum 422
	Pompeia lex ambitus 294
	Pompeiz Cæsar ighoscit 448
	Pompeii & Cæsaris amici- tia, 128 abalienatio Pom- peii, 226,228. æmulatio, obrectatio & studia ad- versus

ET VERBORUM.

versus Cæsarem, 224, 225,	adversus Cæsarianos ti-
226. arrogantia ac super-	rones 309
bia parem non ferentis,	Pompeiani sæpe ad Cæsa-
ibid. 242, 303, 318, 325,	rem deficiebant, raro con-
337. amici, 254. aucto-	tra, 326, 459. milites ma-
ritas, nomen & existima-	la valetudino laborantes
tio, 255, 317, 340, 341, 387.	320
dominatio Romanis sus-	Pompeianorum metus, 300.
specta, 223. legati & man-	eorum & Cæsarianorum
data ad Cæsarem, 228,	de pace colloquium, 302,
229. ejus dignitati Cæ-	303, 304. in difficultati-
sar semper studuit, 228.	bus patientia, 311. ex-
gratia in Senatu, 231. in	actiones, ib. fames & an-
Hispania, 278. Brundisio	gustia, 324. fuga ac cla-
abituri opera adversus	des, 321, 322, 343, 346. à
Cæsarem, 239. facultas	victoria spiritus, 331. va-
in parandis copiis, 295,	na spes de victoria, 337,
296. exercitus, & unde	338. deditio, 346. in acie
conscriptus, 236, 295. du-	Pharsalica cæsorū nume-
ces, 296. acceleratio ad	rus, ib. eisdem victis vix
Dyrrhachium, 299. inde	usquam perfugium est 349
exclusio, 316. dictum de	Pompeii Ruffi periculum 443
Cæsare, 303. ambitio,	Pomponius Cæsarianus 347
318, 323. eum ad pugnam	Pontis in Rheno à Cæsare
elicere Cæsar cupit, ibid.	facti ratio & forma 87, 88
ejusdem exercitus penu-	Pontem celeriter efficit Cæ-
ria, 324. honor, 321. præ-	sar 132, 252
sumptio de victoria & fu-	Pontem Genevensem Cæ-
ga Cæsarianorū, 337, 340,	sar rescindit 20
341. luxus, 345. castra ex-	Pontem in Arare Cæsar fa-
pugnata, ibid. nomen in	cit 23
scutis militum inscriptū,	Pontones 309
& mox detractum, 387,	Pontum Cæsar recipit 397
388. res præclare gestæ,	Pontum Pharnaces occupat
331. fuga & incommoda	375
& adversa, 300, 343, 348.	Portenta victoriam Cæsaris
mors 350	secuta 350
Pompeii filii tres 315, 465,	Posse largiter 26
& seq.	Postumiana castra 454
Pompeianæ aciei instructio,	Præda virtute parta, grata
341. classis administrato-	378
res 296, 397	Prædonum bellum 281
Pompeianarum partium in-	Prællum equestre, 425. na-
clinatio, 444, 445. earun-	vale 360
dem fautoribus Cæsar i-	Prælia sex à Cæsare uno die
gnoscit 446	facta 322
Pompeiani præfecti perfidia	Præscriptio, prætextus 311

INDEX RERUM

- Præsidium Jubbæ regis apud Thabenam interficitur 348
 Prætores inter se adversarii 304, 305
 Prætorum de imperio, ad populum referebatur 227
 Prævertere rei alicui 166
 Preciani Romanis dediti 79
 Precibus aliquem detestari 143
 Princeps, id est, prima 41
 Pro rata parte 233
 Proconsul cum imperio ad urbem manens 127, 128
 Provinciæ Galliæ servitus 189, 190
 ad Ptolemæum regem Ægypti Pompeius fugiens se confert 349
 Ptolemæum inter & Cleopatram Cæsar arbitrum se interponit 351
 Ptolemæi patris testamentum 352
 Ptolemæum puerum regem Cæsar in suam potestatem recipit ibid.
 Ptolemæi regis pueri fictæ lacrymæ 368
 Ptolemæi regis castra oppugnat Cæsar, 372, 373. mors ibid.
 Puberes omnes armati convenire coguntur armato concilio indicto apud Gallos 126
 P. Atius seu Attius 281
 P. Atrius eques Rom. à Cæsare captus, 433. venia donatus 446
 P. Calvitius Pompeian. 468
 P. Confidius pro exploratore missus falsa renunciat 29
 P. Cornelii Scipionis mors 449
 P. Cornelius Scipionis evocatus interficitur 438
 P. Crassi adolescentis res gestæ 47, 66, 68, 76, & seq.
 P. Domitius. vide Domitius.
 P. Lentulus Spinther in potestatem Cæsaris venit, 236. vide Lentulus.
 P. Ligarius jussu Cæsaris necatus 432
 P. Salserna 402
 P. Servilius Cos. 294
 P. Sextius Bibaculus, alias Baculus 60, 61, 67, 146, 147
 P. Sextius 375
 P. Sittius Numidiam Jubbæ regnum invadit, 417. ejusdem virtus 448
 P. Sulpitius 196
 P. Sulpitius Rufus legatus 91
 P. Sulpitius pr. 347
 P. Syllæ dexteritas 321
 P. Vatinius Cæsaris legatus 304
 P. Vestrius eques Rom. 432
 Puellæ regnantis tædium apud populum 367
 Pueri & mulieres in muro ad speciem militum dispositi 198
 Pugna acerrima Nerviorum ac Romanorum 60, 61
 Pugna non stataria, sed procursoria Lusitanorum 247
 Pugna ex essedis 91, 95, 96
 Pugna navalis 72, 73
 Pugna sex horas durans 67
 Pugna ratio astuta 114, 115
 Pugnam ineuntium Gallorum vota 137
 Pulveris excitati indicium in bellis 97
 Putei à Cæsarianis fodiuntur 359
 Pyra Jubbæ regis in opido Zama

ET VERBORUM.

Zama	447	Q. Ligario Cæsar ignoscit	445
Pyrenæi montes	18	Q. Lucanii centurionis mors	115
Q. Uadrige falcate Pharnacis adversus Cæsarem	396	Q. Lucretius senator	233
Quæstus undecunque quæstus	383	Q. Marcus trib. mil. Pompeianus ad Cæsare trans-fugit	455
Quæstorum nequitia	310, 311	Q. Patissius Cæsarianus	375
Quæstorum improborum odium	383, 384	Q. Pedius legatus Cæsaris	49, 54, 306, 451
Quatuor unius cohortis Cæsarianæ centuriones in pugna oculos amittunt	322	Q. Pompeii Nigri equitis R. Italicensis robor, 463. ejusdem cum Antistio Turpione singulare certamen	ibid.
Q. Aquila Cæsarianus	430, 431	Q. Sertorii milites	77
Q. Atrius navium Cæsarianarum præfectus	103	Q. Sabinus	323
Q. Attius Varus præfectus equitum	211	Q. Sextius de vita pecuniam paciscitur	386
Q. Cassius trib. pleb. Cæsarianus, 225, 278. Gaditanorum præfectus	280	Q. Titurius Sabinus legatus Cæsaris, 51, 53. ejusdem provincia, 70. apud Unellos acta, 73. stratagemata, 74, 110 ejusdem mors	116
Q. Cassii Longini odium in Hispanos, & contra, 382, 383. vulnus, 384. mors, 391. vide Cassius.		Q. Tullius Cicero	143, 196
Q. Cicero Cæsarianus, 109. ejus castra oppugnantur à Nerviiis, 117. ejusdem valetudo tenuissima ib. 118		Q. Varus præfectus equitum Domitii, Cæsarianus	314
Q. Cominius Cæsarianus ad Scipionem deductus	420	Q. Velanius	68
Q. Coponius Rhodæ classis Pompeianæ præfectus	307	Quos inter	166
Q. Cornificius Cæsaris quæstor	378	R.	
Q. Fabius Max. legatus Cæsaris	451	R. Abirius Posthumus	401
Q. Fulginii mors	248	R. Radix qua vice panis uterentur Cæsariani	320
Q. Fusius Kalenus legatus Cæsaris	268, 323	Radicibus arundinum pasti equi	324
Q. Junius Hispanus	111	Rapinas suorum castigat Cæsar	426
Q. Laberii Duri trib. mil. mors	196	R. Ascipolis Pompeianus	195
		Ratione & consilio Romanos barbaris nationibus in bello præstare	40
		Ravenna opid.	227
		Rauraci pop. 188. sc. Helvetiis domos suas relinquuntibus jungunt	19, 32
		Rebellionis reprimendæ apud	

INDEX

pud Gallos consilium
 127, 128
 Rebilus, legatus Cæsaris,
 magni usus militaris vir
 288
 Reditus Cæsaris in Italiam
 quam honorificus 222
 Regem à Romanis appella-
 ri & amicum, maximum
 beneficium 42
 Regis pueri ætas à militi-
 bus elusa 368
 Regem ad dicendam caus-
 sam evocari indignatur
 regni procurator 351
 Reges Ægyptiis constituit
 Cæsar 373
 Reges Britannici quatuor
 108
 Regnum fiduciarium 367
 Regnum Jubæ in provin-
 ciam conversum 449
 Regni ambitio odiosa 151
 Regum controversiis se in-
 terponit Cæsar 351
 Rei ex vinculis causam a-
 pud Helvetios dicebant 19
 Religio sacerdotum Galli-
 corum 134
 Remos detergere 363
 Reinulco navem abstrahere,
 281. abducere, 315. de-
 ducere 361
 Repræsentare, in præsentia
 dare 394
 Rescribere ad equum 42
 Respublica detrimentum ne
 capiat, cautio extrema
 226, 227, 228
 Rhedones, 188. Romanis
 dediti 65
 Rhemi Romanorum amici,
 182. in insidias Bellova-
 corum incidunt 203
 Rhemi se Cæsari dedunt,
 49. eorum amicitiae usus
 Cæsari, 50. eorundem a-

RERUM

pud Cæsarem auctoritas
 & gratia 125, 129
 Rheni fluminis latitudo &
 altitudo, origo, fluxus, &
 insulae 84, 87
 Rhenum transire Cæsar sta-
 tuit 86, 132
 Rhodanus fluvius 17, 18, 20,
 21, 22, 36
 Rhodiæ classis Pompeianæ
 præfectus C. Marcellus
 cum C. Coponio 296
 Rhodiorum in maritimis præ-
 liis virtus 360, 361, 363
 Robur & magnitudo corpo-
 ris ut pareretur 80
 Rom male administrata 393
 Roma terrore cõpletur 231
 Romæ omnia divina huma-
 naque jura miscentur
 Pompeii ac Cæsaris dis-
 sensione 227
 Romani ab armato hoste
 conditionem non acci-
 piunt 118
 Romani ab Helvetiis ca-
 duntur, 20. admirationi
 sunt Uxellodunensib. 218
 Rom. arbitri regni Ægyptii
 testamento electi 351, 352
 Romani armis graves 106
 Romani secundis rebus con-
 firmantur, adversis inci-
 tantur 204, 367
 Romani sociorum dignita-
 tem augere soliti, non mi-
 nuere 42
 Romani negotiatores Genæ
 à Gallis opprimuntur 150
 Romani populi disciplina &
 opes, 128. divisio 241, 242
 Romani non sine deorum o-
 pe bellum gerere Gallis
 visi 63
 Romani Sicambris produn-
 tur 145, 146, 147
 Romani statura brevi, Gal-
 lis

ET VERBORUM

lis ludibrio sunt	63	Romanarum legionum laus	473
Romani milites desperata salute se ipsos interficiunt, 116. detrimento accepto diligentiores fiunt, 204. in insidiis à Gallis deprehensi	114, 115	Romanum præsidium crudeliter ab Ædnis interfectum	169
Romanorum militum magnanimitas, 67, 158, 159. præsens in repentina re animus, 58. opprimendorum consilium apud Britanuos, 94, 95. trepidatio, 38. virtus	47, 115, 116	Ros pellibus quibus naves tegebantur, exceptus	301
Romanorum ambitio	190, 191	Roscillus & Ægus Allobroges fratres à Cæsare ad Pompeium deficiunt	324, & seq.
Romani auxilio Æduorum adversus Allobroges non usi	43	Roscius prætor Pompeium Cæsari purgat	229
Romanorum ac Britannorum dispar pugna	106	Rostra actuariis navibus Vatinius imponit	380
Romanorum civium etiam hostium suorum misericordia movetur Cæs. 261		Rumoribus incertis sæpe Galli serviunt	82
Romanorū civium injurias in Ponto acceptas Pharnaci Cæsar remittit	394	Rumorum coercendorum ratio	138
Romanorum in Galliam evocatio per Divitiacum, 134. incautorum oppressio ab Ædus, 171. mos in pugna committenda, 342, 343. servitutem excutere Galli conantur, 69. timor apud Æduos, 26. apud Barbaros	86	Ruspina op.	401, 412, 416, 417
Romanis obinurmurant Alexandrinorum principes	357	Rutheni, 44, 182. Arvernii conciliauntur	152
Romanos in Gallia inveterascere indignantur Belgæ	49	Rutillius seu Rutilus Lupus pr.	236
Romani imperii dignitas ut conservetur	374	S.	
Romanæ naves ad Massiliam	252	Sabinus. vide Q. Titurius.	
		Sabis fl.	56, 57
		Sabura Jubbæ regis præf.	290 ejusdem stratagema, 291. inors
		Sacerdotum auctoritas	166
		Sacerdotes Galliæ Druides	134, 135
		Sacramentum apud se dicere Domitianos milites Cæsar jubet	236
		Sacramenti Domitiani religione milites suos liberat Curio	286
		Sacramentum militare ut solvatur	ibid.
		Sacramenti redemptione, pecuniæ cogendæ inventum	284
		Sacramento rogare	128
		Sacrativiri cædes	331
		A a 6	Sacri-

INDEX RERUM

Sacrificia Gallorum	134,	Scaphæ	93, 326
	135, 136	Scapula rogo extructo sibi	
Sacrificiorum interdictio		exitium parat	469
gravissima	135	Sceleratum Cæsarem vocat	
Sadales Coti regis filius iu-		Scipio	421
ter Pompeii copias	295	Sceleris conscientia	412
Sagittarii Galli	165	Scipio jussu Juba regis ve-	
Sagittariorum & fundito-		stitum mutat, 428. ele-	
rum Pompeianorum ex-		phantos ad pugnam affue-	
des	343	facit, 411. imperatorem	
Sagittarum triginta millia		se appellat, 310, 400. Pom-	
in castellum Cæsarianum		peii fautor & affinis	226,
conjecta	322		323, 337
Saguntinorum signa v rela-		Scipionis copiar, 398. sen-	
ta	455	tentia de Pompeio & Cæ-	
Salinarum stagnum	440	sare, 224, 225. largitio &	
Salona opid.	297	avaritia, 310. diligentia	
Salonarum conventus, ibid.		ac celeritas, 312. fuga,	
& oppugnatio	298	313. clades	425
Salsum fl.	454	Scipionis commiseratur Cæ-	
Saltus Castulonensis	244	far	402
Salum pro mari	422, 431	Scipionis legionarii multi	
Sali & nausæ molestia	308	ad Cæsarem deficiunt,	
Sallustii ad Cercinam insu-		415. ejus oratio ad capti-	
lam gesta	415	vos Cæsarianos, 421. cru-	
Salutatio militaris	443	delitas adversus eosdem,	
Salutem omnium paucis		ibid. acies ad pugnam in-	
committi, grave ac mise-		structa, 423, 428, 429. e-	
rum	363	jussu victoriola	430
Samarobriva opid. 109, 121,		Scipioni legatos Cæsar de	
	124	pace mittit, 323, 324. sup-	
Samarobrivense Gallorum		petias fert Juba rex	423
concilium	109	Scipionem unum esse popu-	
Santones Tolosatium vicini		li Romani imperatorem,	
	22	Confidii vox	400
Sarsura opid.	438	Scipionis milites ad unum	
Saserna præfectus Lepti		omnes cæsi	443
	402, 412	Scipionis mors	448, 449
Sata manu	317	Scorpio, bellicum instru-	
Saturnini & Græchorum		mentum	162, 413, 414
casus	228	Scribonius Libo, 238. A-	
Saxea grando	422	chaicæ classis Pompeianæ	
Serevæ centurionis virtus.		præfectus, 296. cum Cæ-	
322. ejus scutum cccxx		sare ad Oricum colloqui-	
toraminibus confossum		tur	301, 303
ibid.		Scuta & pila pro vallo posi-	
Scaldium seu Scaldis	143	ta	468
		Scuta	

ET VERBORUM:

Scuta ex cortice facta, & viminibus intexta	64	litia non excusar	204
Scutorum cælatura	464	Senes bello inutiles, Cimbrico bello apud Gallos comesti	190
Scutis se à grandine protegentes Cæsariani	422	Senis honor propter peritiam	179
Sectio opidi Aduatici vendita	64	Senones, 188. in fide Æduorum	129
Secundani, secundæ legionis milites	385	Senonum conscientia facinoris adversus Romanos, 126. Eorundem motus, 125. rebellio & deditio	129
Seditionum Romanarum cura Cæsari	391	Sentinæ vitia	309
Sedulii Lemovicum ducis mors	195	Sequana fl.	17
Seduni Galli	65	Sequanus ager optimus totius Galliæ	34
Sedusii Germani	47	Sequani Germanos in Galliam inducunt, 133. principatu deiciuntur	134
Segni pop Germaniæ	143	Sequanorum demissus animus	35
Segonax rex	108	Sequanorum & Æduorum factiones	133, 134
Segontiaci Britannæ pop.	108	Sequanorum miseria à Germanis, 34, 35. ab Ariovisto	ibid.
Segovia opid.	387	Sequanis Ædui subditi	33, 34, 133
Segusiani	22, 182	Sequanos sibi Helvetii per Dumnorigem conciliant	21
Sementes facere	18	Sergius Galba Cæsari amicus, 122. legatus, 66. ejus perplexitas, 67, 68. eidem ereptus Consulatus	223
Senatores Romani in Cæsaris potestatem redacti	226	Servus dominum jugulans, 459. punitus	460
Senatores tres ex sexcentis reliqui, quingenti milites ex LX millibus	62	Servi pastores armantur à Pompeio	236
Senatus à Gallis interfectus, quod bellum cum Romanis gerere noller	73, 74	Servi puberes armati Alexandrino bello	356
Senatus omnis Venetus necatus, reliqui sub corona venditi	73	Servi puberes omnes in extrema necessitate missi	298
Senatus reverentia apud Cæsarem	222	Servi speculatores capti & in crucem sublati	460
Senatui populoque Romano se Cæsar subicere vult, ut pacem cum Pompeio faciat	299	A a 7	Servos
Senatusconsultum adversus Cæsarem	223, 224		
Senatusconsultum extremum, Dent operam magistratus, ne Respublica detrimentum capiat, 226, 227, 228. quando id fieret	226		
Senectus apud Gallos à militibus non excusar	204		

INDEX RERUM

Servos se mentientes milites interfecti	455	ti	332
Servilis tumultus in Italia	39	Signifer Pompeianus ad Cæsarem transfugiens	459
Servilius consul	305	Silicense flumen	387
Servitutis conditio odiosa	70	Silvarum latibula & munita	57, 58, 79, 89, 103
Ser. Sulpitius	293	Sitis ingens	217
Sestertia e militibus donat Longinus	382, 383, 384	Sitius, Jubæ fines invadit	417
Sesuvii Romanis dediti	65	Socios de se bene meritos Romani non deserebant	42, 200
Severitas Cæsaris, 73. Vercingetorigis	151, 152	Solduriorum devotorum fides	76
Sex prælia uno die à Cæsare facta	322	Solitudines circum civitates suas amant Germani	130
Sext. Bibaculi ægri ingens animus adversus hostes	146, 147	Soritia opid.	466
Sex. Cæsar, 279. Julii Cæsaris avunculus	392	Sortes & vaticinationes matrum fam. Germanorum in præliis ineundis	46, 47
Sex. Pompeius filius Cn. Pompeii Magni, 451, 452. à fratre Cn. Pompeio auxilium petit.	452	Sotiates à Cæsare victi	76
Sex. Quintilius Varus quaestor	236, 283	Speculæ Hispaniæ	454
Sibutzates Aquitani Rom. dediti	79	Speculator Pompeianus captus & occisus	456
Sicilia ac Sardinia à Cæsare recipiuntur	240	Speculatores missi, suorum consilia hosti aperiunt	416
Sicoris fluv.	245, 249, 255	Speculatorum comprehensorum poena	466
Sigambri, al. Sicaubri	88, 145	Speculatoria navigia	93
Signorum cantus in bellis utilitas	343	Spes inopiam sustentat	320
Signa militaria septuaginta quatuor de Gallis capta	195	Spes una miseris reliqua	292
Signa militaria xxxii Cæsariana amissa	331	Sponte sua, hoc est, per se	21
Signorum militarium conferendorum mos Gallicus	150	Squillus index conjurationis	385
Signorum militarium Pompeianorum ad Cæsarem delatorum numerus	346	Stagnum salinarum	440
Signiferi ignominia nota-		Stattius Murcus Cæsaris legatus	302
		Statura quibus rebus alatur	138
		Stimuli in operibus bellicis	188
		Stipendium duplex bene meritis Cæsar largitur	322
		Stipendium militum averteutes delati	325
		Stipendium victores victis im-	

ET VERBORUM.

imponunt jure belli 43
Storiarum usus in bellis 272
Stratagema Ambiorigis ,
115, 116. Bellovacorum,
204, 205. Cæsaris , 172,
173. Domitii, 314. Jubæ
regis 291
Stratagema peditum perni-
cium equitibus in pugna
permiscendorum 371
Stratagema Pompeii in eru-
ptione 326
Stratagema Salonensium ci-
vium adversus Octavium
298
Stratagema Vercingetorigis
in fallendis suis 159, 160
Structores ut se muniant à
telis hostium 272
Styli cæci 414
Sub pellibus hiemare 301
Subcoactæ vel coactæ, tho-
racis genus ad vitanda te-
la 318
Subsidiari, subsidium ferre
204
Sudes in bella paratæ 407
Suessiones Rhemorum fra-
tres, 50. Rhemis attribu-
ti, 200. Cæsari deduntur,
55. vide Heleuteri.
Suevi, 37, 47, 48. Germano-
rum bellicosissimi, 80.
Rhenum transire moluntur,
37. eorum delectus
adversus Romanos 89
Suevis ne dii quidem pares,
aiunt Germani 83
Suevis vestigales Ubii 81
Sulcitanorum mulcta à Cæ-
sare 449
Sulmonenses Cæsaris fauto-
res 233
Sulpitius legatus Cæsaris
261
Supplicatio Cæsari decreta
xv & xx dierum 65, 98
Supplicia apud Gallos 136,
137
Supplicum ritus ad victores
excurrentium 373
Supplicibus Cæsar libenter
ignoscit 394
Surus Æduus captus 219
Sylla alter, Lentulus 226
Sylla intercessionem tribu-
nitiam non sustulit 228
Syllæ (prænomine P.) ca-
strorum Cæsaris præfecti
industria 321
Syllæ Fausti largitio 444
Syriacæ res Cæsaris 391,
392
T.
Tabellæ tres judicii 338
Tabellarii Cæsaris à
Pharnace intercepti 376
Tabellarii capti, manibus
præcis dimissi 455
Tabernaculorum Pompeia-
norum luxuries 345
Tabulæ in Helvetiorum ca-
stris repertæ, litteris Græ-
cis confectæ 32
Tabulæ novæ, 294. earum
lex 305
Tales 187
Tarbelli populi 79
Tarcundarius Castor ecc e-
quites Pompeio suppeditat
256
Tarraconenses ad Cæsarem
transeunt 254, 280
Tarsus Ciliciæ urbs 392
Tarusates Rom. dediti 79
Tasgetius Carnobrensis à suis
civibus creditur 110
Tauroenta, Massiliensium
castellum 270
Taxi venenum 143
Taximagulus rex 108
Tectosages Volcæ 139
Tegea opid. 438
Tela ut vitent milites 318

T.

T Abellæ tres judicij	338
Tabellarii Cæsaris à	
Pharnace intercepti	376
Tabellarii capti, manibus	
præcisiss dimissi	455
Tabernaculorum Pompeia-	
norum luxuries	345
Tabulæ in Helvetiorum ca-	
stris repertæ, litteris Græ-	
cis confectæ	32
Tabulæ novæ, 294. earum	
lex	305
Talæ	187
Tarbelli populi	79
Tarcundarius Castor ecc e-	
quites Pompeio suppedit-	
tat	256
Tarraconenses ad Cæsarem	
transcunt	254, 280
Tarsus Ciliciæ urbs	392
Tarufates Rom. dediti	79
Tasgetius Cardnensis à suis	
civibus cæditur	110
Tauroenta, Massiliensium	
castellum	270
Taxi venenum	143
Taximagulus rex	108
Tectofages Volcæ	139
Tegea opid.	438
Tela ut vitent milites	318
Te	

INDEX RERUM

- Temeritas** Gallis innata 171
Temeritatis & festinantiae
 exitus 292
Tempestas naves Cæsaris
 affligens 93, 94, 103
Tempestatis incommodum
 in bonum verſum 451
Tempeſtatum vis 79, 96,
 249
Temporum ſpatia Galli non
 dierum, ſed noctium nu-
 mero definiunt 137
Tenchtherorum bellum 80,
 81
Tentoriola Cæſarianorum
 422
Tergeſtinorum oppreſſio
 210
Teſtamentum Ptolemæi re-
 gis 352, 373
Teſtamenta pavore condunt
 Cæſariani milites adver-
 ſus Germanos pugnaturi
 39
Teſtudo pedum LX 269
Tetrarchia Deiotaro adini-
 tur 397, 398
Teutomatus Nitiobrigum
 rex 165, 173
Teutoni & Cimbri, 36, 39,
 190. à finibus Belgarum
 arcentur 50
Thabena opidum 438
Thabenenſes Cæſaris auxi-
 lium invocant ibid.
Thameſis ſeu Tameſis fluv.
 104, 107
Thapſus op. 440. ejus custo-
 des Cæſar ignominioſe
 mittit 412
Thapſitanorum anguſtiæ,
 440. mulcta 449
Thauris vel Tauris inſula
 380
Thébas Kalenus recipit 323
Theologia Gallorum, 134,
 135, 136. Germanorum
 138
Theophanes Pompeian. 303
Thermus Iguvii prætor 230
Theſſali in copiis Pompeii
 296
Theſſaliæ & Ætolix legati
 ad Cæſarem 312
Theſſaliæ diviſio ibid.
Theſſalia in Cæſ. poteſta-
 tem venit 337
Theutomatus. vide Teuto-
 matus.
Thoraces ad vitandos telo-
 rum ictus. 318
Thurii 306
Thurinus ager. vide Turi-
 num.
Tiberius Nero Cæſarianus
 369
Tiberius Tullius 458
Ticida 422
Tigurinus pagus 23
Timor miſericordiam non
 recipit in ſummo pericu-
 lo, 163. mentem homini
 eripit, 365. timoris excu-
 ſatio ac prætextus, 38, 39.
 ejus vanitas, 291. vis, 148,
 290, 293, 300. ejus ſimu-
 landi artus 74, 123, 127,
 131
Timorem à Germanis, ini-
 litibus ſuis adimit Cæſar
 39, 40, 41
Tiſdrum ſeu Tiſdra op. 417,
 438, 443, 447
Tiſdritanorum mulcta 449
Titurii Sabini trepidatio
 112, 113, 114, & ſeq.
Titii duo Hiſpani adoleſcen-
 tes Cæſariani ab inimicis
 intercepti 412
T. Allieni vel Salieni igno-
 minioſa miſſio 425
T. Ampii ſacrilegium im-
 peditur 350
T. Balventii primipilaris
 mors 415
 T. Cæ-

F T V E R B O R U M.

T. Cæcili centurionis mors	248, 249	Tres aut quatuor milites	
T. Labienus Cæsaris legatus, 23, 61, 112, 143. vide Labienus.		Cæsariani duo millia Numidarum in fugam vertunt	435
T. Pulcio	329	Treviri, 37, 70. equitatu cæteris Gallis præstant,	
T. Pulfionis centurionis inimicitia cum L. Vareno, ejusdemque Pulfionis virtus	119, 120	60, 99. Germanos adversus Romanos sollicitant, ibid. 123. eorum copiarum, 121. ferocia, 110. clades	131
T. vel C. Rebellus proconsul	443	Triboces Germani, seu Tribocci	47
T. Salienus centurio	412	Tribuni militum & Centuriones Afraniani ad Cæsarem deficientes	262
T. Sextius	127, 175, 176, 196	Tribuni pleb. ad Cæsarem fugiunt, 127. octavo demum mense rationes exigebantur	226
T. Silius	68	Tribuni quidam militum à Cæsare ignominiose dimittuntur	426
T. Terrasidius	ibid.	Tribunitiarum intercessionis violatio	226, 227, 228
T. Thorius Italicensis, dux à legionibus quibusdam eligitur in odium Cassii	387	Tributum in capita singula servorum ac liberorum impositum	311
T. Vassius	384	Triginta equites Galli duo millia Maurorum equitum repellunt	400
Togata Gallia	210, 222	Trinobantes, Britanni	109
Tolerare equos & equitatum	220, 324	Triumphus Cæsaris ornamenta	412
Tolosa & Tolosates	75, 153	Triumphus Pompeianorum ante victoriam	337, 338
Torquatus Orici præfect. 300. ejus mors	448, 449	Tubæ soni non exauditi in alium in receptu canendo	174
Torques aurei duo honoris ergo præfecto Cassianæ turmæ à Cæsare dati	464	Tubero ab Actio Varo impulsu litoris Africani prohibetur	241
Tragula missæ epistolæ	112	Tulingi pop.	30, 32
Trajectus Britanniarum brevissimus	90	Tullius legatus	458
Transrhenani pop. legatos ad Cæsarem mittunt	65	Tullii Rufi Quæstorii mors	443
Trebonius legatus, 243. proconsul, 390. vi de tribunali deturbatus, 305. ejusdem mira in reficiendis operibus industria, 276. humanitas	304	Turinum opid. & Turini à Milone	
Trecentis, qui Varo ac Scipioni pecunias contulissent, uno nomine pecunia imperata Cæsar ignoscit	446		

INDEX RERUM

Milone sollicitantur	305, 306	Varus fluv.	267
Turios Cælius sollicitans inter-	ibid.	Vasa conclamare	257, 314
ficatur		Vastitatem circum se amant	
Turinæ præliares nimis		Suevi	81
densæ esse non debent	207	Vatinius Cæsarianus, 347. e-	
Turones pop.	65, 151, 188, 219	jus virtus & victoria ad-	
Turris altius tuto attollén-		versus Octavium	381, 382
dæ ratio	271, 273	Vatinianorum militum for-	
Turris lateritia	217	titudo	481
Turris Phari admirabilis		Ubii, 48, 81. auxilium con-	
	354	tra Suevos à Romanis pe-	
Turres bellicas Romani quo		tunt, 87. Suevis vestiga-	
volunt promovent	63	les, 81. Cæsari conciliati	
Turres cxx celerime à			88, 132
Cæsarianis excitatæ	117	Ucubis opid.	453, 462. in-
Tuticani cædes	331	cesum	465
Tympanorum in adytis		Vestigalia Hispalensibus	
spontaneus sonus	350	remitti Cæsar à pop. R.	
Tyrannos Cæsar in fidem		impetraverat	473
recipit	392	Vestigalium multiplicatio	
Tyrones ut hortandi	441		310, 311
Tyronum legio	308, 379.	Vestones seu Vettones pop.	
mollities & ignavia	308, 309		244
Tyrones Cæsariani capti in-		Vedeliacus Coti frater	166
ter legiones Scipionis		Velauni	188
dispartiti	422	Velaunodunum opidum de-	
V.		ditur	154
V Acca opid.	437	Velocassium potestas	51
Valerius adolescens	468	Velorum navibus inutilium	
Valerius Flaccus legatus		reddendorum ratio	72
Cæf. 249. ejus mors	312	Venationis exercitium &	
Vallus in masculino genere		laus, 141. ejus studiosi	
	327	Suevi	80
Vangiones Germani	47	Venetia urbs Galliæ mari-	
Varenii centurionis virtus		tima	70
	110	Veneti Galli, 68, 69. Ro-	
Varro legatus Pompeii	144	manis dediti	73
Varronis cohortes à Carmo-		Veneti	188
nenis ejiciuntur	279	Venetorum Senatus à Cæsa-	
Varronis erga Cæsarem ani-		re necatus	73
mus, 277. deditio	279	Veneti belli confectio	90
Varus in Africa, 431. Jubæ		Ventisfonte opid.	465
resistere non audet, 293.		Ventus Cæsari velut ad nu-	
ejus fuga	288, 289, 431	tum serviens	308
		Veragri Galli	65
		Verbigenus pagus	31
		Vercingetorix Celtilli fi-	
		lius,	

ET VERBORUM.

lins, 151. rex à suis ap- pellatur, ibid. eius confi- lia, 156. proditiōis ac- cusatur, 159. ejusdem res, 163, & seq. usque ad 196. Cæsari deditur ibid.	Vetustati op. Massiliensium Cæsar defert 281 Vexilli proponendi mos Cæs. 58 Vibullius Rufus Pompeian. 232, 236, 242, 244
Vereri navibus 103	Victori auctoritas adest 199
Vergasillaunus Arvernus Gallicarum copiarū dux, 189, 193. captus 195	Victorum in victos pote- stas 37
Vergilius Pompeianus Tha- psi præfectus 440	Victi ut à victoribus pacem supplices petant 373
Vergiliarum signum confe- ctum 422	Victoria non præsumenda solum, sed cogitandum etiam ut paretur 337
Vergobretus magistratus Æ- duorum 29	Victoriæ Cæsaris nuncii ter- tor hostibus 347, 348
Verocasses, seu Velocasses pop. 51	Victoriæ conditio expen- denda 331, 332
Verodoctius 20	Victoriæ simulacrum se convertens 350
Veromandui 48	Victoriæ spei stimulus 78
Versaonenses 51, 36, 59	Victoriam non qualem cun- que Cæsar volebat, sed incruentam ac mitem, 259, 260, 414
Vertico Nervius 120, 122	Victoriam certo sibi præsu- mit Pompeius 337, 340
Vertiscus Rhemorum præ- fect occiditur 204	Vicorum ac castellorum gravamina 311
Vesuntio Sequanorum opid. 38	Vienna opid. 153
Vestitus regius Deiotaro à Cæsare restitutus 393	Vinum ad se inferri nolunt Nervii 56
Vestitu insigni utebatur Cæ- sar in præliis 195	Vino Suevi non utuntur 81
Veteranus exercitus 443	Vinum & nardum identi- dem sibi infundens Sca- pula mori certus 469
Veteranarum legionum fi- ducia 414	Vires & magnitudo corpo- ris ut parentur 80
Veterani militis Cæsariani ad Labienum insultabun- dum verba 405	Virilitas Roman. negotiato- ribus in Ponto execta 394
Veterani militis mira adver- sus elephantum fortitudo 442	Virorum potestas adversus uxores & liberos olim in Gallia 137
Veterani milites Cæsariani in nave capti ad Scipio- nem deducti, & male mulctati 420, 421	Viridomarus seu Viriduma- rus Æduus 169, 177, 182
Veteranorum militum irri- tatorum gravis ultio, 443. prudencia & fortitudo a- nimi, 309. tolerantia 319	Viridovix Unellorū rex 73 Virtus totius incommodū vin.

INDEX RER. ET VERBOR.

vincens	379	Urfio opidum natura mun-	
Virtuti multa concedenda		tum	472
	324	Ufeta opid.	445
per Virtutem interfecti vi-		Ufepetes & Tencheri Ger-	
deri volunt Juba & Pe-		mani, 80. à Suevis expul-	
treius se ipsos conficien-		si, 81. Sigambris se jun-	
tes	448	gunt	87
Virtutem suorum militum		Usuræ gravissimæ	311
Cæsar honorat	443	Usurarum levatio	305
Virtute, non dolo certare so-		Ufus, rerum magister	272
liti Galli, 436. item Hel-		Utica opid.	241, 289, 444,
vetii	24		445, & seq.
Virtute Romani Gallos su-		Uticensis expeditio Curio-	
perabant	63	nis Cæsariani 281, 282, 283	
Vita pecunia redempta	385	Uticenses Cæsaris amici,	
Vitam fidei posthabent Cæ-		289. eorum erga Cato-	
sariani milites capti	421	nem animus	446
Vitium facere	459	Utrium in bellis usus	250
Vivos homines diis sacrifici-		Vulgi inscientia & levitas	
cabant Galli veteres	136	civitati exitiosa esse non	
Ulcilles Hirus Pompeianus		debet	172
	232	Vulnera corporis tegenda	
Ulla opidum	389, 451, 452		385
Ultio Romanor. militū	443	Vulneribus confecti milites	
Ultionis cupiditas	261, 262	prælium redintegrant	61
Undevicesimani, undevice-		Vultus Germanorum formi-	
simæ legionis milites	386	dabilis Gallis visus	38
Unelli pop.	65, 73, 188	Vultu Cæsaris imperatoris	
Vocabulorum armamento-		sui milites animantur	405
rum imperitiæ malum in		Uxellodunum opidum, ejus-	
gubernatoribus	253	que obsidium & expu-	
Vocates Aquitani	79	gnatio	213, & seq.
Vocio Noricorum rex	48	Uxores Ariovisti duæ	48
Vucontii pop.	22	Uxores multis communes	
Vogesus mons	83	apud Britannos	105
Volcatius Tullus Cæsaria-		Uzita opidum	419, 424, 425,
nus	322		427, & seq.
Volcæ seu Volgæ	153, 181,	Z.	
	243	Z Ama, regia Jubæ, illum	
Voraginosum solum	465	Z excludit	446, 447
Vota Gallorum	136	Zamenses Cæsarem accer-	
Urbs civitati præsidio	157	sunt, qui se à Juba rege	
Urbes à Cæsare occupatæ		seductur	ibid.
	230	Ziela opid. Ponti	
Urbes x x Biturigum uno			395
die incensæ	157	Zetta opidum	433
Uri feræ	441		





